



6
20-d
74



Bibliotheca
ori Coll. Rom.
ociet. Jesu

6-20-27-4-

20-e-22

20' L. 15. 12.
20
e
15

EVTHYMIA

S I V E

DE TRANQVILLITATE

A N I M I

Carmen Didascalicum

BENEDICTI ROGACCII

E SOCIETATE IESV.



ROMÆ, MDCXC. +

Typis, & expensis Io. Iacobi Komarek
Bohemi, propè S. Angelum Custod.

SVPERIORVM PERMISSV.

THYRSVS GONZALEZ

Præpositus Generalis Societ. Iesu.

CVM Carmen Didascalicum, *Euthymia*, *sive de Tranquillitate animi* à Patre Benedicto Rogaccio nostræ Societatis Sacerdote conscriptum, aliquot eiusdem Societatis Theologi recognouerint, & in lucem edi posse probauerint; facultatem facimus, vt Typis mandetur, si ijs, ad quos spectat, ita videbitur. In quorum fidem has literas manu nostra subscriptas, & sigillo nostro munitas dedimus. Romæ 22. Aprilis 1690.

Thyrusus Gonzalez.



Volumen, cui titulus, *ΕΡΘΥΜΙΑ, sive de Tranquilli-
tate animi*, in sex, quibus conflatur, hexametrorum
libris continet laudabilem vtilis, dulcisque mixturam;
vnde possit, quisquis oculos adiiciat, se se componere ad
otiosam apathiam, non Stoicam, sed Christianam. Ete-
nim expletur hîc illud iambici Græcorum senarij:

Ψυχῆς νοσήσας ἄσθεν ἰατρὸς εἶναι,

quod videlicet rei poeticæ operantes, debent, instar ex-
perientis Medici, sub asciticijs versuum dulcoribus profi-
ciam animæ ægrotanti pharmaciam exhibere. Eam uti-
que exhibuisse videtur huiusce poematis concinnator,
cum ad amoliendam è salubri, quam propinat, portione
amariciem, vsus industrio (vt cecinit ille alter) Camænzæ
lenocinio, *Prius oras pocula cirehm*

Illinijt mellis dulci. flavoque liquore. Quare cum operi
huic nihil inesse repererim, quod regulis Indicis refra-
getur, publici iuris faciendum puto, tum vt Pieridum
mundicieî consulatur, tum ob id etiam, vt apud versatos
in amœna eiusmodi literarum Sparta,

Omne ferat punctum qui miscuit utile dulci.

Dat. è Cœnobio S. Mariæ super Mineruam prid. Kal.
Iunij, annq Christiani Orbis MDCXC.

*Fr. Angelus Iulianus Theol. Dominicanus,
ac Fidei olim Quasitor Genue.*

Imprimatur

Si videbitur Reuerendiss. P. Magistro Sac. Pal. Apost.

*Stephanus Ioseph Menattus Viccsg.
Episc. Cyrenen.*

Imprimatur

**Fr. Thomas Maria Ferrari Sacri Palatij
Apostolici Magister, Ordinis Prædic,**

PRÆ.

P R Æ F A T I O

AD LECTOREM

I Vtissima fuit Senecæ Rhetoris de
intemperanti nonnullorum iudicio
querela, qui *nusquam* reperiri *subtili-*
tatem putarent; nisi, ubi nihil, præter *subti-*
litatem, esset. [1.] Non minori ego iure
similem aliorum intemperantiam dam-
nauerim; qui nullum sat iucundum
existimant carmen, nisi, in quo mera
incunditas sit: omnemque adeo illius
interire arbitrantur venustatem, & gra-
tiam; nisi ad innatas poetici tum nume-
ri, tum styli delicias fabularum etiam
festiuitas, & amœnioris materiæ leno-
cinium accesserit: quid aliud tam insa-
tiabili luxu, quàm condimentis condi-
menta quærentes, & vel ipsa quodam-
modo (vt de purpurarum infectoribus
loquitur Plinius) [2] *Adulterantes adul-*
teria Natura? Atquæ, si voluptarij isti

a 3

hu-

1) *Controu. lib. 1.*

(2) *Lib. 9. Hist. Nat. cap. 40.*

humanioris literaturæ Epicuri , non Aristotelem dicam, & Flaccum, geminam illam biuerticis Parnassi cortinam, sed vel Apicium , & Philoxenum aliquem, ad suam magis factos saluam, doctores, consulerent; ne ipsorum quoque argumentis & placitis suam redargui sententiam audirent : facile intellecturi, blandissimam poetici styli suauitatem , ceu dulcissimum mellis saporem, nulli conuenientiùs, quàm austeriori materiæ admisceri.

Et verò utinam Poetarum id omnes, pro eo , ac rei dignitas postulat, in animum vellent inducere , omissoque steriliùs amœnitatum aucupio , frugifera duntaxat & seria carminibus suis argumenta adoptarent : quantò illi præclariùs tum publicæ utilitati , tum suæ dignitati consulerent ?

Communis certè fructus nec in dubium vocari, nec verbis fat exprimi potest. Nam, cum nihil hominum generi ex hæreditariâ primi parentis noxâ luctuosum acciderit magis, quàm inde excitatum Rationis à Sensibus, veræque utilitatis à voluptate diffidium; an non inæstimabili Poësis beneficio sibi vitam obstringeret; si, Philosophiæ salubritatem

tatem suâ iucunditate respergens, duo hæc tam eximia felicitatis humanæ elementa in antiquam reuocaret concordiam: & illud animorum Bono conficeret temperationis pulcherrimæ genus, quod ad corporum opportunitates Natura, teste Plinio, [1] confecit: *Dum in floribus pinxit remedia, & delicijs auxilia permiscuit?*

Sed nec ipsi certus, atque locuples minùs indidem responderet gloriæ proventus: nemine dubitaturò nobilissimum, & principem ei locum facultati assignare, quæ cæteris omnibus tum, efficacius, tum leniùs ad felicitatem homines duceret: id nimirum efficiens, ut, quæ honesta sunt, ijs etiam videantur suauia: quo vno suam omnem in pueris educandis contineri solertiam, magnificè, sapienterque antiquus ille Laco [2] affirmavit: immo quod potissimum est, vel Diuinæ ipsius Gratiæ, in nostrâ sibi voluntate conciliandâ, perfectamque ad virtutem prouehendâ, artificium. Libeat Horatium [3] audire.

a 4

Fuit

(1) Lib. 22. Hist. Nat. cap. 6.

(2) Plut. in lib. Virr. posse doceri.

(3) En Art. Poet.

*Fuit hae sapientia quondam ,
Publica privatis secernere, sacra profanis,
Cōcubitu prohibere vago, dare iura maritis,
Oppida moliri , leges incidere ligno .
Sic honor, & nomen diuinis vatibus, atque
Carminibus venit .*

Verissimè dictum. Sic venit quondam:
& sic veniet deinceps , quandiu sapien-
tiæ non absimilis fruge Musarum deli-
cias fermentari contigerit .

Quid, quòd ponderosa succique ple-
na istius modi carmina, præter laudem,
quam Authoribus pariunt , vberiori
etiam voluptate Lectores perfunderent?
Quemadmodum enim nulla siue deam-
bulatio , [1] quàm quæ in proximi
maris conspectu; siue nauigatio, quàm
quæ secundùm litus peragitur , iucun-
diùs oblectat ; eò quòd permista & in
vnum conspirans elementi vtriusque
varietas earum amœnitatem congemi-
net ; sic neque Philosophia , quàm vbi
poeticis illigetur modulis ; neque Poe-
sis, quàm vbi Philosophica moduletur
oracula, iucunditatis plus habet: inten-
dente se nimirum , dum inuicem tem-
peratur, & coniunctim ad animum per-
uenit,

(1) *Plut. Symp. lib. 1. qu. 4.*

uenit , natiuâ vtriusque facultatis dulcedine .

Quæ cum ego persuasissima haberem, cumque in illustrium Poetarum lectandis carminibus, si quis fortè de moribus locus splendide , actuosèque tractatus occurreret , non secus ac Phalæreus ille Apollodorus [1] inter Socraticos audiendos sermones, extolli mihi animum , dulcique quodam quasi stupore , & generosâ voluptate compleri experirer ; pro certo constitui , non posse me Musis cum ampliori tum earum dignitate , tum Lectorum approbatione operari, quàm aliquo id genus argumento ad canendum suscepto .

Neque longa illius in delectu ambigentem consultatio detinuit . Statim, quippe Democriti EVTHYMIA, siue, vt Seneca [2] interpretatur, Tranquillitas animi, solido intra semetipsum gaudio , & securâ quiete compositi, ante oculos fulsit, eximiæque suæ pulchritudinis imperiosissimâ vi stylum ad se totum , atque mentem conuertit .
Quid enim illâ humanis in rebus nobilius,

(1) *Plato in Conu.*

(2) *Laert. in Vita Dem. Secrec. cap. 2. de Tranq.*

bilius, quæ perfectâ ex sapientiâ, ac virtute, quidam veluti earum splendor, erumpit? Quid cordi suauius, perpetuis cuius votis, & studiis, tanquam optatissimus finis, proponitur? Quid denique seu descriptionum illustrium, seu grandium sententiarum, seu affectuum quâ vehementium, quâ lenium, totiusque adeo poetici cultus capacius: cum omnem penè vniuersam, quæ de moribus, vitiisque, ac virtutibus agit, Philosophorum doctrinam suo, quàm latissimè patens, includat amplexu?

Illius igitur comprehendendæ rationem aggressus describere, duobus animaduerti totam cardinibus niti: altero, vt Mala, quæ animus discrucietur, prohibeat; altero, vt Bonis, quibus idem acquiescit, circumfluat: meamque proinde in eo curam omnem versari oportere, vt, quo facillimè pacto tum illa propulsari; tum hæc obtineri possint, ostenderem.

Iam verò vterius progredienti omnium, quæcunque seu Bona dicerentur, seu Mala, duo se se obtulerunt suprema, eademque opposita sibi inuicem genera. Primum fortuita, & variabilia complexum, cuiusmodi paupertas, diuitiæ,

nitæ, morbi, valetudo, & reliqua cau-
sis ab externis pendentia : quæ declina-
re , vel assequi non penitus homini li-
berum; contrariam verò in partem tra-
ducere, ita ut e Malis Bona, aut Mala e
Bonis reddantur , cuilibet pro diuersâ
vtendi ratione liberrimum sit : Secun-
dum ex arbitrarijs , & immutabilibus
constans, cuiusmodi virtutes, ac vitia :
quod genus seu Bona adipisci, seu Mala
euitare , quodocunque voluntas sic
iulerit, possumus : congenitâ verò bo-
nitate, & malitiâ, dum in animo adsunt,
exuere, vel si maximè conemur, haud
possumus .

His adeo obseruatis, ad duo genera-
lia præcepta vniuersum Tranquillitatis
quæsitæ artificium renocari intellexi :
alterum quidem , vt Primis illis suapte
ambiguis naturâ , & in vtramvis flexi-
libus partem seu Bonis, seu Malis con-
uenientissimâ ratione vteremur : alte-
rum autem, vt, quæ ad Secundum per-
tinent genus, suæ naturæ tenacia , nec
vnquam in diuersum itura, ea siue Ma-
la repellere, siue Bona comparare nos-
semus. Sic etenim & Bonorum copiam
præ manibus fore , quorum mens fru-
ctu expleretur , atque expleta demum
a 6 quie-

quiesceret; & Mala, quæ huiusmodi quietem interpellarent, longè abfutura: exclusis videlicet ijs, quæ nocendi vim in ipsis suæ naturæ principijs defixam, penitissimèque insitam habent; alijs verò sapientem per vsum correctis, vt vel Mala esse desinant; vel in Bonorum etiam ordinem transeant. Quod vtrumque præstare nemini, iuxta dicta, in promptu non esset.

Et lex quidem posterior, immutabilem tum Malorum omnimodam fugam, tum Bonorum inquisitionem, præscribens, non solùm quàm necessario ediceretur; sed quid etiam seruandum proponeret, satis luculenter patebat. Prior verò, fortuitis & indifferentibus rectè vti præcipiens, tametsi de æquitate suâ nullum; aliquem tamen de praxi videbatur dubitandi locum relinquere: non omnibus facilè animaduersuris, in quo demum prudens ille, tantique ad propositum finem momenti, Fortuitorum vsus consisteret.

Quod igitur vnum ad artificij totius Summam dilucidè, breuiterque explicandam supererat, sedulò apud animum versans, sic tandem constitui, fortuitis quàm Bonis, quàm Malis ita nos
sci-

scitissimè vsuros, si vtraque in contem-
nendis ac minimis, immo si nec verè
Mala, nec vltra merum nomen Bona
duxerimus: ab illorum propterea tum
amore, tum metu quàm maximè im-
munes & vacui.

Nec temere id quidem, vt cuivis
rem ritè æstimanti patebit. Nam, ad
Bona quòd pertinet, cum ea, suo in-
genio caduca, precaria, incertisque
casuum obnoxia, nec acquiri, nec ac-
quisita seruari pro arbitratu hominum
possint; quorum animos Sui admiratio-
ne, atque amore occupauerint, perpe-
tuis illos curarum aculeis effodiant, &
iam desiderio, iam timore sollicitent,
neceffe est. Vnde manifestò colligitur,
nec Bonorum appellationem mereri,
cum amari nequeant, quin obsint; nec
ad animi quietem conducere, cum iis
oblectari animus, præter quietis detri-
mentum, minimè possit: vnumque adeo
reliqui esse, vt despiciatui ab Euthymie
studio habeanur, tunc iis optimè
vsuro, cum ea minimè amauerit. Sed
& Malorum par ratio. Cum enim ne-
que ipsa nostræ voluntatis imperio su-
bijcere, & omnino, ac quoties libue-
rit, prohibere à nobis possimus; nisi
saltē

saltem aspernari nouerimus; assidue
certè vel in metu, ne ingruant; vel in
mærore, quòd vrgeant, versabimur.
Ut nullum proinde opportuniorẽ
eorum vsum, ac magnanimum & sa-
pientem neglectum, suis possit amato-
ribus Euthymia præscribere.

En igitur totam argumenti propositi
seriem, à communibus longè princi-
pijs, extremisque notionibus ad ea, quæ
ipsum propriè, intimèque constituunt,
ordinato & continenti progressu de-
ductam. En quæsitæ artificij breuissi-
mam Summam, atque partes præci-
puas: nimirum fortuita, externæque
originis seu Bona, seu Mala ita prorsus
despicere; vt neque horum nos terror,
nec illorum desiderium commoueat:
interiora e contrario, quæque ipsa sibi
parit voluntas, adeo impensè æstimare;
nihil vt primis ardentius quærat, nihil
alteris cautiùs vitetur.

Quæ, planissima, & nemini dubia,
quisquis probè perspexerit, facilè agno-
scet, synceram, integramque animi
Tranquillitatem nihil aliud demum
esse, quàm nobilissimum quemdam de
Fortunâ, deq; Stultitiâ Rationis trium-
phum. De Fortunâ quidem, dum illius
& do-

& dona calcantur, & tela infringuntur:
de Stultitiâ verò, dum & grauiſſimis
ipſius Malis aditus obſtruitur, & con-
trarijs ipſi Bonis mens communitur.

Hic itaque tam inſignis triumphus
noſtro in opere ſex libris deſcribitur:
ita diſtributis officijs, & partibus, vt
primi quatuor Fortunæ ſubigendæ;
qui ſuperſunt duo Stultitiæ proſligan-
dæ rationem exhibeant. Opportuna
illi quidem ad victoriam de Fortunâ
referendam arma ſuppeditant: dum,
Primus fucata & inſidioſa ipſius Bona
docet contemnere; reliqui verò, ne
ipſius Malis lædamur, proſpiciunt: Ma-
lis, inquam, ſeu procul terrentibus,
quorum vim, & aculeos Secundus liber
retundit; ſiue cominus ferientibus,
quibus tum vniuerſis Tertius certa
quædam in commune profutura reme-
dia, tum ſingulis Quartus propria no-
minatim opponit auxilia. Nec ſegnius
poſtremi duo ad debellandam excin-
dendamque Stultitiam nos inſtruunt:
dum Quintus, quæ ipſius Mala, & quo
pacto arceantur, demonſtrat; Sextus
verò contraria eidem perſequitur Bo-
na, in eorum ſupremo, quodque totijs
Bonis, & perfectæ Quietis Summam vel

vnũ

vnum complectitur , Deo videlicet Optimo Maximo , desinens .

Et hætenus quidem magnificè loqui de Operis materiâ , atque titulo citra inuidiam fas fuit, vt de re minimè nostrâ , & quam non fecimus ipsi , sed duntaxat elegimus . Ad formam quòd attinet , nostri nempe partum laboris ; id vnum verecundè pro meo ingenio candidèque profitendum existimo : nihil me studio , nihil diligentiae pepercisse, atque tempori, vt, præter rerum, quæ tractarentur , delectum ; tractandi quoque modus & ratio , quoad per meas vires , docendique occupationes licebat , erudito Lectori non infauis accideret : hæc in primis curantem , vt vel minimæ quælibet operis partes apertissimo, maximèque naturali, & dilucido aliæ alias ordine exciperent , interque se necerentur : vt tam sensus, quàm eorum expositio cum Decorì legibus , & naturæ simplicis genio ad amissim congruerent, perspicuumque , nec difficilem intellectum haberent : vt stylus postremò à Veterum harmoniâ , varietate , elegantia , cæteroque carminis cultu ne nimium abesset.

Quo in conatu , perquam sanè opere
roso

roso plus licet laboris exhauserim, ,
quàm harum inexperti rerum vel ani-
mo & cogitatione assequi valeant; non
tamen meæ huic, quantacunque illa
fuerit, sedulitati tantùm audeo tribue-
re, nusquam vt à scopo aberrasse, Lecto-
rum nusquam veniã me indigere con-
fidam : cum insignis adeo felicitas,
nedum angustos mediocritatis meæ
fines ; sed vel ipsam humani conditio-
nem ingenij videatur transcendere :
longiori præsertim in opere : vbi (ceu
Homerum nonnunquam dormitantem
[1] Horatius excusat) *Fas est obrepere
somnia*. Quin ipsemet, præter alia, quæ
imprudenti vitiosa, & minùs absoluta
excidere, pluribus mihi in locis displi-
ceo : quæ tamen in melius recudere,
siue per ingenij tenuitatem ; siue (vt
mihi interdum subblandior) per contu-
maciam & difficultatem materiæ non
licuit. Neque verò eiusdem retentan-
di, quoad melior responderet successus,
conaminis, & emendationis vlteriùs
protrahendæ mens deerat. Sedenim
tum accisæ corporis vires improbum,
ne dicam infinitum, deprecabantur la-
borem; tum Apellis deterrebar iudicio,
qui

(1) *In Art. Poet.*

qui Protogenem in cæteris sibi omnibus vel æquans, vel etiam anteferens, hoc *Vno se præstare* affirmavit, quòd *manum ille de tabulâ nesciret tollere: memorabili* (vt subdit [1] Plinius) *præcepto, nocere sæpe nimiam diligentiam*: dum simplicitatis videlicet gratiam curæ anxietate corrumpit. Præterquamquod cum Philosophi, quam argumentum mihi imposuit, personâ non admodum videbatur congruere, si adeo sollicitus, & insatiabilis forem circa vocularum delectum, numerorum iuncturas, idque genus scitamenta, & minutas concinnitates, quibus styli vsquequaque terfi & exacti cultus absoluitur: eam fortasse apud æquos censores, dum nullum emendandi finem facio, pusillæ humilisque subiturus reprehensionem solertia, qua Isocratem à Plutarcho [2] suggillatum reperio, quòd nimirum antitheta, isocola, similiterque desinentia conglutinans, & tantum non dolabris verborum circuitiones complanans ac læuigans, tres penè Olympiadas in Panegyricâ pertexendâ oratione insumpsisset, quanto Pericles tem-

(1) *Lib. 35. Hist. Nat. cap. 10.*

(2) *De Athen. præst.*

tempore Propylæa atque Hecatompedum struxerat. His igitur alijsque de causis persuaderi mihi tandem sum passus, ne limam hîc diutiùs contererem, præsertim cum aliqua (vrinam non Suffeniana) spes affulgeret, quæ vltiorem operis polituram exigerent, menda, non vsque eò vel crebra superesse, vel turpia, vt nullam à publicâ humanitate exorare possent veniam. Scriptori, qui, facilibus alijs, & benignioris ad ingenium excitandum materiæ argumentis posthabitis, in minùs aperto, nec perinde tractabili suam operam atque industriam vexauerit, Lectorum vt animis non otiosæ voluptatis fructum produceret.

Et hæc sanè de ijs dicta sint erratis ac mendis, quæ vel suam inficiari prauitatem non audent; vel difficilem certè, & parùm idoneam defensionem recipiunt. Nam cæteroqui, cum virtus quæcunque, ceu viuendi, sic etiam scribendi, vitiorum in medio versetur: cumque id Medium, vtpote per incertam latitudinem pertinens, non modò tenere difficile sit; [1] verùm etiam cognoscere; permulta passim in Authorum

(1) Vide Arist. Ethic. lib. 2. cap. 9.

rum monumentis se offerunt, quæ, quamvis priuato huius, vel alterius Lectoris circa Medium iudicio aduersentur; nullâ tamen receptâ communique artis lege ad vitij fines pertinere euincantur: quæque adeo statim crimini dare minùs considerati, sibi que plùs nimio tribuentis, ne dicam temerarij, & inhumani iudicis sit: quasi verò rationis auspiciu atque tramitem deserat, ab illius qui sententiâ recesserit: nec, quod vni improbatur, possit alijs compluribus, & fortasse etiam iustius, non modò extra culpam, sed vel in laude ponendum videri. Sic (vt aliquo rem exemplo declarem) eadem amplificatio alteri, quia latè fusa, odiosam inanemque Battologiam sapiet; alteri vel eâ ipsâ de causâ cum ad explicandam rem luculentior, tum ad animis imprimendam validior censebitur. Idem versus hunc offendet, ceu pedester atque humilis; illum, ceu simplex, & facilis, naturali candore oblectabit: quodque alij pro ambizioso luxu veriùs, quàm ornatu fastidiunt, non deerunt qui splendidum, atq; elegans, & magnificum prædicent. Vnde illud Venusini Poetæ, [1]

Quid

(2) *Lib. 2. Epist. 2.*

*Quid dem? Quid non dem? Renuis tu,
quod iubet alter:*

*Quod petis, id sanè est inuisum acidumque
duobus.*

Hæc igitur cum ita se habeant; id mihi
tum in communem omnium rem ap-
primè opportunum; tum æquitati ma-
ximè consentaneum videtur; vt nihil,
nostro quamvis à gustu alienum, huius,
vel illius vitij palàm damnemus; nisi
iusta certique ponderis ad manum sit
ratio, qui tristem affirmare sententiam
possimus: sed ita sui quisque inductio-
nem animi, & quam sibi normam scri-
bendi proposuit, sequatur; vt ne vni-
cam & communem esse omnium legem
literariâ in Republicâ velit: duo sibi in
huiusmodi incertis tanquam certa per-
suadens: alterum, nequaquam factu
impossibile esse, vt in germanâ ipse,
Optimi notione informandâ à Vero
aberrauerit: alterum, vt vt rectam artis
institerit viam; non tamen, quidquid à
recto diuersum sit tramite, prauum,
etiam continuò censerì oportere: cum
(quemadmodum consultissimus dicen-
di magister Tullius [1] obseruatum
reliquit) multa in quonis naturæ genere
dissi-

(1) *Lib. 3. de Orat. cap. 3.*

diffimilia inter se sint , quæ consimili
tamen laude dignentur , multique ; di-
uersam à præstantissimis artificibus eâ-
dem in arte rationem sequuti , parem
ijs commendationem & famam hac
ipsâ diuersitate retulerint . Quæ iudi-
candi moderatio quamvis ab omnibus,
ergaque omnes tenenda communiter
sit; proprio & peculiari tamen iure tum
ab illis exigitur, quos in literario etiam-
num tyrocinio studiorum immaturitas
cohibet ; tum erga illos, qui in artibus
non exercendis duntaxat, verùm etiam
tradendis legitima emeruerunt stipen-
dia : quique nec ingenio nimiùm con-
fisi, nec de extemporalis facundiæ glo-
riâ solliciti, sed vnam potiùs in operis
absolutionem intenti, diutinâ incude,
ac pluries repetito limæ morsu sua scri-
pta consueuerunt torquere : adeo ut
non temere, quidquid primum se obj-
ceret, arripuisse, sed maturo, certoque
consilij circumspectu hanc, vel illam
dicendi formam delegisse iure possint
videri .

Hæc habui, Lector beneuole, quæ
in primo mei operis quasi vestibulo de
illius tum materiâ, tum formâ tecum
communicanda arbitrarer : operis, in-
quam,

quam, mei : licet dissimulare ingenuus
me pudor non sinat , aliquid ex illius
supellectile Authoribus alijs , vt Sene-
cæ , Virginio Cæsarino , Eusebio Nie-
rembergio , ac Sfortiæ Pallauicino de-
beri : à quibus cum nonnulla in rem
meam se se vltro offerentia mutuatus
sim; ne iniquus fur potius, quàm debi-
tor gratus existimer; signatis publicè
tabulis hoc illis iam nomen profiteor .
Cæterum , si in ijs , quæ afferro , exem-
plis , præsertim vbi personis sermo tri-
buitur, aut res per adiuncta illustratur,
ab religiosâ & seuerâ narrationis histo-
ricæ fide nonnunquam deflexi ; dabis
hanc , opinor , non grauatè Scriptori
carminum veniam , liquidiorẽ Veri-
notitiam , quandocunque res , aut ani-
mus tulerit , ex Authoribus petiturus ,
quorum ibidem nomina, & loca cum
fide redduntur . Reliquum est, vt, qui-
bus verbis Bilbilitanus Poeta ab inani-
bus Græcarum fabularum portentis ad
sua perlegenda epigrammata, commu-
nis vbi vitæ , humanorumque morum
imago adumbretur, Romanos conatur
traducere ; iisdem te ego ad Euthymix
nostræ [1] lectionem inuitem, cumque
illo,

(1) *Lib. 10. ep. 4.*

illo ; & quàm ille adhuc iustiùs , proclamem ,

Hoc lege , quod possis dicere iure , meū est.
Atque vtinam , quæ hisce continetur libellis , Tranquillitas animi non iure , solummodo , sed vsu etiam fructuque tua sit . Quod ego præstantissimum munus cumulatè vt tibi & ad plenum contingat , ex animo voueo : summum *Patrem luminum* orans , à quo omne datum optimum , & omne donum perfectum descendit , vt meis , irritis cæteroqui absque interiori magisterio futuris , conatibus propitius aspiret , teque adeo , & genus mortale vniuersum certissimo tramite (nec vllus profectò , vt extrema pars operis luculenter ostendit , ipsius contemplatione , & amore vsquam certior occurrit) exoptatam ad itinerum metam , perfectissimæque Tranquillitatis complexum deducat , Vale .

EVTHYMIÆ

SIVE

DE TRANQVILLITATE ANIMI.

Liber Primus.

VNde quies animo: quid inertibus anxia curis
Corda leuet: quo se clypeo septēplici cōtra
Externasque vices, & bella domestica Virtus
Protegat, Ausonijs primus vulgare camœnis
Aggredior. Pulchræ vos, ò cupidissima pacis
Pectora, nimbisoni quam per vada cærulea ponti,
Aerisq; alpes, per dura, per inuia longis
Vsq; alacres votis, & anhelis inquiritis æstu,
Irrita si toties conamina, prædaque dulcis
Hactenus elusit vacuos, finire laborem
Si iuvat, optatoque semel considere portu;
Huc agite, & nostris aduertite cantibus aures.
Namque ego quæsitæ facili vos tramite ducam
EVTHYMIÆ ad sedes, illoque in vertice sistam,
Quò neque turbinibus cursus, neque rauca sonantes
Nimborum furæ, & fremebunda tonitrua surgunt:
Sed tenet æterni facies placidissima Veris,
Et nunquam immitis, nunquam sibi degener annus.
Delectos proceres, per puppibus inuia quondam
Æquora, Phryxei rapiendum ad velleris aurum,
Vexerit audaci Tiphys temerarius alno.
Tiphys ego melior, vatū intentata priorum
Carminibus, Sophiæ ingrediar Verique Profunda,
Grande viæ pretium laturus, amabilis oti

A.

Munc-

Munera, Phasiaco longè potiora metallo,
Nullaque non spolia, & regum superantia gazas.

2. Tu mihi, diuino profusum è lumine lumen,
Solis inoccidui radius, signataque nostris
Pectoribus magni penitus Genitoris imago,
Audenti sis fida tuum cynosura per æquor,
Sis Helice, **RATIO** : haud qualis, contagia primi
Post sceleris, diro maciem inspirante veneno,
Tabueras, lapsi vix agnoscenda Decoris :
Sed qualem, iubare æterno immutabilis **Æqui**
Incoctam potiùs, cælestique indole plenam
Mentibus æthereus Pater indidit, & modò qualem
Ætherei soboles cælo delapsa Parentis
Antiquam in speciem, ingenuumq; refinxit honorem.

3. Tuque adeo, vnde omnis ratio, mensuraq; **Recti**,
Vnde suus causis vigor, & sua semina rebus,
Formæque, & numeri, & naturæ mutuus ordo,
(Nil sine te magnum mens concipit) en age, primos
Edita **Luciferi** ante ortus, & mobile tempus,
Huc ades, immensi vox **Numinis**, ipsaque verum,
Nec tanto genitore minus, **SAPIENTIA**, Numen.
Tu certos aperi calles, nutantia vatis
Dirige tu trepidi vestigia, quæque sacer fons,
EVTHYMIÆ arcanus fons rumpitur, irriguique
Nectaris vndanri pascit dulcedine ripas,
Siste auidum . Liceat ieiunam mergere pleno
Amne sitim, & vitæ præcepta haurire beatæ .

4. Tum tibi, **Pierij** monumentum insigne laboris,
Rite memor, solido æternam de marmore molem
Constituam, festosque dies, & dona sacro
Annua, **Mænonius** flauenti gurgite **Tybris**
Septem Orbis dominas quæ præterlabitur arces.
Ipsa tholi mediâ subter testudine, miræ
Artis opus, **Libyco** perfecta nitens elephanto,
Templum augustum, ingens, latè regina, tenebis .
Sub pedibus geminas pestes, immania monstra,
Stultitiam hinc domitam vinclis, inimicaque frustra

Frana

Frana recusantem, mordentemque ore cruento
 Cernere erit; valido ast illinc certamine victam
 Fortunam, fractoque rotæ reuolubilis orbe
 Euersam, & dominæ suæ subdere colla coactam.
 Centum aræ circum: totidem laquearibus aureis
 Pendebunt, velut astra suo famulantia Soli,
 Aeternum vigiles lychni. Quid thuris acenuos,
 Quid Cilicum menses referam, totamque crepantem
 Igne super sacro Arabiam, & pretiosa vomentem
 Nubila? Votiuus iam nunc altaria donis
 Instaurare iuuat: pacali euinctus oliuæ
 Tempora iam ferto, vittæque albente decorus,
 Solennes videor Superis inducere pompas,
 Lectarumque greges pecudum mactare sacerdos.
 Non tamen vt Calabris ideo de saltibus agnas
 Cura sit, aut niueos Clitumno arcerere tauros.
 Quæ te plus deceat, quæ gratior hostia Diuis,
 Sacrificam tingent vitiorum armenta securim,
 Pectoris arcane Eumenides, malefana Libido,
 Infatigatus amor lucri, furialibus Iræ
 Præcipites stimulis, vano turgescere flatu
 Degener Ambitio, Superisque irata secundis
 Inuidia, & vigiles Curæ, attonitique Timores.
 Tum Luxûs phaleras, fractosque Cupidinis arcus,
 Votorumque leues alas, cristasque tumentes
 Aerij Fastus, &, quas superaddere fictas
 Rebus amat species popularis Opinio, quæque
 Cætera sunt vitiorum, & vanæ insignia mentis,
 Marmoreis suspenfa altè, cumulataque figens
 Postibus, æternum inscribam tibi, Dina, trophæum.
 Interea facilis tua necum Arcana reclude
 In populos, dubijsque volens allabere Cœptis.
 Continû quisquis felicem strenuus optat:
 Lætitie faber ipse suæ, sibi fingere vitam,
 Nil mihi mirari sapiens, nil credere magnum
 Instituat mentem, puncto quod mobilis horæ
 Aduenit ignaris, rapitur nolentibus: ipse

Quod sibi non dederit : de quo non possit inique
 Liber, & intrepidus Fortunæ dicere, Nostrum est.

6. Et verò hæc nisi certa animum sententia firmet:

Si quis, opinatu vulgi, rerumque decorâ
 Illustus specie, titulos, diademata, fasces,
 Et Capitolino fixas in vertice palmas
 Grande aliquid celsumque vocet: si splendida gemmis
 Potula, regifricos currus, latèque superbas
 Vndantim pompas comitum, se seque prementim
 Attonito, diuina velut miracula, figat,
 Inmemor ipse Sui, vultu: spectabile formæ
 Si decus, eximias vires, prædiuitis amplam
 Eloquij venam, & fœcundum Pallade pectus
 Cælo æquet, stupeatque, & anhelis plausibus inflet;
 Conclamata quies: ne lætos iam sibi soles,
 Otia ne speret mansura. Procacibus Euris,
 Instabili pelago se credidit. Heu! Quibus ille
 Fortunæ imperijs, quanto iactabitur æstu,
 Mentis inops, humilis, trepidus, variabilis auræ
 Ludibrium, totus nimborum, hyemisque, fretique.
 Nam neque, iudicij prauus, quæ summa Bonorum
 Autumat, instanti poterit non quærere nisu;
 Nec faciles adeo Superos, sortemque paratam
 Inueniet; nihil vt vacui sub corde relictum
 Mens doleat. Multos ingrato lumine passim
 Seu fortunarum aspiciet sibi diuite censu;
 Nomine seu claro; seu corporis, ingenijque
 Dotibus eximijs præcellere. Multa necesse est
 Latius optanti defint Bona; multa repente
 (Ceu varius fortis tenor, & mutabile semper
 Ingenium) migrent aliò, dominumque relinquunt.
 Hinc iræ, lacrymæque, hinc pectora saucia duris
 Inuidiæ stimulis: timidæ spes, gaudia mæsta,
 Turbida, sollicita, infidos trepidantia casus,
 Nunquam & plena satis, nunquam non anxia vota.

7. Progenies magni, maior genitore, Philippi,
 Testis Alexander, fortunatissimus vnus

Qui

Qui fuit, & quo non alium Mauortia virtus
 Celsius imperio; ac præstantibus extulit Ausis.
 Ille tamen Mundum fortunâ, hanc nomine mensus,
 Occidui terror, Solis dominator Eoi,
 (Credetis? Famæ iuranti credite sæcla.)
 Terrarum exiguo querit ut se limite claudi, (a)
 Multa gemens, sortemq; hominû, inuidiamq; Deorum
 Increpitans, Mundo imperium quod terminet vno.
 18. Tene ego, magnorum regnator maxime regum,
 Tristia sollicito laxantem pectora questu
 Audio? Mortales at si Dea cæca beatos
 Fingeret, externi si gaudia muneris essent;
 Quê minùs hi gemitus, minùs hæc lamenta decebant?
 Quid tibi cum lacrymis? Rerumne angustia videtur
 Summâ, tot immani terras ditione tenere,
 Tot populis dare iura? Oculos dimitte per omnem
 Auroram: totum hoc Orbis tua fræna momordit,
 Te dominum veneratur, & instar Numinis horret,
 Per tua centeni longis erroribus arua
 Lassantur famosi amnes, circumfluvius auro.
 Pactolus, Tigrisque rapax, geminâque superbus
 Hinc Asiam, Europam hinc Tanais contingere ripâ,
 Euphratesque, Indusque pater. Vix flumina primis
 Hospitibus noscenda dedit; te noscere Nilus
 Incipit, & magno plenus, quâcunque vagatur,
 Nomine, cæruleis septena per ostia nymphis
 Orbis Alexandrum victorem nunciat, & iam
 Æquora iuncturum dõmitis Neptunia terris.
 Sortis auaritiâ damnas? O pectoris ipse
 Veriùs ingrati damnandus crimine! Nam quid
 Illa nocens, nisi nisi fors peragenda fauoris
 Sit rea? Te Pellæ (magnarum exordia rerum
 Fac animo redeant) Pellæ te è finibus arctis
 Misit in imperium, quo non ingentiùs vllum,
 Perpetuos relegens Conuexa per ardua cursus,
 Viderit Hesperio, vel cardine Phœbus Eoo.

Diuitis intactos, Asiae in tua praemia census
 Seposuit : nulla non surgere iussit arenâ,
 Quae bellatoris frontem victricibus umbris
 Tegerent, palmas : tua signa anteire, malignos
 Perrumpentem obices, pandentemque offia fatis,
 Penituit nunquam : tibi dum constantius haeret
 Visa sui est oblita, & fors prope desijt esse.
 Mitte queri. Capiunt vnum laxissima centum
 Regna virum. Si non naturam sceptrâ per omnem
 Porrigis ; at plus, quàm naturæ simplicis vsus
 Poscat, habes, plus, quàm valeat vel perdere luxus.
 Heu male consultum Mortalibus, aurea pacis.
 Ducere si nulli permittitur otia, vasto
 Vnius includat qui non diadematis orbe
 Quidquid stelliferis complectitur orbibus æther.
 Immensum per Inane satos (quid Græcia monstrâ
 Non parit ?) vsque novos audis superesse tuarum
 Indociles legum Mundos. Fac, detur & illos.
 Æmathijs domitos frænâs adiungere ; plenus,
 Anne ideo, mentisque satur sum denique, dices ?
 Nil mindus. Haud omnis tantarum opulentia rerum,
 Haud tota hæc, spatijs immanè vagantibus, vltra
 Noti Orbis cumulum toties geminata, recentum
 Mundorum series sat erit. Post omnia victa
 Terrarum, pelagique, nouus pandetur auaris
 Limes inexhaustus votis : plura vsque videbis,
 Quæ, lacrymans, hominum sorti impermissa, requiras.
 Suspicias cælum, &, gemitu testante dolorem,
 Heu miserum ! dices : imo cui limite Mundi
 Regalis finitus honos, mensuraque tellus
 Imperij. Nam cur stellantibus alter in oris
 Dignior augusto frontem diademate cingi,
 Et nutu versare polos ? Cur nescia iuris
 Astra mei ? Cur non Phœbus, Germanaque Phœbi
 A me surgendi suspicium, legesque meandi
 Accipiunt ? Saltem caput hoc, maturius vni
 Orta, dies, nondum per summa cacumina visis,
 Affla-

Afflaret radijs : superi vel luminis haustus
 Intacto de fonte, &, quàm pro parte virili,
 Largiùs affusos traherem. Proh damna pudoris
 Vltima ! Alexandro neque lucet pleniùs æther,
 Quàm miseræ plebi. Nil egimus hactenus armis :
 Punctum Orbis teneo : quæ pars pulcherrima rerum,
 Summaque, pellæas etiamnum spernit habenas,
 Læta suo seruire Ioui. Sic improbe fata
 Argueres : tali Briareùs immanior ausu
 Tentares Superos. Quid me, ceu vana canentem
 Somnia, turbato perstringis lumine ? Certos
 Sacrorum monitus tripodum, atque oracula Diuinæ
 Vaticinor. Sortis quam præmia tanta, subacti
 Tot nequeunt Orbis spolia exaturare, cupido,
 Morbus, non fitis est. Angustis finijt author
 Limitibus naturam : auido sint pabula ventri,
 Diuitiæ faciles : sint, quæ defendere nudum,
 Tecta, Iouem, rigidam possint quæ, vellera, brumam
 Hoc quibus exiguum, nil sufficit : ipsa propagat
 Esca famem : positosque semel quæ transijt, villos
 Nescit cæca sibi fines posuisse libido.
 Vltima votorum (haud reor inficiabere) primum
 Martem inuadenti fuerant, perrumpere metas
 Imperij patrij, angustæque suburbia Pellæ
 Ad Persas, ad Bactra, adque Euri extendere nidos,
 Et Cyri solio solium mutare Philippi.
 Audax, quanquam hominis, furor. At nunc omnia rerū
 Clausura remoliri, totque vno niteris Orbes
 Composuisse iugo. Demens ! Molimine tanto,
 Ultra anni, Solisque vias, cælique rotatus,
 EVTHYMIAM dum persequeris, qua nulla Dearum
 Proximior, nulla æqua magis, facilisque volenti est.
 Crede mihi, parto imperio licet esse beatum :
 Crede, licet nullo. Pacem tibi subditus Orbis
 Non dabit : ipse dabis rationi subditus. Aufer
 Spes nimias. Vacuum, teneat licet omnia, prodic
 Se cupiens. Pleno felix vt corde quiescas ;

Nil opus est regna augere, at compescere vota.

9. Hæc, quibus infanī Iuuenis temerarius ardor
Corripitur, sibi dicta putent, quoscunque dolosis
Ambitio rapit illecebris : qui splendida sortis
Munera, regales census, trabeasque, securesque
Vndique solliciti properant, venantur, anhelant.

10. Nec malè quis sapiēs respōdeat, haud sibi votis
Tam nimijs auidum feruescere pectus ; vt Orbis
Vnius imperio nequeat sine fine furentem,
Immensosque sinus referantem explere Charybdin .
Sat fore, si tenues meliori sorte relaxet

Copiolas : si quo rerum fulgore profundam
Immemoris famæ noctem, Lethæaque rumpat
Nubila : si Patriæ non vltimus, inque nepotum
Sedibus, effigies monstrari digna, super sit.

11. Verba dat, & vanâ se credulitate volentem
Decipit infelix . Cupidum nam longiùs, esto,
Haud animum ferat in præsens : at, prima potitus
Cum fuerit ; noua continuò maioraque poscet,
Perpetuùm sitiens, nulloque explebilis haustu.
Qualis seu turtur, seu pullus hirundinis, æquus
Cui nondum vigor, & medijs experientia cæli,
Totaque vix teneræ prætexunt brachia plumæ :
Ille quidem vacuum patrij de margine nidi
Æthera prospiciens, ignota pericula visu
Metitur tremulo, nec liberioribus audax
Credere se subito spatijs, pendentia testa,
Natalemque breui caueam circumplicat orbe.
Mox, vbi respondit primo fors æqua labori,
Et vires placuere ; vagos per Nubila cursus
Explicat, immensoque volans indulget olympo.
Vnde furor tantus votis felicibus, vnde
Hæc nona, successu tristis, quæsitæque velox
Spernere, se maior semper dementia, causas
Altiùs aggrediens (animos adhibete) docebo .

12. Et primò id memori cōdendū pectore, quidquid
Fulgeat exterius, patrimonium lauta, superbos

Diui-

Diuitis imperij fasces, plaususque Quiritum,
 Legitimos præter, naturæ publicus ordo
 Quos homini statuit, votorum excurrere fines;
 Nilque adeo proprios ad egeni corporis usus,
 Integra nil sanæ conferre ad gaudia mentis.
 Numquid enim saturis Gætulo murice somnus
 Blandior irrepit thalamis? Aut, diuite gemmæ,
 Cælatoque bibat ni Mentore; flammea nescit
 Expleri fitis? Imperij num quisquis habenas
 Flebit adorato populis de culmine, liber
 Continuo dominusque Sui? Nam, si vaga curro
 Aërio geminos tulerit te fama per axes;
 Ocyus hinc ægro fugient de corpore febres,
 Mitius hinc tristes sodient præcordia curæ?
 Cætera quid memorem, famulas ad iussa cohortes,
 Miluorum rapidos delassatura volatus
 Prædia, marmoreos postes, fulgentiaque auro
 Tecta, tot artificum curas, operumque labores?
 Omnia (ne dubites) speciosæ hæc fercula pompæ,
 Vana quibus pretium circumdat opinio, fictis
 Irritare queunt animos, haud pascere laruis.
 Nec Sapientum aliquis, seu quos Zenonia iactant
 Limina; seu dulces senior Gargettius hortos
 Queis aperit; varios vel qui te, Euphorbe, renatum
 Post obitus, taciti, & iurati in verba sequuntur,
 Naturæ finem cum rimaretur; in istis
 Certa sibi vitæ statuit momenta beatæ.

13. Hoc adeo Veri posito fundamine, quisquis
 Talia, securæ ceu pignus amabile pacis,
 Persequitur, summo votorum à fine suorum,
 Frustra alacer, recti quia tramitis auis, errat.
 Ergo ubi, post mille ambages, & longa viarum
 Tædia, quæsitam licuit comprehendere sortem;
 Cum, quæ magna procul spectanti credulus error
 Finxerat, optati nil demum claudere fructus,
 Amor propior caligine detegat usus;
 Haud potis est, illis ut adhuc ieruna eupido

Se teneat. Noua pròinde pari conamine lucra
 Insequitur cumulare : ea si fors addita primis
 Sufficiant nimios restinguere pectoris æstus.
 Nec videt infelix, simili conflata metallo
 Omnia sollicitis nequicquam mentibus addi :
 Ac velut umbriferæ chaos illætabile noctis
 Nulla, quibus rutilantem animam non Mulciber afflet,
 Quantovis geminata auctu, funalia vincunt ;
 Sic neque fortunam, maioribus incrementis
 Usque licet geminet sua munera, posse tenebras
 Mæstitiæ, offusamque animis detergere noctem :
 Cum nihil illius sint quævis dona fugandis
 Opportuna magis curis, quàm tristibus umbris.
 Arcendis fulgoris inops, & mortua lampas.
 Acrior hinc sitis, &, quæ vota nouissima quondam
 Credidimus, votis gradus vlterioribus esse
 Incipiunt, versantque alio vaga pectora motu.
 Non secus ac, læthalis hydrops cui viscera tendit,
 Exigui primùm laticis sperauerat haustu.
 Morbida bacchantes circum vitalia flammæ.
 Vincere : quæis nihilò se se cum mitius vri
 Experiatur ; anhelanti præferuidus æstu.
 Altera continuat, dein tertia, pluraque rursus :
 Pocula : nec totus sat erit, qui fontibus vllis
 Rumpitur, & terras latè circumfluit, humor :
 Propterea, morbi quia causam non tenet. Æger.

14. Esto tamen, sortitus opes, titulosque, modesta
 Quæ sibi mens pepigit, non sis abiturus auaris,
 Vltèriùs votis : saltem quæsitâ tenere,
 Congestoque voles hilaris gaudere paratu.
 At non id pariter certum, neque fœdere tali
 Lubrica fors homini propriam se commodat. Ipsis
 Vel pro votorum successibus altera vota
 Sunt faciendâ, nouis & pristina munera Diuam
 Semper egent, ne deficiant vix orta, foueri.
 Muneribus. Num gallinæ tu filius albæ,
 Solus vt in tantâ rerum vertigine nullas

Expe-

Experiare vices : communes lædere solum
 Te casus vereantur : edax nil deterat ævum,
 Nil tempestatum furor, atque incendia peccent,
 Nil dolus, aut error minuat ? Sic nota theatri ,
 In quod continuò geniti producimur, anceps
 Alternisque sibi vicibus contraria semper
 Mobilitas ? Nescis, quàm crebro turbine fati
 Res hominum trepidæ, quantus mortalia ludus ?
 Scilicet expertus nunquam . Sed discere dulce
 Ex alijs : neque Doctorum non plurima circum
 Agmina . Pompeium sileo, cui terra triumphis
 Defuerat, mox, semîustos quæ conderet artus,
 Vix fuit . Extorrem Patriâ, celerique veneno
 Deuictæ toties euadere iura coactum .
 Annibalem Romæ, post bello perdita regna,
 Vix mortis dominum Mithridatem, ante hostis amari
 Laurigeros axes captium Persea, Pyrrhum
 Fœminæ titulum dextræ, miserabile cæsi
 Ludibrium Crassi, seruilia vincla Jugurthæ,
 Quæque Sophocleos meruerunt plura cothurnos,
 Nil opus è priscis euoluere nomina chartis.
 Ipse tuo (sis mentem adhibe) quot talia passim
 Fortunæ inuenias documenta volubilis ævo ?
 Aureus ille Midas, cæci ditissima Pluti
 Progenies, fulux quondam cui crescere gazæ
 Sub manibus, gemini dotataque censibus Orbis
 Ipsa videbatur nupuisse Opulentia, tristi
 Nescio quo fato diuortia sæua iubente,
 Aspicias, vt mutatus, egens, desertus, inanis,
 Flosculus aprico ceu solstitialis in horto,
 Aruerit, cætusque hominum, lucemque perosus,
 Tristibus inuisam latebris obuoluere quærat
 Pauperiem, se seque simul : ne creditor in ius
 Deprehsus rapiat : totâ quem sedulus vrbe,
 Ceruus vti procul audigum per lustra leonem,
 Tramitibus quæcis elabens, vitat & horret ?
 Fortibus en Ausis alium, centumque trophæis

Inclyta Marcellos supra, supraque ferebat
 Gloria Scipiadæ. Quid tum? Variante fauorem
 Ambiguum belli dominâ, superatus, multus,
 Neue foret clades non vndique plena, superbo
 Additus in prædam victori, Marte sub vno
 Perdidit aggestas tot per discrimina palmas.
 Quid vaser ille nepos Sciani, callidus aulae
 Vertumnus, regumque potens, quem sternere nulli,
 Æternis nixum radicibus, & Ioue dextro,
 Posse videbantur venti, nunc qualis? Ab alto
 Nonne iacet veteris deiectus culmine sortis?
 Nonne suis miserè implicitum mersumque ruinis
 Ipsi etiam pede securo haud calcare verentur,
 Quos olim nutu vix dignabatur amico?
 Calibus vsque adeo subitis terrena rotantur
 Omnia: cunque hominis fluxum, mortale, caducum
 Sit genus; heu multò mortalia, fluxa, caduca
 Sunt magis, infidæ sorti quæ munera debet.

15. In nunc, & dubio semper, lapsumque minanti
 Vertice securos ausis defigere gressus:
 I miser, eque Bonis, rapidi quæ fluminis instar
 Ulteriùs iam iam fugitiua abscedere sentis,
 Perpetuos fructus, mansuraque gaudia ducas.
 Haud malè Spartanus, vulgi clamore secundo (a)
 Diuitis Oenopij-cum nomen ad æthera ferri
 Acciperet: cui nimirum tot carbasa ventos
 Lasserent: tot deueheret Neptunus onustas
 Assyrijs, Cyprijs (& queis non?) mercibus alnos;
 Subridens, Valeat fortuna rudentibus, inquit,
 Pendula, quæque vagis antequam non voluitur vndis.

16. Illud ad extremam ne respondere roganti
 Pœniteat: fluxas quid opes conamine tanto
 Accumulas? Cur centenis iuuat æquora tauris
 Findere? Longinquis cur suspendenda locare
 Atria marmoribus, seruorum & pascere turmas,
 Quot neque, Romulea effringens ergastula, sumptis
 Dux-

(a) *Plut. Apophth. Laco. Cic. 5. Tuscul.*

Duxerat in dominos gladiator Spartacus armis?
 Nempe, reor, curis procul ut mordacibus, aui
 Quod superest lætus iucunda per otia ducas.
 Atqui propositus finis nil postulat harum,
 Quæ is tua metiris, male prouidus, otia, rerum.
 His sine nam lætos Democritus egerat annos,
 Fabriciusque potens minimo, Curijque senectus,
 Samnitum vinci nec ferro passa, nec auro,
 Quemque, inopis fundi paucissima farra metentem,
 Psophidium, vitæ felicitis nomine, Lydo (a)
 Antetulit regnatori consultus Apollo.

Et meritò. Neque enim vel iustâ sorte vocandus
 Felix, qui minimè plenus; vel plenior alter,
 Exiguus volitantem animum quàm stringere nouit
 Qui spatijs, quàm cui modus est natura volendi.
 Ingera Niliacis, esto, certantia regnis,
 Et Phrygios census fors inuidiosa negarit;
 Quid refert minimum cupienti? Nullus Hydaspes
 Gutturâ te centum pandentem immania, nullus
 Gurgite vel toto Tagus impleat: ille vocabit
 Se saturum, breuib; modò par sit copia voris.

17. Vna igitur si Mortali fors maxima, velle,
 Est, minimum; multis cur quisquam rebus egere,
 Protinus exiguo impleri quàm muerere malit?
 Quiue animos hic error, & importuna libido
 Versat, ut in medio facilem per devia longè
 Tesqua, per anfractus dubios, palantibus vsque
 Læticiam curis vanoque ardore requirant?
 Heu prauas hominum mentes! An dulce bonumque
 Nil erit, immensis nisi quod venale laborum
 Sumptibus? An facilis rutæ si copia, vel si
 Fœniculum, aut patrijs aliud quòd nascitur aruis
 Ocyùs infesto gramen te absolvere morbo
 Possit; ab extremo Oceano, & Gangetide terrâ
 Sollicites totos poscentia pharmaca census?

18. Felix, spes trepidas, nimijque cupidinis ætus
 Pur-

(a) Valer. Max. lib. 7. cap. 1.

Purgato semel exclusit qui pectore : nullum
 Cui numen Fortuna : sed, imo celsior Orbe,
 Vnam te, cæleste Bonum, pulcherrima Virtus,
 Admirans colit, optanti tu sufficis vna.
 Ventosi non ille vagus prensator honoris,
 Primo mane forum viset, vulgique tabellas
 Indignis redimet, scrupuliter ambitiosus,
 Obsequijs. Populi scit pūcto haud crescere quemquā
 Scit populum, minimè qui felix ipse, nec illos
 Aurā posse leui felicibus addere, si quos
 Humanæ super extulerit fastigia sortis.
 Mene, ait, hæc teneant, quæ gratia mobilis vrnæ
 Sæpius indignis donat, melioribus aufert ?
 Quæ neque, magnanimis delata Catonibus, augent
 Virtutis pretium ; neque, turpibus addita Clodi
 Flagitijs, aut in strumas proiecta Vatini,
 Immeritos decorant : quin illos noxia sæpe
 Inficiunt ; horum sordes & fœda latere.
 Probra vetant. Egone, hac fallacis imagine pompæ
 Attonitus, fatuo caudam iactare popello,
 Blandiri, prensare manus, contingere supplex
 Genūa velim ? Vulgi, sapiens, (vt cætera desint)
 Arbitrio fasces capiam ? Vulgoque licebit
 Sceptra dare, aut vllum nostris decus addere rebus ?
 Quin neget imperium, meritis, ceu semper, iniquus
 Non tamen imperij ditione carebimus. Ipse
 Rex mihi sum. Quòcunque leuis suffragia Campus
 Verterit ; in sese Sapiens latissima regna
 Obrinet. Hic iustis animum moderatur habenis,
 Officij imponit leges, malefacta Nocentium
 Vindicat, effrænes sensus, turbamque rebellem
 Iura pati cogit : tum, si quā finibus hostis
 Ingruat ; haud virtutis egens signa obijcit, & vim
 Viribus, arma armis, casus ratione retundit.
 At rutilum dextræ pondus, Melibœaque longè
 Purpura : nullus honor solij : stipantia nusquam
 Pila : nec angusti frontem diadematis aurum
Erigit.

Erigit. O vanæ mentes! Si scenica vobis
Hæc modò regnantem faciunt insignia: vestros
Hinc aliò cultus, & munera vertite. Nolo
Esse, quod Æsopus, quod Roscius. Ergo relinquit
Talia, que is satis externo splendescere cultu,
Ipse alio fretus regno, interiore, suoque.

19. Par neglectus opû. Monstres augusta superbis
Atria porticibus, laquearia cedrina, multo
Consertas elephante fores, Babylona, Tyrumque
Ditibus appensas thalamis, vasa aurea, densis
Concretos radijs, & pictæ fulgure lucis
Eos lapides; Proh totius indigus error
Anticyræ! docto clamabit non sine risu.
Hæccine sunt, quibus ambitio, luxusque Potentum
Usque adeo sese iactat, circumspicit, effert,
Vixque Deum titulis non insêrit? Hæccine, toto
Quæ vanum redimenda putat vel sanguine vulgus?
Quorum ardor maleficus & irrequieta cupido
Tot scelerum furijs, tot versat motibus Orbem?
At quid in his dignum Sapiientis amore? Quid vsus,
Vel pretij maioris habent; quàm littora circum
Quæsitæ pueris conchis, teretesve lapilli?
Emeritum iam te senio, iugisque verendum
Astragalos pudeat, cochleasque, recentibus & quæ
Conueniunt annis, tractare crepundia: gemmas
Non virides pudet, & flauentis pondera limi
Undique sollicitum conquirere? Quæ noua Colchis
Annosum caput ad cunabula prima reflexit,
Degenerem cogens iterum lallare senectam?
Sat prætextatum gerulæ nutricis in vlnis
Deliquisse fuit. Pueriles ponere sensus
Debueras vel sub primæ lanuginis æuum,
Cumque togâ pariter mentem sumpsisse virilem
Nullane canities morum? semperne relictæ
A tergo ætatis te ludicra facta sequuntur? (pido
Quanquam vtinâ hæc tantum sequerentur. Inepta cu-
Non ultra Eupolidis soccum delinqueret, vncis
Nari-

Natribus & posset sat castigata videri.
 Tristiùs at multò pueris maturior ætas
 Desipit. Expositæ quovis in littore conchæ,
 Talorumque, nuncumque haud magna expleuerit illos
 Congeries: nihilò dum vos meliora, vetantùm
 Cælicolùmque, hominùque, elementorumq; per iras,
 Infatiabilibus curis, semperque recenti
 Cogere anhelatis studio. Neque proxima tantùm
 Excussisse sat est: alio sed feruida Sole
 Littora, supremas naturæ irrumpitis oras:
 Scilicet effosso rapturi Dite sub auras
 Nescio quæ, nostro pretiosa furore, suisque
 Rectiùs ò quantò latebris linquenda; metalla.
 Proh curæ nimium peioribus, imaque semper
 Scrutari faciles animæ! Tantine rubentis
 Massa fuit terræ, vt cæli spirabile lumen,
 Et dulces superos, vitamque diemque perossi,
 Manibus effietis manes, totâque profundum
 Includente chæos solidâ compage sepulcri
 Terrænæ molis, supra caput Ææcon umbris
 Reddentem iura, Eumenidasque horrenda sonantes
 Verbera, Lethææque seuerum inamabile murmur
 Audiretis aquæ, scandendaque Tartara vobis?
 Quis furor hæc, cæci, diro pallore nocentes
 Cocyti spumas proiectâ luce pacisci?
 Semina quid scelerum iuuat, infœcunda, nec vllâ
 Noxia, dum tellure latent, in publica damna
 Eruere, & populos latè vulgare per omnes?
 Plùs satis ah proprijs virgemur cladibus: ipsa
 Plùs satis ex sese profert Europa Malorum.
 Sunt varix pestes, sunt horrida sæcla Ferarum,
 Lethalisque æconiti, & semina dira cicutz.
 Cur noua deuohitis peregrino ex Orbe venena?
 Cur, quibus, ob tristem violati Numinis iram,
 Damnavit donis natura nocentibus Indos,
 Ferris in Hesperias, contagia barbarâ, terras?
 Vocibus his fatutz Sapiens deliria turbæ

Corri-

Corripit : hoc animi subnixus robore, fortis
 Diuitias inopes, neglectaque munera calcas.
 Illius ante oculos rubri conchylia sordent
 Æquoris : Oebalij pretiosus muricis ardor
 Luce caret : nullas tellus parit, vndaque, cælo
 Debita sustineat queis flectere lumina, gemmas .

20. Sed neque, si scelis proauum historijsq; tumētes
 Ire Alios, veteris tanquam compendia famæ,
 Viderit : Hos Graiæ decora ostentare Minervæ;
 Illos sanguinei studio clarescere Martis;
 Pars populi fiet mirantis talia, nec se
 Inferiore loco statuet, dignoscere prudens
 Quid solidum, quid inane, & larvam demere rebus.
 Sit prior Hic opibus, dicet : sit honoribus Alter
 Clarior, & titulis : adde artes, ingenijque
 Munera, Grammaticus melior, fandique magister,
 Astrologus, legum interpret, Phœbique sacerdos :
 At non hinc pariter quisquam felicior . Alter
 Nam neque regnorum fasces, neque stemmatis ordo
 Per centum traductus auos : non siue tuorum,
 Mars, decorum monumenta; tui seu, Pallas, honores
 Pectora compositis placeant mortalia curis.
 Vnius id virtutis opus : quæ diuite gazæ,
 Plaudentisque fori strepitu, rerumque nitore
 Nil eget, ipsa sibi decus, & pulcherrima merces .
 Hac ego, cuncta licet reliquorum turba Bonorum,
 Tota licet sortis malefidæ opulentia defit ;
 Sat fruam : hac memet nullius dotis inanem,
 Hæredem Crassi, Pelopis, Teucrique nepotem,
 Hac pulchrum, fortem, sapientem, rhetora, necnon
 Induperatorem, regemque, heroaque ducam.
 Qua mihi nempe vnus doctrinæ, diuitiarum,
 Regnique, & famæ, & Mortales quidquid vbique
 Consectantur opum fructus, pax aurea, constat.
 Scilicet externi quidquid pictique refulget
 Circū hominem, (mendax oculos ne fallat imago)
 Non id lætitia, at cortex vanumque putamen

Læti-

Lætitia est. Voti hæc omnis fructusque medulla,
Nucleus hic fortis si iam mihi contigit; ultra
Cur fragiles filiquas, cur, quæ vescentibus obstant,
Proijciendaque sint, externa putamina queram?

21. Talis erat (veteri Sophiæ producere talem
Si licuit) Cynicus versatilis incola testis: (a)

Cui nudo atque inopi non inuidiosa fuisse
Fertur Alexandri fors: qui captivus ab ipsa,
Mancipium prostabat ubi venale, catastâ,
Emptorum turbæ (quid in hunc, fortuna, valeres?)
Promisit dominum: vel tum nil cedere passus
Regnatori Asiæ. Nempe illius alta iacere
Sub pedibus sibi sceptrâ: haud illi obtingere posse
Virtutem, quâ supra homines ipse altior iret.

22. Talem & Palladiæ quondam vidistis Athenæ
Sophroniscladen: præter qui compita vectus (b)
Mercibus omnigenis, varioque nitentia luxu,
Proh Superi, quàm me paucis voluistis egere?
Clamabat. Quàm multa mihi das spernere, virtus?
O vocem egregiam, meritò per Solis utrumque
Quam latus ingeminet viuaci murmure fama:
In quam omnes populi, venturorumque nepotum
Conscia posteritas, voluendaque sæcula iurent!
Votorum hæc certè requies, contentaque paucis
Dulcius affectum sapientia me rapit, omnis
Lautarum quàm fulgor opum, quàm fulgor honorum,
Fascesque, & tituli, & regum suprema potestas.
Hæc mihi mens adsit; vanæ sua munera sorti
Ocyûs, in quoscunque velit spargenda, remittam.

23. Hunc igitur notâ platani viridantis in umbrâ,
Propter aquam, Boreæ furtorum testis, amœnos (c)
Quâ latices Ilissus agit, memoranda putemus
Hæc vulgo (attonitas ceu quondam suetus ad aures
Cecropidum) placidis oracula promere dictis.

24. Quæ mala vos, miseri, vitæ de tramite recto
Mens

(a) *Laert. lib. 6. Cic. 5. Tuscul.* (b) *Laert. lib. 2. in vita Socratis.*
(c) *Apud Illi. fertur Boreas rapuisse Orisbyiâ Plat. in Phædro*

Mens procul, indociles Veri, & rationis egenos
 Ire iubet? Trepidās quānam per deuia curas
 Spargitis, æternā vōtorū indagine pacem
 Rebus in externis auidi longēque remotis
 Prendere: quā, cordis cinem, se quilibet extra
 Insequitur, perdit? Certe neque prouidus auceps
 Rara sub æquoreo suspendit retia fluctu,
 Insidias merulis; nec arundine fretus, & hamo
 Squamigeras piscator agit per Nubila prædas.
 Ecquis ab vrticæ damnato semine partus,
 Flora, tuos, aut è rigidis flauentia Bacchi
 Speret dona rubis? Vos hæc male credula fallit
 Simplicitas: vestes furor hic: tranquilla beatæ,
 Fortuitos inter census, dum gaudia vitæ
 Quæritis. At citiùs multò reperire licebit
 In syluis rhombos, inter vada cærulæ turdos:
 Ante rosas vrticæ, racemiferumque Lyæum
 Ediderit pasciurus; opum quā largæ suarum
 Mortales fortuna beet, cordique serenum
 Lætitiæ iubar, & placidæ ferat otia pacis.

25. Illum ego felicitis meritò sibi sumere nomen,
 Certaue iam nactum mentis rear otia, magnis
 Qui diues, proprijsque Bonis: plenissimus inde,
 Sufficiensque sibi, nullique obnoxius. Horum
 Si quidquam Dea cæca valet præstare; clientum
 In grege nos habeat: fulgentibus illius aris
 Cernua suppliciter sistamus vota: sabæus
 Ignis odoratâ caligine templa vaporet.
 Quid pecudum cessant fibræ? Lætiissima quæque
 Orchomeni ripis, cupressiferoque Erymantho
 Adueniat pronâ ceruicæ feriendæ securi.
 Plurimus hîc Ladon, pecosæque mugiat Ide:
 Plurimus Epiti nutritus gramine cultros
 Inficiat, Nemææ referens aut pascua sanguis.
 Ipse equidem tanto pro munere, turrigerarum
 Vel Libyæ pecudum immanes sacrare hecatombas
 Nil dubitem. Vani sumptus. Iactamus arenis
Semi-

Semina, fallaces mēsurī denique ventos,
 Jejunamque famem. Frustra tot vellera, frustra
 Corticis Eoi lacrymæ Panchæaque thura.
 Fragrantes nebulas, irrisaque vota procaces
 Diripiunt Zephyri, nec inanibus hostia Sacris
 Villa litat. Non hinc (experti credite) non hinc
 Dulcia quæstos retulisse ad gaudia census,
 Fasque hilarem plenis quemquam discedere votis.

26. Nā quid magnificū, pulchrūq; & nobile (primā,
 Haud mora, quæsti libet hanc perpendere dotem
 Muneris) ingenio quamvis largissima, seque
 Totam adeo facilis vulgo effudisse, quid, inquam,
 Vel talis præclarum homini sors imputet? Aurum,
 Prædia, longinquæ merces, operosa supellex,
 Armorum decus, imperij metuenda potestas,
 Illius haud dubiè, optari quæ maxima possunt,
 Præmia sunt. Memoret, si quid sua diuite, si quid
 Maius adhuc gremio donandum æraria seruent.
 Anne igitur pretii rara, & sublimia quisquam,
 Obtigerit sanæ cui vel semuncia mentis,
 Hæc putet? O animæ tenues, angustaque corda,
 Quidquid id est Mundo componite. Quantula vasti
 Portio regnorum fines dicentur olympi?
 Quis fulgor gemmis ad sydera? Quæve metallis
 Lux ad inocciduum Phœbeæ lampadis aurum?
 Decolor ut Tyrij subito liuescet Abeni
 Purpura, collato roseæ Pallantidis ostro?
 Illa meos (pudet heu fortunæ, inopumque Bonorum)
 Ditior illa meos naturæ opulencia sensus,
 Æthereique rapit sublimis scena theatri.
 Illa ego demiror potiùs, fusa vndique circum,
 Omnibus exposita, & solido plenissima fructu,
 Quæ neque vis rapit vlla, dies neque longa resolvit;
 Splendida, diuina, æternūque recentia dona:
 Queis Arabum si diuitias, & Persica sceptrā
 Contuleris; turpem, vinci confessa, ruborem
 Haud aliter ducent, saturis quàm diuite luxu
 Regnan-

Regnantum trabeis, & acu Babylonide pictis
 Obuia Cinyphij subtemina bardocuculli,
 Aut malè confutis, & hiantibus vndique, discors
 Ipse sibi, pannis gelidi centunculus Iri.

27. Illud at exigui discrimina forte rependat
 Hac allata tenus pretij, fortuna quod vni,
 Pauperior quamvis, domino se mancipat, Orbem
 Vndique complexi secus ac promiscua cæli
 Munera, quæ paribus nemo non possidet alter
 Auspicijs. Nugæ, ridendaque somnia. Gazis
 Ad plenum mihi dum liceat cælestibus uti;
 Quid tandem perit hinc, alius si quilibet æquam
 In partem veniat? Num, fons quia pluribus idem
 Expositus, multosque eadem quia balnea mecum
 Accipiunt; minùs idcirco placabit anhela
 Vitreus ora latex, aut seciùs inde lauabor?
 Vnde nova hæc pretia, immensum quæ sana per ævū
 Nesciuit ratio? Cur tam mentimur auaram,
 Limite quæ nullo in medium se effundere gaudet,
 Naturam sorte, inque Boni; nil prorsus ut amplum,
 Aut nostrum, nisi quod viduum consorte, putemus?
 Non satis hinc quoque perspicuū, quàm pauper, inanis,
 Exiguūque patens, vel maxima, sit procerum fors:
 Cum nequeat cepisse duos: spernenda, sui que
 Vix pretij memor, in communia venerit alter
 Si dominus iura, & fasces acceperit æquos?
 Ergo totum hoc stultitia, & rationis egestas.

28. Adde, quod ista etiam, priuato subdita iuri,
 Vniusque Bonum, exuperans quæ copia fertur,
 Spectanti populo magnâ se ex parte fruendam
 Commodat, & fastus dominorum eludit auaros,
 Publica res. Tyrio fac enim, tu, splendidus ostro,
 Pictus acu Phrygiâ, gemmisque, auroque superbus,
 Qualè recens lotus desertis Lucifer vndis,
 Ora per attoniti incedas pendentia vulgi:
 Quidquid id est speciosi habitus, mirique decoris
 Exteriùs modò cum niteat, solisque paretur

Lumi-

22 EVTHYMIÆ.

Luminibus ; nihilò dominum iunisse ferentem
 Plùs poterit, medio ac spectantium ex agmine quævis,
 Perspicuæ semisse togæ, proauique vetustis
 Horridulum tunicis . Frustra nam dixeris, villam
 Inde voluptatis propriam te ducere partem,
 Argenti haud modico tales quòd pondere nactus
 Sis phaleras, luxuque graui sudantibus vnus
 Sustineas humeris . Titulo cum veriùs isto
 Nil proprium, præter morosi pondera cultus,
 Præter & effusi referas dispendia census .
 Perge . Venustatum succis, Pulchrique medullâ
 Artifices inter, charitum, concreueris vlnas,
 Nobile prodigium formæ, dignusque, ministrum
 Quem sibi rex Superùm velit, immisâque Volucrâ
 Sublimem rapiens mensis assistere Diuûm
 Pocillatorem iubeat . Flos iste Leporum
 Priuati, num, quid pariet tibi denique fructus ?
 Omnibus exortem ex alijs quin fugerit vnum :
 Ad liquidas nisi, ceu iuuenis Cephissus, vndas,
 Imperfecta tui captes simulacra Decoris .
 Sic aliæ, quarum pretium fructusque, videri,
 Vnicus est, steriles pompæ : sic addita siue
 Littoribus curnis, gelidis seu montibus oî
 Illa suburbani Prætoria, Synnade rubrâ,
 Et niueâ pretiosa Paro, salientibus vndis,
 Pumiceis specubus, nemoralibus amphitheatris,
 Piscinis, xystris, omnique exculta superbæ
 Arte voluptatis, sed quæ, ciuilibus ipse
 Astrictus laqueis, solidos, pluresque per annos
 Vix semel accessu rapim fugiente salutas ,
 Vnius imperium detrectant, plùsque colonos,
 Plùs hilarant populum, quàm temer, diceris esse
 Qui pulchri dominus, soloque es nomine, fundi.
 Vique adeo haud tantùm spernenda, minoraq; magnis
 Sunt Bona, priuato quæ fors indulget honori ;
 Sed neque plùs illis vtenti propria, censu
 Quæ solido, & raris pollentia dotibus, vsus

In medios hominum supremus condidit Author :

Totque domi factis opibus, sese vnde beatos

Fortunæ hi vocitant pulli (si vera fatendum :

Si rem legitimâ rationis pendere lance

Cura sit) extruitur miseris aliena voluptas .

29. Non tamen hîc fallit , quæ nostris obuia dictis

Luxus inops responsa paret : superesse fauentis

Plurima fortunæ nimirum commoda, solis

Quæ libentur heris : tum quodd sublimior illos

Hinc populi comitatur honos; tû splendida quodd res,

Externæ supra decus & spectacula pompæ,

Innumeris vitam quoque fructibus auget, amicum

Et quidquid genio, seu qualibet arte fouendis

Corporibus factum largè plenèque ministrat .

30. Vltima vt hæc, veris aliena, refellere primùm

Aggrediar ; nego vos, Cræsi, iucundiùs, & vos,

Darij, tempestiuos seu ducere somnos

Veste super Coâ, tumidam seu mergere in aluum

Fercula regnorum pretijs extructa ; secundo

Addita quàm pani messor lacrymosa trucidet

Allia, stramineoque cubet resupinus aceruo .

31. Nempe suum mensis genium non rara saporum

Scitamenta, vel externo procul Orbe petiti

Conciliant gustus : sed, quæ vulgare videri

Nil patitur, syncera fames, stomachique valentis

Igneâ vis, filici haud impar, chalybiue domando.

Hæc adsint ; tum me laganum, robustaque farra,

Et lardo saturæ, foflorum prandia, betæ

Plûs capiant, quàm fumen apri, quàm Phafidis ales .

Vnicus aut lato phœnix porrectus in auro .

Nec sua non ipsis hoc experientia monstrat

Regibus : vrbânæ si fors operosa culinæ,

Syluestri dum Marte feras, se seque fatigant,

Luxuries auidam longùm frustretur orexim .

Tunc etenim ficcis, & inanibus obuius humor,

Mucidaque exigux Cereris fragmenta, bubulcus

Quæ rudis, haud paruum tali pro tempore munus,

Obtru-

24. EVTHYMIÆ.

Obtulit, ambrosiam sapiunt, cerebrumque Deorum.
Tunc epulis nunquam sese melioribus vfos
Ingeminant: tunc quàm simplex, facilisque voluptas,
Quàm paruo constent Mortali gaudia, nosse
Incipiunt, summâque minùs sibi sorte placere.

32. Par somni ratio, quem non discrimina vocum,
Et fidium, vulso nec olore tumentia Strata
Sic faciunt, hilaris ceu mens, & fessa diurnis
Membra ministerijs. Spondâ hinc prædiuite, molles
Byssi inter nebulas, picturatosque tapetas
Compositi, lucis post tædia longa, tyranni
Difficiles tenebras, & euntia tempora tardè
Increpitant: nullisque tori non partibus, ægræ
Te requies vitæ, iucundaque mortis imago,
Alme sopor, quærunt. Nequicquam: exosus inertem
Luxuriam, tugurî secretas pauperis umbras
Incolis, & vacuæ latebrosa silentia rupis:
Qua subter vagus vpilio, vel durus arator,
Difficilem exercens agrum, atque exercitus illo,
Indomitas ructant cepas, curataque membra
Fortuitâ effulsi stipulâ, campumque, diemque
Pectoribus vacuis, & anhelò gutture profiant.
His iuuat umbriferam penitùs defundere Lethen,
His imperceptâ componere lumina dextrâ:
Hos totum cornu rigat: his duleissima mentis
Otia, curarumque obliuia læta propinas.

33. Tráseo iâ reliquas(pudet hac in fæce morari)
Delicias turpes, Veneris fallacia dona,
Probraque mortalis potiùs, quàm gaudia, vitæ:
Quæ iubar omne animi extingunt, cognataque celo
Ad pecudum brutos deducunt pectora mores:
Quas modicè si delibes; nil cordis anhelos
Inminuunt æstus: contra immoderatiùs haustæ,
Opprobrijs famam pessundant, corpora morbis.
Esto, his diuitiæ scateant; non fœdius vllum
Crimen habent. Careat ferali hoc munere nuda
Pauperies; tantò laudari dignior, omni

Acriùs

Acrius hoc fuerit studio, nisuque petenda .

34. At populus resonans interea clamore beatos
 Ingeminat, quibus ampla domi patrimonium, clarum
 Quæis genus, innumeræque premunt latissima ceræ
 Atria : regalis quos, vel vicina potestas
 Nobilitat, fusique hostes, ductique triumphum .
 His longam comitum à tergo ducentibus umbram
 Undique certatim deceditur : hos iuvenesque,
 Grandæque senes metuunt, mirantur, adorant,
 Terrarum veluti præsentia Numina, plûsque
 Interdum, quàm, quod regnat super æthere, Numen,
 Horum etiam cineres, humilique putrescere busto
 Dedignata, plagis stellantibus admouet ossa
 Pyramidum sublimis honores . Stat vertice summo,
 Compositi vultus, maiestatemque verendam
 Herois Pario seu marmore, siue metallo
 Isthmiaco referens, qua vel Saturnius ipse
 Haud Pater effingi se dedignetur, imago .
 Virtutum circà chorus : hinc Prudentia bifrons,
 Exacti longè seriem, seriemque futuri
 Temporis in medio spectans, Astraque iuxta,
 Ense minax stricto, rigidaque examine libræ ;
 Parte aliâ niueis Victoria celsa quadrigis
 Hostiles latè exuias, pendentia signa,
 Armaque trunca virum, & respersos sanguine currus
 Circumfert, immane decus : cui proxima gressum
 Associat, largo felix Opulentia cornu .
 Molis at in medio, pennis sublata, iacentique
 Inferius Libitinæ insultans calce superbo,
 Tergeminam sonitu victuri nominis implet
 Fama tubam : immortale notis cubitalibus unde,
 Inter adulantem sese profundere lætas
 Palmarum frondes, & marmoreos lemniscos
 Carminis elogium vidcas : Hic maximus Heros,
 Tantalides Diophantus, Achiur gloria gentis,
 Barbarie domitæ, Patriæque ex hoste receptæ,
 (Quisquis ades, merito cineri da ferta) quiescit .

B

Sic

Sic illi in tumulis, vel post sua funera, viuunt.

35. Audio. Fortunæ hoc igitur iam limite regnum

Definit: hæc lauti pulcherrima præmia censûs,

Egregium nomen, titulorum grandè sonantim

Splendida congeries, turbæ plaudentis honores,

Certaque post cineres mansuræ pignora famæ.

His, velut humano tu culmine celsior, infra

Terrigenam vulgus, ex æquo Numina spectas.

Proh Superi, & Ratio sanctissima! Nilne ego, talis

Syncerum morbi quia me voluistis, & hæc

Quodd nugas ridere licet, mihi gratuler? En quo

Hæ censu tumeant animæ: plebecula magnos

Quodd vocet, illorumq; aliquis dum præterit, Hic est,

Hic ille, attonito iactet frænebunda susurro.

Quid priùs hîc, vanum, celebrat dum talia, vulgus;

An proceres mirer, vulgarem qui sibi propter

Stulticiam plaudunt, alieno errore superbi?

Vt fatear, veram laudem, meritisque repensam

Haud pretij vacuam; (vel debita præmia quamvis

Negligit, ipsa suo virtus animosa theatro)

Quæ tamen externi contingit nomine censûs

Diuitibus, tam ficta, levisque est gloria; veræ

Fortuitas quàm nuper opes bonitatis inanes

Vidimus, eximijque suis nil addere fructûs.

Anne igitur sanus, vel qui tam friuola plausu

Immerito decorat; vel qui deliria propter

Plaudentium fastu sese miratur inani?

Corrige iudicium Stultorum; nil habet ampli

Sors tua, nil pulchri. Excellis, quia desipit Alter.

Magna igitur sors haud aliud, quàm insania magna est.

36. Hac externa tenus, quantovis munera cultu

Detineant oculos, pro vilibus, atque minutis

Exhibui, domino veluti mouisse senatu,

Plebis & obscuræ in numerum censumque referre

Contentus: iam porro Boni neque nomine digna,

Noxia quin magis euincam fugiendaque. Summus

Nam nihil in terris author cum finxerit, omni

Dote

Dote Boni vacuum, nulloque optabile fructu ;
 Communis solet illa Malis adiungere sensus,
 In quibus, vt nonnulla Boni sit portio ; maior
 Obruit hanc tamen hærentium mensura Malorum .
 At genus id miseram blandæ sub imagine sortis
 Temperiem nulli non vltro agnoscere promptum est.
 Quantula sint pretij, vitæ mortalis in vsus
 Illius e donis veniunt quæ, Commoda, plano
 Iam, reor, est nobis pridem sermone peractum :
 Nunc operæ pretium fuerit Contraria nosse .

37. Nec mora : sexcenti se protinus agmine longo
 Obijciunt, funesta necis libamina, morbi,
 Dimidiæque neces : auidi prurigo palati,
 Szuarumque voluptatum quos largior æquo
 Aduhit ingluuius . Neque enim sapientia passim
 Obuia, Fortunæ exultanti imponere fræna,
 Inter & illeccbras, circumfususque paratus
 Luxuriæ, iusto gentium concludere gyro .
 Certè Inopum solidis plerunque vigentia nervis
 Corpora, nec multâ sessas trieteride vires
 Aspicias : procerum paucos, qua sorte potiri
 Deliciæ molles, vmbrautilis otia vitæ,
 Et nimium blandi finit indulgentia cultus .

38. Quid tibi iam reliquos casus, properataq; ferro
 Commemorem toties, toties properata veneno
 Funera ? Non, Scythicæ pecudis radiantia terga
 Abstulit heroo, quæ remige, Thessala puppis,
 Equoreos tot passa metus : frenia præter
 Saxa licet, fracto concursantesque Profundo
 Ferret iter dubium Symplegadas ; obuia szuis
 Quot locuples fortuna minis . Dulcissima vitæ
 Munera cum primis, epulas, somnosque timendum .
 Gemmiferis natat in cyathis, lautoque sopori,
 Importuna comes, Fraus accubat . Arma cauere
 Haud satis : ipsa armis grauius szuire docentur,
 Ipsa gerunt bellum pacis sub imagine dona .
 Nulla fides generi : qui sanguine iunctior, hostis

Certior . Immitem quoties dos ampla Maritum
Coniugis in lectum misit ? Quàm sæpe dolosi,
Diues & infelix, Patruī post crustula, visus
In portam rigidos supremum extendere calces
Pupillus ? Tremuli quoties rugosa Parentis
Stamina, iamque diu Lathesin poſcentia, seris
Iratus votis, & vota morantibus annis,
 (Proh facinus ! Tantumne homines Natura relinquis ?)
Filius abruptit, non filius ? Omnia quamvis
Syrmata Thespiaco longè voluantur ab æuo ; (a)
Nusquam humiles casus : plebeias horrida nunquam
Dignatur tragico lacrymas vestire cothurno
Melpomene . Soli mirantibus argumenta
Portentosa, nefanda, fidem transgressa theatris
Suppeditant proceres : Natorum funera soli
Esse putant epulas, insuetaque monstra pauentem
Cernere, polluto deturbant æthere solem .

39. Adde tot egregias vrbes, famosaque regna,
 Tot populos, Marti quos prodidit, utque perirent,
 Præbuit infelix primas opulentia causas .
 Quæ nostris utinam ne fors impendeat (omen
 Ferte procul, Superi : timor est sed iustus) Athenis .
 Scilicet ignotæ proanorum moribus artes
 Degeneri iampridem animos, & corpora luxu
 Inficiunt, prædæque vocant spe diuitis Hostem .
 Campeſtres non vlla Scythas vis externa bello
 Sollicitat . Nam quæ tam nudi præmia Martis ?
 Diuitiæ populi summæ corytos, & arcus,
 Effedaque, & iuga pauca boum, horrentesq; Ferarum
 Exuuiæ . At capulo non vnquam dextera segnis,
 Indomitæ vires, immania corpora, lethi
 Sub pedibus timor, ignauumque senescere . Nil, quod
 Illecebris spoliū hostilia vota, rapaces
 Inuitetque manus : nil, quod non veriùs obſtet
 Ausuris . Vallo septemplici firmior, omnes

Vna

(a) *Thespiis apud Horat. in arte Poet.* Ignouum tragicæ
 genus inuenisse camænx dicitur .

Vna metus, bellicque minas procul arcet egestas.

40. Ramorum viridē (non vana est fabula) pompā
 Diuitis extremo spargebat limite Fundi
 Ardua, lata, ingens, frondoso par nemori Nux.
 Hinc illi tumor, hinc rerum fiducia vecors,
 Terrenique satūs nimid plūs immemor, & vix
 Se capiens fastus. Sed nec Briarēia centum
 Brachia, nec trunci spatium, atque in Nubila multas
 Tendere frontis apex sic effesere superbam,
 (Hos etiam quamvis demeretur honores)
 Ceu sobolis census, quæ mitibus vndique bacchs
 Amplectens latam, ipsa etiam latissima, matrem,
 Temporibus circumpositi diadematis instar,
 Pondus erat sublime, attollebatque ferentem.
 Ergo opibus gestire suis, populoque minori
 Frondentium iuxta Dryadum insultare, nec ipsas,
 Altera ceu Niobe Lucinā diuite felix,
 Præ se fatcinas Dodonæ ponere quercus:
 Demens, in foribus quæ iam Niobēia fata,
 Mutatosque Deos non cerneret, id neque rebus
 In miseris saltem supremum habitura leuamen,
 Tantalidi magnus dederat quod vulneris author.
 Nam puerum grex fortē vagus, dum quarta camœnis
 Iustitium fert dulce dies, & gymnade clausā
 Per virides impunē licet discurrere campos,
 Hæc tulerat gressus. Qualis (proh Iuppiter!) arbor
 Vnus ait: quo pomorum circumflua luxu?
 Si faciles propius ramos demitteret, aut si
 Nos quoque finxissent Neptunia semina, quantos
 Nuper, Aloidas, cælo capita alta ferentes, (a)
 Clamosus tumidâ referebat voce magister;
 Quæ foret hic nobis vindemia? Quas ego plenis
 Iam tunicis prædas, & quæ spolia ampla referrem?
 At mihi Aloidum nil corpore, subiicit alter,
 Nil opus in dulces Smyrnxo carmine prædas.
 Si vetitum arboreos sublimi carpere dextrâ;

B 3

Su-

(a) *Homer. Odyss. lib. II.*

Sublimi haud vetitum iactu prostrernere foetus .
 Inuida quos manibus longè Natura remouit,
 Ad nostros iam iam æqua pedes solertia ponet .
 Hæc ubi dicta, humeri proiecto tegmine, saxum
 Arripit, & valido rotat in sublime lacerto,
 Mox aliud, rursusque aliud . Nec cætera segnis
 Exemplum spectare cohors . Par omnibus ardor :
 Tela petunt, onerantque manus, atque ictibus ictus.
 Agglomerant . Pleno volat æthere saxeus imber :
 Dant gemitum rami : decussis vndique tellus
 Stipatur folijs, stipatur glandibus . At Nux
 Infelix, rapidâ circum stridente procellâ,
 Tot plagis laniata sinum, tot foetibus orba,
 Iam viduæ exemplum Niobes, iam ponere flatus
 Immodicos, verbis & docta minoribus uti,
 Quis furor ? exclamat, Quæ vos, temeraria pubes,
 Infandæ cumenides stimulis tam tristibus vrgent ?
 Hoccine ius ? Prædas alieno euerrere Fundo :
 Exturbare manu pacem : vim, vulnera, cædes
 Nil meritis inferre ? Ah sæuo parcite ludo,
 (Pœnarum satis est) ah barbarâ ponite tela,
 Crudeles . Nullo certè vos crimine laxi :
 Nil merui, tam dura nocens cur præmia ferrem .
 Quin etiam (nimios fracturæ umbracula soles
 Ut taceam) vestris, par quando, an quæritur impar ,
 Vel tribus extructis cum glans superadditur vna,
 Totque alijs, quorum assueti meminisse potestis,
 Materiem Nux exhibeo instrumentaque ludis .
 Pergitis ? O soboles Furiarum ! Pergite . Dignas
 Terga luent pœnas . En rapto fuisse Colonus.
 (Heu miseram ! Cur non licet hæc mihi vera minari ?)
 Aduolat : en immanè furit . Vos ille . Magistri
 Aue saltem, indignos qui iam rescuerit ausus,
 Plagosam sperate manum, horrendumque tribunal .
 Nil agimus . Saxis, quæ iactat, durior ipsis,
 In vacuum fusas ridet gens impia voces,
 Missilibusque nouis certat : prætexit olympum
 Dilu-

Diluies telorum, & spissæ grandinis instar
 Tempestas lapidosa furit. Vulsæ vndique frondes,
 Deiecti foetus, contusæque brachia : primum
 Illa decus patrij, & felix modò gloria Fundi,
 Vix lacerum funus, rapti vix vmbra supersum
 Iam decoris. Vacuum quid prodest crimine pectus,
 Quid puram seruasse fidem ? Tu crimen haberis,
 Fertilitas, hos tu mihi noxia reddis honores.
 Nulla manus sterilem crudo percelleret ictu :
 Lædenti pretium possum quia soluere, lædor.
 Ast ego, natiuo felix mihi credita censu,
 Subiectis inopes ridebam in sepibus vmbas,
 Iuniperi, cornique vmbas. Quàm iustius illæ
 Mutuâ nunc nostris valeant illudere damnis,
 Paupertate suâ incolumes ? Quodd si ista manebat
 Sors miseram, si diuitiæ hac mercede luuntur ;
 Muneribus quid me habuit, Pomona, malignis
 Perdere ? Non satiùs platanus de more fuisset,
 Cælibis aut lauri, viduo frondescere luxu,
 Vmbrarum dominam ? Valeas opulentia, tristè
 Exitij pægnus. Nemorum cum paupere turbâ,
 Et mihi dehinc liceat, nil, quod rapiatur, habenti,
 Ducere ceu fructu vacuum, sic luctibus æuum.
 Questibus his, medio saxorum iur turbine, sæuas
 Infelix damnabat opes, sua funera : parque
 Pax adeo exitium, & similes hinc quisque vereri
 Condiscat, similis cui præsto est copia, casus.

41. Non tamen hæc pacis turbatæ crimina, cæcis,
 Non latus insidijs trepidum, violentaque mille
 Præcipitis lethi compendia, mille relictæ
 Ad lentos obitus tormenta tenacia vitæ,
 Omne putes sortis virus, Summamque Malorum,
 Quæ grauior, cum blanda magis, Mortalibus affert.
 En alias animi clades, Insertaque cæcis,
 Plus etiam lugenda, Mali contagia fibris.
 Agmen agit stolidus mentis tumor : obsequijs dum,
 Plaudentis populi, vanoque errore superbi,

Egressos iam sese Hominem, iam summa tenere
 Votorum, magnisque putant vix cedere Diuis.
 Protinus ergo omnis labor, & solertia cessit;
 Egregijs nusquam locus artibus: otia cordi,
 Fœdaque segnities. Quid enim te, Gloria, duræ
 Sectari per iter virtutis, vel tua, Pallas,
 Munera perpetuo malint sudore pacisci,
 Vna quibus fului blanditur gaza metalli:
 Hæc Sophia, & Virtus, hæc quidquid vota requirunt;
 Quidquid Numina sunt? Par inde licentia: fastus
 Impatiens legum: totum vanescere sortis
 Creditur eximæ pretium, communia iura
 Si subeat. Facinus quamvis sine dote, nec vlli
 Sollicitent fructus; sat causa furentibus ingens
 Ad soelus, ut sibi cuncta probent, vel iniqua, licere.
 Audax pro virtute furor, pro iure libido,
 Multaque posse decus summum, non debita velle:
 Peccando, valeant quid viribus, experiuntur.
 Si tibi quid damni impositum, si læderis insons;
 Iudicij spes cassa. Forum nil omne querelis
 Proderit impleuisse, nihil mare, sidera, cælum
 Testari, legesque hominum, legesque Deorum.
 Acrius hoc Illos stimulat. Post æra negata,
 Post immissa nouis armenta famelica latè
 Frugibus, & fines emotos pauperis agri,
 Non decrit, quæ te, pretio conductâ, trucidet,
 Seminecem aut duro sub stipite, dextra, relinquat.
 Ergo, licet rapido stomachum permisceat æstu
 Bilis, & inclusas animus malè digerat iras;
 Pythagoræ cen discipulus, mutire caueto:
 Quin forti rebusque tuis gratare, quod vna
 Pars tantum sublata, quod hostis cuncta peperoit
 Eripere, & pannos misero, vitamque remisit.
 Tam violens, furibunda, humani nescia sensus
 Diuitiarum est conditio, naturaque: legum
 Sic tabulas, iusque omne, sibi lex ipsa, reuellit.

42. Sed quid ego longis rationum flexibus amplæ
 Inge-

Ingenium ferale, & noxia crimina sortis
 Persequor ? Exemplo liceat cum protinus vno
 Discere, quàm nihil illius vel maxima quæque
 Gaudia, præ misto alterius sint pondere partis .
 Si quæ Fortunæ eximio ditissima censu
 Floruit ; hæc certè est, quæ ferrea dicitur, ætas .
 Nunc aurum prope vile : suus flauescit vbique
 Pactolus, Gangesque suus . Licet omnia tellus
 Non omnis ferat ; omnis habet : commercia Mundum
 Huc, illuc peregrina ferunt, ditescere doctum,
 In sese sua dum, diffundens, munera cogit .
 Sæcula quæ vel auara magis, vel prodiga ? Quando
 Par rerum nitor, aut luxus solertior ? Vnum
 Certamen, quis plura habeat, quis perdere norit
 Splendidiùs : totis conatibus vtrique vanas
 Vitæ in delicias ars, & natura laborant .
 Anne igitur nobis ideo felicior æui,
 Quàm priscis series Mortalibus : ardor habendi
 Cum procul, exiguoque hilarem se vita ferebat :
 Pro nitidis auro cum sedibus hospita rupes
 In faciles placuit somnos : penetrabile frigus
 Horrida neglecto defendit murice pellis :
 Nectareos latices fons, victum præbuit arbor ?
 Heu ! quo diuitiæ, cumulo creuistis eodem
 Inuisti scelerum foetus, diræque Malorum
 Omnigenum pestes . Haud illis Maurica sæclis
 Robora decidas Sipylon pressere columnas :
 Mæronæ nusquam chlamydes, & adultera sacro
 Vellera Sidonio, nusquam cæлата Corinthus,
 Artificumque manus : sed nec periuria, fraudes,
 Insidiaeque truces aderant, funestaque bella,
 Et strictis hinc, inde pares mucronibus Iræ .
 Votorum tunc Summa, satie : nullique cupido
 Alterius suspecta : hominum quot millia, fratrum
 Vnanimi totidem cœtus : tunc nescia fuci
 Simplicitas, tunc alma fides, atque aurca morum
 Temperies ; sine lege pias, sine iudice rexit .

Priuatus pudor, & censura domestica gentes.
 Illi apices hominum, nascentis gloria Mundi,
 Integer ille æui flos, illibataque cæli
 Semina, nec Superis indigna parentibus ætas :
 Innocuos quorum mores, tranquillaque nobis,
 Nescio quo læuo ceu sydere, gaudia præsens
 Futilium prouentus opum in contraria vertit.
 Et dubitamus adhuc, tot tristitia funera rebus
 Cum ferat humanis lautæ indulgentia sortis,
 Accensere Malis, vitæque inimica putare,
 Sensibus abduci vecors suprema Bonorum
 Quæ ctepat, & falso miratur pectore vulgus ?

43. Heu steriles Veri, insanæ quos denia turbæ
 Viuendi per iter ducunt vestigia, Graios
 Tanquã Helice nautas : & quidquid mens bona contra
 Occinat ; id rectum, quod plurimus approbat author,
 Constituunt. Ideone igitur superaddita nostris
 Sensibus æterni, Ratio, lux filia Solis,
 Deteriora bonis dignoscere, curuaque rectis
 Qua licet ; vt clausis post errabunda Priorum
 Agmina luminibus rueremus : lanigerarum
 Cupeendum mos : demisso quæ vertice, primis
 Quã libuit, temere associant vestigia : rupis
 Et siue vna ingum scandat ; seu præcipitet se
 In foueam ; reliquum porro ruit ocyûs agmen,
 Secutum quò, vel quare ducatur, eatque ?
 Prima Mali hinc Homini labes : hoc funditus omnem
 Euertit vitam. Nemo sibi desipit vni :
 In commune mali sumus, abreptique, sequentes
 Abripimus. Fatui semper sic longior ordo
 Agminis, & vitæ fit regula publicus error.
 Cumque vagos cæli cursus, cum fulminis ortus,
 Ventosque, pluuiasque, arcanaque semina rerum,
 Et varias Mundi leges condiscere nemo
 Plebis ab ignaræ eloquio dignetur ; eandem
 Quæ Bona sint Homini, vel quæ diuersa docentem
 Attoniti tamen auscultare, insulsaque dicta

Non

Non secus excipere, ac Naturæ orâcla solemus.
 Futile ceu vani non multò hic crassius erret:
 Iudicium populi; quàm si ingrediatut opertas:
 Ventorum, rapidique vias percurrere Solis:
 Aut veluti nostra plùs referat, ætheris alti,
 Et pelagi certâ ductas ab origine causas
 Noscere, quæ nihil ad vitam moresque regendos:
 Proficiunt; rectos animis quàm ducere sensus.
 De Pulchri, atque Boni, & vitæ ratione beatæ
 Pectora qui tantus stupor alligat? Vnde profunda
 Hæc adeo humanis vecordia mentibus? Atræ
 Bilis agit furor? An magici violentia cantus?
 An graue stellarum inbar? An funestior ira
 Numinis, eumenidumque faces, pœnæque Nocentum?
 44. Verû age: sint Bona, sint, quantum plebecula cœ-
 Splendida, magnifica, & nostris rationibus apta, (ser,
 Sortis ab arbitrio veniunt, quæ dona; fruentem
 Anne ideo lætum facient, solidèque beatum?
 Haud equidem, ni perpetuo sibi tradita nexu:
 Possideat: veluti neque Cræsi æraria ditem,
 In patrijs aggesta licet penetralibus, Irum
 Constituant, ni signatis priùs illè tabellis
 Legitimum tanti capiat ius muneris. Atqui:
 Fortunæ hæc ratio: nulli se fœdere certo
 Mancipat: exigui tantùm dat temporis vsum,
 Cum volèr, ablatura. Laris, censusque paterni:
 Quid dominum falsò te iactas nomine, cultos
 Veriùs externi dicendus pignoris? Illic
 Nil pendus, mihi crede, tuum. Sors annuit æqua
 Utendum: nec, quod dederat, non æqua vicissim
 Sors repetet. Nimbi, fures, incendia, lites,
 Naufragia, & quidquid partis nos rebus inanit,
 Illius Accensi sunt, lictoresque, iubentis.
 Prompere depositum. Renues? Cunctabere? Nugas
 Egeris: inuito rapient, frustra que gementi.
 Nec minùs arbitrijs hominum diuersa, sui que est
 Cætera fors iuris. Quid enim? Propriumne vocabis

Hoc frontis diadema ? Voces : renuente superbum :
 Indocili ni plebe iugum, iam nuda relinquet
 Tempora Conspiciam propria inter munera famam
 Rettuleris ? Referas : si quo tibi bacchare cautum,
 Suspicio ne vana, dolusve, & rumor iniquus
 Seu decus id minnat ; turpi seu stigmate foedet .
 Nonne vides, cuncta hæc, aliena, precaria, iamque
 Mutatura larem, nihilò tua posse vocari .
 Iustiùs, ac Tyriz chlamydis, quo pulpita verrit,
 Peniculamentum, sceptrique insigne cornicum,
 Temporis exigui pompam, sua dixerit actor
 Scenicus, Atriden quoties, szumque Creonta
 Exhibet ? Inflato nimirum hic pectore postquam
 Per populi se magnificè circumtulit ora,
 Grandia iura dedit famulis, tragicique crepantes
 Eloquij ampullas, & sesquipedalia verba
 Conglomerans, regum fortunam, animosque superbos
 Implevit ; positis, mora parua, Insignibus exit,
 Furtivis nudata velut cornicula plumis,
 Germanus ficto de regnatore lanista,
 Quique Creon, iam Sosisgenes . Hic mimus in horas
 Luditur : hæc procerum, quos vulgus adorat, imago .

45. Ergo, sibi quâvis placeant, Superùmque velut iam
 Collegæ, tumidis affectent sydera crisis ;
 In medio tamen ægra gerunt submissaque fastu,
 Curarum varijs & fluctibus anxia corda :
 Nec ratio, aut vis, qua trepidi lenire tumultus
 Pectoris, & circum laquearia celsa volantes
 Submouisse metus liceat : nec (vt omnia paucis
 Exequar), in tanto cumulatæ fortis aceruo,
 Te reliquis vnâ potiorem mercibus, vnum
 Te curæ vorique omnis, Pax aurea, finem
 Inueniunt : proprijs tantùm, eximijsque parandam
 Nempe Bonis : quæ fortuitò contingere quisquis
 Posse putat, Chios rigidis e. sentibus idem
 Autumnos pendere, vel Hyblæ purpureum ver
 Vrticæ tribulique satù sobolescere credat .

Vos,

46. Vos igitur, quorum terreno in corpore Titan
 Semina cognatae haud frustra permiscuit æthæ,
 Lætitiæ puros si tandem accedere fontes
 Fert animus: si blanda quies, securaque cordi
 Gaudia; quidquid opum cornu largitur amico
 Sors levis, infidos census, perituraque dona,
 Magnanimo, cupidi meliorum, spernite fastu.
 En alias summo deuectas æthere, nilque
 Fatorum occiduis debentes legibus, alma
 Diuitias Virtus (pretium, voluisse) reponit.
 Huc audas mentes, huc vota capacia, totos
 Huc animi laxate sinus. Hoc pectora pleni
 Munere, iam fati cursus, iam tempora vestro
 Fingetis nutu. Vel Pacis nulla fruendæ
 Spes Homini; totum vel nostri hoc esse fatendum
 Arbitrij iurisque Bonum. Gaudere volentem
 Occidua nil cuncta iuuant æraria sortis.
 Intra animum nasci voluit Deus, esse beatos
 Quî liceat. Votis longè contrarius errat,
 Deserto qui sese, alibi sua gaudia querit.





EVTHYMIÆ

Liber Secundus.

FELIX, atque iterum felix, sua pendere norit:
 Si Bona gēs Hominū! Nullo munimine quā-
 Testa sub ætherei mittatur luminis oras; (vis:
 Non tamen est, genitam naturæ lege malignā.
 Cur se propterea doleat: vulgoque Perarum.
 Cur habiles plumas, innataque vellera, curruum.
 Aut capitis decus, & validos inuiderit ungues:
 Omnia dum, varius quæ rerum postulat usus,
 Instrumenta Boni, vitæque operosa tuendæ.
 Præsidia in solâ meliùs Ratione recepit.
 Singula ne memorem, quæ nobis plurima longè,
 Commoda, tam pulchro cæli de pignore manant;
 Anne parum, nostris hilarem quoddam fingere vitam.
 Hinc licet auspicijs, neo avaræ obnoxia sorti,
 Ex se lætitiâ sibi sufficit ipsa voluntas?
 Fac, genus hoc usquam pertis venire, beatum:
 Hoc aliquo nasci terrarum limite germen,
 Omnia mæstitiæ abstergens quod Nubila, puris
 Cordibus æternæ inscribat Thaumantida pacis;
 Vllane te medijs facies discriminis, vllâ
 Terreret series longarum immensa viarum,
 Oppositæque Alpes, tumidisque agitata procellis
 Æquora; quin dulcem ad metam per saxa, per undas,
 Ipsaque Dædaleis per Nubila cursibus ires?
 Vllane Lydorum abnueres æraria regum.
 Muneris in tanti pretium spondere, futurus
 Illicet hoc vno diues, nullius egenus,
 Terrenæque ferunt sortis quæ ad iura, beatus?

Et

Et tamen hæc nostro vernat sub pectore messis
 Aurea : tam lætam quovis Natura sub axe
 Proposuit mercem Mortalibus . Vnica nigro
 India sit felix hebeno : fragrantia soli
 Thura legant sylvis Arabes ; non imputat vllis
 Se propriam, nullis facilem se denegat oris
 Pax, Mundi commune Bonum : eximijsque referta
 Dotibus, haud (merces veluti gazæque minores)
 Prouentu pretium raro, latebrisque tueri
 Indiget, haud famâ se commendare remotâ :
 Æmula quin potiùs Phœbeæ lampadis, omnes
 In populos pleno sua gurgite dona refundit,
 Festinatque capi, se seque morantibus offert .
 Desint diuitiæ, Regnantùm gratia, fulgor
 Nominis, illustres proavi, sublimia sceptrâ :
 Quid tum ? Non ideo deërit plenissima (mentem
 Diuinum modo quis rectâ instituat ratione) voluptas .
 Ni, tibi concessam, Fortunæ, prodigus, vltro
 Vendideris ; stabili propriam sub lege tenebis .

2. Quod quia Socratico meditatus Apolline, letos
 Irrita quàm veniant æui felicitis ad vsus
 Omnia propitiæ, docui iam, munera sortis ;
 Nunc quàm vana cadant minitantis fulmina, quoque
 Illius infestam Sapiens vim robore frangat,
 (Da fontes, da, musa, novos haurire) docebo .
 Vt, veluti spes ambiguas, infidæque vota
 Depulimus, nil fortuitis occurrere docti
 Eximium in rebus ; sic (quæ pars altera restat)
 Tristitiam imbellem, consternatosque timores
 Mente relegemus, nil extima vulnera gnari,
 Nil varias clades, humanorumque Malorum
 Compositis virtute animis tormenta nocere .

3. Non tamen hic ideo (quantumlibet illa repositos
 Iactitet arcani tripodas sententia Veri) (a)
 Omnia quæ nobis extrinsecus aspera rerum
 Adueniunt, falsò contendam inimica putari :

Naturæ

(a) Vide Epist. cap. 8. Sen. ep. 24. & 78.

Naturæ ceu sponte suæ nil corpora lædant,
 Nil animos : neque sæuitiæ verique doloris
 Plus habeant, nostri vanus quàm pectoris error,
 Inque suas pœnas mens ingeniosa, maligno
 Addit opinatu immeritis . Hæc splendida dictu
 Communis siquidem sensus ratioque refutat,
 Cecropijs grauior Veri cortina magistris .

4. Id potiùs, nulli, quod sit dubitabile, ponam :
 Mentem hominis multum versandis rebus, & utram
 In biuij partem libeat, seu limite dextro,
 Siue sinistrorsum flectendis, iuris habere :
 Quatenus alterutrò spectantia plurima in illis
 Iam falsa effingit ; iam parua impensius auget ;
 Oppositis iam mista (Mali nil quando, Boniue
 Syncerum penitus Mundi concordia discors
 Rebus in humanis patitur), quocunque remoto
 Alterius fortis discrimine, pura seorsum
 Concipit : hinc adeo vim, mensuramque doloris,
 Fortuiti quo corda solent percellere casus,
 Non tam luctificà venientium ex indole rerum,
 Quàm varijs animi ducendam e sensibus, eque
 Iudicijs, medias quæ is res perpendimus ipsi .

5. Quæ nisi vera forent ; eadem cur fata sereno
 Altera pars hominum, turbato aut altera vultu
 Exciperent ? Audin, quàm tristibus omnia circum
 Compita, perque domos iactetur nuda querelis
 Pauperies : ceu sortis onus, quo maximus æther
 Non grauior Mauri senis in ceruice recumbat :
 Quoque superpositam semiuistaq; membra prementem
 Enceladus nunquam, sapiens, mutauerit Ætham ?
 Et tamen hanc Phocion adeo cõplexus amicè est, (a)
 Dyrceusque Crates etiam quæsiuit ; ut alter (b)
 Quantovis Macedum mutare negauerit ; alter
 Toto etiam patrio redimi bene duxerit auro .
 Si pereant merces ; nullum se luget Auarus,

Iam.

(a) Plat. in vita Phoc.

(b) Laert. in vita Crato.

Iamque venena parat, gladios, suspendia . Rerum
 Discat Anaxagoras iacturam ; Munera vestra (a)
 Agnosco, Superi, referet . Proh quale gementi
 Curarum dempsistis onus ! Iam non ego fundis,
 Non opibus viuam, non lucro hæredis auari,
 Sed mihi, sed sophiæ . Felix iniuria, seruat
 Quæ læsum ! Fueram, mea ni fortuna fuisset .
 Ecce, quibus lacrymis, quanto producere luctu
 Natorum soleat crudelia funera mater,
 Ferales amplexa regos, vnoque cremari.
 Igne velit . Frustra comites solantia verba
 Ingeminant : nulla est tanto medicina dolori .
 Quid Xenophon? Caræ sobolis damnatus acerbò (b)
 Funere, lugentes etiam solatur Amicos,
 Nil mirum repetens, mortalia cedere morti .
 Luminis orbus erat Cyclops, fraudatus eodem
 Munere Tiresias . Par vulnus vtrique, sed idem
 Non vtrique animus . Lucis securus adeptæ (c)
 Colloquijs Parcarum . Alter, fatisque vacabat :
 Vaticinamque ferens vltra sua tempora noctem,
 Inuia prælagis Arcana legebat in umbris .
 At Siculus pastor, truncâ vestigia pinu
 Errabunda regens, syluas & concaua duro
 Littora rumpebat gemitu, notumque subinde
 Nomine veruecem compellans, illius æger
 Laudabat sortem, per prata virentia, perque
 Irriguas valles, quâ deuia cunque libido
 Impulerat, Domino quòd fortunatior iret .
 Ne longo sermone ferar per singula ; fati
 Sorte quid extremâ grauius Mortalibus ? Atqui
 Reclamat populo, vanique ea spectra timoris .
 Atticus explodit Senior, non dispare vultu . (d)
 Lethiferæ sorbens virus ferale cicutæ ;

Ac si.

- (a) *Kale. Max. lib. 8. cap. 7.*
 (b) *Laert. in vita Xenoph.*
 (c) *Vide Cic. 5. Tuscul.*
 (d) *Socrates apud Plat. in Phæd.*

Ac si Palladijs olim Solennibus, inter
Vnanimos cœtus, & amicæ gaudia mensæ,
Lætitiæ authori libaret pocula Baccho.

6. Quam tam dissimiles igitur de fontibus iisdem
Affectus animorum? Idem cur casus vtrique
Deiicit Hunc; Alium neque dimouet: Illius ora
Confundit lacrymis; Huius nil gaudia libat?
Népe, quod haud minimû refert, quâ quisq; superbos
Sortis ad incursus, & fata minantia mentem
Obijciat, quo res dubias examine libret.
Sandapilas, morbos, inhonoræ stigmata fimæ,
Pauperis illuuiem censûs, seruilæ catenæ
Barbaricæ pondus sunt, qui, ceu summa Malorum,
Ac penitus Mala, concipiunt: immitiis illis
Quos ideo cur miremur præsentibus angi,
Taliaque experiendo pati, sibi qualia fingunt?
Omnia cum Sapiens genus hoc discrimina, tanquam
Viribus inferiora suis, neque funditus omni
Lætitiæ fructu, meritoque carentia, spectans,
Quolibet erectam Fortunæ in turbine mentem
Sustineat: vel si fessus deiecerit Atlas,
Quam tulit, immensam, per tot iam sæcula, molem,
Fractaque naturæ descendant mœnia; tantis
Indeclinatâ occursurus fronte ruinis.

7. Picturæ genus est, aliâ de parte, aliâque
Quod diuersa Sui præbet spectacula. Dextro
Si lateri assistas; en Mirmillonis imago.
Districto mucrone ferox. Læuâ aspice; scurræ
Pantolabum, gestu cernes, vultuque facetum:
Rectâ dêinde facer qui fronte videbitur heros,
Proteus haud mendax artis, seque illa, vel illa
In personarum subitò discrimina vertet.
Haud alijs excusa typis hæc omnia credas,
Quæis homines Natura, homines aut veriùs ipsi
Se quibus exterrere solent, simulacra Malorum.
Hinc videas; metues: contempseris ocyùs illinc
Spectabant eadem Sophiæ duo lumina priscæ,
Abde-

Abderitanus Sapiens, cuiusque Dianæ
 Heraclitus, at oppositis e partibus . Ergo
 Ridendi nimius toto pulmone vomebat
 Assiduos alter, sine lege modoque, cachinnos ;
 Alter, inexhaustâ miserâque libidine flendi,
 In lacrymas vix non oculos, lucemque liquarat.
 Externa vsque adeo sibi mens attemperat, &, pro
 Arbitrio, nunc has facies, nunc vertit in illas .
 Non secus ac, tardos vteri sub pondere menses
 Mater agens, varias rerum, quas ipsa volutat
 Fôrs animo, species pueri venientis in artus
 Sæpiùs occulto naturæ imitamine transfert .
 Setigeri suis vnde notam, cristisve decoræ
 A litis inscripto plures duxere figuram
 Pectore : sanguineis hic tempora pingitur vuis ;
 Inficit huic malas baccæ liuentis imago ;
 Pomum alijs mento adnatum : nec defuit, ore
 Cimmerio atronitam qui, Partulus, Ilithyiam
 Terruerit : tacitis quodd talia sensibus olim
 Imbiberat simulacra parens, crescente sub alno
 Effigiem teneri cum conformaret alumni .

8. Fac tamen, in medio sævæ discrimine sortis,
 (Hoc alijs iustos agitabimus æquore cursus,
 Nunc libet intactum transmittere) fac nihil, inquam,
 Tristibus euentis animus tunc conferat, omnis
 Manet ab externâ sed noster origine luctus .
 Quid ? Cum mæstitiæ causis procul, inter amici
 Blanditias aliquis iucundaque munera fati,
 Sollicito dubios agitans sub pectore casus,
 Ex nihilo (incerti nam cur levis vmbra Futuri
 Plus nihilo ?) veri trahit argumenta doloris :
 Nec secus, ac præcepta animo si vulnera ferret,
 Ambiguæ vanâ cruciatur imagine cladis :
 Tuncne etiam præsens iugulum fors impetit ? An nos
 Illius absentis vice fungimur, armaque fictis

Præ-

(a) *Iuvenal. sat. 10. de Democr. & Heracl. Ephesio .*
Lucian. in Auctione Vitarum .

Præbemus, valeant quæ is nos prosternere, larvis ?

9. Heu furor ! Inuisis heu nemo nocentior hostis
 Hostibus, ac stultus sibi quilibet ! Vnde remotos
 Venari gemitus homini tam dira libido ?
 Quæ læui mala fraus genij, quis fascinat error,
 Spernere lætitiæ præsentem : crastina fortè
 Quos vehet, aut fors nulla vehet quos hora, labores
 Præcipere : anersis & cladibus obuia ferre
 Pectora ? Vos, almæ Pacis iustissimus ardor
 Quos rapit, hæc fortis libamina vana futuræ,
 Has, moneo, curas seponite : dumque benigno
 Pollice nent hilares Saturnia sæcula Parcæ ;
 Ne pigeat promptâ fugitiuæ munera lucis
 (Vtteriùs Babylon, Lydusve inquirat haruspex)
 Excepisse manu . Nam quò iam prospera rerum,
 Quò Superi faciles, & euntia vota secundis
 Ominibus ; liquidos tam puri nectaris haustus
 Diluit occulto si mens ingrata veneno ?
 Omnia si postquam factorum munere pleno
 Euenere ; deest animus, ratioque fruendi :
 Plusque fodit dubij, species longinqua pericli,
 Commoda quàm quæcunq; iuuent præsentia? Nusquã
 Certa quies : lætæ periit fiducia vitæ,
 Sub trepido tam dira vultat cui pectore Erinnyes .
 Cuncta foris tranquilla licet : non finibus Hostis
 Ingruat, Æolio non turbine mugiat æther ;
 Tempestas animum versat sua : durior intus
 Obsidio premit . Æternâ formidine pallens
 Stultitiæ culpam luet : infernisque sub umbris
 Quas vetus immanes præscripsit fabula pœnas,
 Ante rogam, superi fruitur dum luminis aurâ,
 Æacus ipse, sibi statuet . Quid scilicet vrgens
 Tantaleum caput, & iamiam voluenda, ruentique (a)
 Assiduè similis cautes designat : anhelam
 Quidve famè importuna epulis genialibus arcens (b)

Tisi-

(a) *Lucr. lib. 3.*

(b) *Vide Virgil. lib. 6.*

Tisiphone ? Nisi, Stultorum qui pectora turbant,
Oblatoque vetant fructu gaudere, timores .

10. Hanc adeo vitam, vitæ sub imagine lethum
Seu magis hoc, priscis olim duxisse Mycenis
(Vera cano : vos o musæ, & tu testis, Apollo)
Narratur veterum titulis generosus auctorum
Andremon, censuque potens, felixque futurus,
Eumenidum sineret furor, & Rhamnusia vindex .
Namque tumens animi , & magnâ subnixus opum vi,
Pauperiem malè tutam, indefensosque premebat
Exemplis ciues immanibus, obvia quæque
Legum audax, mediique repagula frangere iuris .

11. Ergo, vbi nulla salus rerum, spes nulla furentē
Comprimere, humanisque opibus fiducia deérat ;
Offensum de plebe Aliquem sic æthera votis
Compellasse ferunt . O, qui mortalia, summo
Æternùm vigiles stellati e vertice Mundi,
Seruatis, Dîj, facta, vicesque merentibus æquas
Redditis, in pœnas cur dextera lentior ? Aut quæ
Sera adeo vestris patientia viribus obstat ?
Scilicet immeritæ Lipareo sulphure pinus
Fumabunt Rhodopes, & nil peccantia saxa ?
Qui leuet infando pressas Andremonæ terras,
Nullus anhelabit Siculis fornacibus ignis ?
Exhaustæ nubes, torpebit frigidus æther ?
At non ille Deos in prælia poscere segnis .
Quid pensi malesanus habet ? Quid liquit inausum,
Intactumque, furens, scelorum ? Per singula fando
Si ferar ; ante diem sol vespertinus Iberis
Condiderit, tolletque iterum rediuius Bois
Fluctibus . En patrio, en ipsum me nuper agello,
Qui tenuis censûs caput, & spes vna tuendæ
Paupertatis erat, nequicquam iura vocantem,
Depulit . Hæc ego si tam barbara criminis expers
Supplicia expendo : vestris si liba facellis
Annua, & exigui primæuos ruris honores,
Vsq̃ue tuli ; seruate Pios, cohibete Nocentes

O su-

O Superi : & tale importuno in Diuite pœnæ
Vindictis exemplum venturis prodite sæclis ;
Humanas vt si vires effræna Potentum,
Baccharique impunè ferox audacia spernit ;
Esse Deos, fandi memores, sciat, atque nefandi .

12. Haud vanæ fugere preces : sanctissima cælo
Audijt orantem Nemesis, magnoque vocato
Concilio virtutum, vna altior ipsa resedit .
Pompam addunt solio, maiestatemque sedentis
Horrificant famuli cœtus, Pœna, aspera Pœna,
Iraque, flamminomusque Furor, Vindictaque telum
Ingens, sanguineum, horrendum, exitiale coruscans .
Parte aliâ sanctum Præui discrimen, & Æqui,
Et Leges, & Iura, & non superabile votis
Reginæ Arbitrium, si quando, immanibus ausis
Irritata, velit deiecto fulmine terras
Concutere, & totum impleri terroribus Orbem .
Tali igitur mediam hinc, atque hinc vallante coronâ,
Vltrix Diua loqui solio sic infit ab alto .

13. Certa quidem nullos tandè vindicta Nocentes
Præterit : & iustas soluunt Acheronte sub imo,
In terris quæ dira videt sol crimina, pœnas .
Sed tardum, manes & fata nouissima semper
Expectare . Diu felix, vltore remoto,
Spargitur in Plures facinus : exempla que fiunt,
Quæ fuerant delicta . Erebi illætabile regnum,
Sulphureosque lacus, immotaque iura ferentes
Corpore defunctis Rhadamanthon, & Æacon umbris
Vix non iam pueri explodunt . Pars vana putare
Nomina, compositosq; metus; pars, credita quamvis,
Sera tamen, penitusque oculis imperuia fata
Despicere . Ergo sciant moniti, non vsq; sub Orcum
Disferri meritos ad posthuma funera manes :
Nec Superis alium Phlegetonta deesse, nouasque,
Digna vel ante rogi sceleri quæ præmia reddant,
Viuentium Furias . Iuuat id monstrare Pelasgi
Diuitis exemplo : cuius teterrima nullos

Aut

Aut homines timet, aut credit vecordia Diuos .
 Nominis indicium furor est : Andremona nostis .
 Mentiar, ex vobis si quam violare nefandis
 Abstinit scelerum conatibus . Impia facta
 Præsenti luat exitio . Vos pendite causam,
 Supplicijque modum, & dignum sancite piament .

14. Dixerat: & vario Comites rumore fremebant:
 Sunt, trisido quibus igne placet, cælique ruinâ
 Inuisum properata caput sub tartara trudi .
 Hæc velit, abruptâ mersum tellure, necemque
 Sortiri, tumulumque simul ; velit Altera, captum
 Sensibus, ac membris, longâ sub morte relinqui,
 Seminecis miserum vitæ, spiransque sepulcrum :
 Ast Aliæ, humani ceu nil sub pectore gerit;
 Humanæ censent spoliandum munere formæ,
 Mutandumque lupo, rabidæ vel imagine tigris .

15. Nutat in oppositas anceps sententia partes :
 Astrææ donec fandi locus : Æqua, sorores,
 Illa refert, sceleri decrevisti fata : nec vllum
 Supplicij tam triste genus, quin perfidus Hostis
 Iure ferat . Sedenim, veluti contraria morbo
 Quæ mage pharmaca sunt, ea solæ cura Medentùm
 Deligit auxilio ; recti sic ipsa putârim
 Iudicis officium, furijs ausisque Nocentùm
 Indole pugnantes aduersâ indicere pœnas .
 Contemptrix hominum, Superâmq; audacia primus
 Quando igitur scelerum fons est, Andremona nostris
 Quæ dignum fecere odijs ; aptissima culpæ
 Huic fuerit vindicta, Deos, hominesque timere .
 Lymphatus mentem pavor impleat . Undique laræ,
 Undique monstrificæ assiliant formidinis ora .
 Nec requies : sese ipse, suamque exhorreat umbram .
 Tormentum ferale, atrox, lethique perennis .
 Effigies, letho nimium quàm durior ipso .
 Sic iustum : timeat, quantum fuit ante timori .

16. Hac Astræa tenus . Dictis ex ordine cunctæ
 Assensere Deæ . Malefani crimina fastus,

Ocyus

Ocyùs immisso tremebunda in pectora Sontis,
 Stat punire Metu . Hunc igitur, tellure sub altâ,
 Quæ, penitus latitantem, iniuncta ad munera ducar,
 Mittitur aerio præpes Audacia cursu .
 Illa viam celerans, gelidis conterminus astris
 Caucasus æternæ patitur quâ frigora brumæ,
 Rupibus excisam medijs, vastoque cavati
 Per gremium montis fugientem introrsus hiatu,
 Speluncam immanem, malesæpi tecta Timoris,
 Insolitâ vix non tepidans formidine, vix non
 Immemor ipsa sui, tenet . Occurrere sub ipsum
 Vestibulum horrendæ facies, Lethumque, Laborque,
 Et Morbi exangues, & Bella regentia ferro,
 Sphingesque, Harpyiæque, & terni Cerberus oris,
 Hydraque monstrorum legio, nullique videndum
 Bis caput anguicomæ Phorcynidos, & tua, Vesui,
 Bellerophontæus simulans incendia terror,
 Cumque satis, vâ Junone Bimembribus, in se
 Divisi toties numerosum Ægæonis agmen :
 Quidquid & implacidum, violens, ferale, tremendum
 Vel subeunt,; vel cæcâ homines formidine fingunt .

17. Hæc circum funesta cohors. Nigrantis Avernâ
 Ostia sæva putes : nisi quod cupientibus illò
 Usque pateas descensus,; opaca hic limina triplex
 Conferit, ingressumque vetat solido ære rigentia
 Valuarum series : totidem, quas insuper altæ
 Præcingunt fossæ, æterno & munimine firmat
 Vis immanis catenarum, atque ad singula ducti
 Ostia septeni ferrato robore vestes .
 Non illos obices, & inexuperabilè vallum
 Terrigenûm vis vlla queat percurrere : non, si
 Mille operi insudent acies, non, si nova tentet
 Trinacrius moliri opifex miracula . Pulsus
 Retro aries, retro catapultæ, & ahenea Martis
 Fulmina, tentato nequicquam posse, redirent .
 Ipsa etiam tormenta poli, horrendoque ruentes
 Cum sonitu ætherei furias eluserit ignis

Septo

Septorum rigor indomitus . Nec spes super vlla
 In Domino, qui claustra volens immota relaxet .
 Quin adeo, seu fortè Noti violentior aura
 Infremuit syluis ; alius seu proxima circum
 Auditus fragor ; hostiles, sibi pessimus augar,
 Infidias metuens, trepidos ad limina gressus
 Corripit, exploratque vigil, num cardinis vsquam
 Mota fides : vitium paries num traxerit : ecquid
 Adducti chalybum nexus, còagmentaque ferri
 Pressa : suis vestes oculis num firmiter apti .
 Mox, neque perspectis securior omnibus, inam
 Rupis in abruptæ noctem, extremumque barathrum
 Mergitur . Hic illum assidui Pallorque, Tremorque
 Circumstant : macie prior, illuvieque peresus,
 Luridus, exanguis, quales, dum cæca flet nox,
 Ferales memorant bustis erumpere larvas ;
 Inualidis Alter nervis, fluidâque vacillans
 Membrorum compage, & dentes dentibus vsque
 Incutiens, lugubrè sonat, cordique perennes,
 Nec lætas choreas angusto in pectore mandat .

18. Frustra igitur pulsus foribus, dominoq; vocato,
 Irrita consilij, munito a limine retro
 Vertisset, pudibunda, suos Audacia gressus :
 Id nisi prospiciens olivæ Rhamnusia virgam,
 Cælestem virgam, cui nulla repagula, nulli
 Non pateant obices, munus fatale, dedisset .
 Hoc vbi inaccessos pepulit gestamine postes ;
 Illicet, immensi chalybis compage solutâ,
 Horrisonæ cessere fores . Audacia nigrum
 Irrumpit chaos, atque imis latitare sub vmbreis
 Semîanimem cernit defectâ mente Timorem .
 Tum Nemesis mandata refert, animosque trementis
 Adijcit . Ille, diu cunctatus, colligeret se
 Donec, & exhausto redijisset spiritus ori,
 Plurima causari primò : iam longa viarum,
 Iam dubios casus, fluxasque obtendere vires :
 Cælicolûm tandem imperijs vrgentibus actus,

C

Cum

Cum Sociâ (neque enim fido, incomitatus, ab antro
 Transuersum digitum, latumve ereplerit vnguem)
 Progreditur : vel sic tamen omnia circumspiciens,
 Anxius, attonito similis, minimumque crepantis
 Ad folij tremebunda inhibens vestigia murmur :
 Concubiâ donec visæ iam nocte Mycenæ,
 Quæsitæque tenent sopiti Andremonis ædes .

19. Nec mora, laxatos impactæ verberare virgæ
 Quin subeant aditus . Sedenim, stridentia torquens
 Pondera, dum foribus cardo responsat ahenis ;
 Exciti strepitu (sic o Capitolia quondam
 Seruassent : niuei meritum non anseris esset
 Iuppiter incolomis) banbatibus atria sæuis,
 Et trepidam circum noctem impleuere Moloſsi .
 Idque satis : medijs extemplo territus amens
 Liminibus longè Timor absilit, actaque retro
 Præcipiti dat terga fugæ . Mandata Deorum,
 Andremon, Nemesis, turbato pectore cuncta
 Protinus effluxere : ruit : totumque remensus
 Esset iter, ni fida comes, se perdere blandos
 Vt vidit monitus, validæ conamine dextræ
 Nequicquam refugum arripiens, stertentis in ipsa
 Diuitis obtorto misisset stragula collo .
 Hic tandem, ad scopulum ceu naufragus, hæsit, & altè
 Extructo immersum penitus se condidit ostro :
 Quique solet dubijs rebus mos esse pauentim,
 Fortiter arripiant vt proxima quæque ; cubantem
 Circumsusus herum complexibus illigat arctis,
 Inspiratque nocens virus, cordisque vigorem
 Ebibit, & laruis animum feralibus implet .

20. At miser, accepto penitus sub viscera sæuo
 Hospite, Lethæi Andremon mala Nubila somni
 Excudit, & monstris grauidus, Quæ dira quietem,
 Secum ait, attonitæ rapiunt ludibria menti ?
 Nempe duos, vultu pariter, gladijsque timendos,
 Irrupisse fores, mediâque impunè videbam
 Latrones errare domo . Num lusit inanis

Sopi-

Sopitum species? An habent quoque somnia pondus?
 Credo equidem. Nam sæpe Deos immittere mentem
 Vaticinam de nocte homini, venturaque, dicunt,
 Multa per obscuri nebulas depingere somni.
 Res igitur non ficta: domi certissimus hostis;
 Poscitur insidijs: ipsumque cubile iacentis,
 Dum loquor, armatâ vigiles indagine claudunt
 Grassatorum acies. Quid, si feralia tela
 Immergant iugulo, stratisque repente supinum
 Confodiant? Facient certè. Cur tempora perdo?
 Cur spatium sceleri dono? Nec plura, toroque
 Exilit: & raptim puluinos, stragula, sellas
 Præ se conglomerans, primos munimen ad ictus,
 (Nam tergo auxilium paries) clamoribus altis
 Euigilare iubet Famulos. Turbata repente
 Erigitur domus: attoniti properare ministri
 Cum facibus: Quid triste? Noui quæ causa tumultus?
 Pro se quisque rogant. Ille autem, O stigmatè digna,
 Toruus ait, capita, & venalis spuma catasta,
 Siccine nulla Mei ratio? Sic resque, domusque
 Proditur? En, vino saturi dum pectora, totis
 Ebria ructatis segnes obliuia venis,
 Per tacitas (adeo crimen vigilantius) umbras
 Incustoditis subiere penatibus hostes.
 Furtiuo (neque somnus erat) per limina sensi
 Ire gradu. Non sic aliàs impunè feretis.
 Nunc illud, mora nulla, latus perquirite, vestram
 Quisque vicem subeant, plectendos sistite fures:
 Illic haud dubiè latitant. Paretur: & omnes
 Extemplo, semel, atque iterum custodia solere
 Euoluit capsas, loculos, armaria. Nusquam
 Indiciū furis. Neque sic tamen ægra remisit
 Formido trepidantis heri. Iuuat vndique totam
 Excussisse domum. Fido latus agmine septus,
 Singula rimatur conclauia, protinus ipsis
 A foribus clamans, Nunc nunc intendite curas.
 Huc scelerata fugam vertit manus: hinc, velut altâ

52 EVTHYMIÆ.

Mersus humo coluber, vacuique foramine saxi,
 Triste fouet virus. Teneo vos, improba Caci
 Semina, lucifugæ Volucres, Phineia monstra.
 Siccine compilare meam rem, vindice nullo,
 Posse rati? Iustas soluetis denique pœnas.
 Aduenit, qui vestra, dies, simul omnia furta
 Expiet. In médium deuota erumpite morti
 Victima. Iactantem nequicquam talia rident
 A tergo Famuli, prorumpentesque cachinnos
 Oppositis arcû ad spiramina naris aduncæ
 Vix cohibent dextris: vel dissimulare coactis
 Sternutamentis, e mentitæque laborant
 Ingenio ruffis. Tandem, post omnia frustra
 Explorata, torum repetit. Iamque otia testis
 Reddita: composito iam murmure, languida rursus
 Nox siluit. Nullam miseri sed pectora noctem,
 Tunc etiam arcano penitùs resonante tumultu,
 Accipiunt. Dulci conatur lumina somno
 Declinare: negant curæ. Vix prima resedit;
 Altera iamque noui surgit terroris imago.
 Non secus, ac vasto cum turbidus Atlanteo
 Seu Boreas, seu nimbisoni furor incidit Euri;
 Rupta quies pelagi: bella, horrida bella minantur
 Littoribus rapido exciti molimine fluctus,
 Instaurantque nouas acies, semper priorem
 Excipit alter, & alter: hic imâ effusus arenâ
 Æstuat; ille minax abrupto vertice pendet,
 Et similes iamiam pronus descendit in ictus:
 Centum alij, centumque à tergo immania voluunt
 Murmura. Spumifero concussæ verbere cautes
 Horrendum ingemuere, tremittque exterrita tellus.
 21. Esto, ait, expulsi migrarint ædibus hostes:
 Num vacui tamen? An vacuas liquere? Quid? Illam
 Si tulerint, auri pretioso pondere sacram
 In stabulo quam defodi, male prouidus, ollam?
 Heu timeo. Non hîc seruis confidere tutum,
 Non soboli, non vxori. Me hæc munera poscunt.
Haud

Haud mora : consurgit tacitus, raptoque ligone
 Suspectam resupinat humum : mox, credita nactus
 Pignora, ter, quater enumerat, notisque recondit
 Altius infodiens latebris : iamque omnia salua
 Esse putat ; cæcis animi iam fluctibus actus,
 Nescit quid trepidet, trepidat tamen omnia . Vix se
 Proripuit stabulo abscedens, subitusque reuertit :
 Nec modus, aut requies, motæ vestigiâ terræ
 Calcato delere solo . Quò cautiùs omnes
 Nititur insani causas remouere timoris ;
 Hòc plures, pluresque in pectore colligit, augens
 Anxiferam, nimia dum discussisse laborat
 Anxietate, lucem . Jam conscia rastra, lucernam
 Jam testem, (Quid multa ?) ipsum iam se timet, aurum
 Ne quâ defossi indicium, sibi perfidus, edat .

22. Interea pulsus rediuiuo sole tenebris,
 Post vigiles noctis curas, haud lætior ægro
 Lux oritur : qua cogendi pars rite senatus
 Esse iubebatur, multæ vel nomine certum
 Pendere (sic patrijs prouisum legibus) aurum .
 Ire parat : sed, multa timens, priùs omina linguis
 Ex auium, pennisque notat : num garrula cornix,
 Parrave, num læuo Mauortius æthere picus .
 Cuncta fauent, vnum trepidi modò pectoris absit
 Augurium . Cornix illic, funestaque parra,
 Noctuaque, & bubo, & diræ genus omne Volueris
 Funereo tristes alternant gutture cantus .
 Ecce autem Tyrio fulgentia vellere, contra
 Lampadis æthereæ radios, umbracula serui
 Extulerant . Acri spectans hos turgidus irâ,
 Quò mihi tam vani, stolidissima pectora, clamat,
 Tegminis auxilium ? Nempe hoc imbellis Arachnes
 Aerium vellus, Tyria hæc nubecula frontem
 Munierit, patulis vbi fòrs rimosa fenestris
 Vasa cadant, nimio vel tegula cesserit Austro .
 Vsque adeo solis antèhac didicisse negatum ;
 Vel nihil & gnaris curæ est, quot fata supernè

Immineant ? Quid ? si fulvus Iouis armiger, alto
 Rapta ferens cælo testudinis ossea terga,
 Vnguibus e curuis subiecta in tempora durum
 Excutiat pondus ? Tali an non Æschylus icu (a)
 Æschylus Actæi iubar immortale cothurni,
 Ac scenæ decus occubuit ? Pro diuite velo
 Ocyus immensum clypei septemplex orbem,
 Tergoribus taurorum, insutoque ære rigentem,
 Desuper ambiguos contra prætendite casus .
 Ne multis morer ; allato sub tegmine, vulgi
 Non sine mirantis risu, varioque susurro,
 Egreditur : necnon munimine testus eodem,
 Post decisa, domum, Patriæ consulta, reuertit .

23. Iamq; dies, medium curru permensus olympum,
 Tempestiuam epulis tulerat genialibus horam,
 Suadebatque toros conscendere . Plurima secum
 Ille diu versans (metuit quippe atra venena,
 Quale suo, ignarus, lateat sub pectore virus)
 Antidoti demum exhausto septunce , Quid istæ
 In medio Volucres ? interrogat : utque coturnix
 Reddita ; An ex nihilo fuerat, quod præscius, inquit,
 Extimui ? Quem nempe fugit, genus hocce Volantium
 Lethifero solitum veratri semine pasci ? (b)

An non insidias teneo ? Si dē inde vel umbram
 Alitis infandæ noster tepescerit ignis ;
 Vos ego . Sed pisces iam ponite . Tuberis inter
 Continuò tenues lamnas, croceumque liquamen,
 Ingenti recubans muræna paropside fertur .
 Quam simul aspexit, sublatâ percutit amens
 Fulcra tori palmâ, Quodnâ hoc (Proh sydera ?) fatum ?
 Vociferans . Serui infando me perdere letho,
 Per Superos, manes & iurauere per imos .
 En qualem, post mortiferas, inferre, Volucres,
 Cognatum nigris piscem serpentibus ausi . (c)

Quid

(a) *Plin. lib. 10. Hist. Nat. cap. 3. & Val. Max. lib. 9. cap. 12.*

(b) *Plin. lib. 10. Histor. Nat. cap. 23. & Lucr. lib. 4.*

(c) *Plin. lib. 32. Histor. Nat. cap. 2.*

Quid superest, ipsos posthac nisi lancibus addant
 Ut virides colubros, & cum bufone cerastas,
 Squamigerique Afro quod littore cunque veneni
 Voluitur? At meritas dabis, opsonator inique,
 Tu mihi tu tergo pœnas. Nudate scelestum
 Protinus, inque humeris tercentum frangite virgas.
 Sic miser in Famulos sævit: sic cæditur ipse,
 Attonitum surdo pectus laniante flagello.
 Nam neque iam reliqui gustus secura voluptas.
 Fel rhombus, fel dama sapit: vindemia Cretæ,
 Et Mitylenæi damnatur palmitis humor.
 Omnia viroso absinthii medicamine sævus
 Confundit timor, in pateris spumare cicutas,
 Mortiferumque tegi crustis fallacibus hamum
 Usq; monens. Quid agat? Cupido nunc admouet ori;
 Admotas refugo nunc ore auerit ~~refectas~~.
 Fortior en hausit; iam damnat, & expuit haustas.
 Nec satis id: mensis, morbo gliscente, repulsis,
 Sepositas celer in latebras se proripit, &, quæ
 Cunctabunda fames ægro vix frustula ventri
 Crediderat, merfis ea protinus omnia fauces
 In medias digitis, sudans, miserèque laborans,
 Exitiale velut virus, prorumpere certat.

24. Cetera quid memorè? Loricæ ut pondere vasto,
 Ipse sibi, fictos hostes dum somniat, hostis
 Verior, inualidos nunquam non frangeret artus?
 Ut nullum, veterem quamvis notumque sodalem,
 Ni prius excussum tunicas, ni prorsus inermum,
 In sua deduci sineret penetralia? Cæcis
 Auditum quoties arcanæ noctis in umbris,
 Immanem ceu Sphinga, vel horridas Harpyias,
 Horruit infelix culicem? Quam sæpe relictis
 Turbidus exiuit Stratis: illapsa rapaci
 Materiæ tacitum ne fòrs scintilla foueret
 Exitium: bis, terque manu Babylonia vela
 Concutiens, necnon omnes hinc, inde sagaci
 Nare trahens auras: num qua de parte timendus

Furtim grassantis se proderet halitus ignis ?

25. Tristibus his animi stimulis noctesque, diesque
Saucius, impatiens somni, neque prouidus esce,
Ducebat letho quouis crudelius æuum,
Hoc felix, miserum haud longè quòd duxerit æuum .
Cum nullas etenim, fraudis plena omnia fingens,
Auderet trepidis epulas contingere labris ,
Præter poma, suâ ramis quæ pendula carpsêt
Ipse manu ; consuetâ legit dum pabula, putre
Arboreo malum de vertice (neuerat æqua
Sic Lachesis) medio miseri nil tale verentis
Illapsum capiti est . Plumbo Balaris habenæ
Ille, vel excusso frendentis turbine saxi
Tempora dissiluisse ratus, spirabilis auræ
Vix tantum, vocisque habuit, qua diceret, Eheu !
Mox præclusâ animâ, nimio præcordia circum
Se densante gelu, & venas arctante pauore,
Corruit exanimus deserto in gramine pondus .
At Socij, iustis patrio de more peractis,
Funereum tali signarunt carmine saxum .
Hic situs Andremon . Animam qui sustulit, ossa
Implet adhuc timor . Armatus, discede viator :
Ne subito vacuâ trepidus cinis auolet urnâ .

26. Rara quidem, fateor, tam diri exēpla timoris :
Num paucos tamen inuenias, quēis peruigil angor
Vsq̃ue lacescenti nullam sub corde relinquit
Curarum requiem : assiduis quin moribus ipsum
Extenuat, minuitque, animi per vulnera, corpus ?
Dum varios vitæ casus, nunc tristè minantis
Tabem improvisam morbi ; nunc mercibus Indis
Aduersas hyemes, aduersos frugibus æstus ;
Nunc alia attoniti secum discrimina voluunt :
Iamque adeo subiisse putes . Proh nescia gaudi
Pectora ! Iucundis proh rebus semper iniqua
Mens hominum ! Sic ergo parùm præsentia vexant
Nos Mala? Cara domi vsq; adeo est annona dolorum,
Vt procul ambiguas lugendi quærere causas,

Ioui-

Innitisque iuuat lacrymas præsumere Diuis ?
 Quæ miseris ævi talis speranda voluptas ?
 Funestæ quis amor lucis ? Finire laborem
 Non semel, & propero fungi, dum simplice, letho
 Sit satiùs, quàm perpetuo tabescere luctu,
 Totque subire, fluunt vitæ quot tempora, mortès ?

27. Et verò prævisa homines si damna, timendo,
 Effugerent, aliquà vel demum parte leuarent ;
 Non penitus causæ timor & rationis egeret .
 Nunc crucient sese, & gemitu præcordia rumpant,
 Si libet ; haud tamen efficient, ne siue proteruis
 Mercibus Eois Boreas ; siue aspera sulcis
 Inuideat grando : vnumque hoc vesana Futuri
 Anxietas lucrum metuentibus afferet, vt sint
 Bis miseri, & tantò plorent sua longiùs ; ægris
 Plùs quantò properant animis præuerrere fata .

28. Adde, quòd imprudens venturi temporis augur
 Sæpe fuit timor, & quamplurima fingere gaudet,
 Nec cælo decreta, nec vllis debita causis .

Quæ tibi sollicito quid tandem pectoris æstu
 Voluere profuerit ; nisi, somnia vana tremientem
 Vt certus dolor, & præsens ærumna fatiget ?
 Nonne vides, speculâ aerij qui montis ab altâ,
 Nubibus admotæ vel summo è vertice turris
 Despiciunt vasti præceps immane Profundi,
 Offundente metu nebulas, plerunque labare
 Gressibus, &, vis nulla licet concurret, ad imum
 Sæpe sui solâ capitis vertigine volui ?
 Hoc trepidæ mentis specimen : sic illa ruinas
 Sponte facit, quas facturam se finxit, & ipso,
 Abstineant vt fata manum, turbante pauore,
 In formidatos detruditur anxia luctus .

29. Denique pro certo statuendum, plurima, tristi
 Quæ nos sæpe metu, rerum discrimina, versant,
 Plùs præsumpta animo expectataque lædere, sensu
 Quàm coram percepta : Malis & iniùs ipsis,
 Instantiùm quàm prouisu specieque Malorum,

Torqueri mortale genus. Seu diffita fingit
 Quòd veris maiora timor; seu tota refusi
 In longam seriem momentaque plura doloris
 Concipitur pariter quòd Summa: nec ille, nocendi
 Sævitiâ modò, ceu vehemens incumbere; tractu
 Sed spatij quoque, ceu lentus superesse, fatigat:
 Multiplicemque sui turbam, numerumque sequentem
 Colligit, & toties geminus, violentiùs vrget.

30. Quæ ne, luminibus crassi minùs obuia vulgi,
 Te pariter ratio Veri frustretur inanem;
 Sic habeas, longum, quo res protenditur, ævum
 Illius haud proprijs vim, per se, viribus vllam
 Addere: nec, si quid duret prolixius, vno
 Maius idem titulo spatij maioris habendum.
 Cum series etenim cursusque volubilis ævi
 Per momenta fluat, sibi succedentia, seque
 Ordine perpetuo fugere, & propellere nata;
 Illius exactæ partes, partesque futuræ
 Quàm nihil in præsens sunt; tam præsentia nullo
 Adiectu cumulant: veluti, qui crastinus ahæmum,
 Seu Rhodani implêrit, flauis seu Tybridis humor
 Præsentium fluidam nil molem extollit aquarum:
 Nec, quia deîn ripis laticum par Summa recenti
 Adueniet censu; bis tantò plenior annis
 Nunc ideo fluit, aut tantò deîn plenior ibit.
 Nempe quòd vndæ vndas fugiuntq; fugantq; vicissim:
 Nec simul aut hodie venturus litora gurgis
 Alluit; aut præsens, illo subeunte, manebit.
 Ergo, diu quamvis teneat, rabiemque malignam
 Protrahat in seros, qui nunc dolor ingruit, annos;
 Longior ille quidem, sed non violentior æquè
 Hinc fuerit: neque re verâ te immitiùs anget,
 Vsq; nouus fodiens, iterumque, iterumq; renascens;
 In primo quàm si penitus vanesceret ortu.
 Singula nam vitam ceu per momenta minutim
 Carpinus; hæc eadem sic per momenta dolemus.
 Et veluti lex æterna, atque immobilis ordo

Natu-

Naturæ haud patitur momenta subinde futuris
 Vlla simul iungi præsentia; sic neque luctus
 Præsens cum luctu potis est, qui deinde sequetur,
 Constitui, atque adeo augeri intendique per illum.

31. En tibi iam præui ingenium crudele Timoris:
 Ille simul totam, longo quæ extenditur æui
 Limite, vim fortis meditans, vnoque remiscens
 Intra animum cumulo, cunctos quoque colligit vnum
 In cumulum, nulloque pati non tempore cogit,
 Paulatim subiens quos aduehet illa, dolores.
 Quantò igitur Tyberis flueret torrentior, omnis
 Vndarum si diluuius, quæ perpète fluxu
 Succedunt alijs aliæ, totiesque relinquunt,
 Et toties replent aluêum, glomerata coiret;
 Tantò sæuior est, vrgetque immaniùs angor,
 Quem cumulat mens ægra sibi, ventura pauendo
 Dum Mala, processus longos momentaque cladis
 Intra se pariter complectitur omnia, vero,
 Percipient quem mox animus sensusque, dolore,
 Externâ cum lege eadem iam fata subibunt,
 Per minimas æui sensim accedentia partes.

32. Barbare, crudelis, tortorum summe, nec vllos
 Ingenio mites non asperiore tyrannos
 Effecture Timor, quæ te tam dira tulere
 Semina? Qui Eumenidum thalami, & Cocytia stagna
 Tantam Orbi peperere luem? Miseratus acerbæ
 Res hominum, bene supremus Rectorque Paterque
 Caverat, vt Mala viuacis metuenda senectæ
 Pensarent leuitate moram, grauioraque rursus
 Exiguo nimias arctarent limite vires.
 Hinc adco vanis se sanguinolenta tyrannorum
 Vrgebat stimulis rabies: laniare nequiret
 Cum penitus, quos extremæ deuouerat iræ;
 Quin subito pœnis absolueret, & cruciatus
 Hæc breuior, quò vis cruciandi immanior esset.
 Quam nullus Phalaris tamen, aut Mezentius vnquam
 Inuenere, diu pariter, summèque nocendi.

Ingenij funesta tui vis repperit artem.
 Ultima quippe Malorum, eademque breuissima longè
 Protrahis, anticipans: quæ verò haud robore; tractu
 Sed spatij numeroque valent, ea viribus auge
 Immodicis, tristes annos, grauiumque dolendam
 Lustrorum glomerans momenta in singula turbam.
 Ut, velut immensi supremus temporis author,
 Per se se in se seque manens, vitam simul omnem
 Colligit, æternum qua felicissimus, æui
 Quolibet humani spatio complexus, in vnum
 Cunctaque concilians actum sua gaudia, vastos
 Sæclorum per circuitus porrecta: nec illi
 Hora sequens quidquam fructus vitæque beatæ
 Aut rapit, aut cumulat; sic totam nos quoq; (quantum
 Diuinis humana licet componere) vitæ
 Summam infelicis nullâ non illius horâ
 Ducamus, puncto quocunque volubilis æui
 Complexi, quosvis æuum feret omne, quibusque
 Dicemur miseri longo dein tempore, luctus.

33. Ergo procul positos, si quæ sua gaudia tanguit,
 Ante diem stultâ gemitus accersere curâ
 Ne properet: quin sollicitæ formidinis atras,
 His se conueniens rationibus, arceat umbras.
 Quid trepido? Cur læua sibi mens displicet? Vnde
 Nubilus hic animi mæror? Quod vulnus adactum?
 Quæve premit duræ miserum violentia sortis?
 Num subuersa domus? Capitis num dicere causam
 Cogor? Iniqua valetudo? An deformis egestas
 Sollicitat? Nil tale. Domi res tuta: per omnes
 Alta quies leges: synceri corporis artus,
 Sustentatque suus venas vigor: omnia præsto,
 Naturæ varios quæ vita requirit ad vsus,
 Commoda: delicijs etiam non pauca supersunt.
 Quin igitur fruor, ut lætus conuiua, paratis?

34. At res ambiguæ: nudum latus: vndique terror,
 Infestæque vices. Quid? Longo parta labore
 Si male propitiâ decrescat Summa Lauernæ,

Nomi-

Nominis egregium liuor subducatur honorem,
 Patris ab amplexu sobolem Libitina reuellat,
 Nec mihi parcatur misero, sed forfice crudâ
 Sors eadem Nati primos, mediosque Parentis
 Præcipiat, damnetque regis feralibus annos?
 Quot subitis heu vitæ Malis obnoxia, nullæ
 Quæ valeant hominum curæ, aut defendere vires?
 Esto: sed an certis Parcarum hæc condita Fufis?
 An plenum, quæcunque licet contingere, fati
 Pondus habent? Nemo vatum mihi rite negauit
 Euentura: sed & nemo euentura recepit.
 Cur igitur, quæ nulla dies fors vexerit, omni
 Anxius opperiar? Dubij cur alea casus
 Attonitam certo defigat vulnere mentem?
 Scilicet augurijs nunquam me talibus ante
 Illusum memini? Quoties mihi tristitia falsus
 Præcinui vates? Quoties dira omina, versis
 In melius mox auspicijs elusa, meosque,
 Expertus vanos, nisi mecum ipse timores?

35. Hæc tamen, ex vero timeam, quæ præscia longè
 Mens canit; haud lacrymis ideo sua tempora deérunt:
 Vulnere sat misero præsentia flere vacabit.
 An serus, qui tunc fodiet Vitalia, mæror;
 Cessanti vt stimulos iuuat addere? Sortis acerbos
 Haud lenit formido, etiam plùs asperat ietus.
 Cur Mala fortuitis iunxisse vltronea damnis,
 Bis tantùm doliturus, amem? Cur, mitia quando
 Parcunt fata, mihi non parcam, sæuior ipse?
 Cur, quia eras subeundâ infelix clade futurus;
 Nunc quoq; ne non sim, metuo? Quin, crastina quantâ
 Lux infesta magis; tantò propensius æquum est
 Indulgere Bonis præsentibus: altera saltem
 Temporis alterius lacrymas vt tempora pensent,
 Et Bona venturos redimant hodierna dolores.

36. Talibus, d, qui consilijs absentia victor
 Prædomuisse Mala, & venturæ fortis iniquos
 Disceret exarmare metus, quantam illicet vno

Cum

Curarum sibi materiem præcideret istu ?
 Quæ subito lacrymis faceret compendia ? Certè,
 Humanum quæ fata genus præsentia vexant,
 Exiguus circumscribi plerunque videmus
 Finibus, & vitæ haud nimiam sibi poscere partem :
 Præterea socias vix vnquam in prælia vires
 Iungere : quin potiùs diuisim singula, nunc hæc,
 Alternò nunc illa gradu succedere . Quæ si
 Turbidus vsque sibi in densam glomerata phalangem
 Obijciat Timor ; assiduus iam nulla vacabit
 Fletibus hora : quies aderit iam nulla dolendi :
 Cunctaque mens nullo non tempore fata gregatim
 Perferet, in totum quæ Numinis æqua voluntas,
 Per certas subeunda vices, dispertijt æuum.

37. Heu Pyrrhæ genus infelix, dum talibus ultro
 Se minuit curis ! Et adhuc intendere litem
 Naturæ, Sortique vacat : ceu mellis anari
 Ieiunâ vix irrorent dulcedine, mergunt
 Deucalioneo absinthi quam gurgite, vitam ?
 In vos hæc, meriti, conuertite iurgia : vosmet
 Hoc potiùs, si quis pudor est, incessite questu .
 Inuidiâ Natura vacat : Sors criminis expers .
 Quàm latos agitare dies vtriusque liceret
 Muneribus, sua rite animus modò carpere nosset
 Gaudia ? Sed vestra vos hanc onerastis, & illam
 Stultitiâ . Vos Naturæ pia dona parentis
 Perditis, vtendi indociles : vos Aspera Sortis,
 Ambigui procul in latebris seclusa Futuri,
 Nescio qua flendi insanâ prurigine, lentos
 Accelerare gradus, densisque incumbere signis
 Cogitis : vt pecudum melior iam penè videri
 Conditio, quas sola mouent præsentia, possit :
 Quæque vel instantes casus, certosque dolores
 Frangere debuerat, dubijs longèque remotis
 Iam vires geminet, Ratio, spatiumque nocendi .

38. Non tamen hæc illò vergunt documenta, futuris
 Præparet vt nunquam sese mens prouida fatis :

Quod,

Quod, genio indulgens, nimiumque operatus inertis
Desidæ, cecinit blandis Epicurus in hortis. (a)

Curarum nullas inter, nimiasque sequestris
Tertius it limes spatijs. Bruta inde vagantur;
Hinc hominum vulgus Brutis dementius errat.
Tu Medium teneas. Præuisa vrgere timendo
Vulnera, non illis vetui fomenta parare.

39. Quin potiùs dubios vigilem prævertere casus
Te iubeo: leuiùs feriant quò denique, certâ
Iam domiti ratione, & quem prospexeris olim,
Tutior excipias, animique paratior ictum.
Cernis, vt, æquari licet indulgentia ponti
Strauit iter, pronamque vehunt sua flamina classem;
Disposita ad varios cæli tamen, ac maris vsus
Præferat armamenta, & clauo sedulus vsque
Aduigilet Siculis rector Palinurus in vndis?
Non, vbi suspectus tantùm locus, omnia circum
Prospicit, & fido munit tentoria vallo
Dux sapiens: medijs non tantùm tempore belli,
Agmina cum trepidas quatiunt hostilia portas,
Excubat armatus miles: vel pace sub altâ
Peruigil in speculis muros custodia seruat.
Vis procul, infestique merus: nulla arma minantur
Perniciem subitam: sed enim, neque posse minari,
Tutius. Instantem dum vulneris vnus ictum
Effugias; præstât vel non metuenda cauere.
Nil ideo armorum ductori fœdus inter
Bellica, dicebat Fabius, discrimina, quàm si, (b)
Non expectato deprensus ab hoste, recepti
Inuidiam studeat crimenque auertere damni,
Fraude repentinâ & cæco se turbine Martis
Oppressum memorans. Hoc tu, vanissime, culpam
Præsidio tueare? Haud nomine certius vllò
Argueres. Totam hæc, si nescis, causa Maiorum
Detrahit inuidiam Fortunæ, vnumque nocentem
Te

(a) Cic. 3. Tuscul.

(b) Sen. lib. 2. de Ira cap. 31.

Te peragit . Poteras censerì, hæc abforet, insons ?
 Se totam tibi, cum signis, legionibus, armis,
 Patria commisit: fers tecum publica gentis
 Votaque, fortuna squo : & tanto in cardine rerum
 Est aliquid, quod securam immemoremque pericli
 Prætereat ? Fraus implicuit nil tale verentem ?
 Implicuit meritò . Nam cur, contingere quidquid
 Fas foret, haud animo veritus ? Quid luce volutas
 Consilij ? Quænam vel noctu somnia cernis ?
 Ambiguum si Martem agitant non omnibus horis
 Furta inimica, dolos, cæcamq; unde unde times vim ?
 Hæc Ducibus Fabius : sed non minùs hæc sua cuique
 Ingeminat Ratio . Bellum, irreparabile bellum
 Præ manibus : sæui circumstant undique casus
 Nulla fides rerum . Quid tu ? Cum cominus hostis
 Irruerit, laterique audium iam iam imprimet ense ;
 Loricam circumspicies ? Ni pugna paratum
 Inueniat ; sternere miser, scabisque sub ipsam
 Plus pavidus tantò mediæ certaminis horam ;
 Ante tubas quantò fueras securior . Omnis
 Improvisa Mali species violentiùs urget ,
 Magnaque vis subitis est casibus . Ipse tumultu
 Intrepido Sapiens, cui peruigil usque Futuri est
 In speculis animus, qui sedulus omnia secum
 Disposuit, vix non titubat, componere gressum
 Vix meminit pugnantis, & arma obuertere contra
 Fortunam : nedum, qui nulla parauerit ante
 Arma, locum teneat . Sententia Socratis aptè
 Hic facit : impacto colaphi qui saucius ictu, (a)
 Pol miseram vitæ legem, nimiumque molestant !
 (Rettulit) ignorare homines, quo tempore frontem
 Expediat fido galeæ nimirum cingi .
 Ille ioco questus : sed ego te, propter eandem,
 Quolibet ire velim galeatum tempore, causam,
 Tempora quòd galeam sibi deposcentia nescis .
 40. Sed iuuat hic ipsam rationem euertere, casus

Qua

2. Sen. lib. 3. de ira cap. 14.

Qua dubios reputare vetat Gargettius author .
 Nempe quod inuisos hæc tantum cura dolores (a)
 Anticipet, vanaque animos formidine verset .
 Pallitur . Inuisos quin verius illa dolores
 Ars minuit, vanaque animos formidine soluit .

41. Nam cur sollicitos, venientibus obuia fatis,
 Mens sibi congeminet potius, quam leniat æstus ?
 Aduersis num signa palam contraria signis
 Si moueat, grauius turbabit pectora, quam si
 Occultus subitâ à tergo vi irruerit hostis ?
 Maior ab ignotis semper metus . Humida terras,
 Aspice, nigranti cum nox inuoluit amictu,
 Eripuitque oculis Mundum, & discrimina Mundo .
 Luce quid extinctâ, cæco quid tristius Orbe ?
 Esto, nihil visu implacidum, nusquam horrida sese
 Obijciat certæ species formidinis : ipsum
 Ipsum animos grauius, metuenda haud cernere, turbatæ
 Sæuæque adesse paupor, quia nil videt, omnia credit .
 Haud aliter squalente chaos, & deformibus vmbis
 Merfit vbi trepidam sua nox, inscitia, mentem ;
 Acrior hæc, quia cæcus agit præcordia terror .
 Nil non horrificum : tanta est mensura timendi .
 Fortunæ vis quanta . Innubi sydere Verum,
 Fac, radiet, parui Verum sol vnicus Orbis ;
 Omnia iam sincera : suus color, & sua versis
 Rebus adest facies . Simul atræ nubila noctis
 Diffugere ; metus simul aufugistis inanes .

42. Tuq; adeo expertus, Macedo. Languētibus astris,
 Fatorum grauidam roseo Tithonia coniux
 Extulerat temone diem, qua, iudice ferro, (b)
 Lis ingens dirimenda, Asiam, Europamne maneret
 Imperij decus, & Mundi foret vtra subacti,
 Persepolis, an Pella caput . Iam barbara pugnam
 Agmina discordi circum clamore fremebant :
 Pronectum iam Mane polo . Certaminis ille
 Immemor interea, sub diuite conopeo,

Secur-

(a) Vide Cic. 3. Tuscul.

(b) Vide Curt. lib. 4.

66 EVTHYMIÆ.

Securam toto proflabat pectore noctem .
 Vix tandem satiata quies : vix cornua mille,
 Tympanaque extremum sonitu accendentia Martem
 Excussere toro . Mirantibus inconcussam
 Tum socijs tanto fati in discrimine mentem,
 Anne soporiferæ succumbere creditis, inquit,
 Me nocti potuisse prius, quàm corde sub alto,
 Quæ dubium facerent hinc, atq; hinc omnia Martem,
 Librarim momenta ? Vigil mihi cura solutam
 In vacuos potuit mentem componere somnos :
 Nec minùs, instanti nunc iam certamine, felix
 Auspicium facit . Ite alacres : dent classica signum,
 Et solitas pugna e mediâ decerpite lauros .

43. En igitur qua primùm animus ratione futuram
 Exarmet, vigili antevenit dum pectore, sortem .
 Scilicet ambigux nusquam hic caliginis horror :
 Plena dies, liquidumque iubar . Quid singula rerum
 Sævitix luctuque habeant, quoad lædere possint,
 Dum nil fata mouent, tranquillo, immotus & ipse,
 Anticipat visu : rapido ne dêinde sub ictu
 Iam positus grauiora eadem maioraque veris
 Concipiat, tenuem culmi Cerealis aristam
 Instar Achilleæ pinùs, instarque tridentis
 Æquorei trepidans : falsus sibi qualia fingit
 Plurima, quem seros piguit prænosceret casus .
 Nempe hic, præcipiti subito erumpente procellâ,
 Attonitus, vecors (cæci natura pauoris
 Semper ut acclinis peioribus, inque tumultu
 Non satis ambiguo sibi mens improvida constat)
 Quæ capiti prona incumbunt, discrimina peius
 Iam metuit multò, & vanis terroribus augeat .

44. Pluribus hinc adeo vulgaria pectora cernas
 Euentis trepidare, hilarem quæ cognita risum
 Elicerent . Talis iocus ille, exterrita quondam
 Regalis cruciasse epuli quo gaudia fertur (u)
 (Vlsque

(a) Vide Lamprid. in Vita Heliogab. quem ultimum dicis
 Antoninorum Caesarum fuisse.

(Vsq̃ adeo infandis iocus est s̃uire tyrannis)
 Antoninorum postremus in ordine Cæsar.
 Nempe hilari dum festa natant conuiuia luxu:
 Mollibus in sertis, nardique liquoribus omnis
 Dum coma:certantesque hinc Ars,hinc Copia Mundi
 Vestigalis opes, elementorumque coactas
 Vndique delictas mensis inferre laborant;
 Ecce per aduersas media in triclinia portas
 Horribiles pardi, formidandique leones
 Irrupere. Metus foribus simul irruit amens,
 Et tremor, & gelidus circum præcordia torpor.
 Versa loci facies: sit mortis arena, theatrum
 Lætitia: attonitis labuntur pocula dextris,
 Immotæque rigent fauces. Saturanda Ferarum
 Ingluuiæ, rapidum funus, viuientia busta
 Ante oculos: nusquam effugium: subiisse recentes
 Conuiuas, aliamque famem: se pabula: iamque
 Armenijs laceros conuelli dentibus artus,
 Iam Libycos hæere putant cernicibus vngues.
 Heu trepidæ frustra mentes, ignaraque Veri
 Pectora! Cum vulsis à stirpe molaribus armis
 Dedocti s̃uire, emollitique resectis
 Vnguibus, innocuas iras pardique, leonesque
 Aduherent, solo fremitu, rictuque minaci
 Terribiles laruæ, & vani simulacra furoris.

45. Hac etiam Veri ignarâ e caligine cæcus
 Non semel ille oritur terror, quem prisca Vetustas
 Panicon authoris Panos de nomine dixit,
 Attonitas vrbes, vulgique trementia corda
 Sæpe repentinis rumoribus externantem.
 Qualis in armiferâ Rhæni statione Quiritum
 Implicuit turmas, vinclis cum fortè solutis, (a)
 Bellicus effuso præter tentoria cursu
 Diffugeret sonipes. Rumor nam diditur, hostem
 Arminium castris irrumpere. Cuncta pauore
 Ilicet insano turbata euersaque: Nulli

Vis,

(a) Tacit. lib. I. Annal. cap. 66.

Vis, animus, ratio consistere : fit fuga : portis
 Agmina densantur : socijs terroribus addit
 Quisque suos : suos, & coniunctim publicus omnes
 Præcipitat furor : impulsi, vrgentesque vicissim
 Immani cumulo exuperant, ipsisque refringunt
 Pectoribus vallum . Vis nulla inhibere ruentes :
 Nequicquam renocant, nequicquam iurgia miscent
 Imperiis, monitisque duces : Vbi pristinus ardor ?
 Urbis vbi inuictæ decus, & Mauortia virtus ?
 En fortes animas, Gradiuigenæque Quirini
 Jurandam sobolem, pugnae quos rumor inanis
 Perculerit. Nam quem fugiant? Cui castra relinquant?
 Nullum ponè sequi, procul hostes, omnia tuta :
 Respicerent tantum . Vix ipso in limine portæ
 Ante pedes proiectus humi Legatus, & ora,
 Oraque, pectoraque obijciens calcanda, pudore
 Continuit trepidos . Tantum formidinis addit,
 Non explorata, & perspecta fideliter esse,
 Occurrunt subiti quæ fors discrimina casus .

46. Nec minùs id causæ validum: quòd, tota repente
 Aggrediens, multò vehementiùs extima quæque
 Vis agitat, summæ quàm si libamina quædam
 Scævitæ iubeat præcedere, paruaque primò
 Ad plenum modicis tandem processibus auctum
 Venerit . Hinc recto naturæ maximus Author
 Fœdere constituit, ne frigida protinus ardens
 Silius exciperet, vel post se duceret astra .
 Rite sciens, quam perniciem violentior ille,
 Et totus simul à summo seu transitus æstu
 In biunale gelu, seu cano à frigore siccas
 Mensis in Icarij flammis Viuentibus ægris
 Aduheret : iussitque ideo per Veris amicas,
 Autumnique vices lento mansuescere tractu
 Oppositas tempestates : vt mollior anni
 Temperies medijs mortalia corpora sensim,
 Progressu tacito, & fallentibus incrementis,
 Tutius extrema ad contraria duceret . Almus

Iam

LIBER II. 69

Iam velut autumnus tepor, & clementia Veris
 Corpora ; sic animos absentium cura Malorum
 Præparat, exiguo felicia tempora iam nunc
 Alterius quasi permiscens discrimine sortis :
 Quæ nisi parte sui mediâ, lentoque subiret
 Sic præuisa gradu ; nulli non cernere promptum est ;
 Quam premeret miseras grauiori pondere mentes .

47. Præterea , veluti, dum crebrius aspera versat,
 Callosam longo paulatim contrahit vsu
 Duritiem cutis, infestis quæ respuat ictus :
 Utque ferunt hausto Mithridatem sæpe veneno (a)
 Profecisse, sibi ne toxica dira nocerent ;
 Horrida sic animus crebro spectacula visu
 Dum repetit, positâ sensim formidine, nullas
 Iam meminit species horrescere : tristia contra
 Ducit & ipse suum longo sic tempore callum .
 Nemo minus rerum metuens, ac plurima quondam
 Qui timuit . Viden, vt, sæuum cum buccina signum
 Edidit, & geminas aduersis frontibus infert
 Mars acies ; pugnae imprudens vix arma tremente
 Sustineat dextrâ tyrunculus, oraque mutet
 Exangui pallore, & totos horreat artus ?
 At non ille vetus duri Mauortis alumnus,
 In capulo cui trita manus, seu pectora talis,
 Seu faciem . Vegeti vultus, innotaque corda,
 Et serum pugnare . Dies suus ille : suumque
 Se dari putat ad ludum . Nil dira tonantium
 Fulgura tormentorum, & ferri plurimus imber,
 Nil variae cædes, altoque in sanguine misti
 Quadrupedesque, virique nouum, lugubre, timendum
 Obijciunt . Satis hæc olim metuisse : suismet
 Viribus edomuit sese timor, ipsaque demum,
 Quæ pridem fregere animos, discrimina firmant .

48. Postremo, cui bella diu præcognita, nunquam
 Huic locus, armorum auxilijs opibusque parandis,
 Defuerit : quæ fors oblitum, Epicure, fefellit

Te

(a) Mart. ep. 77. lib. 5. Vide & Plin. lib. 25. Hist. Nat. cap. 2

Te ratio, procul à studio sensuque Futuri
 Dum reuocas animos, doleant ne longiùs, & ne
 Sepositos miserâ anticipent formidine luctus.
 Haud dubium, si quis longè impendentia fata,
 Attonitus, densâ offusi sub nube pauoris,
 Prospiciat: neque seu veras dignoscat ab vmbriis
 Futilibus species; valido seu pectoris arcem
 Præuisos contra insultus munimine firmet:
 Sed, quæcunque Malorum absens Fortuna minatur,
 In maius ferat, & visu discriminis ipso
 Debellatus, inermis, humi procumbat; iniquæ
 Nullum sortis erit tam deses cûra leuamen:
 Quin noua fortuito adiiciet momenta dolori,
 Æternisque pauentem animum cruciatibus vret.
 Quam nos propterea (Superi conata secudent)
 Hellebori Aonij succis, & Apolline toto
 Funditus aggressi importunam excindere pestem.
 At si, terrificos longo, procul ordine casus,
 Incertique vices vbi mens prospexerit æui;
 Fortibus extemplo monitis ad tristitia quæque
 Se paret: exquirens, qua demum leniùs arte
 Exilium, morbos, fallacis crimina fundi,
 Hostiles ausus, damnosa incendia, letho
 Præreptam sobolem, tumultatas æquore merces,
 Cæteraque excipiat fatorum Aduersa; malignas
 Quis neget hinc minui potiùs, quàm gliscere curas?

49. Nô negat Argolicæ Philopœmen, vltima dictus
 Gloria militiæ, quem, si quæ causa iuberet (a)
 Longinquos tentare ignota per æquora cursus;
 Anticipitum quoscunque habitus formasque locorum
 Consuèuisse acri, memorant, percurrere visu: (b)
 Tum secum: Quid, si salebroso hoc limite turmas
 Ducenti subitus se circumfuderit hostis?
 Illius egressus, quid, si faucesque recuræ
 Obsideat vallis? Fac, deiiciendus ab illo
 Aggere sit: campo, fac, disponenda repente

Hoc

(a) *Vide Plus. in eius Vita.* (b) *Lin. lib. 35.*

Hoc acies. Quinam castris æquissimus inter
 Hæc Abrupta locus? Quo tutior ordine præter
 Insidijs natum nemus hoc fallacibus irēm?
 Has igitur crebro secum meditamine curas
 Ille mouens, tantum ductandi ceperat vsum
 Agminis, ad belli tantum profecerat artes;
 Semper vt in dubios certissima pectora ferret
 Euentus: neque consilij præsentis egenum
 Hostilis fraus vlla Virum deprenderet, vlla
 Sterneret obiecti facies inopina pericli.

50. Magnanimi præclara ducis quæ exēpla tot inter
 Assiduos vitæ & nobis imitanda labores:
 Si modò par animis præsumere robur, iniquas
 Fortunæque iuuat solidâ vi frangere vires.
 Siue igitur peregrè errandum; seu cura labantem
 Coniugio fulcire domum; seu Principis aures
 Aggredimur votis; aliud pro tempore quidquam
 Seu placuit tentare operis; ne credula pronos
 Mens adeo rerum cursus, ventosque ferentes
 Præcipiat; quin multa simul diuersa, suisque
 Possè sciat subito minùs æqua occurrere Cæptis.
 Nempe, puta, crurifragium, mediosque latrones
 Longinquum per iter, morosæ iurgia Nuptæ
 In thalamo, duras votis à rege repulsas,
 Et quæ plura, nigro versatis pollice Fusis,
 Immites homini nent infortunia Parcæ.
 Singula tum contra Sophiæ præstantibus armis
 Cingendum, & valido Rationis robore pectus:
 Vt neque iam velis adspirans æquior aura
 Plùs nimidò abripiat, fatorum inopina cauentes;
 Asperior nec mergat, ad omnia rite paratos.

51. Multa quidē Veterū possem documēta referre,
 Vnde hæc in dubios animi constantia casus
 Proueniat. Longum sed iter: Phœboque recenti
 Cursus eget. Fessis nunc respirare Camœnis,
 Perque tot exhaustos dudum salebrosa viarum
 Soluere ab emerito liceat temone iugales.

EVTHY.



EVTHYMIÆ

Liber Tertius.

P Ergite , magnanimis dum non inuitus Apollo
 Pandit iter Cœptis, Sophiæ Verique beatos
 Humanum genus ad fontes deducere, Musæ.
 Hic dignus vobis labor, hæc pulcherrima ve-
 Primaque lex operis. Semperne immittia bella, (stri,
 Et piceo saturi Phlegetonte Cupidinis ignes
 Carmen erunt? Viduas platanos, laurosque comantes,
 Et Paphias tantum myrtos Heliconia gignent
 Culmina? Lethiferis nusquam panacea venenis
 Auxilium? Nusquam Fortunæ vulnera præsens
 Dictamnus lenire, melampodiumque, pyrethrumque,
 Et maluæ, & tamarix, Ææaque pharmaca contra
 Moly laborifero fidum tutamen Vlyssi, (a)
 Aut aliæ, infestis faciles occurrere morbis,
 Prænox frondes? Heu quàm lacrymabile vestro
 Imposuit decori vulnus, qui, mollibus aures
 Delinire sonis, totum finemque modumque
 Artis Apollinæ statuit: nullumque, salubri
 Admisso Sophiæ medicamine, Pierium mel
 Dulce putans, cum Pindo & Hyanteâ Aganippe
 Cecropij abruptit fœdus sociale Lycei?
 Hinc leuibus demptus studijs honor: hinc Sapientium
 Vocibus acta rea, & turpi damnata Poësis
 Exilio: neque musarum Phœbique sacerdos
 Iam pluris, fatuæ quàm qui iocularia turba
 Vendit Agonalis rhapsodus in æquore circi,
 Vnicus amborum quando labor, otia vano

Fallere

(a) *Homer. Odyss. lib. 10.*

Fallere defidæ cultu, nugisque canoris
 Vecordes animos stolidi oblectare popelli.
 Per me equidem non hæc vobis infamia, Diuæ,
 Hæserit, Aonides, neque magno inuenta Platoni
 Abnuerit te, Phœbe, suum Respublica ciuem.
 Ingenij steriles lusus, & ficta laborent,
 Mille per ambages rerum, nexusque decoros,
 Composuisse Alij miracula: plurimus, Euge,
 Admirans, bellèque, puer quibus accinat, & quæ
 Attonito relegat vultu, moduletur, anhelet.
 Scilicet hæc tantis merces sudoribus æqua?
 Hoc pretium, vigiles mediâ cur nocte lucernas.
 Quis bibat, & viuos iratis morsibus vngues
 Vellicet? Ignavi, aurarum ludibria, cantus,
 Deliciæque leues, & inania farta valete.
 Me iquat humani cordis lenire dolores,
 Dulcis ad EVTHYMIÆ sedes, atque aurea templa
 Præluce facem Mortalibus, inque peditos
 Virgultis, salebrisque, & tortilibus labyrinthis,
 Quâ liceat, vitæ calles aperire beatæ.
 Non secus, ac, superi quondam per inania Mundi
 Errantem procul, & naturæ arcana mouentem,
 Primus ab immensâ longarum ambage viarum
 Sophronisciades mediæ in commercia vitæ (a)
 Deduxit Sophiam, propioraque dicere tandem,
 Et magis humanas ad res facientia iussit:
 Ingenium formamque Boni: quis corporis vsus:
 Vnde animus felix: ratio, naturaque fines
 Quos statuant: tenebris qua se mortalibus arte
 Eripiens, superi synceros luminis haustus
 Mens trahat, & patrio iam nunc affuescat olympo.
 2. Quas igitur Fortuna hilaris spes suscitât, & quos
 Longè infesta metus ægris auellere fibris
 Hactenus experto, superest mæroris iniqui
 Vulnèrâ iam fouisse, & quæ is felicibus armis

D

Stre-

(a) Cic. pr. Academ. Quæst. & 5. Tuscul. & Laert. in Vita Socratis.

Strenua se medio tegat in certamine virtus,
 Pandere : collatis quoties Mars vndique signis
 Incubuit, volitantque hostilia spicula circum,
 Et varij luctus, & plurima mortis imago .
 Magnæ molis opus . Fortem nam fingere, belli
 Dum tantum timor, & vulgus fors audeat, immo
 Plus vulgus, quem sola mouent præsentia, quique
 Vix hebetes animi sensus trans obuia mittit .
 Ast, vbi consertus pede pes, totâque furit vi
 Iam præsens Gradiuus; inexpugnabile robur,
 Immotum placidæ frontis seruire tenorem,
 Non nisi paucorum decus est, quos plebis acervo
 Seposuit, quibus & triplici Sapientia maior
 Ætherei nexu chalybis præcordia vinxit .
 Sic olim, Idei repetens cum nobile furtum
 Hospitis vltrices passim iuraret in iras
 Græcia ; Dardanidæ, tutò inter pocula fortes,
 Absentem verbis impune ferocibus hostem
 Vincebant, nemo non Hectore promptior, arma
 Nemo piger fremuisse, tubasque inflare loquendo .
 Actum de Danaïs : Iuuenum quot pectora ; ahenas
 Tot Patriæ turres, tot posses dicere Martes .
 Hic sibi de geminis præna canebat Attridis :
 Hic Telamoniadem, septenis rapta iuuenis
 Tergora fertato nequicquam vmbone mouentem,
 Strauerat : Ille Thetin lugubria ferre iubebat .
 At postquam medium nusquam mare: Græcia postquã
 Ante oculos : hinc Myrmidones ; hinc fortia bello
 Argiuum, ac Dolopum Phœbeis agmina muris
 Successere : rotasque cruento in puluere flexit
 Cuspide Peliacæ agnosci manifestus Achilles ;
 Tunc nimij flatus cecidere, & grandia verba :
 Tunc patuit virtus, patuit socordia : visus
 Tunc Paris est Paris, & magnus se protulit Hector .
 3. Ergo, vbi factorum non euitabile numen,
 Infestique premunt casus : seu turpis egestas
 Sordibus æternis inopem squalescere cogit ;

Sea

Seu pubescentes in patris gaudia Natos
 Ferrea præcipiti demersit funere Clotho ;
 Seu quouis demum mens vulnere læsa ; cauendus
 Illorum venit ante alios miserabilis error,
 Pectora qui penitus mærori tradere gaudent,
 Inuoluuntque suis totos se luctibus : &, cum
 Rebus ab aduersis animum ad meliora referre,
 Solarique ægros liceat ratione dolores ;
 Quælibet infesti auxilia auertuntur, amantque
 Non alijs tantum, sed vel sibi posse videri
 Plus miseri : fidusque adeo si fortè sodalis
 Extenuet blandis lugentium vulnera dictis ;
 Ilicet irati obsistunt, sortemque malignam,
 Tanquam aras patriosque focos, defendere certant :
 Maxima ceu cladis sit portio, clade putentur
 Si pressi leuiore . Tuis heu cæca fauere
 Mens Hominum lacrymis ! Quæ non in deula præcep-
 Volueris, errantem Ratio ni fida gubernet ?
 Si Mala, quæ luges, ingrata ; quid illa tueri
 Usque iuuat ? Si grata ; piget cur ferre ? Fatendum
 Ocyus alterutrum : vel mitia carpis iniquè ;
 Vel grauibus stulto indulgens blandiris amore .

4. Hæc igitur miseræ sortis seu cæca voluptas,
 Seu leuis ambitio procul ableganda, magisque
 Consilij toto pugnandum est iobore, luctum
 Ut sibi mens minuat, se seque reducat ab illo,
 Undique certa sui conquirens pharmaca morbi .
 Sic opifex docuit gaudendi Epicurus, & idem
 His primum instituit se legibus . Ultima testis, (a)
 Dilecto comiti quam scripsit, epistola . Nempe
 Lethiferis illic morbi suprema minantis
 Vrgeri miseros immanè doloribus artus
 Nunciat : at solos artus : consistere mentem
 Vim supra sensumque Mali : quòd scilicet ipse
 Auocet hanc aliò prudens : interque ruinas
 Membrorum, vacuasque colos , & acerba propinque

D 2

Iura

(a) Laert. in Vita Epicur.

Iura necis, releuet sese, memoranda volutans,
Quæ vulgo ediderat, studiorum Inuenta suorum.

5. Nec verò non prompta salus: non plurima certū
Vulneribus, quæ sint, & quanta ea cunque, leuamen
Suppeditat ratio. An talis non illa, receptus
Communis primam vitæ quam suggerit vsus?
Si tibi nil, quouis durarum in cardine rerum,
Euenisse noui reputes: sic publica volui
Tempora, sic hominum decurrere fata: sub ipso
Ilicet hanc cunctis legem viuentibus ortu
Propositam, vt, varius quæcunque volubilis æui
Fert color, haud aliena sibi discrimina norint?
Nemo, vbi supremum iam voluit Aquarius annum,
Ignauo gelidas constringi frigore venas
Miratur, rapido vel rursus ab igne resolui,
Lucida cum Phaeton Nemeæi terga leonis
Insiliens geminis cælum feruoribus vrit.
Nempe quodd hunc illis innatum mensibus vsque
Scimus, & æterno sancitum fœdere morem.
At neque naturæ stabili minùs ordine fixum,
Perpetuumque homini est, ferat vt communia fata,
Et fortis quascunque vices, rerumque labores.
Cur igitur, si deinde repens quis talia casus
Attulit; iratus querulis clamoribus astra
Conueniat, ceu mira, sibi que indebita, præter
Naturæ morem, & fas omne, incommoda passus?

6. Heu grauib; curis, longisque laboribus empta
Res periit. Quid? Te pennas vultisse fugaci,
In noua ne porro transiret iura, putasti?
Non alias, aliasque, tuam quam viseret ante,
Mutarat peregrina domos? Cur certior vni?
Cur tibi, quam Dominis plùs fida prioribus esset?
Sortis id ingenium certè, sua semper in orbem
Huc modò conuertens, iamque illò vt munera, Nulli
Perpetuam stabili addicat se fœdere. Ritu
Auspicijsque tuis si fas tibi ducere vitam;
Quin patiare suis illam quoque moribus vti?

At

At geminos etiam, vix pubescentibus annis,
 Inuida præripuit, nostræ suprema senectæ
 Qui requies, fuerantque domûs spes vnica, Natos.
 Et nunc heu patrios, cinis immaturus, amores,
 Venturumque simul genus, & promissa nepotum
 Gaudia crudeles secum rapuere sub umbras :
 Nec mihi seu vitæ columen, seu funeris hæres.
 Canitiem auxilijs orbam, nomenque parentis
 Funditus elatum miseror. Sed, num noua ludi
 Hæc miseri facies ? An non, vel prolis acerbos
 Ante obitus, vitâ poteras didicisse magistrâ,
 Natorum quæ conditio : qua lege parenti
 Obueniant : quàm prona rapi, quàm labilis ætas
 In tumulum, vanâ somni fallacior umbrâ,
 Mobilior folio, rapidoque fugacior Euro ?
 Hæc adeo si nota vnus nescisse fateris ;
 Viuendi næ tu nimium peregrinus & hospes.
 At, si certa sedent olim ; perstringis iniquo
 Communes Parcas, immotaque fœdera questu.
 En age, noctifero si quisquam vespere, prouum
 Herculeas mergi aspiciens Titana sub vndas,
 Indignum, nullâque nefas ratione ferendum,
 Clamaret : Mundique vicem commotus, auaræ
 Iurgia Naturæ tanti pro crimine furti
 Diceret, imitem vocitans e matre nouercam ;
 Non illum capitis vacuum, & sine corde putares ?
 Quid ? Si, nimbi sonæ per inertia tempora brumæ,
 Lugeat exutos hic idem floribus hortos :
 Nec secus, immani quàm vulnere fixus, Iniquis
 Heu me progenitum auspicijs, & Numine læuo !
 Ingemat. Vt semper nostris illudere gaudet
 Votis inuida sors ? Vt tristia quæque malignis
 In caput hoc radijs collinant sydera ? Dulce
 En decus hortorum, pictique superbia Veris,
 Per sua deiecti folijs marcentibus arua,
 Interiere, omni frustra quos sedulus arte
 Nutrieram, flores : liquidam de fonte propinquo

Ipse quibus vitam gaudebam affundere : templis
 Vnde honor, vnde mihi toties redolentia ferta.
 Proh crudelis hyems ! Proh barbara ! Nil adeo te
 Pulchra mouent ? Teneræ nil contigit illius ergo
 Pubis amor ? Tam formosos excindere fœtus
 Immites potuere manus ? Quonam tua ferro,
 Aut adamante rigent præcordia ? Talia si quis,
 Ploratu se tristi, & flebilibus lamentis
 Conficiens, rigidæ ingeminet conuicia brumæ,
 Nec laniare genas, passos aut vellere crines
 Temperet ; Anticyram non ocyùs ire iubebis,
 Quæsitum stolidæ purgamina mentis ? Ineptas
 Non risu excipies lacrymas, annique nivalis
 Perpetuum hunc morem, certa hæc constare docebis
 Tot sæclis iam iura ? Tuus dolor ille, receptas
 Dum grauiùs vitæ leges, humanaque fata
 Excipis : ostensâ ficti sub imagine luctus
 Ipse lates, moresque tuos tibi fabula verax
 Obtulit. Anticyram (quid cessas ?) primus adito,
 Quæque Alijs caneres, tibimet solatia sumas :
 Rite memor sacramenti, in quod luminis oras
 Protinus intrantem Natura & Numen adegit,
 Vt, si dulce foret nasci, mortalia ferres.
 Et veluti, si quando procul natalibus aruis
 Externum te ducit iter ; flagrantia solis
 Spicula, pingue lutum, ventos, vim pulueris, imbres,
 Fumosæque olidum serâ de nocte tabernæ
 Hospitium vacuo irarum fers pectore : tales
 Quod tibi nimirum casus prædixeris, & quod
 Hæc peregrinarum appendix consûeta viarum ;
 Haud secus in vitæ cursu, quæ tristitia cunque
 Obtigerint subeunda, pari fer robore mentis :
 Tale viæ genus hoc reputans, nec posse, per illam
 Ingressos, alijs homines decurrere fatis.

7. Altera quin etiam primo hoc de fonte, leuandos
 Ad luctus, medicina fluet : quod, tristitia rerum
 Fatali cum sustineas ex lege ; quibus te

Aduer-

Aduersis inimica premit Sors casibus, ijsdem
 Et reliquum primo Mundi nascentis ab æuo
 Pressit adhuc mortale genus, neque seciùs ijsdem;
 Vsq̃ue sub extremos æui superantia cursus
 Sæcla premet. Solus communis in ordine vitæ
 Exemplum si triste fores; non prorsus egeret
 Tunc veniæ causâque dolor: nunc lumina vastum,
 Quà Phœbo sub vitroque iacet, dimitte per Orbem:
 Mentiar, innumeris si de Mortalibus vllum
 Inuenias, liquido cæli quem munere vesci
 Fata sinant impunè. Grauis iam tempore longo
 Incubat Huic, durisque premens complexibus angit
 Pauperies: patrijs detrusus finibus Alter
 Ignotos circum fines miserabile ducit
 Exilium: plenas Natis exanguibus urnas
 Ille fouet gremio lacrymans: lethalibus æger
 Hic podagræ, laterumque doloribus, inter acerbos
 Corporis exhausti morsus, cessantia fata
 Increpat, & vixisse, miser, quàm viuere mallet.
 Quid tibi iam species alias, & nomina dicam?
 Iæricos, elephantiacos, intercute lymphæ,
 Igne laborantes sacro, pleuritidis haustos
 Ense latus, durâ anginx vi guttura pressos:
 Horrida tot lethi simulacra, tot vndique tetras
 Morborum facies: numerum quèis reddere si quis
 Fòrs velit; Ionij fluctus velit æquoris idem
 Percensere, vel; extremo referente Nouembri
 Intempestam hyemem, quàm multis, dicere, Pindi
 Vmbriferum caput, Apenninigenasque caducis
 Denu dent folijs Borealia flamina quercus.

8. Hactenus at vulgi clades. Quid? Luctibus ijsdem
 Aurea misceri nunquam penetralia regum
 Cernimus? Humanos ignorat purpura casus?
 Fortunæque super nimbos humilesque procellas
 Impavidam cælo attollunt diademata frontem?
 Quin sors imperij, quò celsiùs edita, lapsu
 Hòc præceps grauiore ruit: maioraque quantò

In spatia immanem se porrigit; obuia tantò
 Infidijs, telisque magis. Non publica solùm
 Fata hominum subeunda: (licet subeantur & illa)
 Sed proprijs iactatur adhuc, vniq̃ue dolendis
 Turbinibus. Iam finitimi molimina regis
 Sollicitant, bellumque aduersum, & fortior hostis;
 Iam vulgi subitos renuentis fræna tumultus,
 Et dubias tremit ancipiti sub pectore fraudes.

9. Quæ quibus exēpla antefera? Discede Vetustas,
 Cum Priamis, Cræsisque tuis. Quid firmate nigro
 Funestam Oedipodis, funestam Agamemnonis aulam
 Obijcis? Haud nostro infelix hæc gloria sæclo,
 Haud diræ genus hæc famæ non suppetit, Orbem
 Posse ruinarum ingentùm terrore superbo
 Concutere, & plures scenis donare cothurnos.
 Spargentem subitos angusta per atria luctus,
 Imaque mutantem summis, & fronte reuulsas,
 Vixque adeo non cum trepidâ quoq; fronte coronas
 Imposito pede calcantem sat vidimus Ipsi
 Fortunam: sunt & nobis feralia, Thebas
 Quæ valeant, & quæ solari, exempla, Mycenæ.
 Testis, qui Gericum, subitus fragor, increpat axem,
 Pulsaque terrifico Byzanti Regia motu.
 Pangæas trepidare niues, Rhodopeaque saxa,
 Et dubijs video nutantem rupibus Ænium.
 Insonuere poli: diroque à litore cursum
 Territus in sese reuocans, fugientibus vndis
 Vix non oppositam texit Chalcedona pontus.
 Nec mirum. Odrysius, tot quondam gentibus, & tot
 Imperijs, regnisque caput sublime, tyrannus,
 Nubifero immanis folij de culmine, centum
 Per medios, centumque gradus, quos altiùs, atque
 Altiùs extantùm series cumularat honorum,
 Præcipitem duxit fato impellente ruinam.
 Qualis, Peliaco extructam eum vertice montem
 Ingentisque Ossæ, atque Ossam calcantis Olympi
 Iratus trifido disiecit Iuppiter igni;

Pro-

Proxima nequicquam trepidanti apprehendere nisu
 Sydera, Taygeten, vel Parrhasiam Cynosuram
 Conatus, liquidum retro per Inane, Parentis
 Attonitæ in gremium, versâ ceruice, Typhoëus
 Corruit, & vasto tremefecit pondere Mundum.
 Quàm dispar facies? Primum qui nuper habenis
 Flectebat, mediumque diem: quem mille phalangas,
 Mille sagittiferos rapientem in bella maniplos
 Horruerat, tantis impar prope viribus, Orbis;
 Exutus tumidam raptò diademate frontem,
 Victus, inops, sceptro, libertatique superstes
 (At tu iusticiam coleres, inuictaque magni
 Fœdere ne rupto tentasses Cæsaris arma,
 Perfide regnorum latro) seruilia morder,
 Pars populi, iam fræna: angusto & carcere clausus,
 Carnificis dextram, laqueique ignobile fatum
 (En regni pretium) iugulo impendere tremiscit.

ro. Atq; vti nam meritos tantum fors illa tyrannos
 Plesteret, indigni neque tristius Anglia fati
 Obijceret documentum. Heu qui te verberare surdo
 Eumenidum colubri, Cælo fidissima quondam
 Insula, nunc regi iuxta, Cæloque rebellis,
 Ad Tameſis ripam Geticos transferre furores,
 Lymphatam pepulere? Axis quondam ille Britanni
 Sol abiit, tanto Cælestium munere fessis
 Donatus populi Princeps, quo sceptrâ tenente
 Decolor antiquum reuocari cœperat ætas
 In pretium? Iacobus ubi, tua gloria, certum,
 Iacobus, patrij columnen, tutelaque Mundi?
 Illudne augustum caput, illam pondere quouis
 Curarum maiorem, & natam ad publica mentem
 Commoda civili rabie, & popularibus ausis
 Imperio extrudi potuisse? En perfidus, en quò
 Præcipitet mentes furor, atque in viscera lapsum
 (Ah Stygiam pestem! Ah Lernam eluuiemq; Malorū!)
 Hæresis infandum virus. Pulsum ilicet omne
 Fas animis: nihil integri sub pectore sensus:

Nusquam dedecoris pudor, aut reuerentia famæ :
 Sed furia, indomitumque nefas, exutaque frænos,
 Ac sceleris mens tota sui . Communia nempe
 Iura hominum violare, & pactum rumpere sceptris
 Obsequium metuant, qui, Relligionis auitæ
 Fœdera nil veriti, & sacros confundere ritus,
 Ipsa etiam summi imperia excussere Tonantis ?
 Iuratur facinus, dirum, intestabile, vecors,
 Horrendum facinus, quod toto non pater aluô
 Effusus Tamesis, non Naupactei Acheloi . (a)
 Flumina, non, quantus quantusque est, omnibus vndis
 Expiet Oceanus . Stygio sæuissima cornu
 Dat dirum populis belli discordia signum :
 Exarsere animi : cinctæ hinc serpentibus atris
 Immanes Cromuelli vmbra exitiale furoris
 Cordibus inspirant virus ; non segnior inde
 Sanguinolentum aperit iugulum, plenisque Momuthus
 Exceptum manibus, Nessæi peste cruoris
 Tetrius, effundit vulgi super agmina tabum .
 Perfida iamque odia, atque animi patuere rebelles,
 Confessumque nefas . Sceptri spes nulla tuendi :
 Vix fuga, vix tutò fas est sua perdere regna .
 Quis tibi tunc sensus, regum fortissime, iniquis
 Cum populi furijs, & prodicione Tuorum
 Nil grauius Patriâ, regnoque horrere coactus,
 Estensem thalami sociam, tam proxima cordi
 Pignora, partem animi tantam, genitumque paterni
 Nuper in imperij titulos, spem nominis vnâ,
 Et generis, Gnatum, cuius vagitibus Orbis
 Latus, Io, &, Io, lætus responderat æther,
 Deposuit pretiosum vndis pelagoque furenti
 (Proh quantum fati ventorum e lance pendit !)
 In quoscunque dares casus : telluris iniquæ
 Mox rabidas hyemes, peioraque littora ponto
 Effugiens, tumidi ipse etiam per stagna Profundi,
 Augustus sequerere, vndis miserantibus, Exul ?

Nil

(a) *Vide Ouid. lib. 2. Fast. sub initium.*

Nil tamen hosti actum : pulsus fers omnia tecum :
 Instabile externumque Bonum, Fortuna recessit ;
 Sed virtus, tua Summa, manet : quin nuda videri
 Pulchrior est, meliùsque suos dat nosse nitores,
 Dum nihil extra se mirum spectantibus offert .
 Heros dimidiis sub Regnatore latebas :
 Nunc demum, qui sis, quantus sis, perspicit Orbis .
 Electum per vim solio quis credat auito ?
 Deserti potiùs, condemnatique vocentur,
 Qui talem solio pepulere . Haud Principis istud,
 Exilium populi est . Quævis tu littora lustras,
 Orbe tuo, ceu Sol, semper conuerteris : ille
 Cum Patriâ, atque ipsâ, probro pœnæque relictus,
 Exulat in Patriâ . Vis vltima quæque minari
 Sontibus ? Haud vltra rediturum in regna mineris .
 Sed redeas potiùs . Sæuiam pœnitet Ausi
 Perfidiam : insanos iam damnat & ipsa furores :
 Iacobo nec regna, ereptum sed mage regnis
 Iacobum, oppositas sortes, alternaque fata
 Iudicij vero librans examine, discit .
 Vosque adeo, o Superi, (trepidis sat cognita Virtus
 Casibus aduersa euicit, meruitque secunda)
 Magnanimum Heroem, & plùs visum rege , paternis
 Dum caruit regnis, natiuæ reddite sorti .
 Ceu Volucrum regem, & solis phœnica Volucrem
 Non perimit, renouat fœcundæ mortis imago ;
 Sic regum phoenix fortunæ à funere, solis,
 Æterni absumpsit solis quam feruidus ardor,
 Altera iam ducat rediuiuæ exordia lucis,
 Inque Caledoniâ regnet feliciùs aulâ .
 Euenient . Verùm hæc Alijs, quæis liber Apollo,
 Altiùs & plestri sonitu maiore canenda .
 Sat mihi, communis fati ad solatia, duos
 Sceptrorum casus, inflictaque vulnera summis
 Frontibus Æschyleo cantu retulisse, nec ipsas
 Immunes rapidis fortunæ à motibus aulas . (pers,
 11. Quidnâ igitur? Proprij nemo cû ponderis ex-
 D 6 Nemo

Nemo suas Cæli pro respirabilis vsu
 Non lacrymas soluat ; communia fallere solus
 Iura velis, durisque nihil dependere Parcis ?
 Hoccine Mortalem fas pascere ? Voluitur omne
 Fluctibus assiduis socium genus : & tibi luges
 Non parci ? Querulis & vocibus astra fatigas,
 Quod non excipiant te de tot millibus vnum ?
 Dic, vbi frons tua ? Quò sensus, ratioque recessit ?

12. His adeo monitis Darij regis, ademptam
 Vxorem, viduosque toros sine fine dolentis,
 Saucia Democritus præcordia lenijt . *(a)* *Ægri*
 Scilicet augustum subiens penetrabile tyranni,
 Desine perpetuis, Rex, desine fletibus, inquit .
 Namque ego dilectam (licet irremeabilis Orci
 Lurida fatali stagna exuperauerit alio)
 Vxorem liquidas cæli reuocare sub oras,
 Iniustamque nigro raptori auertere prædam
 Spondeo . Nec nimio munus tam nobile sumptus
 Poscit emi : gelido tria tantùm nomina busto
 Incidisse hominum liceat, quæis tota secundo
 Tramite inoffensi series defluerit æui,
 Dulcibus extemplo Superis, & reddita luci
 Ibit in amplexus cupidi Regina mariti .
 Tu Famulos (promissa mouent si gaudia) regni
 Quaslibet actutum patrij dimitte per oras :
 Felicem inueniant numerum, & signanda reportent
 Nomina . Prona fides dictis . Immensa cupido
 Quid sperare neget ? Lecti, mora nulla, Ministri
 Oppida, recta, agros, nota, atque ignota locorum
 Circumeunt, vigilique explorant omnia curâ .
 Nequicquam : vacuus labor omnis, & irrita cura .
 Ergo iter ad Dominum relegunt, triademque beatam
 Hicet à foribus primoque in limine iussi
 Reddere, per sacros ignes æternaque Mithræ
 Numina, (relligio Persis quæ maxima) nullos,
 Humani cultus regio quæ conscia, iurant,

Non.

(a) *Julian, Cesar ep. 37. ad Amer.*

Non obitos, non excussos sibi rite Penates .
 Vana tamen studia, irrifos cecidisse viarum,
 Atq; operum sumptus : nullo sub sydere quemquam,
 Candida perpetuò vitæ cui Summa, repertum
 Terrigenam . Capto Sapiens tum tempore, Iamne
 Ergo vides, inquit, Regnantium maxime, eunctis
 Hanc adeo legem positam Mortalibus, vnus
 Quisque volens, nolensque suos pro parte virili
 Vt subeat casus ? Quocirca, te quoque Diuum
 Numina dum fragili voluerunt femine nasci ;
 Ne tumidus nimium, vide sis, habere, tuique
 Oblitus generis, communia pendere vitæ
 Abnueris solus si vœtigalia, teque
 Bata hominum indignere hominem promiscua ferre .
 13. Nec mihi se plures quisquam vidisse reponat ,
 Inscribi tumulo qui Regnatricis Eoræ,
 Frustrarique sagax Graij Sapiientis acumen,
 Fortuito læsi nunquam discrimine, possent .
 Esto, aliquem genus id liceat producere ; quid tum ?
 Exempla hunc inter censebis, an inter habendum
 Prodigia, Hetruscis olim lustrata libellis,
 Degeneres vtero fœtus, matrique timendos,
 Sanguineosque imbres, pœudesque humana locutas,
 Et gemino de sole diem, dubitantibus astris
 Hinc, illumne patris dignentur honore ? Sed ipsos
 Hos tamen, humanæ quos ceu miracula sortis
 Ignari colimus, quàm multis longior ætas
 Casibus obijciat ? Liceat modò viuere ; quanto
 Resistantùm miseros ventorum turbine volui
 Aspicias ? Quæ venturis spectacula scenis,
 Materiem tragico quantam debere cothurno ?
 Et tibi læta diu fòrs illibataque primæ
 Fluxerat ætatis series : fòrs & tibi plures
 Inuidere, rotæ volucris de culmine qui nunc
 Præcipitem sensu partim miserantur amico ;
 Partim etiam fastu gaudent calcare proteruo .
 Vidi ego, quæ, cæli toties secura, marisque,

Matii-

Nauifragas Libyæ fyrtes, Ægæaque saxa,
 Et Siculos velis impunè audacibus æstus
 Luserat, æquorei supremo in limite cursûs,
 Littora dum nautæ iamiam subeunda salutant,
 Sertaque festiuæ imponunt victricia puppi;
 Cautibus illisam cæcis perijsse carinam. (a)
 Nil certum satis: ambigui periura fauoris,
 Usque sub emeritam multos Fortuna senectam
 Amplexu toto fouet, immensisque saginat
 Muneribus, titulos, & honorum insignia circum
 Accumulans: quò nempe suas (is denique finis)
 Rite coronato ducti mox vertice ad aras,
 Splendidior sæuis procumbant hostia Sacris.

14. Consule Romulidûm fastos. Non littore talis
 Victima Niliaco Magnus? Non curia tali
 Victorem obstupuit Socerum procumbere pompâ?
 Ille triumphati Dictator maximus Orbis,
 Bellorum, pacisque potens, lex vnica legum,
 Vnicus heroum phœnix, post addita Rheno
 Vincula, post domitum Oceanû, innumeramq; cruentis
 Thesaliæ in campis vno certamine messam
 Palmarum segetem, vrbane (quis crederet?) ipso
 Pacis in amplexu. Sed cur notissima vulgo
 Vltèrius monumenta sequor? Tu Græcia profer,
 Tu potiùs Samij fatum lugubre tyranni. (b)
 Vix hominum sese Dea cæca benigniùs vlli
 Credidit, admoto vix blandiùs vbere quemquam
 Fouit. Iter pronum æptis, spes nulla secundo
 Fine carens, nullis longè sua copia votis.
 Ne multis morer; ipsum etiam fastidia tandem
 Mutati nunquam Superûm cepere fauoris:
 Ipsum etiam faciles adeo per plana, sine vlllo
 Obice, lassarant cursus: iamque esse timori
 Ille, nec immeritò, præter moremque, modumque
 Cæpe-

(a) *Fingitur visum, quò potuit contingere.*

(b) *Pal. Man. lib. 6. cap. 11. & Herod. lib. 3. de Polycrate.*

Cæperat immotus fati tenor . Ergo seuerum
 Sollicitus Nemesis numen, Diuûque piare
 Inuidiam, cupiensque aliquo, inter prospera rerum,
 Quid dolor, explorare, & quid fors altera, gustu,
 Auulsam digito, sibi quæ carissima, gemmam
 Æquoreas iecit, pretium mæroris, in vndas .
 Sed vani iactus : neque sic lugere, volenti,
 Fas fuit . Oblati siquidem mox piscis in aluo
 Amissum repperit lapidem, gaudensque recepit .
 Quænam igitur tam securi meta vltima cursûs ?
 Feralis crux nempe, in quam crudelibus actus
 Idem odijs, variæ documentum flebile sortis
 Præbuit, & nullum duras euadere vitæ
 Posse diu leges securum hilaremque probauit .

15. Quid? Quod vim rigide sortis nô singula tantum
 Per capita, ablato cæcam discrimine, ferri ;
 Sed leuius tibi, quàm plerisque, incumbere cernes .
 Ecquid enim tam triste subis, abstergere fletus
 Quin grauiora queant te circum exempla ? Reuolue
 Sis animo, quot nunc, inopes, diuturna maligno
 Vix mendicatæ Cereris ieiunia frusto
 Solentur, Cereris, pressio quam dente resolui
 Indocilem rigidâ conspectam à Gorgone iures :
 Nec laris exigui saltem sit copia, seuas
 Ad Boræ, Caurique minas, sed sub Ioue nudo
 Hybernas agitent, quâ nox deprnderit, umbras .
 Effera quàm multos arthritis, & acrius vrens
 Calculus ad mortis speciem, votumque fatigat ?
 Contemplator & Hos, piceâ, qui, nube sepultis
 Luminibus, toto proscripti sole dieque,
 Nulla diu rosæ delibant gaudia lucis .
 An, rogo, non tali collatus cum grege, felix
 Ex misero possis, atque inuidiosus haberi ?
 Quod grauius, quàm mortali pro robore, fati
 Incumbentis onus, nulloque Atlante ferendum
 Ipse vocas ; tenuem non illi ponderis umbram,
 Non lucrum, munusque suâ præ sorte putant ?

His

16. His tua si sapiens, alienaque pendere fata
 Lancibus instituas; quàm tecum molliter actum
 Protinus agnosces: neque iam sic nubilus istam,
 Quæ vacuos humeros tenuis vix sarcina tangit,
 Obijcies Superis, meritos quin gratus honores,
 Pro maiore adeo ærumnarum parte remissâ
 Exolues, qua pressa virum tot millia cernis:
 Quæque, per humani generis communia iura,
 Nil fuerat, cur, præterito te, iustis illis
 Assignanda foret. Quodd si, post talia, fatis
 Inuisum te pergis, & vltima dicere passum;
 Hac querulum iusti scitâ ratione Solonis (a)
 Compellare iuvat. Summus, fac, rector olympi
 Omnia Mortales iubeat sua pondera, quæis nunc
 Hi grauius, leuiusque Alij torquentur, in vnum
 Communem pariter cumulum deponere, & inde
 Seu positam rursus sibi quemque assumere; iustam
 Seu potius cunctos, nullo discrimine, partem.
 Hæc si conditio detur; quæ mens tua? Fascem
 Num proprium retinere velis? An, fœdera legis
 Alterius subiens, ex illo vnde vnde coactò,
 Digestoque iterum totius fortis aceruo
 Ducere cum reliquis partem Mortalibus æquam?
 Ni fallor, grauius multò noua sarcina frontem
 Tunc premeret: mallesque adeo præsentia ferre
 Pondera, ceu melior fati, leuiusque futurus
 Sic miser, æquales quàm si pro parte virili
 Omnibus ærumnas communis diuideret fors.
 Quin Alios igitur, iustâ quæis lance Malorum
 Abnueres par esse, animo proponis, & inde
 Opportuna refers duri solatia casus?

17. Retruleris sanè, Leporum ni amentior ipso
 Sis grege: cui certam lux hinc oblata salutem
 Iamiam mersuri tulit ipso in cardine lethi.
 Scilicet hos quondam (Æsopo si credimus: & quis
 Æsopo

(a) *Kal. Mac. lib. 7, cap. 20*

Æsopo ambiguus cunctetur credere ?) lucis
 Infanum vitæque odium, tot casibus actos,
 Obuia tot fata assiduo terrore pauentes,
 Supremum properare diem, atque occurrere Parcís
 Impulerat . Quid enim sese ærumnosius vnquam,
 Quid magis exosum Superis, grauioraque Titan
 Viderit iratæ obiectum ad ludibria sortis ?
 Quæis nihil armorum : nullæ ægro in corpore vires,
 Nusquam animus præsens : sed, si quæ, tota salutis
 In pedibus ratio : bella hinc metuenda Ferarum ;
 Hinc hominum : trepidi semper sub pectore motus :
 Nilque parùm validum, seu frondea conzitet Eurus
 Murmura, seu viridis quasset dumeta lacertus,
 Attonitas replere fugâ, & formidine mentes .
 Nec piget obstrictos tam duris legibus annos
 Ducere ? Funesti valeat quin ætheris vsus .
 Sat luci, lacrymisque datum . Mors vna Mæortum
 Effugium . Moriamur, & vltro in fata ruamus .
 Instar habet si vita necis ; vitæ vltima finis
 Ortus erit . Finire necem, haud perijsse ; renasci est .
 Hæc alij passim, ante alios hæc plurimus omnes
 Taphrocharis (priscum genus olli, & clara parentum
 Nobilitas : sed facundæ præstantia linguæ
 Plus proprij addiderat decoris) clamore diserto
 Ingeminans, vulgi ad proceres, vulgumque fremebat
 Tristibus ergo acti stimulis, cæcoque furore
 Præcipites mortem iurant : bacchatur in omni
 Pectore mors : primus nasci, extremusque perire
 Lucis amor cessit . Stat, non poscentibus vltro
 Reddere depositum fatis : stat, quod super æui
 Parcarum net nigra manus, damnataque cæli
 Munera proiecisse, & nil crudelibus auris,
 Nil vltra debere tibi, Natura . Palustri
 Haud procul vmbrosam complerat gurgite valli
 Stagnum abruptum, ingens . Liquidum rapit illa sepulcrum
 Spes animos : aduersa ruunt in fata, sequentium
 Quo neq; vim fugerent, cursu . Hic demergere vitam,
 Et

Et vitæ miseros vnâ demergere casus
 Fas erit : hic portus curis, hæc meta laborum :
 Salue optata palus . Sic illi, & triste subibant
 Iam littus, peritura cohors . Sed, parcere mitis,
 Æquius ignaris, quàm, quod per fata vouerent,
 Auxilij genus vnda tulit : vitamque relinquens,
 Nil nisi sollicitæ exhaustit fastidia vitæ .
 Vosque adeo, molli quas tunc herbosa fouebat
 Ripa sinu, taciti, ranæ, gens garrula stagni,
 Dum, sonitu impulsæ venientum, corpora notas
 Præcipiti hinc, illinc saltu vibratis in vndas ;
 Vos rabiem miseris infixam, ægrosque dolores,
 Ac lethi stimulos fluctu mersistis eodem .
 Hoc satis, hæc Leporum gentem seruauit imago .
 Mirantur, subito refugas, seque esse timori,
 Attolluntque animos . Iam non postrema videri
 Sors sua : quæsitæ iam deferuiscere sæuus
 Mortis amor : solùm iam deesse, atrocia primus
 Qui reuocet Consulta, & viuere suadeat, author .
 Quis fuit is ? Cupido egregium da noscere vati,
 Calliope, Herois nomen : superesse nepotum
 Da memori famæ seruatoremque parentemque
 Auriti generis . Præsens tibi tota Vetustas :
 Sæclorum nos impliciti caligine : & atram
 Lethæa ante oculos glomerant obliuia nubem .
 Ergo animi prudens, nec seu genitore Podauro,
 Milophago seu fratre minor, dubia agmina spectans,
 Rhinomacer placido sic ore silentia rupit,
 Sic sociam diris pubem reuocauit ab orsis .
 At quæ nos properæ necis importuna cupido
 Sollicitat ? Nempe imbelles Natura creauit .
 En Alios, trepido quæis plus sub corde pauoris,
 Quæis minus attonito inseruit sub pectore cordis .
 Cur sortem damnare libet, quam suspicit, & cui
 Sese humili genus hoc impar terrore fatetur ?
 Viuamus Lepores, audent si viuere ranæ .

18. Atqui maius adhuc, longèque potentius ægro
 Auxi-

Auxilium fuerint Aliorum vulnera, si, quo
 Illa ferant îdem vultu, & quo pondere mentis,
 Insuper ôberues : tranquillâ vt fronte dolorem
 Dissimulent : vt, vel lapsi afflictiq̃ue, prementem
 Fortunam super assurgant, fatique ruinas .
 Talia, credo equidem, spectantem exempla pudebit
 Immodico questu casus vrgere minores :
 Nimborumque minas inter cœlique tumultus,
 Innubes roseâ pingi Thaumantide vultus
 Posse scies, animumque suo radiare Sereno .
 Nec tibi magnanimos heroas, & inclyta fastis
 Nomina, Anaxarchi letho insuperabile pectus,
 Crescentemque animis rerum per damna Catonem
 Obijciam . Mediæ vel plebis in ordine, siccis
 Luminibus multos ea passim fata subire
 Aspicias, quëis ipse, & adhuc leuioribus ictus
 Fœminea effundis bilem in lamenta, diemque
 Proijcis, iratus Superis, vitæque, tibi que .
 Nam quæ tam miseri (libeat perpendere) luctus
 Materies ? Teneris illufit bruma racemis,
 Palladios fœtus decoxit fortior æstus,
 Inuida spem largæ Cereris rubigo fefellit .
 Hinc dolor, hinc lacrymæ: Qui conclamatus, & omni
 Deiectus spe viuam ? O fœda inscitia, necdum,
 Qui viuas, didicisse ! At prouum discere . Viues,
 Omnis vt artificum pubes, vt nauita, sutor,
 Rusticus, vpilio, miles, generisque per Orbem
 Humani pars magna, foret queis copia diues,
 Quod tibi, post cladem, reliquum . Te parcior annû
 Vnius exanimat fructus, quem fœnore largo
 Excusabit agris ventura manentibus æstas :
 Haud stables illis reditus, haud iugera certi
 Vlla soli : vix, quod naturæ vota requirant,
 Suppetit : eximio sortis pro munere ducent,
 Si rigidos , quamvis crassa, atque hirsuta, Decembres
 Pénula submoueat : si quantulacunque paratâ
 Frugis ad exiguum non desit copia victum .

Nec

Nec tamen exosam propero vel funere vitam
 Abijciunt, vel perpetuo mærore fatigant :
 Quin curis miscere iocos, atque edere plausus
 Sæpe vacat : festæ in primis Solennia lucis
 Cum redeunt, longoque modum posuere labori .
 Tunc etenim, madidi Baccheo nectare venas,
 Per virides incompósitos iam motibus agros
 Subsiliunt ; bifori iam pastoralia buxo
 Alternant hilares modulamina ; iamque, torosis
 Pectora nodantes, & mutua colla lacertis,
 Pisæ veteri luctantur more palæstræ .
 Conscia festiuis circum clamoribus arua,
 Frondiferique sinus nemorum, collesque resultant .
 Lætitie hac igitur pompâ præferre beatos
 Se liceat, quæis fulgor opum, quæis laeta supellex,
 Omnia quæis genij procul oblectamina, nullum
 Esse sibi gnaris, nisi de sudore diurno,
 Præsidium certum, & vitæ instrumenta tuenda ?
 Tu, cui res tantò melior, squalentia nigris
 Perpetuùm lacrymans obduces nubibus ora,
 Et tantùm Æmilij non pontis ab aggere mittes
 Damnatum caput : immòdici quòd copia luxùs
 Haud superet, vanis sed parcens sumptibus, intra
 Naturæ positos cogaris viuere fines ?

19. Vnde hæc, sæmineis vel sensibus inficianda,
 Mollieties ? An dissimili tibi pectora finxit,
 Et reliquis natura luto Mortalibus ? An te
 Ex florum succis, aut illo condidit, æther
 Quo matutinus conchyliæ rore maritat ?
 Heu nimis indecores animos ! Sæuissima fortis
 Fulmina, ceu fragiles, Alij, sine cuspidè thyrsos,
 Excipiunt : minimi ad speciem dubitabile vulnus
 Te culicis plorare iubet : confinia summæ
 Vix cutis exiguo districtus acumine, rumpis
 Clamorem, quantum neque Stentoris ilia, læsus
 Nec Diomedæa Gradivus Homericus hastâ : (a)

Bac-

(a) *Hom. II. lib. 5.*

Baccharisque furens, ceu, qui fallente securi
 Saucius, impulsis taurus diffugit ab aris.
 At quò Socraticis iterumque iterumque recocta
 Mens abiit studijs? Quò magni trita Cleanthis
 Porticus, & totas biberat quò pectus Athenas?
 En stolidum vulgus, Sophiæ immortalia nunquam
 Tempa vel à primo cui limine cognita, laudis
 Te tamen in stadio victum post terga relinquit:
 Plusque illi ingenitus stupor & vecordia præstat,
 Palladiæ tibi præstiterint quàm roboris artes.
 Mæsta nec ignavo suffundere lumina fletu
 Desinis? Et turpes etiamnum cordis ab imo
 Rumpuntur gemitus? Graijs audita Lyceis
 Si nondum teneram firmarunt dogmata mentem;
 Vilibus in triuijs quæ prostant obuia, saltem
 Confirmant exempla. Illinc fas denique discas,
 Posse homini quovis fatorum in turbine frontis
 Lætitiam, nedum mentis constare vigorem.

20. Fac tamen, in duris sociorum fortia rebus
 Deficiant exempla; tuo num parua dolori
 Te penes, inque tuis opibus solamina restant?
 Aspera sit quamvis, nunquam sic funditus omni
 Sors hominem vacuat felicitis munere vitæ;
 Quin complura simul misero iucunda relinquat,
 Cætera quæ is lætus nescire impendia possit,
 Seque illis geniumque suum oblectare fruendis.
 Mors rapuit sobolem: sed prædia salua, tumentes
 Sed oculos rutilus pergit distendere Ganges:
 Quanta fluent illinc orbatæ gaudia Canis?
 Res angustæ: operum felix at gloria, partum
 Et Sophiæ studijs manet indelebile nomen:
 Aurea quo regum supra diademata frontem
 Erigis, & tacitæ calcans obliuia Lethes,
 Perpetuos iam nunc vitam disponis in annos.
 Nulla parata mihi tam dulcis pignora famæ,
 In tenebris quin voluor, ais, præsentibus æquè
 Ignotus populis, ignorandusque futuris.

Non

Non alijs igitur famam excusare iacentem
 Præfidijs opibusque licet? Quin aspice, fortes
 Quale tibi membrorum artus, immaniaque ossa
 Fulciat. Herculeum robur, quot spondeat æui
 Lustra nihil Medico debentia, quàmque valenti
 Terreât, & longum voluendo flamine Parcas.
 Nullane tam pulchrum reris solatia census?
 Ast illum, si quâ mercede parabilis esset,
 Non vñs toto supremæ munere sortis
 Duxerit, & sceptri pretio regnator emendum.
 Denique, cuncta licet mortalis Commoda vitæ
 Fatorumve, hominumve rapax iniuria tollat;
 Non tamen æthereos census, animoque repostas
 Diuinæ virtutis opes contingere siue
 Vlla hominum, seu fatorum vis audeat vlla.
 Fortunæ sacer hic fundus, mirabile donum
 Numinis, externis violari casibus vna
 Indocilis merces, externos quoslibet vna
 Delinire potens, largèque rependere casus.

21. Cur igitur plùs amissi contristet egestas
 Vnius, alteriusque Boni, quàm cætera lætum
 Efficiat præsens implendis copia votis?
 Omnia naturæ cur præmia, donaque Diuinum
 Additus exiguæ cladis corrumpat amaror:
 Nec magis hæc sociâ sese dulcedine tingat?
 Vnicus an lolij suffocat Gargara culmus?
 Tota perit læso Gauri vindemia botro?
 Hesperidum syluis aut si felicibus vnum
 Aura nocens pomum petstrinxerit; ilicet actum
 De reliquis: nulli veteris iam gratia succi,
 Nulli priscus honor formæ: defluxerit omnis
 Autumnus vitio pariter confectus eodem?
 Fusus ab Hetrusco Dux Insuber hoste, paratis
 Suâsit vbi iam sera dies accumbere mensis;
 Quam male tentatæ commouerat alea pugnæ,
 Turbidus in Famulos, inque obuia fercula bilem
 Rusta-

(a)

Ruſtabat, nihil irato non pectore damnans .
 Cui coquus impatiens ſeſe ac ſua munera ſperni,
 Exitus aduerſi certaminis, inquit, acerbo,
 O Here, confuſum vitiat tibi felle palatum,
 Nec patitur ſyncero epulas dignoſcere ſenſu .
 Sed, quoscuque volet, pergat Mars texere ludos,
 Totaque ſub ſignis conſpiret Hetruria ; nullo
 Vicerit id conatu, vt, noſter fercula ſtruxit
 Quæ labor, abſurdi veniant culpanda ſaporis .

22. Adde, quodd vrgentis Fortunæ ſpicula, ritu
 Cuſpidis Æmoniz, feriant hinc quamlibet; iſtos (a)
 Inde iuuant tamen, & cum vulnere vulneris vnâ
 Lenimenta ferunt . Nam cum Deus indole tali
 Seu Bona, ſeu Mala condiderit mortalia, nunquam
 Vt penitus diuiſa fluant, ſed fœdere certo
 Alterius ſemper ſortis ſors altera partem
 Contineat ; Bona dum nobis extraria, Natos,
 Rem, faſces, titulos Fortuna volubilis aufert ;
 Vnâ etiam ſtimulos animi, faſtidia, curas,
 Et reliqua his adiuncta Bonis discrimina tollit .
 Nec ſecus, ærumnis quoties immitibus vrget,
 Famam onerat probris, languoribus inficit artus ;
 His agnata Malis pariter compendia donat .
 Et tu, ceu vitæ rudis, imprudensque Futuri,
 Viribus inuolidum, titulorum & honoris egentem
 Te quereris , pulſumque domo, quem corporis ægri
 Ni labor hic thalamo affixum retineret, obortâ
 Per ludum (quod ſæpe vides contingere) tixâ,
 Fôrs male vitatum iugulo, vel pectore ferrum
 Exciperes : qui, ſperati ſi culmen honoris
 Naſtus eras ; lapſum cælo Phaetontâ referres,
 Sæua Iouis ſubiens irati fulmina : dolci
 Aut nido procul ignotis in finibus æuum
 Ni traheres ; luxu facilè corruptus inert
 Ventura in rapidos ieciſſes ſemina morbos,
 Hæres ante diem patrij dicende ſepulcri .

Quam

(a) Vide Pl. lib. 34. Miſt. Nat. cap. 15.

Quàm miros Fortuna sibi componere gaudet
 Rebus in humanis ludos? Aduersa secundis
 Auspiciū quoties fecere, ruinaque felix
 In gremium lapsos sortis proiecit amicæ?
 Hostili medium transactus vulnere pectus
 Nil se iam Superis debere Pheræus Jason (a)
 Crediderat: vomicam tamen in Vitalibus altè
 Hærentem explicuit mucro, fidusque, salutem,
 Quam non attulerat Pæon, ferus attulit hostis,
 Quis non exitio hybernas fore duceret aruis
 Sæminibusque nives? Atquæ noua ducitur inde
 Ad sobolem virtus: formandis fœtibus aptus
 Dum calor, & viuax naturæ spiritus intrò
 Cogitur, ac teneris radicibus insinuat se,
 Perficiens, quæ læta suo dein tempore pubes
 Exiliat, variisque annum prouentibus ornet.
 Quid moror? Ipsa etiam morbis prodesse venena,
 Multa mouens hominum in dubijs solertia rebus
 Comperit. Exemplo est aconiti inamabile germen:
 Luminibus quo vix ægris præsentius vllum, (b)
 Importuna premant liquidos si Nubila visus,
 Auxilium venit, offusasque eliminat umbras.

23. Atq; hoc, perspicuâ, Graiæ immortale Minervæ
 Lumen, Epictetus signauit imagine: rebus
 Dum medijs geminas hinc, illinc addidit ansas: (c)
 Dextram vnâ, sine fraude licet qua apprehendere; lauâ
 Ast aliam, nulli vnde queant impunè teneri.
 Nimirum fœciæ ingenijs discordibus ansæ
 Oppositas rerum vires, effectaque partim
 Commoda, Mortales partim lædentiâ signant.

24. Quocirca id reliquû, ratio id planissima distat,
 Infidi capulo vt lateris solerter omisso,

Dextro,

(a) *Plus. de capiendâ ex hostibus util. & Val. lib. 1. cap. 8.*

(b) *Plin. lib. 27. cap. 3, Maiores oculorum medicamentis
 aconitum misceri saluberrimè promulgauerunt:
 aperta professione, malum quidè nullum esse
 sine aliquo Bono.*

(c) *Cap. 58. Enchir.*

Dextro, quidquid adest, potius mens prouida sumat :
 Scilicet, à rerum titulis peioribus actò
 Vt retrorsum animo, & quantum licet, vsq; reducto,
 Non, nisi quod sese placitum ostendit in iisdem,
 Contempletur : apum ritu, quæ, florea Veris
 Circùm regna vagæ, virosi quamlibet herbi,
 Infideant ; grarum vel tali e fruge saporem
 Excerpunt, operosa dein quo mella laborent,
 Fragrantique suas distendant noctare cellas .

25. Nouerat id Cæsar : Libyæ squalentis in oras)
 Æmathiæ qui fortunam, & victricia signa (a)
 Dum trahit, arrepto vix primùm in lictore lapsus,
 Haud lætis hostile solum tetigisse videri
 Auspicijs poterat, ni tristem ad prospera casum
 Flexisset, Teneo te, clamans, Africa: nostra es .
 Nec ducis Oebalij dispar solertia : centum (b)
 Qui simul Auroræ populos, totumque sub armis
 Xersem ad Thermopylas pugnâ excepturus iniquâ,
 Nescio quo, telis, referente, hostilibus ipsum
 Illicet obnubi media inter prælia solem;
 Lethifero illo etiam in nimbo, Martisque procellâ
 Aduertit sapiens, meritò quod posset amari .
 Et, Bene, ait, narras : nimios certaminis æstus
 Pertimui : leuat hac nubes me ferrea curâ
 Gratia Dijs, hostique : aderit pugnantibus vmbra .

26. Et verò, nisi tam dulcè deninxerat arte
 Oppositas rerum formas elementaque Numen ;
 Ipsa sibi discors nutantis machina Mundi
 Haud, reor, immotâ posset compage teneri :
 Sed ciuile nefas, æternaque iurgia scissum
 Hinc, atque hinc furijs agerent, immanibus Orbem
 Nam mediâ cum parte Sui contraria pugnent
 Quattuor inter se Naturæ corpora prima ;
 Si nihil aut his spectandum, aut occurreret illis,
 Præter eam, disconueniunt qua singula, partem ;

E

Arida

(2) . Suet. in Vita cap. 59.

(b) . Plut. in Apophth. Lacon, de Leonida.

Arida nunquam equidem tellus, atque aridus ignis,
 Illa liquentis aquæ, liquidi consortia ferret
 Aeris hic : neque fida satis durare caloris
 Aerij, & gelidæ posset vicinia lymphæ.
 Omnia quæ nexu nunc apta ligantur amico,
 Cognatæ alterius fido quia glutine partis
 Se retinent. Flammæ similis calor aërâ iungit :
 Communi fluxu lymphis adstringitur aer :
 Vndaque frigus amat vicinæ frigida terræ.
 Corpora sic inter pugnancia, disque fidentes
 Naturarum habitus æternùm læta viget pax,
 Inneſcitque sibi concors discordia Mundum.
 Hunc igitur, constant quo rerum fœdera, morem
 Ad vitæ regimen, Mundique minoris ad vsus
 Conandum nobis traducere, quælibet inter
 Si certam retinere iuuat discrimina pacem.

27. Plurima cum porrò aduersis hærentia fatis
 Commoda sint ; primum, longèq; ante omnia ponas,
 Heroum eximijs nusquam quodd latior ausis,
 Angusto quàm calle, aperit sese area : nusquam,
 Fortunæ glomerata inter quàm Nubila, virtus
 Plùs radiat. Quid enim rarum ac memorabile, fortem
 Si præstes animum, facili dum vita suoque
 Prouehitur cursu ? Nemo, discriminis experts,
 Hæsurum capiti Phœbeæ frondis honorem
 Rettulit. Æolij rupto cum carcere montis,
 Indomitæ rapidi certant Aquilonibus Euri,
 Arcturusque minax fundo maris æquor ab imo
 Eruit, impingitque rati ; tunc ars tua, Tiphys,
 In pretio, clauique sagax dignoscitur vsus.
 Agminibus nullus, fac, misceat agmina Mauors ;
 Fortis & ignaui perijt discrimen : Achilli
 Par prope Therſites. Nemeæ portenta, tricorpor
 Geryones, sus Arcadicus, fera bellua Lernæ,
 Iunonisque odium, nec mollia iussa perenni
 Amphitryoniaden misere in sæcula famâ.
 Debeat vt multùm Theséo, Alcmææque parenti ;
 Plùs

Plūs tamen Eurysthéo, plūs debuit ille nouercæ :
Plūs Ioue patre virum euexit Iouis aspera coniux .

28. Fortuiti quoties igitur quæcunque Mali vis
Aggreditur ; belli, fac, tempus adesse gerendi
Sis memor, armatumque inferri cominus hostem :
Quicum iam, terris, cæloque fauentibus, amplâ
Compositus velut in caueâ ingentique theatro,
Experiare manus . Tecum de in talia : Vires
Promendum : ambigui præsens vocat alea Martis .
Nunc agitur, qui sim : virtutis, desideræque
Spectator Mundus . Quid tum ? Certaminis ipse
Immemor, abiectâ, cuneis ridentibus, hastâ,
Ceu trepidus puer, imbellis vel fœmina, turpes
Exquiram latebras ? Anertite sydera . Præstat
Quolibet arma tenentem infesto occumbere letho,
Dedecoris tanti quàm stigmate nomen inuri :
Scilicet imrotus sæuâ Gladiator arenâ
Prouocet aduersum nudis Vitalibus enses,
Impaudamque animam per hiantia vulnera fundat ;
Me leuior duræ exanimet violentia sortis ?
Immo, age, crudeles, quantum liber, augeat iras .
Hoc iuuat : augebit palmæ decus acrior hostis :
Fama suis crescet cum cladibus : ingentemque,
Par mensurâ Virorum, ingentia vulnera prodent .
Nemo, suæ, doluit, quod plurima suppetat artis
Materies, faber . Ars Hominis pulcherrima, virtus ;
Ærumnæ, virtutis opus : nec gratuler illis ?
Tanta nec oblatæ complectar præmia laudis ?
Carior est, magno steterit quæ gloria sumptu .
Ipsa Mali, premit heroum quæ corpora, moles,
Nominis æterni stat nobile Mausoleum ;
Ipsæ illos calcanda vehunt super astra ruinæ .
Verberibus plagisque suæ explorasse feruntur
Scirpis Amyclidæ ingenium, qui fortiter ictus (a)
Exciperet puer, hunc patriâ fassî indole dignum .
Sic & sydereus Genitor per tristitia prolis
Sumit adoptandæ specimen . Qui lege probari

Hæc renuit, diæ renuit quoque stirpis honorem.
 At mihi ne quisquam genus immortale merenti
 Illacrymet. Perijt fortis patientia : casus
 Frustra omnes fuerit consumere ; si mea luctu,
 Non hilari virtus censetur digna triumpho :
 Infelix potiùs videor si dura ferendo,
 Quàm sacer. Ærumnæ vulgi plorentur inertis :
 Fortiter exhaustas lædit, nisi Mundus adorat.
 Plus homine est, humana animo qui pertulit æquo :

29. Iuuerit hoc etiam, certo si certius omni
 Constituas, nihil inconsulto Numine magni
 Rebus in humanis posse, aut contingere parui.
 Non error, casusque rapit mortalia. Cæcum
 Fortunæ numen sceptro donauimus, Ipsi
 Verius heu cæci. Qui condidit omnia, iustis
 Omnia supremus naturæ temperat author
 Legibus, euentus dubios, inopinaque fata
 Ad certum per nota sibi compendia finem
 Circumagens. Vano trepidi quid volumur æstu ?
 Ipse sui nouit causas moderaminis : ipse,
 Quid magis expediat, rerumque quis aptior ordo,
 Perspicit. Adriacas pinu sulcante procellas,
 Nonne vides, vt vectorum manus inscia ductu
 Auspicioque sui volitet secura magistri :
 Vt nihil addubitet, se seque per omnia doctis
 Illius imperijs, & canæ præbeat arti
 Morigeram ? Si ductori, qui seu malefidus
 Fallere, seu falli potis est male prouidus, vltro
 Permisisse quuat nos, nostraque ; fidere summo

Cur

-
- (a) *Vide Plus. de Instit. Laton. ubi, licet experimenti mentionem non faciat ; magna tamen gloria dicitur Pueris fuisse, verbera forsiter excipere. Pueri per integrum diem flagellis cæsi, sæpe ad mortem vsque apud Dianæ Orthiæ aram, læti alacresque tolerant, atque inter se de victoria certant, in eo posita, quis diutius magisque perferat verbera : victoremque summa consequitur gloria. Certamen id. siue latio dicitur, & quotannis habetur.*

Cur dubitet quisquam Rectori, hominumq; Parenti
Fata supercilij nutu qui condit, & xui
Perpetuos certo deducit tramite cursus :
Quem nihil ex Mundi serie vicibusque futuris
Præterit, & duci qui nos dignatus amore,
Quidquid seu furor hostilis, siue aspera vitæ
Lex iubeat perferre, humana ad commoda flectit ?

30. Certè equidem, nostri quanquã nil vñbus Orbis
Prospiciens mortale genus per tristitia quæque
Duceret ; in iustas etiam tum nulla querelas
Suppeteret ratio . Mundi ille æterna potestas,
Quidquid agat, nullo sub iudice reddere causas
Cogitur . An sua demoliri, perdere, iamque hos,
Si libeat ; iam diuersos, si malit, in vsus
Artifici flexisse nefas ? Si quisque suarum
Vindicat arbitrium rerum : diffingere nullo
Si figulus prohibente potest, quam condidit, urnam ?
Quidnì iuris idem in sua regna, suumque Tonanti
Concedatur opus ? Cur illi ex omnibus vni,
Produxit Domino quem vitæ ad lumina nutu,
Haud liceat dominis moderari nutibus orbem ?
Nunc placido summæ rationis pondere fata
Cum regat, & nostrâ mitissimus omnia libret
Vtilitate Parens ; tam dulcia iura subire
Quis renuat ? Quis non patiat, ametque regentem ?

31. Dura iubet: sed enim Patrem, vel dura iubendo,
Se probat . An dulcem curare fatetur alumnum
Tunc genitor tantùm, cum pronus ad oscula tollit,
Aut gremio fouet, & blandis complectitur vlnis ?
Non mage adhuc patrij sensum declarat amoris,
Ingressum teneræ, cum, iam lanuginis annos,
Prætextam mutare sago, castrisque penates
Imperat : vt, sæui per honesta pericula Martis,
Noscedum famæ se præbeat, eximijsque
Testetur genus, ac tollat sublimiùs ausis ?
Hæc tua econditio : sic & tibi maximus author,
Vincenda obijciens discrimina, consulit . An tu

Vbera setosis etiamnum ducere labris,
 Inque sinu gerulo semper, ceu bimulus infans,
 Ludere, blanditiasque audire, & reddere possis ?
 Deficeret nimium genitoris ab indole. Fortis
 Illius in Natos amor est : ad grandia quæque
 Protinus imbelles annos, primamque iuventutem
 Instituit : neque desidia turpique veterno
 Ingenuas patitur vires corrumpere, duris
 Sed studijs, meritæque iubet clarescere famâ.

32. Nullos at video, referes, præsentia fructus
 Quos olim peperisse queant discrimina. Quid tum ?
 Pæonij quoque non raro medicaminis Ægrum
 Vis latet : occultam nec secius inde salutem
 Percipit. Est Recti, est aliquid, discernere, nobis,
 Quod, licet ignaris, Superum Sapiencia possit.
 Aspice belligeras acies, Mauortia castra :
 Omnibus anne illic communis buccina prodit
 Consilium mentemque ducis : cur inter opaci
 Furtivas nemoris latebras considerare turmam
 Iusserit hanc ; promptis illam vigilare sub armis ?
 Cur subito moueat : celeres quò destinet alas ?
 Præscriptas sibi quisque vices, & munia lætus
 Occupat, imperij quamvis arcana videndam
 Se ratio neget. Antiqui sat prouida nosse
 Corda ducis. Belli mens totius ille, quid aptum,
 Vtiliusque, videt cunctis pro millibus vnus.

33. Cur tamen in Iussis Cæli grauioribus vllos
 Ipse etiam nequeas fructus agnoscere ? Nullos,
 Fac, pariant alios ; hoc ipsum fortia ferre,
 Numquid vile Sui pretium ? Nil gloria mentem
 Ergo mouet, pulchris merces amplissima factis ?
 Nil virtutis amor, vinci quæ nescia, clades
 Lucra facit, geminatque suum per vulnera robur ?

34. O Pater, o naturæ, immensique arbiter æui,
 Duc, age, duc Famulos : tua quò suprema vocarint
 Imperia, obsequij haud segnes, animisque parati,
 Aspera, seu mollis via sit calcanda, sequemur.

Nubi-

Nubibus immistas Alpes, rapidisque negata
 Vel Volucrum pennis audaci vincere nisu
 Saxa iubes? Celsarum inter pendere ruinarum
 Illicet Abrupta aspicias. Fœcunda venenis
 Reptilibus Libyæ sitientis in æquora mittis?
 Iam Libyæ celeri signabimus arida gressu
 Æquora, serpentum socij. Sulcare frementem
 Nerea vis? Tumidis concurrere protinus vndis,
 Oraque vel mediæ iuuet irrupisse Charybdis.
 Pauperiem duram, famæ dispendia, tristes
 Carceris indigni tenebras, vincla aspera, morbos,
 Quidquid acerbum, inuisum, atrox, immane, feremus?
 Tu iubeas tantùm. Nostras tibi cudere sortes
 Vis æterna dedit: nos iussa capeßere nati.
 Ignarus nimis ille Tui, permittere tanto
 Non nisi compertis qui se rationibus audeat
 Ductori, lætusque minùs per saucia dumis
 Tesqua, per Hyblæis pictos quàm floribus hortos
 It comes. Humanis tu singula prouidus aptas
 Vñbus: ad lætos tu dirigis omnia fines,
 Vna salus rerum, lex totius vnica fati,
 Consilijque potens Ratio, mensuraque Recti.
 O dignos (Quid enim haud meriti tã fontibus ausis?)
 O dignos, quibus ad votum fluere omnia, quosque
 Auspicijs per praua suis & deuia ferri
 Iure sinas, quicunque tuis parere recusant!

35. Talia si vulgo consent oracula; plausu
 Iam celebri, nedum nullo mærore, sinistros
 Excipiat casus: quin ipsa & nomina mutet
 In melius: geminæque adeo discrimine sortis
 Funditus humanis sublato e rebus, iniqui
 Nil superet, nil non felix & rite secundum.
 Si tamen infirmam minùs hæc sapientia mentem
 Alleuat, æthereoque licet decreta Parenti,
 Tristia pergis adhuc lugendaque fata vocare;
 Ast alià, vitæ in medio quæ sensibus ipsis,
 Contrectanda patet, sæuum ratione dolorem

Lenieris, reputans animo, quàm concita cursus
 Festinent Humana suos absolvere : teque,
 Quantumcunque miser iam sis ; hand vsque futurum
 Numquid enim propero vanescere gaudia tantum
 Fine putas ? Nihilò plùs longa doloribus ætas :
 Nec, seu difficilis, seu commoda, nouit eodem
 Stare diu fortuna gradu, variabile nacta
 Ingenium : qualis tumido nunc proluit æstu
 Littora ; nunc refluens in se maris vnda residit :
 Ferrea vel speculis, & turribus addita, verti
 Qui tubeant, nullos non audit lamina ventos .

36. Paruane retro hominum series, de culmine reru
 Quos dedit in præceps, mox altiùs extulit, atque
 Instabili ludo per summa, per ima rotauit ?
 Sat Marium fuerit meminisse . Quot obijcit vnum
 Personasque, vicesque caput ? Vulgaris ab imo (a)
 Ordine militiæ paulatim munera summi
 Vetus ad imperij, mox illo e vertice lapsus,
 Post trepidas ex Vrbe fugas, vluzque patustris
 Præsidium infelix, & ferrea vincula, Cimbri
 Tantum non gladio cecidit lictoris . An ergo
 Terminus hic leuibus fatis ? E carcere sospes
 Mittitur, ac noua fortunam in conamina ducit .
 Scilicet vt rursus fugiat, Libyæque repulsus,
 Deiectæ vagus, æger, inops Carthaginis hospes,
 Mutua det Pœnis solatia cladibus . Immo
 Acrior vt redeat, quos & iam fugerat, vltus
 Hostes, Romuleo Consul moriatur in ostro .
 Hanc Marij sortem quisquâ putat ? Hæc Hominis fors
 Perpetua est . Lucus, alternaque gaudia vitam
 Diuisere sibi : iamque hæc, iam protinus illi
 Temporis orchestram repetunt, nec, qui modò lapsus
 Vultus erat, vultum esse sinunt labentibus horis :
 Continuatque suâ semper diuersus in orbem
 Circumagi leuitate chorns . Quæ talia vitæ
 Discors ingenium, atque xui mutabilis ordo

Cura

(a) *Vide Pius. in eius Vita .*

Cum toties, totiesque iteret ludibria ; quidquid
 Infesti durique tulit Dea mobilis, ore
 Haud alio nobis spectandum, ac Nubila primos
 Sub Zephyri flatus euanida, noctis opacæ
 Aut horror iamiam Eoum reuehentibus axem
 Decessurus equis . Certè Mala, vix Mala, quorum
 Principio finis tam proximus . Indue lætas
 Spes igitur, neu cede animis . Post pauca dierum,
 Fors etiam spatia horarum, qui nunc grauis instat,
 Aufugiet dolor, & vacuas soluetur in auras .
 Erudiunt annos anni, præbetque sequenti
 Transactus documenta dies . Metire volutæ
 Hactenus ætatis seriem : quot casibus ægram,
 Quàm varios inter querulam fluxisse labores
 Comperies ? Rapido ablati qui temporis æstu,
 Nunc vbi ? Quaque Sui minimâ iam parte supersunt ?

37. Esto tamen, seros cûrsu producat in annos ;
 Sic quoque dicendus brevis est dolor . Vitima fati
 Nempe vbi lux aderit ; cum virâ finiet omnes,
 Vita quibus premitur, casus . At quàm prope distans
 Terminus is, tangique celer ? Non publica vulgi,
 Doctorumque pari feruet querimonia sensu,
 Tam breuibz spatijs angustoque æquore claudi
 Viuendi nobis data tempora ; presserit vt vix
 Mortalis primo limen pede ; iamque supremas
 Miretur subitò ad stadij consistere metas ?
 Et meritò : quid enim Pylæ quæque cana senectæ
 Lustra, vel Euboici rugosos pulueris annos (a)
 Dixeris, ad seriem immensam, numerosque patentis
 Longiùs æterni, toties & longiùs æui ?
 Nempe minus multò, stagna ad Neptunia roris
 Quàm matutini trepidantem in gramine guttam .
 Penè fuit, simul ac cœpit, cum tempore quidquid
 Labitur : in vastum quamvis se porrigat orbem ;
 Instar habet nihili, si limite desinit vllò .
 Cur igitur vitamque breuem, immensumque dolorem

E 5

Con-

(a) Vide Quind. lib. 34. metamorph. v. 137.

Conquerimur ; nunquam patet hic si longius illa,
 Sæpe etiam gyro cursum breuiore coerces ?
 Aut cur perpetuo manantibus vberibus
 Flere iuuat, standi quæ nescia, tangere primos
 Iamiam supremis properant occalibus ortus ?

38. Si, quoties rerum lætarum terminus instans
 Obijcitur, mens ægra dolet ; cur, sine malorum
 Proposito, non æqua ferat solatia ? Tristi
 Gaudia quæ luctu breuitas confundit, amarus
 Cur nequeat miscere pari dulcedine luctus ?
 Pauca sub hæc, mortale quibus componitur æuum,
 Horarum segmenta, manet nos altera, longè
 Occiduas egressa vices, arctataque nullis.
 Limitibus, nullis obnoxia casibus ætas -
 Quid Superis durare parem, quid legibus æui
 Maiorem, genitamque æterna in sæcula mentem
 His breuibus Gyris, peritura hoc carcere vitæ
 Stringimus ? Illa animo potius, voluenda capaci
 Tempora sunt, in perpetuum redeuntibus orbem
 Temporibus conserta : illud sine fine refusum,
 Complexumque omnes numeros, nec ab omnibus ipsum
 Compensum numeris, totum æternumque putandum est -
 Scilicet, immensis ibi cursibus vltiora -
 Mirati in spatia, vltioraque semper euntem
 Oceanum, quidquid metas extremaque nouit.
 Littora, vix nihilo maius ducemus, eoque
 Indignum, deceat cui mentem aduertere, cuius
 Vel tenui stimulo sensus nos curaue tangat .

39. Denique, fortuitis si casibus utilis ira :
 Si miseros lamenta iuuant ; irascere : bilem
 Euome per lacrymas, per iurgia : nulla querelis
 Hora vacet . Quid adhuc cessas ? Vltro ipse iuuabo :
 Clamemus . Rigidis proli durior Apennini
 Sors scopulis / Adeone iuuat seruire ? Cruentam
 Nullæ adeo clades exemplaue dira nocendi
 Expleuere sitim ? Rapuisti dulcia, Natos,
 Pignora, rem, titulos : inopem nudumque paternis:

Tru-

Truxisti laribus. Quid iam, nisi spiritus æger,
 Restiterat, corpusque suis vix ossibus aptum?
 En etiam tristes has lædere noxia pergis.
 Reliquias, miseræ fragmenta nouissima vitæ,
 Affixumque toro longis cruciatibus vrens,
 Ante necem spirante iubes putrescere bullo:
 Nilque mei, duras possent qui flectere cautes,
 Te gemitus, lacrymæ nihil, & suspiria tangunt.
 Quin age, iam totam semel, immanissima, profer
 Scuticem: nec quid supra tibi denique restet;
 Inuisum caput hoc quovis interfice letho.
 Sed parcis, video, laniandi sæua voluptas
 Ne pereat, mecum tandem consumpta: parùmque
 Infelix videor, letho si torquear vno:
 Nec tu, infesta satis, mortes ni mortibus addas,
 Extremumque diem nullâ non luce reducas..
 Ergo ego sum, cui nec permittunt viuere, nec dant:
 Fata mori: totiesque vnum qui ducere finis,
 Latitæ, cogor, vitæque, mihi que superstes?
 Heu miserum caput! Heu nimium crudelia fata!
 Talia cum semel, atque iterum, cum nocte, dieque
 Assiduus, totoque dolens iactaueris anno;
 Perdita num res, aut soboles, vel fama redibit?
 Num dolor, aut rabidi ponet violentia morbi?
 Nil minus. Inconcussa suo stant pondere fata:
 Irascique licet, non irascendo mederi:
 Quin potius querulis clamoribus experrectus,
 Admonitusque Sui, vehementior inde resurget,
 Paulatim quem longa dies sopiuerat, angor.
 40. Et tu luctifonis indulges questibus, istu
 Quod nimium nimiumque graui sis læsus. At ille
 Mitiùs hòc tolerandus erat, quod immitiùs vrget.
 Nam neque membrorum iactatio dura, nec asper
 Defixus laceris. Vitalibus vnguis acerbum
 Viuidiore iubet sensu crudescere vulnus;
 Infestum ac violens exasperat ira dolorem.
 Cernis, ut aerias cursu delata sinistro

Aucupis in fraudes, prætentaque fila Volucris,
 Quò mage captiuas infelix concutit alas,
 Argutumque mouet caput, & trepidantia crura;
 Firmitus hoc visco, laqueisque tenacibus hæret?
 Casibus haud aliter mens irretita malignis,
 Dum furit immodicè, seque intolerantiùs æquo
 Versat agens, laqueos adeo non exit; vt iisdem
 Se magis, ac magis impediat, luctuque prematur
 Tristiùs ipsa suo, duræ quàm crimine sortis.
 Mitte igitur steriles gemitus, nullique futura
 Præsidio ad vulnus pueris lamenta relinque.
 Si verum excutias; tenuis plerunque dolere
 Causa iubet: facis ipse grauem nimiamque, dolendo.
 Est in Dalmariâ (Plinî saltem fuit æuo: (a)
 Ille author fideique caput. Nunc duret; iniquas
 Senferit an leges mutantis cuncta senectæ,
 Indigenæ referant) altè submotâ recessu
 Vmbrifero specus, & pendentibus horrida tophis.
 Quò si sublatum per littora curua lapillum,
 Ponderis aut minimi glebam demiseris; ingens
 Protinus ex imo audiri fragor: omnia raucis
 Turbinibus mugire, erumpentisque procellæ
 Horrifonus latè furor increbrescere. Pulsu
 Cuspидis Æoliz patuisse immania nimbis
 Clausura putes: rapidosque aduersa in prælia fratres,
 Vnâ Eurum, horribilemq; Notum, Boreamq; niuaalem,
 (Ne mea, ne pelago volitent tunc carbasa) fundi.
 Tot tempestatum fremitus, cælique ruinas
 Tantulus immissi lapidis ciet ictus: inertum
 Scilicet appositâ mores animosque virorum
 Effigie referens: quos quantulacunque sinistra
 Vis agitat sortis, minimoque extrinsecus icti
 Vulnere, turbatis clamoribus omnia miscent,
 Et cælum terris confundunt, æquora cælo.
 Cum Sapiens contra durissima quæque laborum
 Arduus, imnotus, ceruicibus Atlanteis.

Ex

Excipiat : quantòque, suâ vi fultus, iniquis
 Promptior occurrit fatis ; vrgentia tantò
 Commodius ferat : intento ceu poplite nixus,
 Erectisque humeris, minùs ægrè Baiulus alti
 Pressum oneris durat : cui si ceruice remissâ,
 Nutantique gradu successerit æger, anhelans ;
 Obruitur, mimiâque impar sub mole fatiscit .

41. Id genus ad varios si quis solatia casus
 Comparèt, aduerso & quoties fors ingruit icu,
 Vtendi celer expromat ; non seciùs illis
 Implacidos curarum ægro sub corde tumultus
 Leniet ; ac notæ blando poppysmate vocis
 Fernida latrantis componitur ira Molossi,
 Spirantemve minas, & squamea colla tumentem
 Thessalus arcanis sopit concentibus anguem .

42. Nec mihi displiceat, qui, vulnere fixus acerbo,
 Dum nouus in cursu dolor est, dum eruda cicatrix,
 Seu doctis animum studijs inuoluit ; opaci
 Seu virides ruris latebras per Tuscula Tempe,
 Perque tuas Anio sequitur placidissime ripas :
 Quâ tepidi soles, & cæli purior haustrus,
 Sylvarumque placens horror, muscosaque saxa,
 Et Volucrum dulci resonant nemora auia questu .
 Iamque, latus socijs stipantibus, ad leue murmur
 Diffugientis aquæ, molli proiectus in herbâ,
 Ingenuos mittitque sales, lætusque remissos
 Excipit, & gratis fallit sermonibus horas ;
 Iam fidium, vocumque hilari discrimine ludus
 Temperat: Eumenidû ceu quondâ Oeagrius Orpheûs
 Inimites animos, terque allatrancia monstra,
 Et Iouis inferni non exorabile pectus
 Permonuisse, lyram quo mouit, carmine fertur .
 Scilicet ad numerum componens cuncta modumque
 Omnipotens faber, immensum cum fingeret Orbem,
 Nescio quam nostris impressam condidit altè
 Sensibus harmoniam, modulis quæ dulcibus icta
 Respondet commune melos : siquæ absona fortè

Dicitur

Dissideat sibi ; concentum numerosque priores,
 Externo præcunte sono, iam læta resumit,
 Iam memor ipsa Sui . Quocirca sæpius ægris
 Auxilium præsens tulit artubus, inque cubantes
 Depulit arguto modulamine tibia morbos, (a)
 Abderæ nisi vana fides : iuuenisque furorem,
 Igne Cupidinea, stimulisque effrænibus acti, (b)
 Pythagoras medico potuit compescere cantu .

43. Sed tamen hæc, læsis extrinsecus addita fibris,
 Haud par frangendo penitus medicina dolori est .
 Sopierit crudum potius, quàm deleat hostem :
 Et breue suspensi certaminis intervallum,
 Non integra feret mansuræ gaudia pacis .
 Sola igitur præsens animi fidumque levamen
 Rebus in aduersis Ratio : conuellere sola
 Indomitos imo poterit de pectore luctus .
 Numinis hæc sacrum munus, panaceaque, nullam
 Non facilis pepulisse luem : hac immania quæque,
 Verius, Herculeæ ficto quàm robore clauæ,
 Monstra caduna : Phrygiæ hæc mirabilis illa tyranni
 Dextera, felici in prætium quæ vertere tactu
 Vel felices, dumosque, ac rerum asperrima nouit .



EVTHY-

(a) *Geſ. lib. 4. cap. 13.*
 (b) *Quintil. lib. 8. cap. 10.*



EVTHYMIÆ

Liber Quartus.

PÆONIO tristes olim qui munere morbos
 Exierant, genus auxilij, nomenque vetustam
 Prolis Apollinæ cum testarentur ad aram;
 Marmoreis descripta adytis medicamina.
 In memores fertur Senior retulisse tabellas: (Cous
 Moxque suam, rapido cum debacchiata furore. (u)
 Hausisset medicum pestis Vulcania templum,
 Per populos vulgasse, recens Asclepius, artem.
 Corporeis curam quam præstitit ille, fugandis
 Hanc mihi mens morbis animorū impendere. Vosq;
 Vos adeo, Sophiæ sacraria, quæ neque flammæ
 Bacchantis vis vlla, nec æui iniuria soluat,
 Auxilij celeres succos, diuinaque vati
 Ad medicos vsus præbetis pharmaca. Quorum
 Plurima cum facili iam carmine noster Apollo,
 Omnibus in commune Malis latura leuamen,
 Prodiderit; nunc, quæ certis magis apta medela
 Casibus, & quid opis sibi vulnera, quæque requirant,
 Expediam. Qualis barbatus sæpe Machaon,
 Instantis medius lethi, vitæque Sequester,
 Publica languentium per diuersoria, Xyste
 Seu tua, seu fertur tua Cælie, porticibusque
 Dispositos hinc, inde toros ex ordine lustrans,
 Curam alijs aliam, pro disparis indole morbi,
 Præcipit: huic venas soluit; purgantibus illi
 Tergeri stomachum, limosaque viscera succis.
 Scammonæ tu sextantem sorbebis. Amaro

Abstin-

(u) Vide Plin. lib. 29. Hist. Nat. cap. 1.

Abſinthî mergenda lues tibi rore . Nouenos
 Te glutire croci trita cum polline myrrhæ
 Orbiculos lex noſtra iubet . Præcordia craſſo
 Huic Arabum gummi, aut violæ, nardique ſouentor
 Vnguinæ . Cantharidum mordaci puluere contra,
 Inductoque ſinapiſmo diſtringere ſuras
 Huic melius . Pendent circum diſtantis ab ore,
 Singulaque excipiunt calamo præcepta Miniſtri .

2. Ergo age, Fortunæ duro qui ſaucius iſtu
 Fixa cruentatis circumſers ſpicula venis,
 Huc ades, & cæci ſtimulos cauſasque doloris
 Alto exprome ſinu : quod conuenientia poſſim
 Vulneribus notis adhibere malagmata . Nullus
 Tam grauis eſt, penitusque ſedens in pectore morbus,
 Nulla lues adeo tractantibus aſpera ; victrix
 Cui fidum nequeat ſapientia ferre leuamen,
 Rectori docilem tantum ſe præbeat Æger .

3. Cenſibus anguſtis & paupertate malignâ
 Vexor, ais . Conſide : niſi quid triſtius vrget ;
 Æruinam ſubitò licet hanc exire volenti,
 Et plenis iam nunc inopem dediscere gazis .
 Nemo vocandus inops, cui par opulencia votis
 Contigerit . Non ſue Midas, ſeu latius ipſe
 Poſſideat Platus . Contentus viuere paruo,
 Rebus & exiguis æqualia fingere vota
 Si pòtes ; hæc tibi præ manibus iam copia : ſortis
 Iam nihil ad cumulum ſupereſt : ſub paupere tecto
 Terrarum latè dominos, rerumque potentes
 Diuitijs ſuperas . Inopes cauſatiùs illi
 Se doleant, tantò quos importunior angit
 Pauperies, imis quantò plùs fixa medullis .
 Aſpice, quàm multis egeant, vt ſemper anhelſi
 Plura inhiant . Num, quos votorum & cordis inanes
 Viſque vides, meritò locupletes dixeris ? Arcæ
 (Nomina pro rerum ingenio ſi fingimus) Arcæ
 Illorum, ditesque domus iactentur, Eois
 Quas opibus Gauges, & plurimus æſtat Hydaspes :
 Non

Non Domini, quorum mens indiga : cum tibi contra
Fructibus exiguis saturo, domus, arcaque tantum
Censeri mereatur inops, plenissimus Ipse .
Exime te sapiens fatis : si finxit auara

Sors inopem ; ditem subito mens æqua refinger .

4. Pauperiem quereris. Fundorum aurique paratu.
Nempe cares . At mentis opes, sapientia, virtus,
Ingenium, moresque adsunt . Quam rara supellex
Hæc homini, quam non pretij vulgaris aceruus ?
Ergo queat fului locupletem Summa metalli
Fingere ; non animi valeant tot munerà, nullis
Munera Achæmenidum gazis venalia regum ?

5. Pauper es. Ipse vltro tam latam inuadere sorte
Debueras, Cræsum nasci si fâta dedissent .
Democriti præijt sapientia : qui bene multa (a)
Re locuples : totam Xerxis sub signa coactam
Vt pater Auroram, omnigenum, innumerabile vulgus,
Plusquam regifico posset molimine structis
Excepisse epulis ; tam larga fauentis olympi
Dona, tot eximios fructus, melioribus instans,
Deseruit, lucris, & transfuga nobilis almæ
In paupertatis se dulcia castra recepit .
Proh quantum sorti debes ! Cum dotibus amplis,
Pabula nequitiae, & scelerum fomenta remouit .
Non quantum optares, tribuit : sed munere parco
Edocuit, quantum Sapientem optare deceret .
Sollicitum est lautos census seruare, molestum
Perdere . Dum dedit exiguos, vtrumque remisit
Hoc onus . Agnosce vltiora negantis amorem .
Et missis grates meritas persolue querelis .

6. Pauper es . An solus ? Iungendi fœderis inter
Romuleos Patres, Plebemque Menenius author (b)
Talis erat : talis summo quæsitus honori,
Versaret patrijs dum Quintius arua iuuenis :
Et quos præterea longum est percurrere clari

Nomi-

(a) Val. Max. lib. 8. cap. 7.

(b) Id. lib. 4. cap. 4.

Nominis heroes . Sua si non obsuit illis
 Ad decus, & vitæ Summam felicitis egestas ;
 Nec tibi, crede, oberit : tantum mens æquior adfit .

7. Æqua foret mens, inquis : opum si nescius usq;
 Perpetuum squalorem inter sordesque paternas,
 Crevissem æquevâ cum paupertate : sed aulam
 In patriam sortâ vix primum e matre cadenti
 Supposuit molles Opulentia blanda lacertos,
 Ipsaque dein tenero lac præbuit, inque iuventam
 Patricijs medios produxit cultibus annos .
 Cum subito, ignarum quo, versis turbi e fatis,
 Iniecit sors nigra manum, luxûsque prioris
 Nil misero, ingratum præter meminisse, reliquit .
 Hinc dolor : hoc stimulis præcordia tristibus vrit &

8. At genus id stimulos facili ratione retundes,
 Si nihil exacto noris præsentia damna
 Augeri, quin & multum decrescere fructu .
 Nam cur sit miserum possessa relinquere tandem,
 Quæ foret haud miserum nunquam tenuisse ? Dolorè
 Ergo fauet, lætum fortunatumque fuisse ?
 Obstat potius . Cur, quæ solatia mæsti
 Ducere par fuerat casus, mæroris iniqui
 Argumenta facis ? Nimum sua, mensor avarus,
 Ah nimium curto definit gaudia gyro,
 Non nisi præsentis fruitur qui sorte, nec vllâ
 Præteritos æui fructus in parte reponit
 Lætitia . Volucris delabitur ocyor amne,
 Singula perque perit cursim momenta voluptas :
 Quæ fuit, haud superest ; quæ præsens, ordine eodem
 Iam fuerit . Digna hæc lacrymis si fata videntur ;
 Nunquam hominû generi, nunquâ heu nô flere vaca-
 Ceu nouat illa suas nullo nô tempore mortes. (bit;

9. Sed neque Fortunam contra sit iustior iræ
 Materies, olim indultos, sua pignora, census
 Legitimâ Dominæ quod pro ratione resumpsit .
 Diuitias tibi, vel puero, fac, dura negasset,
 Libera ceu poterat, multis ceu dura negauit ;

Nil

Nil tamen Astræ ad lances & iura vocandum,
 Prætoris rigidâ nil dignum admiserat urnâ,
 Parca quidem, rerum sed non nisi parca suarum.
 Vade igitur lites, si denique sera reposcit,
 Annuit utendum tanto quod tempore, posset
 Cum tamen utendum nunquam permittere, munus?
 Ergone, quod facilis, culpetur? Præmia spargens,
 Probra metat? Rea non fieret, si parcior esset?
 Arguis iniustam. Quantò tu dignior huius
 Nominis inuidiâ: pugnes aliena, vetante,
 Qui, Domino, retinere: dati neque pignoris usum
 In merito, sed onus reddendi in crimine ponas?
 10. Esto, infida tamen te læserit, ut memoras, fors
 Cur ideo noceas tibi met crudeliùs ipse?
 Abstulit illa suos, rerum vilissima, census:
 Cur reliquos fructus, melioraque, prodigus ultro,
 Ad cumulum damni abiicias tu munera, dulcem
 Lætitiam, sophiæque iubar, cordisque vigorem?
 Hæc hominum felix possessio, quam sibi recta
 Mens parit: hanc, duri quævis iniuria fati
 Externas populetur opes, sit cura tueri.
 Magnanimi exemplo est virtus Scilponis ab hoste (a)
 Direptis patriæ, qui, mœnibus, undique plangens,
 Undique dum tristis volitat dolor, & sua nemo
 Cuius e reliquis non deflet damna; rogatus,
 Quæ sua priuatim communi in turbine clades,
 Dij meliora, inquit. Clades procul omnis. Avarus
 Nil rerum eripuit prædo, eripietve mearum.
 Quæ priùs obtinui, vel nunc intacta supersunt.
 Scilicet incoctam generoso robore mentem,
 Sublimesque animos, & docti pectoris artes,
 Hæc sua vir sapiens rebatur: cætera, sortis,
 Quæ, breue depositum, nunquam Scilponis in ære
 Duxerat, laud ablata sibi, sed reddita sorti
 Credebat Dominæ. Parili ratione cauendum
 Et tibi, ne propriis læsum quid fortè peculi,

Amis-

(a) Sen. epist. 9 & Laert. in eius vita.

Amissumve reare, simul Dea lubrica, standi
 Impatiens, iam vasa legit : neu tristior æquo,
 Perfidia furtique leuam dum erimine damnas,
 Quas neque sustulerat, potuit neque tangere, sacras
 Compositæ tibi mentis opes, verissimus Ipse
 Fur, rapias . Die, à seruo fugiente relictus
 Quid Cynicus . Iactura leuis : cretatus agaso (a)
 Me caruisse potest ; vili non ipse libenter
 Mancipio caream ? Sine me sibi sufficit ille ;
 Non ego sufficiens mihi sim, desertus ab illo ?
 Turpe nimis, fastu quæ nos Fortuna superbo
 Negligit, eximiam nobis pulchramque videri .
 Redde pari par . Te fugiens auertitur ? Equè
 Auersum sciat esse sibi . Fastidit amantem ?
 Mutua despectu referat fastidia . Curæ
 Quid tibi sit, curâ quæ te proscripsit ab omni
 Res habeat sibi rite suas : discatque, vicissim
 Se sine, posse tuis hilarem te viuere rebus .

11. Haud mihi pro magnis Fortunæ præmia, sensa
 Nec nimio leuis hæc animum iactura moueret,
 Alter ait . Thalami at sociam, dulcesque requiro,
 Altius impacto confossus vulnere, Natos :
 Heu Natos, sociamque tori, quos dura supremam
 Coniugis, & patris e gremio Libicina reuellit .
 Audio . Sed quidnam cognato in funere flendum
 Obijcitur ? Vitæ blandis quod fructibus illos ;
 An te quod potius Natura orbauerit illis ?
 Quidquid erit, neutri defunt fomenta dolori .

12. Et animos luges, ceu dira & tristia passos ?
 Nempe ideo, reor, occiduo quia corpore functis
 Nil vapor æstiuus, nil fert iam bruma negoti :
 Vel quia pauperiem, morbos, totque aspera sortis,
 Aspera naturæ iam tandem vindice letho
 Imperia egressi, nullas communibus ultra
 Cogentur, fatis lacrymas impendere, nulla
 Coniugis aut sobolis pullati funera ducent .

Hecci-

(a) *Lacr. in vita Diog.*

Heccine sunt, manes vnde arbitrere dolendos?
Demens! Ceu multò non iustiùs ipse videri
Manibus infelix mereare, vrgentià mille
Quem rapido circumueniunt discrimina ponto;
Illorum ac ploranda tibi sint funera, certos
Emeritâ portus qui iam tetigere carinâ.

13. Sin tua te potiùs mouet intercepta voluptas,
Frigentemque torum, desolatosque Penates
Non alio prorsus, fundi quàm damna, vel auri,
Prosequeris gemitu; iacturas quæ modò tales.
Flentibus admoui, solatia nil opus ægro
Hic iterum cecinisse. Illis e funere crudo
Ortum, rite memor, poteris lenire dolorem:
Haud Lachesium damnans, ictu quòd præcoce Natos
Sustulerit, qui, mortales, quandoque perire
Debuerant: magni statuens quin muneris instar,
Quòd, iuuenum florem rapido dum demetit vnguî,
Nere tuos Fufis pergat, viuacibus annos.

14. Funditus at periit domus, & spes tota nepotum.
Dirum equidem memoras vulnus, crudele, nec vllis
Sat flendum lacrymis. Nusquam genitoris imago,
Paruulus Æneas, claræ qui nomina stirpis
Excipiat, reparetque genus, in resque paternas
Sorte pari subeat. Villas, fundosque vacantes,
Seruatosque diu census, cumulataque parcis
Sumptibus, haud parcis etiam sudoribus æra,
Nescio quis, dignusve tuo quàm nomine, certè
Externus, subitò veniens, inuaserit Hæres.

15. O cæcas Hominum curas! Rationis inanæ
O gemitus! En quid, busto nigrâque fauillâ
Vltior, funestum adeo & lacrymabile ducas.
Scilicet, occiduo postquam de carcere, vitæ
Cælitis in sortem, fortunatosque Deorum
Veneris, humanis iam casibus altior, orbes;
Is, reor, æterno perfusam nectare mentem
Conficiet stimulis gaudere vetantibus angor,
Num consanguineâ quisquam de gente supersit,
Nomi-

Nomine te referens : aut quis tibi posthumus hæres
 Contigerit, serusque tuâ dominetur in aulâ .
 At Cynicus moriens haud tantùm quærere spreuit,
 Fortiter ignarus, cuiam versatile tectum (a)
 Linqueret xaut quosnam, senij deductor, in vsus
 Mittendus post se baculus foret : ignibus esca
 Cederet ; an viduæ exciperet connubia vitis ;
 Sed neque, quid vacuo fieret de corpore, duxit
 Ad curas spectare suas : exanguia nudo
 Sub Ioue membra iubens, cippi sine munere , dulcem
 Vulturibus prædam statui, rabidisque Molossis .
 Si Cynicum tamen, agnati, veteresque sodales,
 Auderent rabido contingere dente Molossi .

16. Illud ad hæc possis, sapiens, tibi dicere: Quid, si
 Contigerat Natos fesso succedere patri
 Incolumes ; ideone domus, se stirpe recenti
 Vsque nouans, longæ nesciret damna senectæ ?
 Seriùs, aut citiùs nascentia quæque supremum
 (Sic fatis placitum) properant contingere finem .
 Claudia nunc vbi gens ? Vbi magni sanguis Iuli ?
 Quis mihi Scipladùm, Marcellorumque nepotes,
 Aut quis ab antiquis monstret superantia Gracchis
 Germina ? Vel primi tot quondam nominis vrbes
 Heu pessum cecidere . Iacent Carthaginis altæ
 Mœnia, confusis vix agnoscenda ruinis .
 Pro Solymâ Solimæ locus est . Vigiuisse Mycenæ
 Non oculis, famæ iam credimus . Ardua nusquam
 Pergama . Cadmeus cecidit labor : æquora nec te
 Binæ, Ephyre, texere satis ; quin Romulus ignis
 Congestas tot opes, tanto molimine ductas
 In cælum excidio fatali absumeret arces .
 Parua tamen loquor, ars hominum quæ struxerat, xui
 Vastantis miserum tandem iacuisse trophæum .
 Immo age, qui latè nos circumplectitur, Orbem
 Aspice, terrarum tractus, vndosaque regna,
 Ventorumque domos, cælique meabilis axes .

His

(2) *Vide Laert. in vita Diog. & Cicer. in 1. Tusc.*

His pariter sæuam (quis crederet ?) ordine certo
 Nec sua Parca diem : nec longè sæcula, quando
 Hoc etiam triplicis Mundi, in quo cætera cursus,
 Interitusque suos peragunt, immane theatrum,
 Turbine flammifero exhaustum, in seseque sepultum
 Corruat . Et, lustris rapientibus omnia, fungi
 Nos quæque sorte pari mirabimur ? Inter & altos
 Regnorum cineres, sonitumque extremâ ruentis
 Naturæ, perijsse domum quis fleuerit vnâ ?

17. En Alius, tacitis mæroribus anxius, æger,
 Iratusque sibi : socios rumore secundo
 Quid celebres latè populi volitare per ora
 Cum videat ; nullo famæ plaudentis honore
 Vindicet ipse suum Lethæis nomen ab vmbriis,
 Obscurum tacitumque agitans inglorius æuum .

18. Quisquis es, o, talis mentē cui cura remordet,
 Disce age, quā tenui frauderis munere, quāque
 Sic etiam, licet ignoto penitusque latenti,
 Nil vitæ ad fructus, synceraque gaudia desit .
 Quidquid abesse doles, summo quoque defuit Orbis
 Auctori, minimo nec tempore defuit . Ante
 Scilicet e nihili æternis quā promeret vmbriis
 Ille genus Superūm, ac mortalia sæcula ; nullum,
 Vnus fama sibi, & spectator, & omnia, testem
 Extra habuit decorum, miratoremque suorum .
 Num minùs idcirco sese tunc lætus in ipso,
 Num minùs externo vixit sine teste beatus ?

19. Exemplis videor nimium sublimibus vti :
 Non deérunt vitæ e medio propiora . Tonantis
 Linque aulam, nostrique redi ad commercia Mundi :
 Quot subito occurrent, priuato qui lare clausi
 Exigu is faciem naturam fructibus explent :
 Dimissâque Alijs miserâ ambitione parandâ
 Siue togæ, seu bellorum per munia clari
 Nominis, ex sese ducunt sua gaudia, iuxta
 Nesciri populo, & populum nescire parati ?

20. Sed quid ego, vitæ felicitis ad otia nullo

Effe

Esse opus illustris, doceo, tibi murmure famæ?
 Cum manifesta fides, vix ora sæuius vlllo
 Conficiat, famæ insignis quàm murmure, lædi.
 Angeris, exiguus volites quòd sermo, nec vllus,
 Te digito signans, Hic ille, admurmuret, hic est?
 Scilicet, angorum quòd causæ & semina desint,
 Angeris. Heu, quantò plùs pectoris anxius effes,
 Sublimem latè populi si tolleret aura?
 Quis foret excubijs, & quàm non deside curâ
 Tunc opus, ingenio semper ne lubrica vanos
 Defereret furtim complexus gloria: neu quod
 Fortè nouum exoriens maiori lumine sydus
 Versa in se subitò vulgi traduceret ora?
 Anne quati miserâ toties formidine pectus:
 Luminis aspectu, quod proijcit æmula virtus,
 Non secus ac tedis Furiarum ardentibus, vri;
 Ex ienis aduerso, vel amico murmure vulgi
 Sollicitum pendere: illinc desumere mentis
 Omnem habitum, lacrymas illinc, & gaudia: ne quis
 Immemor exhibeat gestus, vox, vitæque, famæ
 Quod minùs ad veteris normam respondeat, horis
 Omnibus obseruare: palàm te prodere nunquam:
 Nil agere ex animo: ad speciem componere vitam,
 Id iuuat? O Superi me nunquam talibus, oro,
 Infensi mactate Bonis. Inglorius æuam,
 Traducam, dum securus, liberque, meusque.

21. Secretæ o vitæ libassent gaudia vitæ,
 Ambitio quos cæcis infano turbine versat:
 Plaudenti procul à vulgo scenæque remoti
 Degere, non æquo duntaxat pectore ferrent;
 Sed vel prensantes vltro, spernique dolentes,
 Auerſi, effugerent titulos. Tam triste subiri
 Seruitium est, quo Fama suos exercet Amantes,
 Tamque onerosa humeris, præclarum, sarcina, nomen.

22. Quidnâ igitur? Referes. Neq; si perstringar ama-
 Scemmate, si ludus fiam, probrisque laceſſar; (ro
 Vlla aderit iusti vel tunc mihi causa doloris?

Nulla

Nulla equidem . Vel enim feriunt inimica merentem.
 Scommata ; vel temere iactis traduceris insons .
 Si primum ; fers digna : nec iræ suppetit ansa,
 Lætitiæ at potius : quando vel ab hoste doceris,
 Quid caueas, nullâque tibi est mercede repertus,
 Sumeret arcanis qui te, Podalirius, ultro
 Purgandum vitijs . Neque enim præsentius vllum
 Antidoti genus infectos detergere mores,
 Quàm censura iocis mordacibus illita : sensu
 Tristior illa quidem : sed amica in munera vires
 Hinc habet, haud medicæ tantum latúra opis, ægras
 Si minùs austero morsu peruelleret aures .
 Vtere felici auxilio : vitijsque remotis,
 Fœda simul meriti abstuleris contagia probri .
 23. Ludibrijs iustam nullo sin crimine causam
 Obtuleras : rationis inops sed turba maligno
 Immeritum risu, dictisque procacibus vrget :
 Siue quòd, attonitis oculis vultuque supino
 Dum graderis, totam sublatu in ardua mentem,
 Securum, pingui via quâ densissima cœno,
 Strauerit offensi gressus iniuria corpus ;
 Siue quòd, hinc illinc laxo pendente galero,
 Hirsutisque supercilijs, Afroque colore,
 Et naso enormi, ac vitreis specularibus aucto,
 Insolitam exhibeas speciem : nutritula qualem
 Ploranti puero Empusam, horribilemque minatur
 Manducum ; nullo genus id iocularia sensu
 Præterijssè licet . Quis enim, modò sanus, ineptas
 Amentum voces inter sibi seria credat
 Ponendas, hilari neque risu explodere malit ?
 Atquì sic habeas, vanam quicunque, ferendis
 Rerum in iudicijs, speciem sectantur, auitis
 Vt libet insignes titulis, & plebis honore,
 Stultorum genus esse, haud multò sanius illis,
 Quos Antoninæ spectans monumenta columnæ
 Verberibus, iustisque domat custodia vinclis .
 Finge illos te fortè lares inuisere, & omnem

F

Ridi-

Ridiculam venienti actutum illudere turbam :
 Hunc in composito linguam exertare cachinno ;
 Spumifero illum oris nimbo, putrique salivâ
 Ninguere ; lentandis Tyrrhena per æquora tonfis,
 Ad Centumcellas alium, & pœnalia transtra,
 Prætoris velut edicto, te mittere : fronti,
 Nec deesse, affingat qui cornua, quique latronem,
 Perjurumque , Magumque, trifurciferumque salutet .
 Talibus an xenijs titulisque acceptus, iniquâ
 Mente domum, latoque minùs discesseris ore ?
 Haud reor, insulsæ vitio ni mentis eodem
 Desipias : quin ridentes illa inter Amicos
 Iurgia mox iterum ludens, iterumque referres .
 Cur aliorum igitur, medijs impunè vagantur
 Qui truijs, Agamemnonidum Amphiaraidumque
 Aliùs impressio feriant te sibila morfu ?
 Anne isti numero quia plures ? An quia ferri
 Vincula procul, nullusque tenet quod carcer ? Ineptè:
 Hic veluti res summa foret . Non vincula stultos,
 Non numerus, sedesve probant ; sed turbida mentis
 Iudicia, & species prauæ, & rationis egestas .
 Hoc si morbo hominum plerique, per omnia latè
 Compita, perque domos, capti non seciùs, ac quos
 Hellebori succus, succoque potentior omni
 Fraxineus fustis secreto in carcere curat ;
 Nil equidem superest, pretij discrimine cur hos
 Secernas alijs : animi vel dispare sensu
 Cur dignanda putes, patulis quæ faucibus aut hi
 In ventos, aut hi temere convicia iactant .

24. Despiceris, vultu ceu subniger, inque venustus.
 Despice tu contra, vt fatuos & mentis inanes .
 Cautus id inprimis, ne, si commotior æquo
 Ebria vesanæ excipias distertia turbæ ;
 Illius in numerum venias, ridendaque sanis,
 Futiliter plorans, de te spectacula dones .

25. Nam quæ spectatùm ad lusus sic facta phrenesis,
 Ceu stolidi questus ? Non reddidit ille salutem :

Impu-

Impulit in latus : affueto fraudavit honore :
 Exclufit foribus : plaufum famamque dicacis
 Ad fœcios aufus de me fibi quærere, fœdis
 Immeritum fannis, & nigro dente momordit .
 Talia cum querulos irato effundere vultu
 Audis ; num tremulo fpleni imperitare, tumentemque
 Aggeribus rifum potis es cohibere, per ora
 Ne fubito, & nares fefe prorumpat aduncas ?
 Arguci nullus me certè Roscius oris
 Plūs mouet : Eupolidis nulli maiore cachinno
 Sollicitant lufus, Thymeleave pulpita, vanus
 Quā dolor, & genus hoc lacrymæ. In præcordia totus
 Irruit extemplo, pulmonemque occupat imum
 Democritus . Frufta eft labijs infigere dentes,
 Frufta animæ effugia & laxos operire meatus .
 Quò magis aduerfùm pugno ; hòc inuifa laborat
 Acrior emouiffe repagula : donec ab ipfo
 Obice luctatuque immenſum viribus auctis,
 Nec iam fe capiens (ceu longà coercitus amnis,
 Si liquidum tandem per clauſtra negantia rupit
 Eluctatus iter) conuulſis denique victor
 Proſiliat ſeptis, vacuasque exundet in auras .

26. Sed neque, ſi docto fatui delira popelli
 Verba ſupercilio deſpexeris ; æquior vlla
 Hinc ægri ſaltem ratio queat eſſe doloris ;
 Quòd vel Socratico fòrs quisquam de grege, vultus,
 Inceſſusve tui ad ſpeciem, ſubriferit . An tu
 Eripias ſplenem ſapienti ? Turpe, doloris
 Vnde procul morſus, leni præcordia tactu
 Vellicat : hæc illis dedit irritamina blandi
 Pruritùs natura . Aliquid ſi tale notauit
 Vel ſapiens ; quid mirum, humani conſcia ſenſus
 Ingenito ſua prodiderit quòd pectora motu ?
 Num pro Sileno te fingere Parthenopeum
 Debuerat ? Num naturæ dediscere morem,
 Vt riſum, ridenda videns, nesciret ? Amoenâ
 Percuſſus facie gelafinum claudere dentem

Ille quidem haud valuit : nullo perstrinxit iniquus
 Te tamen hinc morsu, veri nil dempsit honoris :
 Rite superficiem solido secernere doctus,
 Nec formâ metiri hominem, sed mente animoque .
 Contemptum quod rere, fuit non liber anhelâ
 Pulmonis fremitus . Caue, ne te verius ipse
 Despicias, si, quod lepidam pulmonibus infert
 Spectantûm facies tua vim ; tibi vilior inde,
 Ac pretij sophiæ in trutinâ videre minoris .

27. Quin Alijs accede libens ridentibus : & cum
 Ignea visceribus bilis tumet, inque doloris
 Fermento est animus, speculi tum lævis in orbe
 Aspice, quàm vultu occurras gestuque facetus,
 Quam graphicè vnguiculos à vertice ductus ad imos.
 Nempe, ioci segetem variam argutique leporis
 Inde metens, animum simul oblectabis, & hosti
 Præripies, in te iaceret quæ, tela : Vatinî
 Non aspernando ritu : qui, scurra disertus, (a)
 In faciem strumasque suas dicteria passim
 Ingeminans, vix ansam Alijs, qua inuadere possent,
 Vix quidquam hostili carpendum liquerat iræ :
 Cum pudor infestis, morsumque parantibus esset,
 Rodere, quæ falso prior ipse notauerat ore .

28. Deniq; plus nimio tenerum, expertemq; vigoris
 Se probat, imbellis quem risus, & aura volantis
 Æthera per vacuum, solido sine pondere, verbi,
 Haud aliter, quàm tormento displosa curuli,
 Excidium muris, ac turribus, ænea moles,
 Sternit humi . Lamenta, miser, quid inania perdis ?
 Quod dolor, & lacrymæ ? Vocis, non fulminis ictu
 Læderis . Erravi : neque vox te læsit, inermi
 Allabens sonitu . Numerasis corporis artus ;
 Nullus abest : nusquam minimi vestigia præfers
 Vulneris : haud vllô es viduus, nisi quem tibi, plorans,
 Iratis manibus fors vulseris ipse, capillo .
 Scitè olim Augustus, iuuenum maiore Neronum

Indi-

(a) Sen. de Const. 8. ap. cap. 22.

Indignante, Remi quòd plebs impunè proteruis
Vocibus auderet Dominū allatrare, Quid, inquit, (a)
Friuola sollicitant adeo te murmura ? Tales
Anne parūm nos esse, in quos nil feruidus aufit,
Vltra verba, furor ? Tenuem patiamur auitæ
Hanc libertatis superesse Quiritibus vmbra .
Dummodo ne fræna imperij ceruice rebelli
Excutiant ; linguis laxent effrænibus ora .

29. His animaduersis, ludibria vana, iocosque
Imbelles facili haud tantūm superaueris ausu ;
Sed neque te dignam censebis, tantulus hostis
Quam dederit, palmam. Quis enim Mauortius heros,
Hostili male compositam quòd in æquore fudit
Agricolūm turbam, titulos deposcat, & arcus,
Digneturve suis hæc annumerare triumphis ?
Annibalem si quem, si Pyrrhum Marte cruento
Perculerit : bimaris si mœnia celsa Corinthi,
Cadmeasve solo victor deiecerit arces ;
Tunc sibi mansurum præclaro nomen ab hoste
Induit, & curru latè sublimis eburno
Præsent, quam Latius Mars non irideat, & quam
Antiquis conferre velint Capitolia, laurum .
Haud aliter Sapiens portenta immania, lethi
Horribiles formas, regum suprema minantūm
Sæuitiam furiasque truces, certamina sese
Digna putat : fannas, irrisus, scommata, ludos
Ceu faciles, animo exigua nil laudis egente
Despicit : Ecquænam, referens, mihi gloria, vanam
Longè allatrantis rabiem spreuisse catelli ?
Hasne ergo in pugnas, huicne vt securior hosti
Congrederer, tanto Sophiæ munimine pectus
Cura fuit texisse ? Huc illi denique sumptus,
Exhausta huc studia, & longi recidere paratus
Armorū ? Pudet heu : consumimus impare robur
Materiâ . Date, cui deceat concurrere fortem .
Fulmineus prorumpat aper, maculosaque tigris,

F 3

Seu

(a) Vide Suet. in eius Vita cap. 52.

Seu leo, siue alius Libycis par terror ab antris :
 Tunc firmabo gradum contra, & venabula nixo
 Tendam recta genu : tunc me virtutis egere
 Atque animi credam . Quò nunc ea pectora ? Tantus
 Quò vigor ? In scdam Venerem proiecta Iuuentus,
 Expleat insani brutos dum pectoris æstus ;
 Censorum virgas, & nigræ sibila famæ
 Proterit . Vfuris & largo scenore sortem
 Euclio dum geminet ; qualis iactetur in vrbe
 Fabula, collisis lætoque crepantibus ictu
 Explodit digitis, quævis ludibria, quosvis
 Fortiter irrisus vulgus exorbere paratus .
 Et Sapiens magno spernenda ad talia nifur
 Indigeat ? Vanum es, vanum, Sapiastra, nomen,
 Si minùs ad curas animo fers roboris, auri
 Quàm scelerata sitis, vetitæque libidinis ardor .
 30. Ridenda hæc igitur verborum spicula . Curæ
 Plus alij medicæque manùs fortasse requirant,
 Quos scelus, & grauior peperit violentia, luctus .
 Nempe, ais, haud intra fatuas iniuria voces
 Constatit : illis tergo quoque sustis : in ipsum
 Irruit os furibunda mamis, pugnaque trabali
 Marcentes oculos, ginginam liquit inermem .
 Nec dolor hic mentem fodiat ? Plagasque superbi,
 Et turpes ignominias victoris inultus
 Dissimulem ? Expleti successibus ille furoris
 Iactabundus, ouans, indigno e crimine plausus
 Colligat, erectâque hilaris ceruice triumphet :
 Victus ego, contemptus, inops, nebulonis amari
 Ludibrium vulgo ferar, insiliendaque colla
 Subijciam tumido plusquàm seruiliter hosti ?
 Non patiar . Bene ais . Neque ego te probra subire
 Ista velim . Sed, ne subeas, mentem erige, teque
 Maiorem, quàm qui victus succumbere possis,
 Concipe . Cur doleas, vulgo ceu spretus inerti ?
 Nec sperni potis est Sapiens, nec spernere vulgus .
 Crede mihi, nimio fatuos dignaris honore,

Si

Si certâ ratione putas errare, nec ausus
 Præcipites bacchantûm, & facta improvida cæcis
 Casibus annumeras . Hic, qui modo, pectoris impos,
 Audaces indigna manus tibi misit in ora,
 Iudicij nil delectu, mentisque suasu
 Constituit : nil siue Tui, seu conscius egit
 Ipse Sui : sed, vecordi rapiente furore,
 Tanquam effrænis equus, percussus vel stimulo bos,
 In latus aduersi vagus irruit . Impetus amens
 Stultitiæ fuit ille, feras quem fortiter, æt
 Ceu reliquas sortisque vices ; non dedecus, vltum
 Quod, veluti contemptus, eas, hostique reponas .
 Socratis in mentem veniat, qui, calce proterui (a)
 Pulsatus Iuuenis, tranquillo immobilis ore
 Perstitit, inficiens læsum : mirantibus æquam
 Tum socijs mentem, securaque pectora, Tali
 Nam quid, ait, potius faciendum in tempore? Num, si
 Obuius infesto sonipes te læserit ictu,
 Sublatis contra depugnes calcibus, in ius
 Aut hostem rapias, & causam dicere cogas?
 Non secus hunc ego, præcipitem, tumidumq; iuentâ,
 Quàm calcitronem Arcadico de semine-pullum,
 Intueor . Bruti posthac sit cura cauere
 Incursum Bipedis : nunc æquâ est mente ferendus .

31. Cuncta igitur, quæ stultorû furor improbus an-
 Non aliter, quàm fortuito venientia casu, (det,
 Excipias . Certè, si, quam temerarius hostis
 Vim tulit, euentûs subiti Fors cæca tulisset :
 Si, quas ille manu plagas inflixit, easdem
 Ipse tibi, prono seu scalas vertice mensus
 (Auertant Superi) ; incertas seu fortè per umbras
 Postibus offendens caput, aduersoque tigillo,
 Indideras ; misera hæc duræ ludibria fortis
 Irarum vacuus, sedato & pectore ferres .
 Cur igitur, petulana hominum violentia si quid

F 4

Tale

(a) Vide Laert. in eius Vita, & Plutarch. de Libertate
 & dno.

Tale pati cogit ; minùs arbitrere ferendum ?
 Anne tuis aliena Malis infania pondus
 Adijcit ? Anne tuum fit dedecus, alter iniquè
 Quòd furit ? Aude animis . Nemo contemnitur, ipse
 Ni sese prior abijciat . Succumbere tristem
 Ludibrijs ; non illa alacrem perferre pudendum est .
 Vim subiisse doles, irascere, oraque luctu
 Dejicis ? Indigno cessisti protinus hosti :
 Nil superest, fastu quin te contemnat amaro,
 Quin miseri insultet ceruicibus, vtque subactum
 Proterat . Iniuste bacchantem, & toruà frementem
 Despice, consilium, inuictamque amentibus ausis
 Obijciens virtutem ; omnis transibit in illum
 Iam terror, cladesque : ipso se iudice victus,
 Terga dabit ; populi te plausus, & inclyta curru
 Quadriiugo supra nubes victoria tollet .

32. Nequicquam sæuos rabies assurgit in ictus ;
 Nequicquam stygijs manantia felle veneni
 Spicula liuor iners obliquo dirigit arcu :
 Vulneribus Sapiens imperuius . Altiùs illum
 Extulit, insani quàm quòd pertingere flatus,
 Et scelerata queant odij conamina, Virtus .
 Attentare licet, non lædere . Spumea ponti
 Barbarus iniectis puniri regna catenis
 Mandet Achæneides ; stolidos irriferit ausus . (a)
 El vitreis longè conclauibus Ennosigæus .
 Quin &, compedibus fecta ad ludibria versis,
 Inter seque, velut restim saltantibus est mos
 Transmisisse, datis, choreas per libera passim
 Æquora cum lætis plaudent Tritonibus vdx
 Nereides, Panope, Xanthoque, & glauca Lycoris,
 Opisque, Clioque, Pherusaque, Cymothoeque.
 Tu quoque, stulta odij, quid Cælum in prælia poscis?
 Humentis quid nimbo, & opacis, Terra, laboras
 Auricomum Phœbi extinxisse vaporibus ignem ?
 Vana moues, quin authori nocitura . Palustres

Non

(a) *Vide Herodotum lib. 7.*

Non perimunt, imo iubar immortale sed Orbi
Eripiunt nebulæ. Malefani desine cœpti.

Quam vomis in Superos, tibi nox superincubat vni.
Telluri similis vulgi dementia, fumo

Egregium nebulisque suis Sapientis honorem
Dum violare furit; tenebris se damnat. At ille
Celsior interea, piceamque ex æthere noctem
Despiciens, rutilum Conuexa per ardua Mundi.

Viget iter, cæcam rabiem fatis ultus, iniquo
Quod, dum negligitur, lucem non commodet hosti.

33. Iamne vides igitur, causæ nil esse, malignis
Cur scelerum furijs adeo moueare, suamque
Cur fonti retulisse vicem pro crimine pergas?
Vindictæ procul ansa, procul si noxa: nec villo
Improbilas (Sapiens modò sis) te crimine læsit.

34. Verùm, age, sit fatuis meliorū in vulnere virtus:
Nec volucres auras, ipsum te iniuria certo
Perculerit iactu: nullâ ratione repones.

Hanc meliùs, quàm si fastu sapiente superbum
Vulneris authorem spernas. Quid pectoris illi
Esse putas mentisque, (vllâ si mente mouetur)
Dum furit, atque odijs in te grassatur iniquis?
Hoc agit, vt læsus dolcas, altèque receptum
Vindictæ studio fateare in pectore vulnus.

Tolle voluptatem hanc hosti; iamq; ultus abunde es.
Quæ tibi munitam pulsarunt irrita mentem,
Artificis cor tela sui redeuntia figent:

Quod te torquere haud potuit, torquebitur, ægrè
Mente ferens, nec vindictam se posse mereri.

Detuleris nimium Stulto, si irascere, fassus
Talem, cui liceat Sapientem attingere. Discat,
Neglectus, sese vel pœnâ iræque minorem.

35. Adde, quod ipse sui primus iam damna furoris
Pertulit, externoque dedit sine Vindice pœnas,
Queis nil Cecropius Draco, nil seu, Romula, siue,
Gens Ætnæa, tui grauius statuere tyranni.

Omnibus vsque adeo flagris, vncisque, rotisque,

E 2

Tedis

Tedisque, & lamnis candentibus acrius ipsum
 Se cruciat scelus, & sceleris mens conscia : nulli
 Quod non extemplo subeunt lacrymabile Sontes,
 Iniustâ quandoque Alios vi lædere certant,
 Supplicium : similes vobis, redolentis Hymetti
 Melligenæ ciues : alieno tela cruore

Audaces nimium quæ tingere, ponitis ægram
 Cum telis minimo toties in vulnere vitam .

36. Denique vindictâ nil proficis . Exige quodvis
 Supplicium, sæui, lania, grassare per omnes
 Irarum lethique vias : nec facta cruenti
 Sit pudor Oenidæ, moresque referre Cyclopum; (a)
 Attamen hostili nunquam tua cæde corbit
 Plaga, nec, admorso Menalippi funere, venis
 Manantem cohibebit atrox vindicta cruorem .

37. Vlcisci iuuat? Haud teneo. Vlciscare, sed hoste,
 Qui propior, grauiori animum qui vulnere lædit .
 Ira animi mentisque bonæ est acerrimus hostis :
 Huic meritum par redde, hanc iustis obrue pœnis .
 Demonacta furcens quis nescio verbere crudo (b)
 Perculerat . Cum iudicium, pœnamque Nocentis
 Turbati magno fremerent clamore sodales ;
 Quò mihi præsidium legum , Themidisque tribunal ?
 Subiecit Sapiens . Sententia Iudicis ictos
 Nil releuat, docti sed cura Machaonis artus .
 Hunc mihi, si qua fides, actutum quærite . Pœnam
 Cur hostis propriæ libeat præferre salutis ?
 Ille fugâ procul auctus, nec iam nocet : hostis
 Nunc meus est, pergit quod lædere, vulnus : in ipsum
 Cura sit auxilijs potiùs pugnare Medentum .
 Te quoque par eadem sentire, calentibus ira
 Quandocunque feròx stimulis præcordia versat :
 Hanc hostem censere, & signa infesta mouenti
 Viribus aduersis, totoque occurrere nisu . (scit

38. Perge Hygiæa potens, Ratio. Curâ altera po-
 Auxi-

(a) Stat. lib, 8.

(b) Apud Lucianum in eius vita .

Auxiliumque lues . Sunt, quos haud molliter angar,
 Dulcis ab amplexu Patriæ, carisque Propinquis
 Diuulsos alio sub sole senescere, gentes
 Inter inhumanas, & linguâ, moribus, omni
 Dissimiles vitæ cultu . Sulinone creati

Quanta hinc materies elegis ? Dolor ipse canenti
 Ingenium facit, & maior, quia tristis, Apollo est .
 Nasoni Senecam, Sapientem opponere vati
 At licet . O, patrio, vitam, seclusus ab orbe,
 Vitalem quicumque negas, tersura parentis
 Quæ miseræ lacrymas Cyrneo nobilis exul
 Condidit inclusus pelago, monumenta reuolue ; (a)
 Non spernenda tui inuenies solatia casûs .

39. Exules . An genus id pænæ nunc noscere primo
 Incipis ? An solus comprehendi hoc nomine censes ?

Quilibet, ætherei dias ubi luminis oras
 Attigit, in miserum confestim nascitur Infans
 Exilium, longè cognatis deuius astris .
 Vnica, si nescis, Mortali Patria . cælum est :
 Illic certa domus, generisque exordia nostri .
 Quid refert, hæc, illa colas an littora ? Quovis
 Tantundem Superi terrarum cardine distant .
 Exilium mutare tibi, haud indicere possunt
 Hostes, haud patrio te pellere longius axe .

40. Exules . Antiqui cunabula scilicet ortus
 Nulla vides, neque carpis adhuc, quas aduena vitæ
 Impuleras primis auras vagitibus . Hoc si
 Exilium dicendum ; hominum pars plurima sponte
 Exulat . An paucos videas ubicunque locorum,
 Diuersis procul aduectos e finibus ? Urbem
 Subiecti caput hanc Orbis, generisque theatrum
 Humani percurrere oculis . Quæ saxa Seriphi
 Exilibus sic plena ? Ad nomina danda citentur
 Si fors Romuleo veteres e sanguine ciues ;
 Vix, puto, diuersæ fuerint pars tertia turbæ .
 Sed quid opus priuata sequi monumenta ? Vetustis

En etiam effusi turmatim sedibus ipsi
Externam populi Patriam, penitusque remotos
Quæsiuere lares. Italo sic littore magna est

Græcia : sic Gallos Asiæ tenuistis opimo (a)

Pingua culta sinu : sic longum vecta per æquor
Massiliam Rhodano adiunxit Phocæa Iuuentus : (b)

Nec noua dæst ultra Herculeas Hispania metas.

Cessisset pecudum squalentibus inuia lustris.

Magnâ parte sui Tellus ; si prima virorum.

Abnuerat soboles gentilia linquere testâ.

Exilijs adeo debet, regione quod omni

Iam patuit, vacuus nusquam cultoribus, Orbis.

41. Et verò quidni pudeat, fusi vndique circum

Orbis in imperium genitos, natalibus aruis,

Vnius & certæ regionis limite vitam,

Non secus ac Gyaræ scopulis, includere ? Trunci

An sumus arborei, quorum qua quilibet egit

Radices primùm tellure, senescit eadem ?

Sint alijs aliæ gignundis stirpibus oræ

Felices : oleas hæc educet ; altera linum

Plūs amet : hæc Cereri respondeat ; illa Lyæo :

Nulla hominum generi tellus non hospita, nullos.

Non illi tractus voluit Natura patere.

Si plures numerare domos, & prædia pulchrum

Ducimus ; vna iuuat cur tantùm Patria ? Cordi

Si locus est, quem prima dedit nascentibus hora ;

Quin placeat, quem fors, ratioque assignat adultis ?

Exulat infelix, totius transfuga Mundi,

Angustis glebæ spatijs qui clausus auitæ,

Perpetuò sedem fouet, ac circumspicit vnâ.

42. At locus exilij subtristior. Esse paternum

Id tibi finge solum ; ridebit protinus. Iisdem

Indigenæ tecum certè veteresque coloni,

Haud, reor, exigui numero, versantur in oris :

Hosne etiam patriæ regionis pœnitet ? Omni

Quin

(a) *Zinlus lib. 38.*

(b) *Strab. lib. 4.*

Quin illam præ sede putent cæloque colendam .
 Nec fors illuſi genio, atque errare volentes :
 Nulla etenim tam prorsus inopſ damnataque tellus,
 Quin eadem proprijs iactet ſe dotibus . Arua
 Hic ſegetum ieiuna ; poli ſed purior hauſtus .
 Iuppiter inclemens alibi cælumque paſtiſtre ;
 At placidi regnant mores, & mitia gentis
 Pectora . Non illic pecoris, non copia lactis ;
 Penſabit vacuum felix vindemia mulctram .
 Turba minor ; tantò libertas plenior . Auri
 Fulgor abeſt ; aberunt auri quoque crimina . Tardis
 Senſibus obtuſi, atque iratâ Pallade nati
 Indigenæ : Sophiâ qui tinctus, quique liquore
 Labra Caballino abluerit, vix vnus, & alter .
 Pulchrius id : ſine riuali, ſine puluere certam
 Ipſe ferēs palmam, & ſubſellia prima tenebis :
 Omnis, ceu tripodem, populus te conſulet vnum .
 Cur quod abeſt curas, nil reſpicias obuia ? Diſce
 Deteriora Bonis, & damna rependere lucris .
 Sub quocunque die, quocunque ſub ætheris axe
 Viuere fas . Plus poſcis adhuc ? Sub ſydere quovis
 Viuere non tantum ; felicem viuere fas eſt .

43. Sed tenui in plagâ nimis hæreo . Carceris atri
 Tempus erit latebras inuiſere . Squalidus illic
 Neſcio quis miſeris vrget ſua fata querelis .
 Nec tam illum (licet is fodiat quoque pectora luſtus)
 Fœda loci facies, clauſtrisque obnoxia morder
 Libertas ; quàm quòd, Themidem fortitus iniquam ,
 Damnetur ſontum pœnis & legibus inſons .

44. Vt priùs hâc animo experiar tibi vellere curâ,
 Falleris egregiè, vacuum ſi crimine pectus
 Innocuasque manus momentum ſortis acerbæ,
 Non lenimen habes . Morituro à Socrate fas eſt
 Illuſtre oppoſiti documentum ſumere Veri .
 Cecropidum quis ſæua odia, addiſtamque Nocentum
 Supplicijs Virtutem, & in vno neſciat omne
 Perverſum ius faſque viro ? Proh triſtia fata !

Inſe-

Infelix laniata genas, laniata capillos,
 Cum gemitu, lacrymisque, & foemineo ululatu,
 Clamabat coniux. Quid mens ignara nocendi, (a)
 Quid virtus, moresque iuvant? En criminis expers,
 Integer en vitæ, rigidi præceptor Honesti,
 Vir moreris. Sed non hos illam perdere luctus,
 Propositi retinens, pœnâque & iudice maior
 Sustinuit Reus. Irato muliebria vultu
 Reiecit lamenta: & Num, vanissima, furti
 Me potius, vel cædis, ait, pro crimine turpem
 Optâris meritæ pœnam exorbere cicutæ?
 Quid virtus moresque iuvant? Vt luce peractâ
 Triste chaos Erebi, funestaque Tartara vitans,
 Infonem Elysijs assignem cœtibus umbram:
 Vt, qui iudicio infando nil tale merentem
 Addixere neci, damnandi hominumque, Deûmque
 Iudicijs nullo causam non tempore dicant:
 Omnibus exemplum venturi gentibus ævis
 Magnanimæ ferar vt mortis, labemque sepulcro
 Hæsuram cineri, & satis opprobria demam.
 Hæc adeo recolens, indigni tu quoque duras
 Supplicij solare vices: sique aspera ferre
 Angit; at innocuum, releuet saltem, aspera ferre.

45. Sed neq; concretis æternum sordibus horrens,
 Nigro mæsta situ, viuarque imperuia luci
 Sollicitæ sedes. Purâ cen lampade Titan
 Illuminem stabulorum, & patri informia limo
 Stagna subit; tetri Sapiens sic fornicis umbris,
 Et pingui squalore adeo nil tingitur; affert
 Vt pretium magis ipse loco, propriumque nitorem:
 Scilicet, elapsi quo Morus gloria fœclâ
 Delituit, rigido vallatus milite postis
 Immortale viri nomen caligine turpi
 Præferit? Haud illud, tanto tunc hospite plenum;
 Supplicij potuit claustrum deforme videri:
 Limen erat Sophiæ, Musarum regia, templum
 Palla-

(a) *Vide hanc. in eîs Vita.*

Palladis, immensum decorum laudumque theatrum :
 Clarius ipse ubi, quàm solito, tu Henrice, Britanno,
 Enituit, sacrumque iubar, latèque micantes
 Nobilis exempli radios, quàm peruia Soli
 Orbita, Memnonium, Hesperiumque refudit in axem.

46. Quid referam, quòd mens, Nostri pars optima,
 Seu stringi nexu potis est, siue aggere claudere (nullo
 Dura licet corpus Vigilum custodia seruet ;
 Terrarum quoscunque sinus, vndosæque regna,
 Altaque stelliferi percurrit moenia Mundi .
 Quin etiam rerum nunquam sic libera, nunquam est
 Arbitrij sic tota sui ; ceu, deuia lucis
 Cum mediæ à turbis scenisque forensibus intra
 Arcani tacitum Veri penetrabile refugit .
 Tunc etenim, nullo sibi se sapiente tumultu,
 Officijs vitæ reliquis curisque soluta,
 Aut varias rerum causas, penitusque latentis
 Inuia naturæ rimatur semina ; libris
 Aut Veterum vacat ; aut molitur & ipsa vicissim
 Grandia quæ feri voluant monumenta nepotes .
 Sic Ticinensis carcer tibi, magne Boethi,
 Inelyta Cecropiæ referebat limina Stoæ .
 Scilicet hic, strepitu semotus diuitis aulae,
 (Arctior illa bonæ quantò est custodia mentis ?)
 Libera dilectis sacrabas otia musis .
 Hic per inaccessos calles, humilique negatum
 Vulgo iter ingenij pennis sublimibus acto,
 Sydera, & Superos adeunti pectore, totam
 Præbebat sese rerum Natura videndam .
 Hinc etiam, pars illa tuæ non vltima famæ,
 Compositi Sophiæ coram dictante libelli
 In medium venere diem, quos nectare dulci,
 Nectare Pierio madidos informibus umbris
 Nulla vaporiferæ fuscabunt Nubila Lethes,
 Nullaque non memori celebrabunt sæcula plausu .

47. His igitur tantà saturis dulcedine cures
 Tu quoque si mentem studijs assuescere ; tristem
 Illicet.

Illicet obruerint sensum pœnæque, locique :
 Nec tibi iam tetro cohiberi limine, dulcis
 Quin Academiæ virides errare per umbras,
 Doctaque Pierij laureta videbere collis .
 Ac veluti, merfis, quas lucri sedulus olim
 Vectabat pelagi nimboſa per æquora, gazis,
 Eximias Zeno ſoluiffe rapacibus vndis
 Naufragij optando fertur pro munere grates :
 Vilibus à curis quòd ſeſe, opibusque reuulſum
 Ad Sophiæ placidos portus, doctique Cratetis
 Impulerant gremium : mox illum Porticus vnde
 Exoſum Cynicos mores, proprijque futurum
 Agminis authorem rapuit ; ſic triſtibus ipſe
 Acceptum latebris non aſpernabile munus
 Hoc referes, quòd, ſutilibus diſcedere iuſſis
 Nequitiz illecebris, meliora capeſſere tandem
 Compulerint, dignasq; animum excoluiſſe per artes .

48. Haſtenus externæ contra molimina fortis,
 Et ſcleris rabidos mentem firmauiſus auſus :
 Naturæ propiora ſequar iam vulnera . Primum,
 Nec mora, Bæoti craſſus ſtupor ingenij ſe,
 Pancratio factis cœuiſibus, auriculiſque
 Tempora vix non tota hinc, inde umbrantibus, offert.
 Margitæ faciem agnoſco : nec forma repugnat
 Interior . Socij vix effudere quadrigas
 Carceribus ; metamque tenent : tu, verberare multo
 Ignaum fruſtra pœcus, & calcaribus vrgens,
 Palladio reſtas poſtremus in æquore puluis .
 Sanguis iners, gelidi ſenſus : non mentis acumen,
 Occultas liceat quæ rerum attingere cauſas :
 Eloquij non vena fluens, non lætus ad artes
 Impetus Aonias, Phœbique capacia corda .
 Et licet extremi nil indefeſſa relinquat
 Sedulitas operis, duram tundensque, retundensque
 Rēbus in eudem aſſiduus ; conamina venti
 Diripiunt, vaniſque perit labor irritus orſis .

Docta-

(a) . Vide hæc in eius vita .

Doctarum nam quidquid opum meditansve, legensve
Pectoris in gazâ stipaueris, ocyûs vndæ
Instar abit, vacuis repetunt quam Belides urnis.

49. Egregium, fateor, munus Natura negavit.
Tolle animos tamen: hoc quamvis sine munere, felix,
Parua loquor : potes his etiam felicior ipsis
Degere, quæis puri viuaces ætheris hantus,
Quæis animi florem, & potioris semina flammæ,
Seque adeo tenui totam sub pectore Pallas
Miscuit. Eximijs rarò ambitiosa cupido
Non comes ingenijs : nec plurima scire videtur
Sat pulchrum, nisi Scire tuum sciat alter. At ista
In venas vbi lapsa lues ; quæ gaudia, quosve
Iam liceat solidæ fructus decerpere Pacis?
Pulsa quies : tedis flagrantibus æmulus instat
Vsq; calor : longè requies. Spes hinc, timor inde
Alternò quatiunt sibimet contraria motu
Pectora. Certamen, quo non operosius vllum,
Perpetuò miseris sudandum : prima referre
Dum loca, rivalis tantoque ex agmine turbæ
Nullum non famæ in itadio superare laborant.
Nequicquam. Eloquij censu Hic est dicior : Ille
Promptior ingenio : doctrinæ fascibus Alter
Eminet : Hunc procerum cœtus numerosior ambit :
Declamantem Alium pleno conferta theatro
Suspiciunt, resonis & plausibus agmina tollunt :
Quæ dedit Ille typis vigilata volumina famæ
Plus referunt, crebroque magis lectore teruntur.

50. Ut procul inuidiæ, procul ambitionis amarus
Sit furor ; ipsa fames Veri, augendique paratas
Mentis opes nouus vsque, & inexaturabilis ardor
Anne levis stimulus, tot adhuc intacta recludi
Nusquam omnis Sophiæ cernentibus æquora : tantò
Maiores iam collectis occurrere gazas :
Vltima nulla immensi operis fastigia : nunquam
Non similes sese tyronibus : vndique vastum
Crescere iter : refugos portus, semperque perendi.
Plus

Plus aliquid ? Tam duro hic certè pectora morsu
 Splendidus absumit dolor ; vt vix altera vitæ
 Occurrat ratio grauioribus anxia curis :
 Latius & pingues insulsi ruris alumni
 Sæpi trahant æuum, quàm Palladis, Aonidumque
 Ingeniosa cohors . Adeo per pabula vires
 Ægra capit sitis : &, quantò quis doctior ; idem
 Tantò plura sibi nesciri, pluraque sentit :
 Quæ neque mortali fas sit comprehendere captu
 Omnia ; nec, si non plenè obtineantur, in vllò
 Limite sollicitis requiem contingere votis .
 Viderat id, mendax non semper, Fabula : sacri
 Dum raptorem ignis, diuinaque munera terris
 Importare ausum, & mortali iungere limo,
 Caucasæ nudum cecinit præbere Volucris
 Viscera, in assiduam sese reparantia pœnam .
 Æthereas arces peruadere, raptaque Soli
 Deuhere in terras cælestis semina flammæ
 Haud aliud (Veri si quid mihi gnarus Apollo)
 Innuit ; ac, Sophiæ penetralia mente volucris
 Ingressum, populis deprensa Arcana referre .
 Quod qui conetur, (Proh tristia nobilis Ausi
 Præmia !) Caucasæo findi ceu vulture pectus
 Sentit inexhausti maiore cupidine Veri :
 Nec sperare licet crescentibus otia fibris .

51. Esto tamen, conatus & acris cura sciendi,
 Ingenijs, tineæ ritu, melioribus hærens,
 Nil noceat : certè haud etiam conducere multum
 Lætitiæ ad cumulum potis est vitæque beatæ .
 Nam quid opus varios cæli cognoscere motus :
 Omnibus euentis causas, euentaue causas
 Reddere : fastorum monumenta omnemque capaci
 Pectore transacti seriem complectier æui :
 Argumentorum laqueos seu necere, contra
 Seu nexos celeri occurssu dissoluere : linguam
 Nosse vetustorum lapidum : nullam esse repostam
 Vsq; adeo vocem, cuius non inuia sensa,

Cett

Ceu tibi germanum valeas depromere nomen :

Eloquium tereti verborum claudere gyro :

Et iam Rhetoricæ spatiosa per æquora pleno

Effusum volitare gradu ; iam legibus orsa

Pierijs , nexuque pedes vincire decoro ?

Aerios famæ strepitus, ventosaque vulgi

Murmura quem Ratio docuit contemnere, norit,

Nesciat hæc, minimo sanè in discrimine ponet .

52. Heu quibus incassum studijs mortale fatigat

Se genus ! In reliquas si quantum temporis artes

Consumpsisse iuuat, medicandos pectoris ægri

Ad morbos, sensusque animi ratione regendos

(Par vbi curarum pretium) conferre liberet ;

Vt facili planoque magis tunc tramite vita

Curreret ! Vt breuius quæsitæ ad lumina pacis

Ferret iter ! Quò nunc per tædia longa viarum,

Mille per ambages, labyrinthosque meatus,

Vix serò (atque vtinam vel serò) appellere fas est .

Quærendâ sic materie, qua gaudeat, ipsum

Absumit, gaudere animus quo debnit, æuum :

Quàmque frui , steriles manult vsque addere fructus .

Quid per multiplices adeo discurretur artes ?

Quò tantus labor, & sitis infinita sciendi ?

Scire fat est, Homini sincera ad gaudia nullis

Cecropiæ, aut Latæ studijs opus esse Mineræ .

53. Quis verò ille gradum, deiecto nubilus ore,

Corripit ? Incessus quantum, vultusque minatur,

Fabricio ne defiliat de ponte, verendum est .

Compellare hominem iuuat, atque exquirere causas .

Heus bone, quæ tanto miserum sors aspera luctu

Exagitat ? Retices ? Cunctaris ? Lumina vertis ?

Iam satis est : miserum ne coge in verba pudorem .

Quod petimus, certis facies tua vocibus vltro

Eloquitur, peragiturque vices sermonis imago .

Rem teneo, licet ipse neges . Hic nempe nigranti

Concretus Meroe color, hæc tubercula frontis,

Necnon phlyctænis atque exanthemate rubro

Cor-

Corrosæ nares, breuior mensura sinistri
 Tum pedis, & scapulæ gibbi appendice tumentes,
 Cur tibi displiceas, faciunt, cur ora December
 Vestiat, imbriferâque oculi se Pleiade soluant.

54. At videsis, toto quàm tramite deuius erres.
 Hæc eadem tibi lætitiâ suadere, bonosque
 Debuerant vultus. Si tetrica namque dolori
 Est facies; toruî cur hanc impensius atrâ
 Nube supercilij horrifices? Neque sedulus omni,
 Quâ licet, ingenio & nisu mollire labores?
 Ira, dolor, rugæ vel pulchrum Nirea mutant.
 Therpsitem an deceant? Quantò distortior ergo
 Contigerit vultus; tantò hunc diffundere maior
 Cura sit. Haud tali desunt solatia formæ. (Almas

55. Turpis es. Æsopo numquid Phryge turpior?
 Informi quas ille tamen sub cortice dotes
 Occuluit? Quàm pulchra animi monumenta reliquit?
 Mitte queri, lepidum caput, & circumspice, qualem
 In numerum venias. Vultu male pictus opaco,
 Pingua crura tumens, Phariæque vocamen adeptus
 Clematidis, magnæ populos in limina Stoa (a)
 Citticus induxit Senior. Ludibria vano
 Socratis hircinæ nares, taurinaque vulgo (b)
 Lumina præbuerant. Claudio quis rectior Æqui
 Author Epicteto? Mediæ frons luminis orba
 Pellæi minimum titulis gestisque Philippi
 Obsuit. Annibalem luscum videre cruenti
 Cædibus. Aufonijs Thrasymenus, & Aufidus: ipsa
 Talem Roma suo vidit pro limine, lusc:
 Nec, puto, ridendam faciem sibi credidit hostis.
 Adde his Speusippi curuum caput, Antigenique (c)
 Degeneres famæ vultus. Quis posthuma tanti
 Censeri doleat pars agminis? Euge: Vetustas
 Hæc tibi nunc memoranda offert exempla: futuris
 Exemplum fœds ipse olim memorabere sæclis.

Turpis

(a) Vide Laert. in vita Zenonis.

(b) Vide Plat. in Theæreto. (c) Sen. de Ira lib. 3. c. 22.

56. Turpis es. Haud tibi, sed populo. Res ista vi-
Nec sua formoso blanditur Adonidistorum (dentum.
Nec sua Cyclopem facies deterret. Vterque,
Tristia, læta, Alijs tantum spectacula præbet.
Is doleat, sine, qui talem fors obuius horret:
Cui dirum facis ingratis occurribus omen.

Vnde tibi hic luctus, niueo cui lilia frontem,
An ferrugineo pingant vacinia fæco:
Acidis, Ætnæi an venias pastoris imago,
Nullo est, dum speculum vites, deprendere sensu.

57. At spernere. Quibus? Vulgo nempe: omnia solis
Librat, mentis inops, qui sensibus, occiduaque
Totum hominem externi metitur imagine limi.
Hoc melius. Nullos, nisi sanæ mentis, Amicos
Inuenies: socio quisquis tibi fœdere iunctus
Hæserit, haud fluxum formæ vernantis honorem;
Virtutem, mores, animum, te diliget ipsum.

58. Turpibus hæc sunt solatia. Restat amicâ
Nunc fouisse manu, lentis quos cedere morbis
Crebra valetudo, gelidus præcordia circum
Sanguis, & exhausto tenues in corpore vires
Sorte sua prohibent contentos viuere: tanquam
Robore vique lacertorum tranquilla parentur
Gaudia, non Sophiæ nisa mentisque vigore.

59. Vanus & iste dolor. Quid enim? Titania mœbra,
Immanesque toros, & brachia Polydamantis
Sors negat. Athletam Pisæum fingere nempe
Noluit, aut duris operum te addicere pensis.
Cur ideo mens ægra? Solum si frangere rastris,
Triticeas versare molas, excidere saxa
Non datur, & curuo moliri pondera dorso;
At superant, quibus incumbas, meliora, viroque
Digna ministeria. Arcanas aperire licebit
Ingenio causas, ius dicere ciuibus, vrbes
Consilio regere, imperijs frænare cohortes.
Ædibus in magnis Famuli ceu munia rite
Diuersi diuersa, illi prout quisque, vel illi

Aptis

Aptior, accipiunt : hic à rationibus ; alter
 A cyathis : struit ille dapes ; hic limina seruat :
 Mox alij, atque alij, scriba, opsonator, agaso,
 Villicus, artoptes, fullo, rhedarius, auceps ;
 Haud secus in magno, qui Regia Numinis, Orbe
 Partes cuique suas, & idonea maximus author
 Munera distribuit . Valido tu robore polles ?
 Exercetis humum fossor : ceruice torosâ
 Baiulus excipies clitellas : aspera miles
 Bella geres . Renuunt tantos tibi membra labores ?
 Non deérunt, quas, affecto vel corpore, possis
 Impleuisse, vices : tibi res sit publica curæ,
 Consilium, linguam, vim pectoris exere : ritus
 Sacrorum, officij leges, mysteria Diuûm
 Ignaris aperi : causas age, iura tuere,
 Prouida ciuilis teneas moderamina clauî .
 Officijs nemo sic omnibus utilis vnus,
 Nec quisquam nullâ diues producitur arte .
 His caput esse ; pedes alijs, vel brachia certo
 Iure datum . Capitis voluit si munere fungi
 Te Natura ; suos cur inferioribus actus
 Inuideas membris ? Anne omnia solus obire,
 Omnia posse velis ? Satis esto, summa tenere
 Quòd licuit, primasque refers quòd in ordine partes .
 Tu fortes regis infirmus : tibi, corporis absint
 Ut reliqui vires ; at descendere laborant .

60. Nonne vides, pretio quæ conspicienda, vigere
 Sæpe minùs : solido vulgaria robore niti ?
 Hortorum sydus, reginaque veris odori,
 Vix teneram pubem redolenti vestij ostro,
 Puniceosque sinus cælo, pompamque comantem
 Explicuit ; primos Rosa contabescit ad Austros :
 Austris illa cadit, vel solibus : horrida messis
 Interea, tribuli, lappæque, & carduus asper
 Camporum per aperta vigent impunè, nec illos
 Seu rapidi soles, nimij seu læditis Austri .
 Apenninigenâ quid firmitus illic, seuos

Ven-

Ventorum durare ausus, hyemisque rigores?
Nec tamen humanos victus iuuat illa, secundis,
Aut parit, imponi deceat quæ, munera, mensis.
At malum Hesperiam felici pondere curtam
Diuitis autumn (centum licet vndique seruet
Auriferam sylvam vigilum tutela draconum)
Hyberni quoties flatus, tristesque pruina
Vrunt, & rigidi grauis inclementia cæli?

61. Adde, quod in vegeto victorū pabula gliscunt
Corpore, degeneratque hebeti confecta saginā
Mens animi. Quæ non stolido molimina voto
Aggreditur, quibus vrgendis vis improba cœptis
Abstinet? Hinc Phlegrææ acies, consertaque tellus
Syderibus, montes aggesti desuper altis
Montibus, & pauidæ vasta ad conamina nubes.
Donec ab immani reiecta potentiùs auso,
Cumque suis, frustra emensum per Inane, voluta
Molibus horrendum in præceps, iisdemque sepulta
Et cælo meritas pubes temeraria pœnas,
Et terris, Superos ne impunè laceßere quisquam
Posse putet, dedit exemplum memorabile. Vires,
I nunc, indomitas, roburque exposce superbum.

72. Æquior illorum gemitus, quos lucis egentes
Perpetuū squalens, nullique domabilis astro
Plusquam Cimmerijs nox circumplectitur alis.
Sed tamen his pariter sua sunt collyria, sortem
Quæis miseram, tristesque ferant moderatiùs umbras.
Nempe dies oculos si fugit & aureus æther;
Vnà etiam ingrati occursum, & dira videri
Spectra latent. Nusquam stricti Mauortia ferri
Lux aciem, nusquam criniti syderis horror
Vulnerat, aut piceis prorupti nubibus ignes.
Non maris insani rabiem, non saucia fœdis
Corpora vulneribus, putrique fluentia tabo,
Non, quæ sæpe venit letho funestior ipso,
Instantis faciem coguntur cernere lethi.

63. Iam quantum lucis pretium fatearis adempte,
Obuia

Obuia tot scelerum irritamina, tot male blando
Mortiferas visu pestes nescire? Doloſis
Heu quoties oculi captiuam in retia mentem
Illecebris egere? Lues quàm ſæpe nefasti
Criminis hoc aditu in cordis penetralia fluxit?
Fortunati equidem, qui Viſa nocentia, preſſis,
Quandocunque locus monuit, tranſcurrere norunt
Luminibus: Siculi ceu monſtra canora Profundi
Ceratis vitæſſe cohors Ithaceſia fertur

Auribus. Hic multò ſed fortunatior, omnem
Cui genus id curam facilis Natura remiſit:
Quique fores animi non, anxius hoſte propinquo,
Tum demum trepidè obſtruere ac munire laborat;
Vſque ſed æternò obſtructas munimine ſeruat.
Si, Cæcos qui ſponte imitantur, crimina vitant;
Commodiùs quantò Cæcus vitauerit ipſe? (ixx,

64. Quid memorem, ſclerũ quòd pars non vltima,
Furta, doli, cædes, totque hiſ affinia probra,
Abſque oculis, animi ducibus operumque miniſtris,
Inuia tentari? Non vt modò lumine caſſis
Peccandi ſtudium; ipſa etiã prope copia deſit.

65. Sed neque me leuiùs compendia frontis opacæ
Illa mouent, nullis venientim extrinſecus iſta
Mens quòd imaginibus rerum, formiſque caducis,
In ſeſe penitè conuertitur ipſa, ſuaſque
Liberiùs promit collecto robore vires.
Iamque, memor, percepta olim, & ſub peſtore fido
Condita naturæ Verique Arcana reuoluit;
Iam noua, progrediens ſenſim, ratione ſagaci
Eruit, & varias agilem ſe mittit in artes;
Ardua iam ſuperans audaci ſydera niſu
Iungitur ordinibus Diuinum, rerumque ſupremum
Authorem nitidâ immenſæ caligine lucis
Arcentem viſus (Mortali attingere quantùm
Fas Superos, noſtrisque patet conatibus æther)
Aſpicit, & primi ſe paſcit imagine Pulchri.
Quæ paria hiſ tellus, pontusve, aut mobilis aer
Lumi.

Luminibus præbere queant spectacula ? Formas
 Nos humiles, pingui concretaque corpora limo
 Cernimus ; angustæ species, diuinaque Cæco
 Panduntur simulacra . Angusto limite noster
 Clauditur obtutus ; sepiri nescius vllis
 Finibus immensi volat ille per aua Mundi .
 Fas oculis tantùm præsentia tangere ; sæclis
 Omnibus ille infert animum, aspectuque sub vno
 Temporis elapsi seriem, seriemque futuri
 Colligit . Externo rerum se cortice frontis
 Pascit hebes visus ; naturas ille repostas,
 Claustraque vel Phœbi radijs imperuia lustrat :
 Vt non immeritò Diuinum præfagia, vatis
 Finxerit Ogygij tenebris patuisse Vetustas .
 Luminis orbus erat . Nemo cælestibus alter
 Aptior alloquijs, longique capacior æui .

66. Et crassæ iubar hoc lucis, Mundique iacentis
 Exiguum, ac pecudum vulgo commune theatrum
 Corporeis vetitam se attingere sensibus, ægra
 Mens queritur ; tantò meliori luce rependi
 Nubila cum frontis soleant, potioraque tantò
 Luminibus clausis animus spectacula cernat ?
 Non sic Abderæ sapiens, qui, penè reuulsis, (a)
 Dum toties ridenda videt, pulmonibus, & iam
 Ludicra pertæsus vani proscenia vulgi,
 Æternùm Soli dixit lucique valere :
 Proiectisque libens oculis, tranquilla recepit
 Sepositum sese in puri commercia Veri .
 Vsq̃ adeo haud miseros externi luminis orbos,
 Felices potiùs sed credidit, inque videndos .

67. Fortia nunc locus, inprimisque valentia poscit
 Pharmaca : lethifero manus est adhibenda dolori :
 Firmandusque animus, lanienam vt corporis inter,
 Dum podagræ sæuit rabies, dum calculus atrox
 Intima crudeli carpit Vitalia morsu,
 Diraque barbaries ferro grassatur, & igni ;

G

Lxti-

(a) *Gel. lib. 10. cap. 17.*

Lætitiam stabilem, securaque pectora seruet.
 Durum opus, & quo vix aliud Sapiaientia maius
 Audeat. Hic animis opus, & conamine toto.

68. Non tamen, vt cladis sensum vel nesciat ista,
 Vel nullo referat virtus, ceu nescia, motu.
 Quamquam etiam tanti spectacula rara vigoris
 Plurimus Ausoniae exhibuit gladiator arenae. (a)
 Vosque o, vos adco plus rara dedistis olympto,
 Aetherei pugiles, fortissima pectora, cæli
 Indigeres nunc, terrarum miracula quondam,
 Atque erebi formido: hilari quos barbara vultu,
 Pro Christi imperio, pro Religionis honore,
 Supplicia excipere, insultare doloribus, iraque
 Hostili, & sacrae pasci dulcedine mortis
 Nequicquam indignantium animis, vinctiq; frementium
 Carnificum attonitus stupuit furor. O adamante
 Incidenda perenni! O ipsis digna notari
 Syderibus virtus! Huc albos, Fama, iugales,
 Huc omnes conuerte tubas. Quid murmure tanto
 Regulus, ambustæque immotus Scauola dextræ
 Tollitur? En Mundi meritos consumere famam,
 Cælestes heroas, & heroum phœnicas:
 Integra quos laceros, armata expauit inermos
 Barbaries: ludus quæis vulnera, gaudia pœnae.
 Hos Helicon, Pindusque sonent: his nectere frontem
 Ambiat, & tota in sertum se necstat Idume:
 Hos Hyperionio sublimes gloria curru,
 Innumeris Laudum pleno circum ore sonantium
 Agminibus cincta, & Plausuum Decorumq; sequacem
 Pone trahens turbam, per subdita regna, per vrbes,
 Perque reuersurum assidue circumferat æuum.
 Sed vigor is rarum cæli, & mirabile munus,
 Nec nostræ portenta docent, sed pharmaca musæ.

69. Per me equidē Sapiens hominē non exuat: artus
 Contrahat, in gemitum laxet præcordia, rectos
 Immutet vultus. Miserum se dicere tantum,

Fœmi.

(a) Vide Cicer. lib. 2. Tuscul.

Fœmineosque, Malis impar, effundere questus,
 Temperet. Inuicti gemitus, & mascula duri
 Pectoris ex adyto resonent suspiria : qualem,
 Afer vbi toto descendit in ilia ferro,
 Horrendis animam singultibus exhalantem,
 Luctantemque Malis, & adhuc in morte minacem,
 Massili trepidant nemoris Conuexa leonem.
 Denique tristis hyems vultus (hac vsque dolori
 Fas prodire) tegat ; frontis sub nube serenus
 Interiora dies teneat : corpusque caducum
 Deficiat ; mens nixa suo sibi robore constet.

70. Nec ratio procul, id liceat quî ducere robur.
 Vel siquidem parcente manu sua spicula torquet ;
 Vel totis dolor aduersum se viribus infert.
 Si primum ; pudeat mediocria vulnera, quæque
 Vix summam strinxere cutem, Sapiente, Viroque
 Indignis deflere modis. Vbi fortia dicta ?
 Pectus vbi Sophiæ inuicto munimine clausum ?
 Non aries sæuus, non, quem Telamonius Ajax (a)
 Misit in aduersum tormenta æquante lacerto
 Priamidem, lapis, Herculeis aut viribus acta,
 Monstrorum exitium, claua, exitiumque gigantum ;
 Iunceus imbelli calamus te cuspide sternit.
 Vel tenuem questu iuuat exatiare dolorem ?
 Exatia : sed, quò deceat conuertere questus,
 Disce prius. Querere exiguo in certamine perdi
 Nequicquam factos bella ad maiora lacertos :
 Nil Meriti laudisque capax occurrere : Sorti
 Plus nimîo te despectum, visumque pusilli
 Bellatorem animi, cui tam vulgaria fata
 Obtrudat vincenda. Hinc causas nobilis iræ
 Duxeris : hic dignus Sapientis pectore luctus.

71. Sin nimium contra certamen, vique supremâ
 Res geritur ; bene sit : Sophiæ non limina nullo
 Triuisti pretio : quæsitâ plena facultas
 En decoris : quod Palladiæ inter gymnadis umbras

Sis nactus, medio licet in discrimine robur
 Promere . Sat dictis huc vsque animosus & acer
 Fata laceffisti parcentia . Tempus agendo
 Virtutem sancire, & factis verba tueri .
 Id Superi de te expectant, hominesque : tabellis
 Id tua signatis repetit sapientia . Paruis
 Non licet in rebus consistere . Maxima quæque
 Ni præstas ; reus es famæ, vitæque prioris .

72. Respice & authorem fati. Non barbarus hostis,
 Ipse Deus, Deus ipse suâ, pater æquus, amanti
 Te ferijt dextrâ . Anne illum vitæque Bonique
 Supremum artificem indignis gaudere Suorum
 Luctibus : an, crudi Læstrygonis instar, acerbis
 Funeribus censes & viuo sanguine pasci ?
 Vulnerat, vt profit : sceptri sunt pignora clades :
 Iridis æternæ risus e nube fugacis
 Mæstitiæ parit . Ac veluti, spirante metallum
 Impleuisse Deo meditans, lectissima, seu quæ (a)
 Delos habet, seu Myrmidonum quæ Patria, doctis
 Exudare Myron fornacibus imperat æra,
 Non odio, sed materiæ melioris amore :
 Vt rutili patiens tortoris massa verendos
 Transeat in vultus maiestatemque Tonantis,
 Artificisque, suumque decus fulgentibus aris
 Inuehat, & longè ventura in sæcula mittat ;
 Æthereus sic ille faber, peiore metallo
 Compositos, vulgare genus, venæque secundæ
 Præterit : egregios, Diuinorumque capaces
 Tristibus imperijs subigit, versatque premendo,
 Dum sese penitus dignos effingat, & omni
 Corporeâ terfos ad purum fæce, beatiss
 Cœtibus adscribat Superûm . Quis vulnera tanti
 Horreat auspiciu decoris ? Sæuissimus vt sit ;
 Iam celeri fugiet cursu dolor : ocyûs ille,
 Qui grauior : nullâ sed tempestate, dolores
 Quam refugi pariunt, Diuûm est cessura voluptas .

Æter-

(a) Vide Plin, lib. 34. Histor. nat. cap. 2.

Æternùm, piguit quæ ferre, tulisse iuuabit .

73. **Ultimus ille labor vati, trepidantia corda
Soluere vicini miserâ formidine lethi,
Et, reliquis vitæ domitis iam casibus, ipsam
Quæ superest, simili mortem duxisse triumpho ?
At quibus inuisum, & nulli superabile monstrum
Vincetur telis ? Num, qui te, cærule Python,
Explicuit, longè iaculantis Apollinis arcum ;
Anne colubriferæ tepefactam cæde Medusæ,
Horridior pestis, Cyllenida sentiet Harpen ?
Nil opus . Ex ipsis præsens medicina venenis
Ad virus fatale fluit . Quos hætenus hostes
Pertulimus, cuncti hæc sociant in prælia vires,
Cuncti armis opibusque iuuant. Si namque Malorum,
Quæis adeo humani series circumfluit æui,
Supremus mitisque venit, Mors, terminus ; illa
Qui timet, hanc minimè flendam sibi duxerit: æquum
Ad tumuli gremium nihilò quin seciùs ibit ;
Ac quî, turbinibus ventisque furentibus alto
Pulsus in Ionio, vel spumifero Ægæo,
Eminus optatas cæca inter Nubila terras
Aspicit, & fido properat se condere portu .
Et verò quod Myrtoi, Icarijve Profundi
Indomitæ adeo ventorum flatibus æquor,
Fortunæ vt rapidis iactatur vita procellis ?
Luctus vbi, curæque, inconsumptique labores
Vndique perpetuâ miseros indagine elaudunt :
Nulla quies : longè portus : plena omnia monstis,
Vorticibus, scopulis: nusquam non multa Charybdis,
Scyllææque canes, & concurrentia faxa .
O penitus sortisque suæ, vrgentumque Malorum
Inmemores, quibus, hæc inter discrimina, Parcæ
Plûs nimîò celeres, & portum tangere pœna
Ducitur, haud pœnæ requies, optandaque finis .**

74. **Bistonidæ meliùs, dilectæ funera prolis (a)
Ad citharam quibus, & lætos producere plausus**

G 3

Mos

(3) *Herod. lib. 5.*

Mos erat : egressos cum contra in luminis oras
 Luctifono gemitu, & flebilibus lamentis
 Exciperent, nempe ad lacrymas, & funera natos .
 Iure equidem . Tot enim momenta in singula duris
 Casibus hic luitur perituri temporis usus ;
 Protinus exortis ut si Mortalibus æui
 Tota sui fatigue daret se forma videndam ;
 Crediderim, pauidos retro ad genitalia claustra
 Ocyûs infausito raperent à lumine gressus :
 Illius exemplo pueri, quem prisca Saguntus, (a)
 Vixdum luce salutatâ, genitricis in alium
 Expauit remeare, omen sibi cladis, eodem,
 Primitiæ Libyci Martis, quam pertulit anno .

75. Iratos igitur vitæ, mortisque pauore
 Attonitos iuuat his affari vocibus . Vnde
 Tam noua, Mortales, animi discordia ? Tristem
 Hinc proferre piget ; piget hinc dimittere vitam .
 Iam miseram uimiumque grauem ; iam iustiùs æquo
 Culpatis volucrem . Si manserit ; aspera fertur :
 Inuida ; si fugiat . Qua vestris, dicite, possit,
 Qua tandem Natura Malis ratione mederi ?
 Dum munus, Mala quo vitæ simul omnia tollit,
 Ceu summum, reliquisque Malum par omnibus vnum
 Horretis . Cur vota sibi contraria pugnant ?
 Cur dolor est, citiùs causas transire dolendi ?
 Candida si fati series, optandaque molli
 Tramite vita fluit ; sit magnis gratia Diuis :
 Carpite, io, læti felicia munera, amicam
 Intempestiuo sortem nec lædite questu .
 Sin alius rerum tenor, absinthique deinceps
 Obruit vnciolam blandi fors aspera mellis ;
 At gaudete, Mali quòd fæx iam proxima fundo,
 Nec longè est, tantos quæ finiat, hora, dolores .

76. Verùm, age, nil miserû terreni corporis hospes
 Vita ferat ; quantum vel sic, rogo, mortis habendum
 Munus erit, vitæ quòd cælitis ostia pandens :

Erep-

(a) *Plin. lib. 7. Histor. nat. cap. 3.*

Ereptos terris animos inducit olympos ?
 Non toti (procul ex animis temerarius error :
 Stulta quid immerito sese mens funere damnet ?)
 Non toti fuimus, nutantia lumina postquam
 Ferrea nox clausit, deploratique supremum
 Nervis atque cutem tristi concessimus urnæ .
 Nil Lachesi diuina animorum in semina iuris .
 Quod dederat, tellus repetit : quod fluxit ab alto
 Æthere, perpetuum cineri, taboque superstes,
 Non defecturos vitam producit in annos -
 O niueus ! Quater o felix, gemmæque notandus
 Ille dies, lutei quo mens compage soluta
 Carceris in Patriam cognataque sydera fertur,
 Cælicolum iungenda choris ! Vt lumine puro
 Vescitur ! Ingenuos ut promptius exeret actus !
 Ut dulces agitat curas ! Ut læta suo se
 Restituit fonti ! Non flamma volatilis æquæ
 Proflit in patrij. Conuexa nitentia cæli :
 Non Tyberim pelago, aut rapidi par impetus Istrum
 Deuehit ; ipsa suum vinclis ac libera ferri
 Gestit in authorem, flagrantique incita nisu,
 Iungere sese illi, ac penitus miscere laborat .
 Qua, rogo, tunc igitur fruturam sorte putandum est,
 Flammiferos cum tandem æstus, inhiantiaque ora
 Nectaris ætherei optato iam proluet haustu :
 Inque suo sincera bibens, immensaque fonte
 Gaudia, perpetuum pascet lætissima, nunquam
 Non auidi, nunquam non pleni, cordis amorem ?
 77. Me certè hæc animo reputantè abrupte nexis.
 Ocyus inuisos, pigrique morantia claustra
 Corporis, & tantæ iamdudum accedere forti,
 Flammeus, haud capiens sese, vinclisque teneri
 Nescius ardor agit . Quid enim iam longius inter
 Tot gemitus, & viua morer tot funera, cari
 Numinis amplexu, & dulci fraudatus amore ?
 Quo sine tam nullam mihi fas sperare quietem ;
 Mota suis nullum quam sedibus ossa leuamen

Accipiunt, tactusque chalybs Magnefide gemmâ
 Stare negat, sydus donec tueatur amicum .
 Cælum vota petunt : cælo suspirat in vno
 Anxius æger amor . Nescit, mihi credite, nescit
 Quid Superum domus alma, procul felicibus oris
 Plena sibi speranda putat qui gaudia : censet
 Aut aliam, nisi mortali quam lumine functis
 Inchoat æterni Solis præsentia, vitam .

78. O mihi fatali desponsa sub arbore coniux,
 O xui melioris ades, Mors, pronuba . Turpi
 Te licet exesam macie, nudisque rigentem
 Ossibus exhibeant pictæ mendacia telæ ;
 Bis raptâ venies Helene mihi pulchrior . Ipsa (a)
 Quin tibi si geminis xusit comitata Deabus
 Se formâ conferre Venus ; me iudice, palmam
 Continuo tibi cum geminis Venus ipsa Deabus
 Cesserit . O adsis pulcherrima . Quas ego, tanti
 Muneris, extremique potens iam denique voti,
 Sic meritæ grato perfoluam carmine laudes ?
 Sponte suâ numeri venient (dant gaudia vires
 Ingenio) discentque hilares plûs posse Camœnæ ?
 Solis inoccidui tu Phosphorus, vnica mentis
 Sollicitæ requies, curarum dulce leuamen,
 Votorum portus, pacis sinus, anchora fessis
 Cursibus, & patrij limen diceris olympi .
 Hei mihi quid cessas, & adhuc pia vota moraris ?
 Illis lenta veni, toto qui Nestore, toto
 Qui procul Euboici te pulueris aggere vellent . (b)
 Has illi duxisse moras, hanc ferre iubendi
 Crudelem veniam . Satient se tristibus annis,
 Aspiciantque suos secum canescere luctus .
 Inuiso pereat cur munere, cur alienis
 Maestetur votis, qui te flagrantibus vsque
 Sollicitus studijs vrget, venatur, anhelat :

Cui

(a) *Vide Ouid. in epist. OEnon. ad Paridem.*(b) *Æno scilicet Sibylla Euboica, de quo vide Ouidium lib. 14. Metam.*

LIBER IV. 153

Cui tu primus amor, spes vnica, summa voluptas?

79. Culpa sed vltices, reor, hæc stimulauerit iras:

Quòd, vitæ curare lues dum molior, vnâ

Non tulerim cunctis, ceu fas, ex morte medelam.

Erravi, fateor : iamque, vt sis mitior, omnis

Te iustis morbique vnâ sat grande leuamen

Vociferor . Vos o, crudelibus aspera cunque

Imperijs quos exagitat Fortuna, supremum

Accipite hoc hilares, nulli non vtile fato,

Auxilium . Paucos vbi sol conuerterit orbes ;

En aderit, duris quæ vos mitissima soluat

Casibus, & fido (tantum ni pergitis vltro


Corrupisse Bonum) statuât Mors denique portu ?

Hoc Superum tanto donati pignore, longos

(Cætera nulla adsint curarum vt pharminaca) questus

Desinite, & mortis spe tristem absoluite vitam .

Occiduos, facilis labor est, spreuisse dolores .





EVTHYMIÆ

Liber Quintus.

NON tamen, ad plene felicia munera Pacis,
Fortunâ satis, externosq; retundere casus,
Hac operosa tenus ratio quâ tradidit artē.
Maior adhuc belli moles, crudelior hostis,

Cordibus infixæ pestes, agnataque restant,
Et penitus fibris stabulantia monstra sub altis :
Regnorum fax Ira, loci sortisque secundæ
Ambitus impatiens, Veneris teterrimus ardor,
Culpaque Lernæo absument præcordia tabo.

2. Ah genus id Furias incauto pectore si quis
Excipiat miser ! Ah cupidis si fræna relaxet ;
Quas non (exitium, Superi, prohibete) ruinas,
Turbineo impulsæ, impellentesque omnia motu
Miscuerint ? Quos non in præcipites anfractus
Infelicem animum, & serò sua fata videntem
Abripiant ? Monumentum ingens Climeneia proles,
Ambustusque dies : currus implere paternos,
Frænaque mortali cupidus radiantia dextrâ.
Dum Iuuenis tractare, alti per denua callis,
Flammipedum quâcunq; vagus tulit ardor equorum,
Non rector, sed præda ruit. Temeraria Nati
At tu consilio moderari vota, regendos
Vecordi malles puero quàm credere, Titan,
Igniferos axes. Roseæ pro munere lucis
En rapidâ attonito spargentem incendia Mundo
Aspicias : en medijs reuolutum e tramite cæli,
Inuisum populis execrandumque bidental,
Eridani toto lacrymaris gurgite. Casus.

NOB

Non alios, non triste minùs sibi quisque paratum:
 Nouerit exitium: iuuenili feruidus æstu:
 Libera præcipiti quoties moderamina tradit:
 Stultitiæ, nec solerti ratione gubernat:
 Indomitos animi sensus, effrænæque vora.

3. Scilicet ignarum Pyrois, & Eous, & Æthon,
 Igniuomusque Phlegon violentiùs æthere pronò.
 Distulerint Phaetonta; suis quàm conceita flammis:
 Imperij frænique rudem per deuia mentem:
 Ira trahit? Summo, fac, vertice siue niualis:
 Abstissum Rhodopes, seu cæliferi Atlantis,
 Immensum montique parem vitiosa Vetustas:
 In præceps subitâ lapidem vi trudad. Ut ille
 Abruptum per iter, procurrentesque minantûa:
 Vimbones scopulorum innato pondere cursum:
 Præcipitans, aliasque alijs e rupibus actus
 In rupes, validos quatit huc saltus, quatit illuc!
 Nec mora, nec requies. Tremitt illis resonant montes:
 Dant arbuta locum: attoniti de collè propinquo
 Pastores, inhiantque greges, quibus irruat anceps
 Exitium syluis, Dryadum quæ recta refringat..
 Donec, cum nemorum strage, immanique tumultu,
 Einitimæ vallis gremium delatus in imum
 Arua cauat lapsu, socijsque, suisque ruinis:
 Latè operit. Densus circum vndique puluis in auras
 Nigranti se nube leuat: procul Auiæ voces
 Ingeminant, pulsusque fremit clamoribus æther..
 Sæuior, irati quem pectoris vrget erinnys,
 Effrænoque magis quæcunque per obuia fertur
 Turbine, tam sitiens alienum haurire cruorem,
 Quàm facilis præbere suum. Non ferreus agger,
 Non ignes, non saxa queant immanè ruentem
 Sistere. Flammato desint si telâ furori;
 Se telum faciet, summis e turribus audax:
 Æthiera per vacuum pronò descendere saltu,
 Subiectum, pariter frangendus, vt obruat hostem,
 Misceat. & socias (ea tantum fœdera) mortes.

Vna sedet cordi, totam rapit vnica mentem
 Vltio : cura Sui, ratio, ius, vtile, rectum,
 Ingenium sensusque hominis, pietasque, fidesque
 Funditus exturbata : Sacri per quidquid olympo est,
 Obtestare . Precum vanus labor : ocyùs ater
 Audierit trepidæ ratis infelicia Nereùs
 Vota, vel eiectos surda Acroceraunia nautas .
 Omnia terrorum prome argumenta, luendas
 Iam soboli immeritæ pœnas, iam publica famæ
 Iurgia, iam rerum obijciens discrimina . Nempe
 Vincetur ? Rapidum Borean, Austrumque furentem
 Aggesto citiùs frænaris puluere . Tanti
 Omnia sunt, clamat . Pereat res, fama, domusque,
 Et super ipse . Iuuat vindictæ atrocibus ausis
 Orchestram quatere, & tragicum meruisse cothurnũ .

4. Quinã igitur, rogo, quàm violens tristisq; putan-
 Hic xui tenor, vsque atrum fel mandere, toruas (dus
 Rerum inamabiliũ species, vim, iurgia, rixas,
 Sanguineos chalybes, feralia vulnera, cædes
 Noctibus attonitum, attonitum versare diebus,
 Infidias pariter struere, extructasque cauere,
 Bacchari, fremere, horrendo recubantis in antro
 Cyclopi de more, vel immanis basilisci,
 Nulla hominum iucunda pati commercia, nulli
 Fidere ? Proh miseram sortem ! Vitalis haberi
 Anne potest, nullo quæ; vita, fouetur amore ?

5. Exterior facies animum depingit, & omnis
 Hoc solet in speculo se promere cordis imago .
 Cerne truces Iræ vultus ; quàm turbida regnet
 Intus hyems, quæ excam agitet vesania mentem,
 Haud tardum sit nosse . Flagrant, ceu dira Comeræ
 Fax, oculi : torua accendit rubor igneus ora :
 Nubila frons : saluunt venæ : fluitantia labra,
 Et calidos spumis videas albescere rictus :
 Mutua dens teritur : spissum vomit vnca vaporem
 Naris : inæquales gressus, crebro pede tellus
 Saucia, complosæque manus, tremebundaque ceruix .
 Jam

Iam gemitu fera corda quati : iam spiritus æger,
 Turbidus, abruptis pressi mugitibus oris
 Nil certum humanumq; sonans. Quòd si qua viam vox
 Repperit explanata magis ; quid tristius illâ,
 Eumenidû propius quid vocibus ? Haud sibi parcant,
 Haud soboli, haud Superis infanda extrema precari
 Omnia . Quàm tetrum atque immanem dixeris intra
 Sese animum, cuius tam formidabilis ipso
 In vultu effigies ? Talem tibi finge, mouendam
 Ad Superûm qualis pacem ex Acheronte profundo
 Effera Tisiphone ruit, immanisve Megæra :
 Dexterâ cœci trisidam fumanti vertice taxum
 Concussit, & similes iaculantur lumina flammæ :
 Innumeri, toruæ crudelis gloria frontis,
 Tempora squamiferis præuelant orbibus angues :
 Parsque humeros ferrugineos, & torrida lambit
 Colla, iacens ; pars ad vulnus librata supernè
 Erigitur, nigramque animam, piceoque veneno
 Sibila tincta vomens, rapidæ micat agmine linguæ .
 At iuxta geminum quatiens Discordia ferrum,
 Et lethi furialis amor, Luctusque, Panorque,
 Diraque Sæuities, cæcoque Insania vultu,
 Insidiæque, Minæque, cohors inuisa, sequuntur .
 Talis, vel si quæ truculentior altera fingi
 Forma potest, Iræ est animum versantis imago .

6. Iam quis inhumanas clades, lugendaque pestis
 Tam rabidæ valeat memorando exempla referre ?
 Hinc celeres ad tela manus, collisæque campis
 Agminæ, sanguineis turbati fluctibus amnes,
 Sæuitum in proceres, immissa incendia testis,
 Funditus excisæ miseris cum ciuibus vrbes,
 Iusque datum gladijs, latèque per obuia ductum
 Gutturæ, nullo xui, aut sexûs discrimine, ferrum .
 Quin mors visa levis, naturaque tota sagacis
 Barbariæ ingenio, & lentis seruire coacta
 Supplicijs . Proh quæ (tantum nescisse fatentur
 Eumenides, purgantque suas hoc crimine tedas,

Nec

Nec pudor est vinci) proh quæ noua funera, quasque
Infandas hominum, ah hominum furor extudit artes!

Quæ natura dedit, pardi, Libycique leones,
Stringitis arma. Procul torquendi infana voluptas:
Extremæ quamvis, mors vnica sufficit iræ.

Quin citiùs rabies, fuerit quod immanior, explet:
Illatà se cæde. Vtinam scire liberet:

(Huc feritas quando iam tristia vota redegit)

Sic homini. Sed præcipitis compendia lethi:

Muneris illè loco statuit, damnatque Ferarum,

Ceu mactare rudes, iras. Lasciuia tardi.

Funeris arridet: virtus hæc maxima, primus:

Hic labor, & studium, Libitinæ obtundere falcem,

Et, vitam quibus eripiat, suspendere mortem.

Mens adeo, brutum antè imus quo munere vulgus,

Nil super irato præstat, nisi degener vt sit:

Hòc homini magis, & Brutis truculentior ipsis.

Ergo Alius (Pietas, Naturaque, parcite vati :

Impia, dira canam) ferrato pectine sulcos:

Vndique sanguineos iterans pendentia carpsit:

Corpora ; damnat a lius potabile lethum

Miscuit, ignito liquentis gurgite plumbi.

Hic pice perductos, insuetæ ad lampadis vsum,

Longa profanatis iussit dare pabula flammis,

Attonitamque rogo viuenti frangere noctem.

Quid compulsa loquar, scire cadauera, putres;

Amplexus, vitamque neci per tristia iunctam

Pœdera? Quid plenos Natorum funere patres,

Et consanguineos tumulos? Non, si mihi centum;

Ænea Stentoreis resonarent vocibus ora,

Ingeniumque, fluens rapido torrentiùs amne,

Spumea Mæonijs in carmina fontibus iret ;

Tot scelera: immanes ausus, tot barbara monstra:

Expediam cantu, & dignis ploratibus æquem.

7. Nec tamen, externis funestans cædibus Orbem,

Nullòs dira lues casus, non vltima sæpe

Facta sibi, perperitque Sais. Læstissima bello

Agmina

Agmina cum signis quoties amissa : trahendi
 Dum sapiente morâ certaminis impatiens dux
 Haud dubias, cæco auspiciū faciente furore,
 Irruit in clades ? Quoties temeraria verba
 Per iugulum rediere, animâque & sanguine toto
 Constitit ardenti retinacula soluere linguæ ?
 Ira furor brevis est, Venusino iudice : longi
 Non semel in morbum sed transijt illa furoris.
 Exemplum Telamone satus : cui cæca phrenesis
 Interitum, cæcam violens tulit ira phrenesim.
 Ergo minor mentis, nec iam suus, edita campis (a)
 Plurima Balantū post funera, Dulichiumque
 Riualet vanâ pecoris sub imagine cæsum,
 In sua lethiferum præcordia condidit ensem.
 Quid referam, medio penitus quæis corde recepta
 Vis eadem, indocilisque premi, ceu turbidus atræ
 Qui tegitur gremio nubis vapor, obvia quassu
 Fulmineo fragilis vitæ penetralia soluit,
 In lethum satis vna ? Acri sic feruidus æstu
 Dum furit, & male se capientem Sylla tenere (b)
 Nec longū potis est rabiem, neque protinus omnem
 Egerere ; abrupti per dissilientia claustra
 Pectoris, & laxos venarum atque oris hiatus,
 Sanguine mistam animam, furijsq; minisq; frementem
 Euomuit : dubium foret vt spectantibus, ecquid
 Syllæ vita prior ; prior an defecerit ira.
 Dignum equidem factis retulisti, barbære, lethum,
 Indigno dederas qui tot ciuilia letho
 Corpora . Debueras proprium vomuisse cruorem,
 Cum Latio toties macularis sanguine Tybrim .
 Quæ scelus, ira, tuum fuerat, fuit ipsa nocenti
 Supplicium . Non Tisiphone, non Cerberus, aut, qui
 Immortale iecur Tityi depascitur, ales
 Sæuior hac, tantisque foret par cædibus ultor .
 Credite, posteritas : Syllanâ iustior ira :

Nulla

(a) Vide Sophoclem in *Aiace Flagelli*.

(b) Valer. Max. lib. 9. cap. 3.

Nulla fuit : Syllam grauiâ atque extrema furentem
 Perdidit . Immanem vix non absoluere cogor
 Horrendamque lueni . Quantumlibet impia cladis
 Humano tulerit generi, tot millia ferro
 Dum metit ; haud minùs humanâ de gente mereri
 Fors potuit, Syllam letho dum sustulit vnum .

8. Et genus hoc vitij-tetrum, longèque videri
 Implacidum, qua vi humanos, quo turbine sensus
 Misceat, ex ipso pronum dignoscere vultu .

At non perspicuum pariter, quàm lampade seuâ
 Heu-miseras vrat Cythereia flamma medullas .

Nam quid ibi non nectareâ dulcedine tinctum
 Blanditiæ molles, incendia grata, lepores.

Idalij, faciles risus, genialia ferta,

Lætitia flos ipse, voluptatisque medulla .

Id teneri certè sperare Cupidinis ætas,

Id vultus, placidæque iuber clementia formæ .

Nulla supercilij nubes, nil fronte seuerum,

Nil habitu . Puer est, quo non spectatior alter,

Ingenuus, comis, simplex : certantia puris

Lumina syderibus : labris exundat Hymettos,

Hyblæusque latex : totam sincera Venustas

Purpureo Nati descripsit in ore parentem .

Et vehitur iunctis ad-gemmea fræna columbis :

Et, quamvis nunquam non spicula tractet, & arcum ;
 Aureus est arcus, perfusaque spicula melle .

9. Sed procul o, si quæ, miseri, vos cura salutis,

Si Vestri quis amor tangit . Sub melle venenum,

Pestanis Libyci fallunt sub floribus angues .

Scitulus hic, tanto formæ blanditur honore

Qui, puer (ah oculis malè tutum credere) monstrum est,

Monstrum horrendum, atrox, quo non tenebrior vlla

E Phlegetonteis olim ructata caminis

Pernicies liquidas cæli prorupit in auras,

Cognatique erebi misero plus intulit Orbi :

Splendida fucatam nudent Insignia frontem ;

Gorgonei rictus, furialiaque ora patebunt

Provi-

Protinus, & Stygijs vndantia lumina flammis .
 Falsus honos : rutili per eburnea tempora cirri
 Vipereos vmbrant nexus : squamosa draconum
 Pectora sunt molles ad gemmea fræna columbæ .
 Vx, cui pennigerâ violarit arundine pectus
 Ille nitens rosæ in speciem Thaumantidis arcus .
 Quale trahet subitò virus ? Quantum offibus ignem ,
 Tabida quæ furere arcanis contagia fibris
 Sentiet ? Hinc frontis pallor, maciesque genarum,
 Et varij vultus, defixaque lumina terris,
 Luctantemque animam suspiria crebra fatigant .
 Attonito similem videas, similemque furenti :
 Iam rapido ferri ceu turbine ; figere mota
 Iam, velut obiectu subito, vestigia : rarus,
 Et gemitu abruptus sermo : commercia vitat,
 Dimidius vel adest, facieque absentis, in vmbris
 Secessuque cauo nemorum sese ipse, suasque
 Crebrior affari curas . Non otia ludo
 Fallere, non spissâ virides indagine saltus
 Cingere, non Graijs iuuat insudare palæstris .
 Strati dura quies membris : nil dulce palato :
 Difficiles somni, longissima tempora, noctes
 Implacidæ, nigrique dies : mens corporis exuri,
 Dulcibus officijs vitæ semota, Suique
 Deuia . Vesanos ne quisquam credat Amantes
 Ludere, dum querulis toties ploratibus vno
 Ætæas se ferre sinu brumasque, facesque,
 Et iam perpetuo sibi vulture diminui cor,
 Iamque Ixioniâ iurant vertigine volui .
 Nil animus veris, nil heu cruciatibus addit :
 Certa fides : non ingenij ; sunt verba doloris .
 Dum nimij rapidos explere Cupidinis æstus,
 Et summo properant votorum fine potiri :
 Dum, vice ne iustâ redamentur, mutua ne sint
 Cura, timent, neu ritualis felicior ægri
 Fòrs sibi præripiat fructum, aut delibet amoris ;
 Dicere vix ulli promptum, quæ corde sub imo

Pœna-

Pœnarum miseri exempla, & quæ Tartara cludant ?
 10. At morbi fòrs languor iners, soloque veneni
Defidis afflatu, & segni marcere timendus.

Fallimur. Haud pestis violentior altera cædes
Per medias hominem, per tela inimica, per ignes
Præcipitat, stimulisque agitans, & verbere torto,
Ultima quæque iubet cæcum nescire pericla.

Ilius impulsus furijs, de nocte profundâ

Nil timeat nudo iuuenis fulcare natatu

Bosphoreas hyemes : totum licèt horridus Auster

Suspensum liquidis aduersa natantis in ora

Montibus impellat mare : formidentque vel ipsi

(Tam violens decimæ circumsilie impetus vndæ,

Tale ciet murmur, sic spumeus æthera lambit.)

Natiuâ immanes scopuli ab radice reuelli.

Sub pedibus ratio, nusquam timor, omnia fœdam

Post Venerem. Indomiti tantùm se pectoris ardor

Expleat : id fixum, & quavis mercede parandum :

Cætera pro vili, quòcunque vocauerit anceps,

Alea, supremis irrumpere casibus, atras

Bellorum sparsisse faces, excire quietos

In ferrum populos, florentia vertere regna,

Luctuque, & rapidis miscere tumultibus Orbem ?

11. *Nonne vides, vt stare negans exundet equorum*

Impetus, hæc simul in cæcas vis lapsa medullas ?

Ac neque iam scopuli, neque sæua ruentibus obstant

Flumina, quæ veteres sylvas, quæ rustica tecta,

Dimidiasque rotant spumanti vortice rupes ?

Tunc vr̄sis furor insolitus : truculentior errat

Tunc campis leo : tunc serpentum immanior ira,

Et gemino feruent præcordia tincta veneno.

12. *Proh rabiem cæcam ! Humanæ tot funera vitæ*

Quæ parit, obscœnis populatur corpora morbis,

Seruitio infando miserâque tyrannide mentes

Obruït, eximium famæ præstantis honorem

Turpibus opprobrijs maculat, ius omne reuellit,

Æthereos sensus, & diæ sc̄mina flammæ

Inte-

Interimit, genitumque poli ad commercia putri
 Cœno hominem mergit. Quid par Ææa nefandis
 Carminibus Circe, vel tritibus ausa venenis?
 Corporis illa habitum (ut verax sit fabula) brutos
 Induere in vultus, Superisque erecta tuendis
 Ora solo potuit reflectere: sæuior, ipsam,
 Circe, acclinat humo mentem damnosa libido,
 Totumque in pecudes hominem dirâ arte refingit..
 Ah non ex nihilo maciem, lethumque, laboreque,
 Impia furtiux post munera lampadis, ægro
 Incubuisse ferunt Orbi. Si vera fatendum;
 Hic ignis fuit ille: omnis comitata Malorum
 Hunc series. Longè tamen, ut de sedibus haustus
 Credatur superis: tetro quin sulphure pinguem,
 Et picei glomerantem vndosa volumina fumi
 Tartareus Phlegeton superas in luminis oras
 Euomuit: nostroque luto admouere sorores
 Anguicomæ, ne quid tellus differret auerno.

13. At quænam aerijs hæc turgida plausibus, inter
 Illustres decorum phaleras, titulosque sequaces,
 Admiranda Sui vulgo dispensat hianti.
 Lentiùs ingrediens spectacula? Fallimur? Ipsa
 An laudum famæque subit ventosa cupido?
 Ipsa subit certè: non fallimur. Aspice, quantâ
 Cyclade verrit humum, quantam fert ardua frontem.

14. Ne tamen ignarum fallacis imagine pompæ
 Te capiat. Vitio nil immanius illo,
 Nil magis EVTHYMIÆ libertatique cauendum.
 Nam qui Trinacrias vrbes, vrbesve Pelasgas
 Seruitij grauiore iugo pressere tyranni;
 Ac sibi deuotas crudelis gloria mentes?
 Diuitijs miserum nudari. Nudat alumnos
 Illa suos, per magnifici dispendia luxûs,
 Quantosunque breuî consumere prodiga census.
 Triste, voluptati genioque indicere bellum,
 Assiduis frangi curis, nullasque laborum
 Nolle vices. Quàm non paucos his illa fatigat
 Impe-

Imperijs, hominum, rerum, vitæque, Suique
 Immemores Heliconiadum in secreta relegans
 Sylvarum exilia, & taciturnæ Palladis umbras ?
 Fumosis vbi, blattarum de more, libellis
 Perpetuò impliciti cerebrosa silentia, viuos
 Sæpe etiam iratis corrodat moribus vngues :
 Nullaque somniferæ libantes munera noctis,
 Exigui saturent oculos fuligine lychni .
 Scilicet hinc clarum veniet Sophos, ingeniumque
 Illa Cleanthæ populatrix flamma lucernæ
 Ex humilitineâ Assyrium in phœnica refinget,
 Aeterno victurum æuo, vulgique per ora,
 Et memores abierum illustri nomine fastos .
 Quid Patriæ procul à gremio, amplexuque Suorum
 Martia signa sequi, grauibus sudare sub armis,
 Sternere castrensi duos super aggere somnos,
 Vix summis extantem humeris tranare sonoros
 Præcipitux fluiorum æstus, dubiasque paludes,
 Contra ignes, gladiosque, & mille volandia ferre
 Fata gradum, hic oculum terebrari cuspide, cæsâ
 Illinc dimidium pro lucro euadere dextrâ,
 Crura atibi minui stridentis pondere saxi,
 Non graue non dictu miserum ? Comprehendere turbæ
 Vix tamen est numerum, tantos quam voluere casus
 Sanguinei facilem decoris spes improba cogit .
 15. Infelix igitur, durisque laboribus ægra
 Perpetuò est, rigidi quæ triste recepit honoris
 Vita iugum : quanquam vel sic toleranda, decus par
 Si meritis, curas si præmia digna manerent .
 At quæ operum merces ? Mittamus, quælibet auris
 Gloria quòd leuibus, tenuique simillima fumo,
 Bulla crepans, vanum sine re, sine pondere nomen,
 Nullis siue animos, seu corpora fructibus explet ;
 Hanc ipsam, rogo, quàm paucis apprehendere laruan
 Permissum est ? Quàm sæpe suos frustratur Amantes ?
 Seu quia diuersis Mortales sensibus, &, quod
 Altera dat laudi, dat idem pars altera probro ;

Sch

Seu quòd præcipuè sublimia fumeus vrget
 Inuidiæ vapor, ac nebulis sordentibus afflat ;
 Seu demum quia fama leuis, temeraria, mendax,
 Ambigue per ora volans discordia vulgi,
 Futilium variam rumorum hinc aggerat inde
 Colluuiem : rituque amnis, quò fusa vagatur
 Latius ; hòc magis insyncera & turbida serpit,
 Non sua præclaris admiscens crimina factis .

16. En tibi Mars Libycus. Per plura pericula nomē
 Quis petijt , meruitque ? Inimicam vt vinceret armis
 Italiam, vincenda fuit Natura . Niuosum
 Hospita condentes caput inter Nubila non tam
 Ignique, ferroque, & vi mordacis aceti,
 Ipse suis quàm perfregit sudoribus Alpes .
 Post tamen illatam vim rupibus, aruaque densis
 Stragibus insignita, & Pœni militis ipsa
 Vsq̃ue sub attonitæ nutantia mœnia Romæ
 Terrorem perlatum, oculi post damna palustri
 Sub Ioue, innoxq; aliud, Fratrem, sibi lumen ademptum,
 Emerito quæ digna duci stipendia soluit
 Posteritas ? Tantos quæ fama remunerat ausus ?
 Scilicet indecori myrto mutasse vocantem
 Tarpeij laurum Iouis, aspirantibus vt
 Nesciuisse Deis, Capuæque ad mœnia, Cannas
 Nempe suas, rerum tam læta exorsa, priorum
 Tot fructus operum, sudatique vltima Martis
 Præmia corrupisse, Futuri improvidus, audit .

17. Nec Ducis Æmathij melior fortuna. Coruscis
 Quid procul e cunis Gangetidos Amphitrites,
 Auroræque sinu captiuum abducere solem,
 Et sua vix orto superaddere fræna diei
 Profuit ? Audaci quid classe extrema secantem
 Æquora, spumosi litem de iure tridentis
 Cæruleo intentare Ioui ? Quid maxima centum
 Vnius imperij in molem coniungere regna ?
 En per mille peti dignus certamina, tanti
 En pulcher Victoris honos : quæ strenuus egir.

For-

Fortunæ meritum vocat Hic : temerarius Illi
 Arguitur stolidèque ferox : sine pulvere bella,
 Et nimium faciles nullo discrimine sunt qui
 Despiciant palmas . Quid? Quòd pars plurima laudis
 Gestarum in comites rerum, bellique Ministros
 Spargitur . Utque Alios habeat, sua fortia facta
 Qui celebrent, meritoque ferant ad sydera plausu ;
 Plus tamen hi quoque luxuriam, plus barbara iussa,
 Indignasque neces comitum, fastuque profano
 Qua sitos homini Superùm execrantur honores .
 Tam rarum, neque Mortali sperabile, plenam
 Quantovis sortiri operum molimine famam .

18. Anne igitur leuibus credendū est pectora curis
 Ambitiosa teri : dum, quam certamine tanto
 Nancisci properant, venantur & omnibus vnā
 Aucupijs, incertam adeo tenuem que secundi
 Murmuris excipiunt auram : contraque, Malorum
 Quod miseris summum, mordacibus vndique carpi
 Iudicijs sua facta vident : nec, amica referre
 Quī tot Censorum liceat suffragia, quamvis
 Rumpantur, ratio sese aut spes obijcit vlla?
 Quā graue seruitiū, quā dura & iniqua foret fors
 Mancipij, octonos pressā ceruice ferentis
 Tam malè concordēs Dominos ; vt, iussa capessens
 Vnius, immites Aliorum prætius iras,
 Iurgiæque, infestasque manus, & flagra subiret?
 Durius heu vani quicumque petitor honoris
 Captiuā fert mente iugum, seruire coactus
 Innumeris, animi, naturæque indole prorsus
 Oppositā, Dominis : quot scilicet ipse suarum
 Admiratores rerum, decorumque laborat
 Præcones habuisse : virum genus omne, senilis
 Canitiem menti, primæ lanuginis æuum,
 Sarranas procerum tunicas, plebisque lacernas,
 Externos, ciues, doctum, rude vulgus adorans,
 Obseruans, metuens, cunctorum sedulus vsque
 Ad varios habilem sese compone re nutus .

Ni

Ni faciat, dominæ confestim verbera Famæ
 Laturus : nihil infelix quæ mitius horret ;
 Vllus quàm scuticæ vibices Dauus herilis .
 Si vel fræna suæ miserum est admittere ; quantò
 Tristius externæ sub iura libidinis ire ?
 Finge adeo fragili Mortalem corpore ; quovis
 Alterius flatu, obtutuque vt possit iniquo,
 Saucius immanis clauæ ceu pondere, sterni .
 Num, rogo, vel satis eductum talibus inter
 Postrema haud referas miserorum exempla; vel ipsi
 Haud geminum ponas, adeo cui roboris experts,
 Iunceaque est animi vis, vt percellere nulli
 Non liceat minimæ abiectum vel murmurè vocis ?
 O semper tremebundam ! O nullam, tam tenui spe
 Quæ vitam trahit, afflatu variabilis auræ
 Circumagi subito leuis in contraria, sortem !

19. Adde, nihil quòd cōcessū immoderata superbis
 Destinat ambitio conatibus : ardua quæque,
 Inuia, summa petit decorum fastigia, nullum
 Laude parem, nedum patiens habuisse priorem .
 Quinam igitur sublime adeo iaculantibus Ausis
 Terminus, aut requies ? Quænam fiducia voti
 Cum summis hominum, quos vel prior vlla creauit,
 Nostra vel antiquis heroibus addidit ætas,
 Assiduè decertanti, & sic mente parato,
 Tranquillam neget vt vitam, curisque vacantem
 Ducere, ni primum tot de rivalibus Vni
 Exorata decus fors annuat ? Heu sibi quantum
 Difficilem mortale genus, tardique paratùs
 Lætitiâ facit, in medio quam prodiga cunctis
 Exposuit natura ? Suæ proh nescia sortis
 Pectora ! Cum, dubij citrà discrimina Martis,
 Se facilem det amica quies ; oblata recusant
 Munera, ni tali raptant e puluere, certâ
 Victorem nulli fas vnde recedere palmâ .

20. Quod, procul extremâ Ditis sub nocte sepultū,
 Funditus humanæ turbanda ad gaudia sortis,

Te

Te vomuit chaos, execrabilis, impia, vecors
 Ambitio? Quàm (tu sineres) pacatior Orbis
 Degeret? Antiquo starent vt sæcla metallo?
 Non miseræ toties per mutua funera gentes,
 Impia non fratrum caderent per vulnera fratres,
 Certantesque duos inter lacerata ruinas
 Plorarent tot regna suas. Tu buccina Martis,
 Irarum fomes, Libitinæ calcar, hirudo
 Sanguinis innocui, fraudum scelerumque magistra,
 Per versum fas atque nefas, per publica damna,
 Ad solium properare iubes. Tu, conditus imo
 Terrarum ceu sæpe sinu, rapidumque sub auras
 Vi subitâ meditatus iter Vulcanius ardor,
 Compagem solidam Mundi trepidantis ab imo
 Eruis, immani latè obuia quæque tumultu
 Concutiens, gelidosque metus, tristesque ruinas,
 Et miseros toto propagans æthere luctus.

21. Heu quâti Romæ, (Quid Romæ diximus?) Orbi
 Heu quanti stetit insani ambitiosa cupido
 Cæsaris? Inde citos per Thessala rura, per vrbes
 Hesperias, Nilique domos, Libyæque calentis
 Æquora præcipitans currus, avidumque cruoris
 Circumquaque rotans ense feralis Enyo
 Impleuit terras, impleuit stragibus vndas:
 Romaque cum centum populis regnisque subactis
 Concidit, infelix vnus victima noxæ.

22. Quid reliquas memoré pestes? Sat carmine dictū
 Iam proprio, quantis agitent præcordia curis
 Formido malefana, immensus & ardor habendi:
 Nec setus has contra Eumenidas, contraq; nocentem
 Tristitiam quid opis Ratio, quæque arma ministret,
 Vltima nunc subit, & longè sæuissima, toto
 Pectore diuulsam penitùs proscribere pacem,
 Criminis admissi ante oculos feralis imago.
 Hæc illa est, hominum quæ noxia corda, flagello
 Vipereo insultans, Acherusia torquet Erinnyis:
 Hæc rota, tergeminusque canis, iecorique renato
 Penni:-

Penniger assiduus tortor . Quid plura ? Manentis
 Tartarus hæc vitæ . Proh dirum, triste, nec villo
 Non lethale magis fatorum vulnere, vulnus !
 Fidum alijs ratio solamen casibus : ipsâ
 Ex ratione, quibus mentem crudeliùs angat,
 Culpa trahit vires . Alij nouere dolores
 Interualla vicesque : hæc iugi pectora letho
 Conficiens, nullam roseæ seu tempore lucis,
 Siue per umbriferæ pacata silentia noctis
 Sontibus indulget requiem . Vix languida serus
 Lumina permulsi sopor ; en Rhamnusia vindex,
 Iratique torum Dîj maiestate seuerâ
 Concutiunt . Mæstus timor vndique, & vndique diræ
 Pœnarum facies . Tenui si murmure fœta
 Intonuit nubes ; actum est : iamiam omnia supra
 Se ruitura putant armamentaria cæli .
 Proxima, si, rapido teritur dum semita curru,
 Subsiliit paries ; violentior ima fatigat
 Ossa tremor, moto ne cardine terra labore,
 Præcipites impulsa trahant ne testæ ruinas .
 Concubiâ fòrs increpuit de nocte tigillus ;
 Heu stygij lemures adsunt, in tartara viuos
 Iam rapiunt . Iter ingressi, virgulta moueri,
 Exiguâ dumos inter trepidante lacertâ,
 Audierint ; spiris horrendum immanibus anguem
 Cæcus adesse pavor fingit . Quæ tuta Nocentes
 Otia, quam sperent infesto Numine pacem ?

23. Prona igitur cupidis adsint licet omnia votis ;
 Ingenium, vires, regum fauor, ampla supellex,
 Censusque, & tituli, & plaudentis munera famæ :
 Tonfilium quamvis nemorum frondentibus umbris,
 Irriguæque leuent infestos Naiade soles :
 Nec blandi comites, citharæ, spectacula, ludi,
 Phasiacæque dapes, Gauranaque pocula desint ;
 Nil curas lenire satis . Phineia dulces
 Diripiunt portenta dapes : generosa Falerni
 In Veientanam migrat vindemia vappam :

H

Nautæ

Nautea sunt Arabum succi : mulcentibus aures
 Neruorum modulis tristi mens conscia planctu
 Obstrepit : ingrati comites : inamœna virentum
 Scena theatrorum . Medio sub pectore stridens
 Vna est ante oculos funesti trimiris vmbra,
 Vnam animus sentit . Talis frondentia præter
 Mænala, vel gelidis nemorosæ in vallibus Idæ
 Cerua fugit, volucris quam certus arundine fixit
 Venator : neque iam lusus, herbosaque cordi
 Pascua, non liquido manantes vbera riui,
 Aut seruposarum caua frigora speluncarum .
 Pulsus amor nemoris, camporum oblita voluptas :
 Aprici colles, lasciuo exercita cursu
 Prata, greges socij, quæque olim dulcia cunque
 Incolumi, iam nusquam . Infelix altera pectus
 Cura fodit, sensusque omnes sibi vindicat, hærens
 Traiecto penitus lateri crudelis arundo .

24. Expertus nimirum lanienam hanc efferus vrbis
 Ille Syracosæ Pluto, sed pectoris Orcus (a)
 Sæuior ipse sui, & nullo se fine beatum
 Iactanti, Superisque parem monstrauit Amico .
 Nota facis cœnæ regalis munera, notus
 Attonitis super incumbens ceruicibus ensis,
 * Viuida culpæ, animos gaudere vetantis, imago .
 Tu quoque, Cæsarei in probrum diadematis hæres,
 Supplicium quàm triste nocens animus ferat, & quàm
 Nulla inuet fontes fortunæ opulentia, sæuo,
 Delicias Caprearum inter blandosque recessus,
 Lymphatus, Tiberi, monstrorum horrore fateris. (b)
 Cuncta tuis elementa quidem vestigal amicum
 Soluebant votis : fortunæ in culmine stantem
 Orbis adorabat : felices reddere nutu
 Innumeros vno poteras, sed reddere nullis
 Hæu te felicem poteras conatibus vnum .

Scili-

(a) Cic. 5. Tu/cul.

(b) Vide Sueton. in eius vita cap. 63. & 67. & Tac. lib. 6.
 An. cap. 6.

Scilicet, arcano penitus suffusa veneno,
 Impia mens sibi tortor erat, vultuque minaces
 Gorgoneo (sat supplicij vel posse videri)
 Eumenides stygios vibrabant cominus angues
 Nequicquam refugo, vertentique ora, manusque
 Tendenti contra, & veniam lugubrè roganti .
 Plus igitur scelus in pœnas, ad gaudia totus
 Quàm potuit Cæsar : tantique superbus honore
 Imperij, visus terrarum Numen, & Orbis
 Fatum vnum, placidæ iucundo munere pacis,
 Quo neque pannosi fœx indiget vltima vulgi,
 Infelix meritò, & nulli miserandus, egebas .
 Talibus (I, lentam, i, Nemefim, gens impia, ride)
 Supplicijs miserum exercent sua crimina pectus .

25. Has igitur Furias, erebique immania monstra
 Excantare sacro Sophiæ me carmine cœpti
 Lex operis iubet : aulhis, quæ pectora turbant,
 Funditus vt causis, sua cordibus otia, seque
 Annuat, & iugi Pax temperet ora Sereno .
 Qualiter, Astræi rapido cum turbine fratres
 In pelagus cecidere, imâque à sede refusos
 Conglomerant, secumque ferunt per Nubila fluctus :
 Iamque adeo, ablato rerum discrimine, volui
 Æthera cum ponto credas, cumque æthere pontum ;
 Neptunus liquidis si fòrs caput extulit aruis,
 Regalesque comas, formidatumque tridentem
 Concutiens, Vnde ista licentia ? Vos ego : sæuùm
 Increpuit Pater ; attoniti subitoque pauore
 Præcipites, hinc Eurus atrox, hinc turbidus Auster
 Certatim Æolijs properant sese abdere claustris .
 Fit fuga : deseruere fretum : simul horrida cedunt
 Nubila, turbati ponunt simul æquoris æstus .
 At Genitor, placido lustrans vada cærula curru,
 Reliquias irarum, expirantisque procellæ
 Supremos lenit fremitus : quem candida circum
 Phyllodoce, Xanthoque, & Nereidum chorus omnis,
 Glaucusque, Phorcusque, Athamanteusque Palæmon,

Tritonesque citi, cum squamifero comitatu,
Compositas lætis exercent plausibus vndas .

26. Et primùm indomitis bacchantē ardoribus Iræ
Vt teneas ; rapidi procul auertisse memento
(Tutius id, quàm commotas dein sistere flammæ)
Nutrimenta Mali . Nemo non prætulit armis
Otia Dux sapiens . Quò ferrum hostemque laceſſas,
Cum dubij possis nescire pericula Martis ?
Audenti, fac, certa paret victoria laurum :
Num semper felix, semper sine sanguine laurus ?
Ferreæ sit quamvis, longo certamine sensim
Atteritur virtus : neque tantùm bella ciere,
Ipsam etiam bello toties vicisse fatigat .

27. Nec te ideo vacuis nemorū penetralibus æuam
Abdere, cessantem penitus, vitæque remotum
Officijs iubeam, vel rege exempla cauendi
Sumere ab Ismario, oblata haud ignobilis artis, (a)
Materiæ sed sollicitæ, minimeque fidelis
Pocula comminui qui protinus omnia iussit :
Ne, si mox aliquo pretiosa toreumata casu
Vecordis famuli fregisset lubricus error ;
Excideret talidum iactura inopina dolorem .

28. Plura tamen iusto miscere negotia, seque
Vrgendis caueat penitus mens tradere rebus .
Nemo etenim subitas adeo proclivis in iras,
Instantiùm vt densis qui voluitur officiorum
Fluctibus, immodicæque operum sub mole fatiscit .
Tunc in fermento est bilis : tunc quilibet illam
Occursus, strepitusque agitat . Ceu trita calorem
Corpora ; sic, varijs teritur quæ sedula curis,
Irarum rapidos mens concipit acrius ignes .

29. Proximus hinc comitū delectus, quos tibi dulcis.
Nexus amicitiae coniungat, & arctior usus :
Ingento ne difficiles, neu naribus vncis,
Elatoque supercilio . Vitentur &, ultra
Quæ Rectum calor, ac nusquam nisi tota voluntas,
Iurga-

(a) *Pius, in A pophs.*

Iurgarique vltro faciles, quosque anxia semper
 His modò, iamque alijs ex vano concitat vmbri
 Suspicio . Agrestes quid moribus, aut cerebrosi
 Commemorem capitis? Quid mollia pectora, quorum
 Audiri celeres minimo irritamine questus?
 Moribus his longum concordì fœdere iungi,
 Rixarum expertem, nimio plùs ardua virtus .

30. Sed neq; si procul externa hæc fomêta remouita
 Tunc etiam cæcos flammati pectoris æstus .
 Nesciet, ignauo cultu blandisque foueri
 Artibus à primo quisquis consueuerit æuo .
 Nam, veluti nunquam tot desæuire coruscis
 Fulminibus nimbos, quot tempestate videmus
 Autumnâ & vernâ, quæ pars clementior anni :
 Quo fit, vt autumno propius, vernoque tepori
 Italiæ cælum vrgeri quoque sæpiùs illis,
 Quàm Scythiæ gelidum latus, & Pelusia regna,
 Prodiderit vasti rimator Plinius Orbis ; (a)
 Sic & fœmineum vulgus, sic corda virorum
 Proxima fœmineis, parilique eneruia luxu
 Sæpiùs, & causâ videas leuiore moueri .
 Nil miseris non infestum, subitoque dolore
 Turbandis validum . Quæ corporis, hæc eadem fors
 Est animi . Solitos hyemem defendere tectis,
 Nec cælum, nisi lene, pati, victumque diurnum
 Delectu nimio, medicâque expendere lance,
 Et seruare modum vitæ, rerumque tenorem
 Perpetuum, quævis mox inclementior aura
 Afficit, insuetus quivis labor obruit, omnis
 Ægrotare iubet paulò robustior esca .
 Non secus, ad votum semper cui viuere, molles
 Inter adulantùm comitum, sortisque secundæ
 Contigit illecebras, quisquis sua vota moretur
 Deùm casus, teneris quidquid minùs auribus aptum
 Acciderit; turbari animo offendique necesse est .
 Ad rigidos igitur mens obduranda labores,

H 3

Non

(a) Vide lib. 2. Histor. nat. cap 50.

Non nihil & duri in vitâ quandoque ferendum
Sponte homini : callum donec patientia sensim
Ducat, & hac vires priuatâ gymnade contra.
Externos paret assultus, inopinaque fata .

31. Quod superest, turbis hominû, rebusq; gerendis.
Ne mihi se virtus vnquam committat inermem :
Omnia quin secum priûs exigit, in medio quæ
Pulvere versanti sese deîn tristia possunt
Obijcere, & stomachi subitos attollere fluctus .
Nempe velut si quis properanti segnior obftet,
Inijciatque moram mediûs : si naris obesæ
Cessatorque secus peragat mandata minister :
Si minûs vrbano, immodicus luisse, sodalis
Offendat nutu, vel scommate . Disce remotum
Frangere consilijs hostem . Vincetur, vbi instet :
Parua loquor : victa est, ratio quam præuenit, ira .

32. Si tamen ignarum vel sic, exorta repente,
Aggrediatur, & insanis præcordia verset.
Motibus; haud vitreû (docuit quod Sextius) orbē (a)
Sumere tunc iubeam : crystallo iudice, tetros
Illius vt coram possis dignoscere vultus .
Sint alij speculum, simili quos turbine mentis
(Et præsens aderas) meministi sæpiûs actos .
Quæ miseris facies ? Tragici non instar Orestæ,
Non toties verum spectare Athamanta putasti ?
Anne Alijs igitur pariter lymphatus haberi,
Vitandæque velis speculum te fingere formæ ?

33. Quin potiûs, toto rationis pondere nixus,
Fige gradum contra . Pugnæ brevis alea . Primo.
Te nisi concursu violens deiecerit hostis ;
Viciisti . Tumidos iamiam subsidere fluctus,
Immanisque rogi, Mundumque haurire parantis
Nil gelidam præter videas superesse fauillam .
Impetus est, vitamque trahit furor omnis agendo :
Ex motu vires, animique . Quiescere cogas :
Occiderit, frangetque suis se viribus ultro .

Ergo,

(a) Vide Sen. lib. 2. de Ira cap. 36.

24. Ergo, calet dū pugna, recēs dum mœnia circum
 Hostis adest ; quodvis, sapiens, inhibere memento
 Flagrantis decretum animi . Quid postulet vsus,
 Quid ratio velit, haud pronum dignoscere tantā
 Pectoris in trepidi vertigine : ceu minūs olim
 Exaudita sibi ciuilia iura, tubarum
 Horrisonum clangorem inter, bellicque tumultus,
 Rettulerat Marius . Da rebus, da breue cordi (a)
 Turbato spatium . Maturis omnia tecum
 Mox statues, cum, composito certamine, tota
 Mens aderit sibi . Nequitia commotus inertis
 Mancipij Archytas, Virgis iam terga caleres, (b)
 Improbe, ait, si non animi flagrantior essem .
 Quæ scire Alios iubet indignatio, pœnas
 Hæc eadem prohibet me sumere . Pectoris impos
 Ipse sui, officium male sumit herile . Furori
 Nil liceat, iusto quia vult sibi plura licere .

35. Dissimulare etiam surgentē in pectore morbum
 Proderit . Ægra tumet circum præcordia bilis ?
 In vultus saltem ne prodeat . Indue pacis,
 Indue lætitiæ speciem : mollissima tunc vox,
 Tunc gressus placidi, & motus sit lentior omnis .
 Dum sanum simulas, facies . Eliditur ignis,
 Nulla vbi præcluso patuit via . Socratis iram
 Haud alijs solitam deprendi certius, oris
 Ac minūs in verba effusi, vocisque remissæ,
 Indicijs memorant . Visus cum lentior esset ; (c)
 Succensum rapidis scires tunc pectora flammis .

36. Nil tamen his actum monitis, si nescia fraudis
 Pergit adhuc, vitæ quin utilis ira videri . . . (d)
 Quæ mihi (Aristotelem quamvis præscribat, & αὐτὸς
 αὐτὸς ἴσῃ, tripodis crepet æmula Pythagorei)
 Legitimo excutienda foro, librandaque restat

H 4

Ponde-

(a) Plut. in vita Marij.

(b) Cic. 4. Tuscul. & Plut. de Liberis educandis.

(c) Vide Sen. lib. 3. de Ira cap. 13.

(d) Idem ibid. cap. 3. & lib. 1. cap. 9.

Ponderibus iam rite suis sententia . Iustam,
 Nec male de vitâ meritam tu dixeris iram ?
 Qui ? Rogo . Nimirum fontes vlciscitur, æquas
 Et malefacta iubet pœnas persolvere . Fontes
 Quin potius facit, & iusti seruare tenorem
 Nescia supplicij, quæ vindicat, Ausa vel æquat,
 Vel superat . Nullo motu iactetur, oportet,
 Astrææ geminas æquato vt pondere lances
 Dexterâ sustineat . Ratio, non Ira luendis
 Constituit leges, & digna piacula noxis .

37. Cur, ais, irasci nequeam peccantibus ? Ipse
 Haud proprij vacuus quia criminis . Excute pectus,
 In medios descende sinus : quàm multa pudebit
 Cernere ? Quot subito obijcient se probra, seueri
 Censoris puncto, & tristi carbone notanda ?
 Ah nemo veniæ non indigus : vlcera nulli
 Non sua flenda . Negas Alijs si parcere ; saltem
 Parce tibi . Cur hanc properas inducere legem,
 Ipse Nocens, ne sit fas ignouisse Nocenti ?

38. Esto tamen purum vitio tibi pectus ; acerbis
 Anne ideo in fontes odijs bacchabere ? Szuus
 Proh nimium ! Sic ergo parùm miserabile mentis
 Supplicium sua culpa ? Parùm fors flenda, proteruo
 Præcipitem ferri vitiorum turbine, fœdis
 Inseruire libidinibus, rationis egere ?
 Saucia Pæonius non odit membra minister,
 Sed molli fouet arte, lues quò fœdior, Ægrum
 Hòc miserans magis : &, ferrum si fortè, vel ignem
 Expugnari aliter renuentia vulnera poscant ;
 Triste ministerium solâ pietate coactus
 Aggreditur . Fas hinc exemplum ad crimina ducas :
 Pæona te, Fontes morbis lethalibus ægros
 Concipe : nec furor, in pœnas cum cogeris ire,
 Aut odium, sed ducat amor, studiumque iuuandi .

39. Indolis at prauæ interdum vecordia szuo
 Virgeri terrore petit . Non mollia verba,
 Compositi non tunc vultus, non ipsa coercet,

Ni

Ni violens, animique grauem testata furorem,
Pœna satis . Fateor . Frons ergo sæuat, at non
Mens pariter . Sit vox irati, pectus amici .
Quò verus sub corde calor, cum fictus in ore
Sufficiat ? Quò vesanum stimulare furenti,
Bile iecur : cum, quidquid opis furor ipse ministrat,
Compositi præstet non feciùs vmbra furoris ?

40. Restat, vt hoc saltem afflatu, discrimina contra,
Aduersosque obices, virtutem ignescere credas .
Cecropij sic nempe vetus cortina lycei,
Nicomachi soboles docto pronunciat ore . (a)
Nequicquam . Genus id stimulos audire recusat,
Ipsa sibi calcar, virtus . Si cordibus addit
Robur, & impaudas quæcunque ad fortia mentes
Ira ciet ; quidni paribus succendere flammis,
Plùsque etiam nudi valeat respectus Honesti ?

41. Cur tamen inficias abeam ? Stat vera fateri .
Calcar, & heu nimium violens impellere calear
Turbidus est menti furor . Irritamine cæco
Scilicet illam vltra Recti finemque modumque
Abripit : vt, nec rite suas disponere vires
Gnara, nec hostiles metiri pronida, certis
Irruat exitijs, nimioque ardore nocendi
In quæcunque ferat nudum discrimina pectus .
Consilij pendente gradu, & moderamine lento, (b)
Artibus ignotis iræ, labefacta priorum
Vesano furore ducum Tarpeia fata
Restituit Fabius . Septeno e culmine præceps
Decideras, Roma, & lufci fòrs fræna subisses
Victoris, cæco dederat si fræna furori
Maximus, imperij columen, speciosaque rectis
Consilijs tanto potiora in cardine rerum
Duxisset . Sed nulla viro seu fernida Iussa
Instantum socium, & pugnam clamore frementum ;
Seu Tyrij conata ducis, nunc Marte propinquo

H 5

Vallum

(a) Vide Sen. loc. supra cit.

(b) Idem de Ira lib. I. cap. II.

Vallum assultantis ; nunc circumiecta per arua
 Cogentis prædas, ferrumque ignemque ferentis,
 Propositum excussere animi, studiumque salutis :
 Et vicit, priùs Annibalem quàm vinceret, Iram .

42. Nunc, age, quid contra diuersū tegminis hostē,
 Quaque veneniferos ratione Cupidinis arcus
 Effugias (Nulli fas tutum hīc fingere, nulli
 Plūs, quàm securo, pugna hęc metuenda) docebo .
 Prima adeo laruam speciosi nominis, atrox
 Qua tegit ingenium, ferali demere monstro
 Cura sit . Heu quantā resperfit labe, quibusque
 Opprobrijs castum synceri nomen Amoris
 Polluit, huic illud primus quicumque ferendum
 Attribuit morbo . Nil fœdum, vile, eaducum
 Ingenius meditatur Amor : nil purius vsquam,
 Nil magis agnatum cælo, & rationis amicum .
 Hīc sacer ille calor mentis, quo percita sese
 Egreditur, votisque leues aptantibus alas,
 Æternum sequitur sua per vestigia Pulchrum :
 Hinc cordis vigor, hinc alacres ad fortia sensus,
 Et Recti modus, & vitæ cælestis origo .
 Ergo caue, pulchri ne te consortia ducant
 Nominis in fraudem, stygioque bitumine olentem,
 Corporeæ lucis pariunt quam fulgura, flammam
 Syncero geminum quidquam arbitreris Amori .
 Nil dispar adeo . Tenebris Phœbeia lampas
 Congruerit citiùs, sapiantque aconita Deorum
 Ambrosiam . Rabies hęc perdita, cæca phrenesis,
 Nefseum virus, cœni Camarina nefandi,
 Exitium mentis, vitæ pudor, halitus Orci .
 Quid nobis heu verba damus ? Compulsisse decoram
 Quid scelus in speciem iuuat, & superaddere clavis
 Syderibus, cuius pudeat vel Tartara, monstrum ?
 Scilicet egregios inspiret cordibus ignes,
 Heroumve calor possit, geniusque videri
 Tetra lues, Brutis hominem quæ miscet, inertem
 Affigitque Solo diuinæ semina mentis ?

Tu

43. Tu melius sapias : talemque in imagine verâ ,
 Tot cinctam colubris, tam detestabile virus
 Faucibus, efflantemque oculis tibi finge ; vel ipsa
 Infandi vt timeant commercia nominis aures .
 Tum simul hac diri se quisquam tabe veneni
 Saucius (heu nusquam non plurima turba) videndum
 Obtulerit ; licet Assyrios procul vndique nimbos,
 Seplassæque forum expiret : licet omnibus ille
 Munditijs talos à vertice comptus ad imos,
 Cirratus, roseæ nitidus fulgore iuuentæ,
 Totusque e speculo, Cypriæque e pyxide, blandas
 Mille serat gestu charites ; haud nausea menti
 Sit minor, ac putri cælum nidore grauantes.
 Proiecti canis exuias, dilapsaque tetram
 In saniem laceri membra aspexisse caballi .
 Obuia quæ si Fors tulerit spectacula ; vultum
 Ocyûs auertis, properasque euadere, totam,
 Non sine rugoso concussu, in lumina frontem
 Declinans, animæque premens spirabile limen,
 Nequa veneniferæ irrumpant contagia, pestis .

44. Hoc odio imbutus ne protinus omnia blandi
 Euasisse putes morbi discrimina . Nullus
 Fortior arcanâ vi mentem impellere vocis
 Æmonix sonitus : cælo aurea sydera quamvis
 Effuget, inque suos mutata retorqueat ortus
 Flumina . Securæ nequicquam dulcia pacis,
 Hoste semel victo, præsumimus otia . Belli
 Non alius, quàm corporei qui, terminus, æui,
 Vnaque mors requies . Natiuo à semine ductum,
 Congenitumque imis vitium fatale medullis
 Humano penitus succidi robore nescit .
 Quin, vires animosque nouans per vulnera, lapso
 Fortius Antæo, cæsæque perennius Hydræ,
 Victorem petit vsque suum : &, ni cura resistat
 Peruigil ; infestis toties assultibus vrget,
 Tot mouet insidias, tot fraudibus vndique cingit ;
 In sua captiuum postremò vt vincula cogat .

H. 6.

Quas,

& 45. Quas ego, quas heroû animas, fortissima quodâ,
 Et centum memoranda trophæis nomina, scdum,
 Intueor subijsse iugum? Præstantibus en qui
 Herculeam titulis gestorumque agminæ famam
 Transierat, gemino spoliatus lumine Sampson,
 Viribus abrais, oneri pænæque reuinctus,
 Marmoreum, nouus Ixion (an Sisyphus?) orbem
 (Sæuus Amor, Cyprisque iubet sic perfida) voluit.
 Monstrorum en Alter domitor, Iesseia proles,
 Monstrorum à puero domitor, cladesque gigantum,
 Captiuus Paphium tandem ceruicibus hostem
 Accipit, inuicto ex heroe, cruentus adulter.
 Tune etiam, nemorum & squalentis sydus eæmi,
 Tune etiam, Iacobe? Ah notas exere vires: (a)
 Ah illum reuoca Iacobum, subdola quondam
 Fœminæ fraudis qui tentamenta, Pudoris
 Victima, bellatorque, manu fumante repressit,
 Fortior & geminos superauit Mutius ignes.
 Quis furor, heu, fust toties in vincula Ditis
 Laurigeras præbere manus? Huc grandia Cœpta,
 Huc igitur canæ recident virtutis honores:
 Vt, sacri post dona quater stipendia Martis,
 Hostibus, Iteu, ludus ridendaque fabula, turpis
 Nequitæ tyrocinium nunc denique, rugis
 Sulcatus, ponas, senioque incuruus Amator?
 Nil agimus: cassi monitus: decorisque, Suique
 Oblitus Senior, modò quam crudelibus Orci
 Arreptam Furijs dirâ obsidione, puellam,
 Soluerat, ipse animum Furijs peioribus actus,
 (Eloquar? An sileam?) rapti post damna pudoris,
 Vitâ etiam dulci, timidus crudeliter, & bis
 Iniussus, viduat, Prædo. Specus hospita ab imo
 Contremuit: visæ nemorum expallescere frondes:
 Attonitosque suos, ventis cessantibus, horror
 Increpuit ramos. Tum luctifoni plangores
 Aurarum, & vacuis ingens vlulatus in aruis:

Quique

(a) *Vide quædam 28. l. in circ. P. 14.*

Quique per umbriferam vicino gurgite vallem
Riuulus herboſi ſerpebat marginis altor,
In caput auerſas reuocauit territus undas.
Necdum etiam vanos, moniti, ſubmittere faſtus
Diſcimus? Immiſtæ cælo capita alta, ruinam
Heu cedri traxere: humiles trepidate myricæ.

46. Omnibus ergo animi excubijs, vigiliq; cauendū
Prouiſu eſt, auido quidquid fomenta furori
Suppeditat. Multos oculorum deuius error
Cypridis in laqueos, & ſerò cognita duxit
Exitia. Incauti dum papilionis ad inſtar,
Obrutu cupido circum ſua fata volantes,
Eximæ repetunt lumen ſpectabile formæ,
Securo ſubitas rapuerunt pectore flammas.
Tu vetitum cerni credas, quod amare vetaris:
Nec gladiatorum crudeli in gymhade tantum, (a)
Sed magis hæc animi blanda inter prælia, primos
Scito oculos vinei. Per lumina tritus in arcem
Pectoris eſt cæco iam pridem ingreſſus amor.

47. Nil tamen obſtruxiſſe fores has proderit hoſti;
Turpibus interea minis, Paphioque lepore
Inſectis vacuas donec ſi cantibus aures.
Sirenium ſcopulos noſti, Eumpenidesque canoras:
Ne nimium diſtarè putes: quocunque ſub axe,
Quæ perimant animos, vocalia toxica miſcent:
Præcipuè in reſonis Thymæleo actore theatris,
Inter ubi choreas, blandumque ſonantia fila,
Molles nequitæ, & caſus referuntur Amantum.
Heu quot naufragijs famoſa hæc littora? Caſti
Quot iuuenes, primo quotque æui in flore puellæ
Syrtibus his teneri puppim allifere pudoris?

48. Adde parum caſtos, Heliconia crimina, vates,
Per quos virginibus iam non licet eſſe camænis,
Inque Dioneum migravit Cyrrha lupanar.
Naſonem Geticas meritò proſcripſit ad oras

Roma.

(a) Tac. de German. Primi in omnibus prælijs occiſi
vincuntur.

Roma vetus . Tu Nasonum (damnata propago.
 Viuit adhuc, semperque nouam numerosior exit
 In Sobolem) quicumque docent peccare, libellos
 Exilio simili trans & Garamantas, & Indos:
 Ire iube : neque concinnæ lepor aureus artis,
 Aut numeri teretes, & byssina verba morentur .
 His lenocinijs animos sibi dira libido
 Præparat . &, quantò sentiri lenior intrat ;
 Plus tantò sedet, ac mentes permanat ad imas .
 Dictio dum placet ; incipiunt quoque dicta placere .
 Horrebas quæ nuda prius, fucata nitore
 Castalio, minus atque minus nunc probra timoris
 Incutiunt : iam non tibi mens adamantina : primus
 Iam rigor inflecti sensim, nimiusque videri :
 Iam natura Venus potiùs, quàm culpa : iuuentæ
 Iam condonandus furor est . Quid restat, ametur ?

49. Præterea nulla alterius vis dira veneni:
 Latius, aut citius sua per contagia serpit,
 Impuri scabies quàm tetra Cupidinis . Omnem
 Ni fugis occursum, ni sedulus omnia vitæ,
 Alloquijque caues commercia : fœdere si quo
 Iungeris obscœna tactis lue ; protinus hauritum
 Et tua grassari stebis per viscera morbum .

50. Quod modò præcipiam, mortalia credere noli
 Verba, sed Euboicæ carmen fatale Sibyllæ .
 Vaticinor, moneoque . Deus, Deus ora canenti
 Temperat, & Delphis animum melioribus implet .
 Prima Cytheriacæ simul ac proludia tabis,
 Impellique nouâ dubium prurigne pectus
 Senferis ; erige te, vigila, afflatumque recentem,
 Ceu subitum, apprensus qui vestibus hæserit, ignem,
 Excute . Nec fallat, primò quòd serpere lenis
 Ille calor turpem nondum fateatur amorem .
 Si tenerum exigui foueat mora temporis ; in quæ
 Bacchantum subito flammaram incendia surget ?
 Quos animo tenuis pariet scintilla Vesenus ?
 Biblis in exemplo est . Nascentis semina morbi,

Et.

Et malè conceptos ah sedula protinus ignes
Obrueret ; non, irriguo liquefacta dolore,
Nunc etiam veteres, post tot iam sæcula, luctus (1)
Perpetuus Lycijs in vallibus egereret fons .

51. Otia tunc (quamvis nunquam nō otia lædunt)
Sed tunc præcipuè moneo fugienda . Tenaci
Ceu piger aruorum gremio qui desidet humor
Turpia mille parit luteis animantia stagnis,
Fertilitate suâ infelix : motuque carentem
Ceu putris situs, ac tinxæ pascuntur edaces
Materiam ; molli sic desidiosa veterno,
Nec varijs operum studijs exercita, sædum,
Quo miserè pereat, sibi mens producit amorem :
Sic illam surdo caries hæc improba morsu,
Paulatim minuens, depascitur . Otia tollas ;
Continuò infracti periere Cupidinis arcus,
Nec facibus vis vlla . Imbellem languidus vmbram
Persequitur, mollesque toros puer ille : laborem,
Sollicitos actus, operosa negotia, sæuum
Non aliter pubes quàm prætextata magistrum,
Deuouet . His residem, quidquid causabitur, vrge
Strenuus imperijs ; næ, tristia iura perosus,
Sarcinulas furtim leget, hospitiumque molestum,
Inque salutatum comitem, mora nulla, relinquet .
Ergo vel indomitum poteris tunc flectere gyro
Cornipedem ; vacuis vel retia tendere syluis :
Iamque sequi celeres frondosa per auia ceruos ;
Iam formidatis excire cubilibus vrsos .
Aut, patrij si cura magis delectat agelli ;
Inspice, quot prælis seruent vineta racemos,
Quanta premat ramos vinci Pomona volentes,
Nectare quo vernas stipent examina cellas .
Nec pigeat riguis plantaria credere sulcis,
Currentemque oleri iciuno adducere riuum .
Mille operum causas, mille oblectamina menti
Bert ager . Hic socium vitis deserta pedamen ;

Hic

(a) Quid. lib. 9. Metam..

Hic rastros feges ; hic poscent viridaria falcem .
 Quidquid agas, sat erit, dum ne nihil, otia pellas
 Dum labor, Idaliasque, fauent quibus otia, curas
 Præcipuè Sacris mîsarum operare . Voluptas
 Hæc simul illimi captani dulcedine mentem
 Imbuerit ; nedum Veneris mala gaudia ; sensum
 Vel dapis, & fomai coget sibi cedere . Claus
 Truditur vt clauo ; docti sic entheus ardor
 Carminis obscœni stimulos excludit amoris .

52. Multa super tradenda forent præcepta: sed vñ
 Extremo sub fine viæ iam vela legenti
 Sat retulisse : suis nihil in certamine tanto
 A studijs opibusque homini sperare relictum ;
 Ni fragiles animos cælo labentis amoris
 Viuidus ignipotens calor, & vegetabilis aura
 Roboret . O hominum, Diuinque beata voluptas,
 Sancte Amor, arcano coniungens omnia nexu,
 Omnibus insinuans animam, sensumque, vigoremque,
 Immensi natura Boni, spirabile Numen,
 Tu potes antiquæ penitus contagia labis
 Tergere : tu, cæcis quos subijcit ossibus, ignes,
 Insidiosa Venus, meliori vincere flammâ .
 O Generantis ades, Genitique reciprocus ardor
 Numinis : o totas animorum illabere fibras .
 Quid tum, si Stygius flammantia tela Cupido
 Ingeminet ? Quid tum, ruptis fornacibus æstus
 Fumiferos inimica vomant si Tartara ? Flatûs
 Vna tui mentes leniuerit aura : caloris
 Vna tui totum scintilla extinguet auernum .

53. Ambitio superest . Huius releuare superbo
 Aggredior iam colla iugo . Tu, libera si mens,
 Vindiciæque iuuant ; solerti ante omnia curâ,
 Fac, reputes, famæ de moribus ingenioque
 Carminis haud falsus cecinit quæ nuper Apollo
 Vt sua crudeli pretio connubia vendat,
 Mille subire procos discrimina, mille laborum
 Tædâ ferre iubens ; vt, vel post talia, paucos

Digae

Dignetur thalamis, multos exosa repente
 Destituat, nulli syncera atque integra constet :
 Ut demum, stabili quamvis se lege fruendam
 Annuerit ; solidæ nil tunc quoque frugis habenti
 Ferre queat, vani simulacrum futile somni,
 Aerius vapor, umbra levis, resonabile murmur,
 Pictaque mentitæ Iunonis imagine nubes . (a)

Quæ penitus si nota habeas, creberque reuoluas ;
 Fluxam adeo, tenuemque, & Veri pondere cassam
 Obuia per quæcunque sequi discrimina mercem,
 Haud minùs insani duces rem pectoris ; ac si
 Mactandum se ferro Aliquis, vel præbeat igni,
 Dum similis viuo docti per vulnera scalpri,
 Aut per Apellæ superet mendacia telæ .

54. Nec te decipiat, magni quodd nominis ardet
 Viuida nescio quæ iaculatur fulgura mentis
 Nobiliore typo excusæ, & celsissima quæque
 Ad decòrum stimulis plusquam vulgaribus actæ ;
 Diuersi penitus mores : Vulcania ceu si
 Arma humeris sudans inuictum spirèt Achille
 Therfites, Libyci fuluà seu pelle leonis
 Arcadicum genus, & naturæ opprobria velen
 Gestator, Silene, tuus . Nempe ardua vota,
 Præstantesque fouere alto sub pectore sensus
 Credatur, studijs qui se famularibus vltro
 Deuouet ? Haud alius famæ captator . Herile,
 Aspice, quàm timidè nutus obseruet : amica
 Vt demissus emat populi suffragia : quantis
 Artibus in vulgus se commendare labore :
 Gaudia, spes, curas omnes ex illius ore,
 Iudicioque trahens . Phrygiâ quis Dauus ab hastâ ;
 Patriciæ titulum si turba hæc indolis aufert ?

55. Sed neque votorum præstans, sua fortia facta
 Egregiosque ausus minimâ mercede rependi
 Qui ferat . Anne igitur non talis, maxima vitæ
 Præmia cui plebis digitus, tritumque susurris

Mobi-

(a) Vide Natal. lib. 6. mythol. cap. 16.

Mobilibus nomen? Proh veræ inscitia laudis!
 Siccine curarum pretium tibi vile tuarum?
 Siccine, quos toto Numen dignatur olympos,
 Sat leuibus censes fumis, vanoque labores
 Pensari sonitu? Dignam te concipe mentem:
 Maior es. Haud tanti mea, dic, molimina vendo,
 Iudice me vilis. Præstantior ambitus vrit,
 Metaque contento signatur celsior arcu.
 Sat præsens Deus, & Recti mens conscia. Vestram
 Nec sic reijcio, tanquam haud sit debita gestis
 Hæc quoque nobilibus, famam: prensare caduca
 Sed pudet, agnatum Superis, cælique capacem.
 Sydera cur paleis mutem? Non astruit, aufert
 Eximio pretium merces indigna labori.

56. Deniq; adhuc magnæ titulum si ducere mentis.
 Pergis auaritiam famæ; cur sedulus omni
 Hanc studio premis, & clausam sub pectore seruas?
 Cur tuus hic, laudum quo munera prima referre,
 Inter & æquales conuiteris altior ire,
 Obscuris pauidus latebris se continet ardor?
 Nonne ideo, ne deprensus ludibria vulgo
 Debeat, & risus, narrandaque fabula fiat?
 Ipsa igitur, cæco latitans pudibunda recessu,
 Se nihil egregij ambitio spirare fatetur.

57. Alter adhuc, ficti larvam cui demere Veri
 Experiar, multis fucum facit, & malè cautas
 Sæpe dolis mentes irretit dulcibus error.
 Seruimus populo, nobis quia multà fauentem
 Credimus, & flatu spirantem ad vela secundo.
 Hinc adeo miros de nostris vndique rebus
 Misceri famæ sonitus, per compita nostrum,
 Perque domos celebri nomen discurrere plausu,
 Nos designari digitis, & ad æthera tolli,
 Grata sibi faciens animus spectacula (qualis
 In vacuo soliti mentem oblectare theatro
 Argui veteris fuerat dementia) fingit.

(a)

Nec

(2) *Horat. epist. 2. lib. 2.*

Nec modus, vltro ipsas plaudentū, atque, Euge, Beate,
Clamantum voces quin exaudire putemus.

§ 8. At tu Socratico vigilantum hæc somnia risu,
Non secus ac, lepido vestit quos fabula socco,
Pyrgopolynicas, ampullososque Thraſones,
Excipias, hominum, gnarus, sua quemque morari,
Cætera curarum segnem, ac nescire paratum.
Splendida nec moueant, vani quæ sæpe sodales
Præſenti tumidis faciunt præconia buccis.
Nam quis Amicorum vaſſas ſub nomine vulpes,
Et paraſitantis nescit tectoria linguæ?
Officio functi laudatum protinus omni
Ablegant animo. Quorum ſub pectore, quorum
Affiduum memori te viuere credis in ore,
Abſentis nullâ tanguntur imagine: ſiſne,
An fueris, longos nunquam meminere per annos.
Ex populo, rerum celebri rumore tuarum.
Attonitum plenumque tibi quem errore ſuperbo
Fingis, pleraque pars neque natum in lumina vitæ
Audiſt: ex facie reliqui, vel nominis aurâ
(Nil vltra) nouere. Latini maximus author
Eloquij, ſuadæque oraclum, non hominis vox,
Tullius id proprio, quàm vellet certiùs, uſu
Comperit. Ætæno diſcedens littore Quæſtor, (a)
Haud aliam terras omnes, maria omnia circum
Crediderat, niſi de geſto ſibi munere, famam
Feruere. Puteolos igitur deuectus, amicis
Plaſibus ac titulis, queis obuia turba merentem
Exciperet, lætas iamdudum arreſerat aures.
Ecce autem tumidâ ſe credulitate ferenti
Per medios, quâ conferti viſ plurima vulgi,
Spargentique graues huc illuc, publica laudum)
Vndique colligeret, ceu veſtigalia, viſus;
Nescio quis verbis ſeſe communibus offert
Ardelio: &, Quid ab Vrbe noui, dignique relatu,
O Bone? Mirari, ſtomacho erumpente, ſuperbus

Arpi-

(a) - Vide eius Oraſ. pro Plancio.

Arpinas. Quid enim? Thusco tibi littore proram
 Nunc videor soluisse? Adeone ex omnibus vnum
 Præterit, externas quàm pridem missus in oras:
 Vnde redux? Lepidus tum percontator, Vt, inquit,
 Exciderat! Sed da veniam: nunc denique, qui sis,
 In mentem redijt. Libycâ digressus ab actâ
 Nempe venis, quæ Prætori prouincia dudum
 Obtigerat. Fugit demissis frigidus Hospes,
 (Aspersâ Volucer ceu gallinaceus vndâ)
 Crissarum phaleris, & strictis ocyûs alis,
 Indignans, atque, O mores! O tempora! mussans;
 Siccine præstantim memoranda exempla virorum
 In tenebris squalere? Nouis quæ littora cunque
 Sol radijs, curru vel discedente salutat,
 Plena meæ rebar Quæsturæ laudibus. Auras
 Vt subito in tenues iucundus vanuit error!
 Ecce Dicarehæ vicinâ in littoris orâ,
 (Vix aures sibi, vix credit meris auribus) ipso
 En prope in aspectu Siculæ telluris, an vnquam
 Quæstor ed'appulerim, latet, admirabile nedum
 Quidquid, & eximium gessi, populisque loquendum;
 Heu miseras hominum spes, conclâmataque vota!
 I nunc, sollicitâ famam virtute mereri
 Nitere. Perpetuis, i, frange laboribus æuum,
 Vt tibi innocuos pariat labor improbus annos.
 En, quæ magnanimis respondet gloria factis.
 En, quæ nostrarum (pudet) ignorantia rerum.
 At bene, quod vel sic sapui. Ventosa valete
 (Sat surdis huc vsque piget cecinisse) theatra.
 Nil vulgo, quid agam, curæ? Nil & mihi, vulgus
 Quid blateret. Virtus hinc protinus vnica finis,
 Et merces operum. Quid frustra sedulus, omnis
 Quos penes interiit meritorum gratia, nullus
 Officij quos tangit honos, seruire laborem?
 59. Illius errori sic experientia finem
 Attulit. Euentu sed dedignata doceri
 Præuenit errores Ratio; studiumque tuarum

In

In populo rerum metiri protinus illo
 Te iubet, externas quo res curare vicissim
 Ipse soles. Tanto clarorum ex agmine, seu quod
 Prisca tulere, ferunt seu tempora nostra, virorum,
 Quantula pars, rogo, vel tenui tibi murmure nota?
 Hanc ipsam ut rarus seu voluis pectore; fando
 Seu memoras? Ut iners & languida tunc quoque pulsat.
 Retractantem animum species? Ut parca, brevisque
 Mentio? Quam non cuncta probas? Quam plura seueri
 Lance supercilij, & naso suspendis adunco?
 Qui tuus erga Alios igitur, hunc noris eundem
 Omnibus erga omnes, naturæ fœdere certo,
 Esse animum. Solum tu te miraris, amasque,
 Et populo eximium censes mirumque videri,
 Quæ præclara alibi, seu quærere lentus, iniquo
 Seu fastu spreuisse celer. Cur ergo superbum
 Me minùs intentumque mihi, cur indole quemquam
 Dissimili credas, alioque numismate cûsum?
 Vnus nempe tibi tu carus? Fallere: cunctis
 Hunc pariter natura Sui commendat amorem.

60. Præterea, quod priuatim delegimus ipsi
 Ad famam studij genus, id præstare videtur
 Omnibus vnum. Hederas laurosque; Heliconis alumnus;
 Rostra, forum, causas Rhetor stupet: Ille superbis
 Fascibus; Hic sæuo bellorum in puluere lectis
 Nil æquale putat palmis. Quid multa? Laboris
 Quisque sui pretio capitur, diuersa sequentes
 Negligit, ut proprio quantumvis munere cliris
 Vix, nisi paucorum, quos vna ars iunxit eodem
 In stadio, curas liceat, plaususque mereri.
 At non Hi faciles rivali plaudere, seque
 Victos, quod socium mirentur gesta, fateri.
 Scilicet expectes, primæ dum laudis honorem,
 Præripuisse tibi quem nititur, Æmulus ultro
 Deferat? Expectes frustra. Sub pectore nulli
 Non commune salit votum, victoria: nec tam
 Obtusis homines famæ dulcedine tangi

Nasci-

Nascimur ingenijs ; vlli submittere fasces
 Vt libeat . Quidquid præclarum & nobile visum
 Fors alibi, extemplo id titulis componere nostris
 Cura subit : tum, si minus in certamine, saltu
 Calcamus tumido ; si par, liuore maligno
 Deterimus . Sic quisque, locum tenuisse priorem
 Dum properat, seseque vnum circumspicit, in se
 Totam vno mentem, totumque absunit amorem ;
 Ex socijs paucos sensu dignatur, eosque
 Collatos sibi iam spernit ; iam liuidus odit .
 Talia purgato expendas si pectore ; vani,
 Credo equidem, nimius frigesct nominis ardor :
 Teque vltra, refugis tendentem retia ventis,
 Frustratum irrisumque operæ insudare pigebit,
 Et cum spe famæ simul ipsa cupido residet .

61. Illud ad extremum moneo, ne dulce periculum
 (Lotophagi ante oculos sint, & sirenia saxa) (a)
 Attentare velis . Facile est non quærere famam
 Absentem ; graue quæsitam dimittere . Nam quem
 Inuenias, semel insigni qui nomine parto,
 Non vtrâque manu proprium retinere, secundas
 Non hominum de se spes impleuisse labores ?
 Liber erat, donec populo secretus . Iniquos
 Iam subiit frænos : iam, quod ferat vsque coactâ
 Fronte, iugum (licuit quondam non sumere: sumptum
 Haud etiam fas pro libito excussisse) recepit .

62. Hinc adeo fieri videas, vt Pallade tincta
 Sæpe leui, primo studiorum in limine, pubes
 Nil circumfusi cuneos atque ora theatri
 Formidet, recitans : dum, qui Permessida totam
 Immenso bibit ore, sacri vetus accola Pindi,
 Rostraque iamdudum emeritus qui triuit agendo
 Orator, populi se se auribus experiundum
 Dat quoties, in principijs pallefcere fandi
 Cernitur, & vix voce sibi, vix pectore constat .
 Hec etiam causæ, ignoti cur lentius ora

Nos

(a) *Homer. Odyss. lib. 9. & 12.*

Nos spectatoris moueant : sin conscius alter,
 Nostrarumque diu rerum experientior adsit ;
 Ad trutinam cautâ pauidi formidine cunctos
 Libremus, ne quid fors ille coarguat, actus .
 Nulla quod à Primi arbitrijs iactura timenda
 Nempe sit ; Hoc multum minui sub iudice possit .
 Acrior vsque adeo parti, quàm cura parandi
 Nominis est : leuiùsque homines ditescere nullâ,
 Quàm veteri, assertâque ferunt decedere famâ .

63. Ergo, tui dum iuris adhuc : dum littore tuto
 Cimba sedet ; plausus ne te leuis, auraque fallax
 Inuitet rapido permittere lintea ponto .
 Haud facilis retro cursus . Ratione fugatâ,
 Ambitio inuadet regimen : quò se magis altos
 Induet in fluctus ratis ; hòc violentior æstus,
 Hòc tellus speranda minùs . Gliscentibus auctu
 Scilicet optato famæ prouentibus, vnâ
 Sollicitus pauor, & tristes sub pectore gliscunt
 Curarum stimuli, ne facta sequentia primis
 Degenerent : ne dissimiles, veterumque probemur
 Immemores laudum : de nobis neu sua porro
 Iudicia elusi damnent, qui maxima quæque
 Expectant, nosque in primis mirantur Amici .
 Heu miseros operum fructus ! Non aspera saxa,
 Immensum proris famæ qui finditis æquor,
 Non sæuim Hippotadem, nimbosaque sydera ; ventos
 Ah potius faciles, cursusque horrete secundos .

64. Huc igitur vires, huc arma his pestibus omni
 Conatu & validæ obluendum robore mentis .
 Pax belli pretium . Vitijs, noxisque remotis,
 Nil iam intus trepidi, nil, quod purissima turbet
 Gaudia, tristicæ suberit : longèque flagella
 Ultricùm Furiarum, & Cerberei latratus,
 Queis fontes animos terret sua culpa, sonabunt .

65. Atque vtinam innatos, æternaq; bella cientes
 Auspicijs æquè detur felicibus hostes
 Frangere ; barbaricos pugnacem vt nuper ad Istrum

Edo-

Edomuit fastus, orbemque implere minantis
 Perfida Bistonæ Leopoldus cornua Lunæ
 Fatali retudit dextrâ, & victricibus armis,
 Maximus Europæ vindex. Quæ sæcula tantum
 Ausa forent sperare decus? Vix gaudia credunt
 Nostra sibi: vix ipsa capit victoria sortem,
 Qua fruitur: necdum funesti tota recessit
 Temporis effigies, quo centum Thracia regnis,
 Centum Asiæ populis curua ad vexilla coactis,
 Diluvium horrendum Martis, totumque Memetem
 Hungariæ infudit trepidanti. Immensa sub armis
 Æquora delituere. Tuum iam Græcia Xersem (a)
 Credidimus, siccosq; vadi Lissumque, Scamâdrumque,
 Eoâ superante siti. Non axe niuali
 Barbarus hostilem fremitum atque immania turbo
 Murmura continuit. Germana ad claustra tonantem
 Eridanus longè pater audiit, audiit ingens
 Larius, & totis horrescens Albula ripis,
 Quique supra Hesperiam pontus, quique alluit infra,
 Et potuit forsâ, Latix sanctissimus Urbis
 Ni Pater inuictis flexisset sydera votis,
 Austriaci, heu, potuit columen sub pondere tanto
 Imperij cecidisse: Arctoo e vertice pronus
 Hesperijs potuit Strymon se infundere campis,
 Mæoniumque Istro Tyberim, septemque Latinas
 Edomitis septem iunxisse Trionibus arces.
 Sed timor hic olim. Melior nunc altera versis
 Rebus adest facies: plenum post Nubila solem
 Cernimus. In vacuum tam sæui turbinis horror,
 In ventos tumidi crepuerunt vota tyranni.
 Cælestium arbitrijs, & ferro iudice, subter
 Belligeram Mundi decisa est causa Viennam.
 Momentum fatorum ingens, arx vna sequestris
 Mœnibus Occiduum hinc texit; confregit Eoum
 Inde Orbem. Clypeo tua mansit tuta sub illo
 Libertas, Europa: tuus subsedit ad illum,

Barba-


(a) *Vide Herodot. lib. 7.*

Barbaries, scopulum fastus . Nempe agmina mille,
 Excitusque Oriens, bellicque immensa supellex
 Addiderant animos . Retro lapsa omnia : totum
 Mouisti imperium, tota vno vt Marte perires .
 Insonuere tubæ . Hinc Bauarus, Lotharingius illinc
 Heros præcipiti densa inter millia saltu,
 Displolo geminum ceu quondam ex æthere fulmen,
 Quâ ferrum, flammæque, & Martis plurimus horror,
 Irrumpunt . Socio irrumpit Victoria gressus
 Et instus Furor, & dignis iam læta probari
 Funeribus Virtus . Quis te, turbata ruentem
 Agmina, Sarmaticus Mauors, cladesque Getarum,
 Prætereat, Sobieschiade ? Quàm sæuus in armis,
 Quàm feralè rubes ? Nimbosum haud tantus olympo
 Sustollit mucronem, & sydera terret Orion .
 Agnosci, vicisse tibi est . Certamina terror
 Nomini inuicti peragit . Dant terga pauentes,
 Vt primùm sublimis apex, cristataque notæ
 Lux fulsit galeæ . Nemo expectare tremendum
 Fatiferi pondus chalybis : nemo ignea vultus
 Fulgura luminibus ferre . Et se grandior Heros
 Illo fortè die, affuerumque excedere visus
 (Seu cæli noua vis, ardor seu Martius auxit)
 Sobieschum . Plùs ora micant, plùs ardua ceruix,
 Surgentesque humeri, & bellatrix longiùs vmbra
 Campū operit . Trepido iamq, omnia versa tumultu:
 Misti equites, peditesque, abiectis vndique signis,
 Ordinibus nullis, per plana, per ardua cæcos
 Præcipitare gradus, sociosque impellere, si quâ
 Se liceat fati rapuisse vrgentibus . Actum est :
 Occidimus Thraces : spes nulla : euadite : totus
 Terga premit Boreas . Sic illi . Haud segnior instat
 Attonitis, iamque hoc, iamque illo in sanguine Victor
 Exatit dextram . Mutato nomine, bellum
 Fit fuga, fit cædes . Sternuntur barbara passim
 Agmina : confusus riuo deuoluitur vno
 Ponticus, Assyriusque cruor, quemque amne niuali

Nutrierat Tanais, rapido quemque Africa sole
 Torruit. Excitæ varijs tot partibus Orbis,
 Tam diuersa procul nactæ cunabula gentes
 Vno Danubij ad ripas iacuerè sepulcro,
 Fœdum alijs aliæ glomeratâ in strage sepulcrum.
 Pande triumphales portas (non improbus ultra
 Inclusæ trepidis ceruicibus imminet hostis)
 Austriaci arx Tarpeia Iouis. Fas ire per altos
 Innumeræ ædis cumulos: fas barbara castra
 Securo lustrare gradu. Quid gaudia cessant?
 Haud cessant: hilarem totis victoria portis
 Effundit per aperta urbem. Votum omnibus vnum,
 Cernere præteriti coram monumenta timoris.
 Circumeunt, monstrantque locos, discuntq; vicissim,
 Attonitis defixi oculis. Tendeat equestris
 Hic acies: fræna en etiam, phaleræque supersunt:
 Hic Ianissæ florèntes, ære cæteruas
 Explicuit campus: velorum hic diuite luxu
 Ornata sibi castrensem Vesirius aulam.
 Aspicias hunc tumulum? Rapidas flammata vomebant
 Hinc tormenta neces. Viden hos telluris hiatus,
 Nigrantesque specus? Infernum hæc struxerat hostis
 Mœnibus exitium. En, Lotharus quo limite castra
 Vi subiit prior. En, confosso vbi Gostare, signum
 Sobieschus Getici rapuit lunare tyranni.
 Vndique certatim discurritur: vndique lætis
 Mirantùm studijs, & plaufibus æquora feruent.
 O digna æterno in fastis adamante notari!
 O æuo par vna dies! quæ funera, luctus,
 Terroresque, minasque à nostris barbara vertit
 In capita: innumerosque ausus, cladesque, rapinasq;
 Atque Orbem euersum, & tot Thraci sæcla rependit,
 Grande triumphorum auspiciū. Nam quæ noua fati.
 Protinus excepit series? Quantum inde cruoris
 Barbarici, horrendum belli vectigal, in Istrum
 Victorem Euphrates, Tanaisque effudit? Ahenis
 Quot validæ claustris, fossisque vndantibus arces
Cæsa

Cæsareum subiere iugum ? Non ardua Budam
Mœnia, non triplicis texit custodia valli,
Armorūque, virūque obices. Duræ æmula Troiæ,
 Quo subigi posset, maiorem inuenit Atriden,
 Atriden Lotharum . Quid seu, Strigonia, seu te
 Inclyta commemorem regalibus, Alba, sepulcris,
 Nesseliumque, & quæ stagnantem, Ezechia, Drauum
 Longo ponte domas ? Hinc sicco Marte subactos
 Victori referant Sighetum, atque Agria muros,
 Bellantem olim ingens pretiū, nunc palma sedentem;
 Inde moras Fabij, cunctatoremque Gradium
 Pertæsus, rapidâ Taurunum Boiarius vi
 Scipiades ferroque aperit . Nil fortibus obstat,
 Nil validum clausumque satis . Victoria, pleni
 Guigitis in morem, quâ pronos æqua dedere
 Fata semel cursus, torrente refunditur aluêo,
 Perrumpitque obices, secumque morantia quæque
 Conglomerat, nec, quid sint ripæ, aut littora, nouit .
 Iamque adeo exundantem armis non Pannonis ora,
 Non Dacus, Mysusque capit . Thrace, impia Thrace
 Poscitur : illò audi cursus . Sæuissimus ante
 It pauior, & totum trepidis rumoribus Hæmum
 Concutit : inuictum Austriaden, lætissima bello
 Agmina, ferrum, ignem, excidium, supremaque iam iam
 Gentis fata canens . Nec falsò . I, maxime Cæsar,
 Quò Superi strauere viam, quò prospera ducunt
 Omina, tantum audens, quantum timet anxius hostis:
 Perge triumphato victricia signa tyranno,
 Fatalesque inferre aquilas : perge, auspiciis Dîjs,
 Extremas Asiæ in latebras, Scythicosque recessus,
 Funditus Europâ auulsum, exturbare Memetem.
 Hæc tibi fors decreta : tuis hanc gloria dudum
 Temporibus nutrit laurum . Iamque illa comantem
 Altior in syluam excreuit, maturaque tantis
 Laudibus augustam properat conscendere frontem .
 Felices, quibus id victori nectere sertum
 Ingenij vis alta, & par sublimibus orsis

Calliope annuerit : qui te, diuisa iugantem
 Imperia, & gemino clarum diademate, victam
 Post Asiam, Europam assertam, exarmataque bella,
 Pegaseo temone super plaudentia Pindi,
 Austriaci iam Pindi attollent culmina : seu quos
 Verius ipse super Smyrnæ culmina famæ
 Grandibus auspicijs, immenso & nomine tolles.
 Felices iterum ! Angusti me conscia flatûs,
 Heroas spirare, & tantum audere canendo
 Musa vetat, tenui contentum dicere plectro
 Interiora animi secum certamina, quasque
 Colligit arcano Virtus in puluere palmas.





EVTHYMIÆ

Liber Sextus.

I Amque tot emensus vada cœrula, condere fessam
 Illicet optato meditabar littore pinum,
 Et longi comites cursûs dimittere musas.
 En alij fluctus, aliud maris æquor arandum.

In medium reuocor. Sacris attollere vasa
 Ex adytis caput, ipsa novos Sapia vati,
 Plenius vnde trahant, docui quæ cætera, pondus,
 Augusto monitus Dea suggerit ore: tuisque
 Hæc, ait, appendix veniat suprema libellis.
 Parendum Superis. Reflectite lintea, iussos
 Neu pigeat mecum (breuis est via) tendere cursus,
 Aoniæ Comites. Illimi gurgite purus
 Bellerophontei sic vobis Præpetis humor
 Vsq̃ue fluat: sic ipsa suas concedere vestris
 Faticinas iubeat quercus Dodona viretis.

2. At quæ prima nouo reuocamur in æquora cursus
 Hæccine, tot circum quæ consista puppibus, & quâ
 Nautarum assidui cursus atque agmina feruent?
 Nulla minùs. Quin ipso adeo hoc de limite primùm
 Auersis nos Diua iubet decedere proris:
 Nec magis aut Siculo latrantia monstra Profundo,
 Aut concursurâ horrendos Symplegade fluctus,
 Quàm comitum tot vela, ducemq; horrescere turbam
 Ambiguus igitur (prima hæc oracula) regendum,
 Tranquillæ cui pacis amor, se credere vulgi
 Sedulus auspicijs caueat: neque rectius illud,
 Errantùm quod plura notant vestigia, dulcem
 Ad metam sibi fingat iter. Præneſte supinum

Si petis, Herculei gelidas vel Tiburis arces ;
 Præ reliquis quæ trita, eadem tutissima ducet
 Semita . Iunge alacer præeuntibus ordine turmis
 Te comitem : certi nunquam frustrabere callis .
EVTHYMIÆ secreta gradum ad delubra ferenti
 Dux alius . Nihil hic populo confidere tutum :
 Indicium pravi numerus : quo tramite pulvis
 Altior, & maiore pedum, maiore rotarum
 Pulsa sono tellus ; cæcis ibi fraudibus error
 Accubat : insidias, præruptaque certiùs illic
 Sperandum . Non læta adeo, fatale Parentis
 Post scelus, humano generi fortuna relicta est,
 Non ea naturæ vis ; ut meliora probentur
 Pluribus . Aerij celso de culmine montis
 Si libeat terras infra aspexisse iacentes ;
 Attonitis, heu, quæ subito se scena recludet
 Luminibus ? Quodnam aspicias miserabile, discors,
 Immensumque chaos ? Ruptis volitantia frænis
 Crimina, fas versum atque nefas, dira undique bella,
 Furta, dolos, cædes, periuria, nilque relictum
 Exitij : infandis erroribus omnia latè,
 Omnia vesano scelerum confusa tumultu .
 Hæc Hominum cerni studia : his temeraria passim,
 Consilijque expers iactatur vita procellis .
 Nec timor in tales socium descendere fluctus,
 Cum liceat tanto secretum e litore sæda
 Naufragia, & tristes errantùm cernere casus ?
 3. Quid numero fidis comitum ? Fiducia vecors .
 Scilicet, affusâ medium stipante cateruâ,
 Tutior ad rapidi fueris contagia morbi .
 Aut minùs hòc vereare luem, non singula tantùm
 Quodd capita, at plenas turmatim demetit vrbes .
 Haud scelus imminuit peccantùm turba, sed augec
 Perniciem : quantòque in plures diditus exit ;
 Tristior est tantò, non excusatio error .

4. Sit pecorum, sit, quos pecori rationis egestas
 Affociat, quacunque gradum fecere Priores,

Con-

Confilij sine lege sequi ; cur ire gregatim
 Ipse velis, quem nobilior sapientia vulgo
 Eximit ? Errantem raperis cur agmine, princeps
 Agminis intactos poteras ostendere calles
 Qui socijs, turbæque facem præferre sequenti ?
 Hunc, age, flammivomam cælo qui lampada portans
 Æternos relegit sua per vestigia cursus,
 Partitisque diem, mensor certissimus, horis
 Temperat, & Mundo sua finit tempora, solem
 Aspice . Non illum summi rapidissimus orbis,
 Præcipiti sese, & subiecta volumine torquens,
 Impetus aduersas prohibet, quò tendit, Eoum
 In latus, ire vias . Raptis vertigine tantâ
 Syderibus, proprium innato decurrere nisu
 Pergit iter . Vano sic per deuexa ruente,
 Stultorum quâ consensus, morisque recepti
 Turbidus æstus agit, vulgo ; contrarius vrget
 Propositum Sapiens . Alij ditescere raptis ;
 Vel proprios census Hic deserit . Vltèriùs spes
 Vltèriùsque Alijs semper procurrare ; simplex
 Huic voti, natura, modus . Quodcunque videri
 Exteriùs blandum, defixis protinus Illi
 Luminibusque, animisq; inhiant, Hic pendere formas,
 Veraque fucatis secernere doctus, in ima
 Lynceos adigit rerum penetralia visus :
 Cumque, quid eximium, quid contra, lumine puro
 Cominus inspicat ; talparum credere nocti
 Abnuit : obliquâ, nec, quos regione vagari
 Cernit, eos vitæ ductores deligit : vltro
 Errantem quin castigat deliria . Quonam,
 Vesani, quò, vociferans, temeraria vota
 Spargitis ? An fraudum laqueos, an lubrica nondum
 Exitia, & serum lapsis sapuisse videtis ?
 Nulla viæ merces : bifori dimissa elephanto
 Attonitos sensus species deludit : inanem
 Prensatis miseri, pro corpore, corporis vmbra .
 O reuocate gradum : neque vos exempla Priorum

Indociles Veri rapiant, & mentis egenos,
Sed Ratio, fallique negans Prudentia, vitæ
Certa per Ionium dubijs Cynosura carinis .

5. Nec mora : semotam turbis errantibus, ipsa,
Ipsa ultro regere, anteuolans, Sapiencia mentem
Aggreditur, supraque imi iam præcipit Orbis
Eniti celerem spatia, & quodcunque caducum :
Altiùs vt spirans, diuina æternaque secum
Incipiat meditari, & puro lumine lætas
Cælicolum sedes, magni Conuexa Tonantis
(Quantum non fragiles onerosi corporis artus
Impediunt) iam nunc pernicipibus occupet alis .

6. Scilicet ex illo stellantis vertice Mundi,
Nil vbi non æternum, ingens, mirabile, summum,
Terrarum exiguum molem, subiectaque longè
Regna videns, minimi in speciem coeuntia puncti,
Quàm tenui sese in spatio contendat inanis
Ambitio laxare : quibus compressa malignis
Nequicquam tumeat mortalis gloria claustris :
Quantula pars nihili sit, quod certamine tanto
Finitimas inter per mutua vulnera gentes
Diuiditur, nullis iam visum hebetantibus umbris,
Certius hoc noscet ; spectat quò longiùs absens .
Magnorumque adeo ambitiosa negotia regum,
Dispositas classes, cumulata æraria, iunctos
Fœderibus populos, valido seu Marte subactos,
His positas ; illis delectas finibus arces,
Immanesque alios, sonitu plaudente per ora
Qui volitant, trepidumque vagis rumoribus Orbem
Concutiunt, genus hoc operum rerumque paratæ
Non alio sanè spectabit lumine, pubis
Quàm teneræ curas, quoties, molimine magno
Incumbens operi, exiguas attollere gaudet
Viminibus calamisque domos . Hic sedulus aruis
Materiam legit, & gremio complexus anhelum
Vectat onus ; spatijs æqualibus Alter acutos
Figit humi vallos, transversaque tigua supernè

Illaqueat : cœno studium solidare tenaci
 Huic laterum textus ; paleis & frondibus Illi
 Sternere summa labor . Discurritur vndique : pensum
 Pro se quisque suum velox urgere : nec vlla
 Seu mora, seu requies dextris . Ad culmina ductum
 Mox hilares fusi circùm (cœu septima muri
 Cœtilis Assyriæ portenta crepidine ripæ
 Extulerint) mirantur opus, fixosque tuendo
 Expleri nequeunt oculos, potuisse superbi .
 Indolis heu simplex ætas ! At quælibet illud
 Dissipet Æolij impulsu iam flaminis aura :
 Ni, cupidæ vernos paleâ sibi texere nidos,
 Excidium infesto Volucres abiectius vnguï,
 Aut virides candâ tulerint trepidante lacerti .

7. Sed neque tunc sævæ sortis discrimina, morbi,
 Exilium, carcer, tenuis res, orba senectus,
 Et, quos præterea infelix fert vita, labores
 Incoctum æternis animum, plenumque Futuri
 Afficient : neque, si lætis successibus auctam
 Vim scelerum tumidâ passim cervice vagari
 Viderit, indignis contra succumbere victam
 Eversamque dolis virtutem ; frana dolori
 Soluet in ingrati querulus conicia sæcli :
 Anxius aut dubio librabit pectore, Nostra
 Curentur Superis ; nullo an moderante Deorum
 Præcipites euenta rotent mortalia casus .
 Proh nimium tenues animas ! Crateris in orbe
 Exigui tantas labefacto corde procellas
 Quæ subeunt : tanquam præsentis finibus æui
 Res hominum clausæ, aut ingens mortalia sæcla,
 Quantovis numero labentibus addita sæclis,
 Momentum faciant . Sortem post fata repositam
 Anticipans, latèque vagantem, & littora præter
 Omnia diffusum, claudi renuentibus vndis,
 Temporis æterni Oceanum lustrare volucris
 Sedula mens nisu, quæseunque coercitus arctis .

Noster hic euripus spatijs attollit ab imo
 Spumiferas fortunæ hyemes vix æquat anhelis,
 Vndantemque sonum, bullasque cientibus, ignem
 Ad circumpositum, exiguæ feruoribus ollæ.

8. Sed quia sublimes etiam præsentia tangunt
 Sæpe animos ; proprio, curandum, vt nouerit æquis
 Saltem quisque frui (iubet id lex tertia) censu :
 Nec querulus misset, Cur ille, vel ille senator ;
 Plebs ego ? Festino cur illum flammea Sidon
 Ambijt obsequio nascentem cingere ; nostra
 Vilibus in pannis infantia vagijt ? Illi
 Ingenium velox, perque omnia fusile ; crassam
 Cum præter, nil contigerit mihi pingue, Mineruam ?

9. Illicet hæc hominum totam dementia vitam
 Turbat agens . Propriæ detrectant gaudia sortis,
 Quidquid abest celeres mirari, & fingere maius .
 Dumque Alios præ se censu potiore beatos
 Quisque putat ; nulli superest vixisse beato .
 Hinc adeo, quia, quâ felix iucundaque tantum
 Condicio est aliena, libet perpendere : contra
 Nuda suis, omni procul appendice Bonorum
 Sepositâ, in rebus contraria nomina spectant .
 Heu miseri ! Quos, si sani pars vlla maneret
 Pectoris, inuersa penitus ratione decebat
 Sola suæ lætos compendia, sola vicissim
 Externæ fortis meditari incommoda : quoddque
 Hæc procul ; illa adsint, meritas persolvere grates .

10. Nam quæ viuendi ratio tam prospera, nullo
 Temperet vt luctu sua gaudia ? Dulce triumphi
 Optandumque decus : quanto venale cruoris
 Sit pretio, reputes . Magnarum lumina stringit
 Fulgor opum : subeant animo curæque, metusque,
 Seruandique labor . Fasces regimenque supremum
 Imperij cuperes : speciosum nescius ambis
 Seruitium . Fac obtineas : haud deinde licebit
 Esse tuum : rapient aliena negotia totam,
 Agmine perpetuo sibi succrescentia, mentem .

Præ-

Præbendæ querulis Misericordum vocibus aures :
 Improbilas cohibenda : arcendus finibus hostis .
 Annonam esuriens vulgus, stipendia miles
 Flagitat : Vnus pax, bellum, publica iura,
 Et populi fortuna omnis ceruice recumbit .
 Crede mihi, quos inuidiâ dignaris, eodem
 Te sibi præponunt ægri liuore, suamque
 Mutarint tecum, detur modò copia, sortem .
 Mentiar, ipse etiam ni conditione potitus,
 Quæ stimulis animum tantis nunc vellicat absens,
 Oppositam indueres inentem, votique peracti
 Ingratus, subitò malles ad prima reuerti .
 Vndique mæroris Stultus trahit, vndique causas:
 Lætitiz, rebus dexter præsentibus vti .
 Non quid agas refert, sed qualis . Spargitur vno
 Hinc felix panacea ; hinc tristis rore cicuta .
 Illa sed in medicos vertit communia succos:
 Pabula, lethiferum quæis educat ista venenum .

11. Obscurum sed iter vitæ, nec limite in arcto

Promendis par materies virtutibus . Erras :
 Ipsa sui modus est operis Sapientia . Vires
 Qui Lacedæmonias Cadmeus pereulit heros, (a)
 Plebeium non æqua sibi cum Patria, tanto
 Indignumque viro munus committeret ; altam,
 In quascunque vocaretur, demittere mentem
 Sustinuit, curas : præstantibus euicturum
 Pollicitus (neque certa fides non constitit) actis,
 Natiuæ nihil vt labis sibi rite gerenti:
 Turpe ministerium allineret : quin protinus ipsum,
 Deterfis maculis ignominiaque priori,
 Ex sese decus ac pretium memorabile ferret .
 Quid Cincinnatos, quid te, Serrane, paternis (b)
 Semina condentem referam Cerealia sulcis ?
 Ausoniam vestri puduit num vomeris vnquam
 Historiam à Domiti resperfos puluere campi.

I 6

Anne

(a) Valer. Max. lib. 3. cap. 7. de Epaminonda .

(b) Plin. lib. 18. Histor. nat. cap. 3.

Anne ideo imperia, & Latæ spreuere curules?
 Non illis, rigidos solitis versare ligones,
 Infestus belli quateret cum mœnia terror,
 Roma suis vltro manibus permisit habenas?
 Vsq̃ue adeo, quamvis operum & discrimina rerum
 Plurima sint; meritis tamen exporrectus vbique,
 Ac decori limes recluditur: vtque Mironis
 Non minùs ars vili totam se prodit in ære,
 Quàm si Callaico donet spirare metallo,
 Includatve adamante Iouem; sic quælibet æquam
 Materiem vel supremæ fors infima laudis
 Suggestit: artificis tantùm solertia dextræ
 Aspera felici doceat mansuescere cultu,
 Et rudibus formæ tribuat præstantis honorem.

12. Ingentis verique hominum respublica minimè
 Instar habet. Scenis oculos aduerte: quot illic
 Actorum species? Regali Hic syrmate verrit
 Pulpita; cretatis subit in proscenia Dauus
 Hic pedibus: mercatorem gerit Ille tenerum,
 Iste leuem scurræ, personam militis Alter.
 Multiplices habitus, diuersaque nomina: lætus
 Quisque tamen studet impositas absolvere, quantæ
 Ingenij, quantæ est studij solertia, partes.
 In medio decus, & palmæ fors omnibus æqua:
 Nec rarum explodi regem, Dauumque secundis
 Plausibus adstantem sublimem ad sydera tolli.
 Ergo, quem tibi vel Natura, vel imposuit Sors,
 Temporis in scenâ gestandum, & dramate vitæ,
 Amplexare libens habitum: potiora nec vlli
 Inuideas, proprij sed Summam implere labores
 Muneris, &, quibus inferior sis ordine, primum
 Eripere his victor palmæ viridantis honorem.
 Quid refert, famuli gestes, an schema tyranni?
 Sub quocunque licet potioris præmia famæ,
 Et circumfusi plausus meruisse theatri.

13. Quod sequitur, geminū modò dictis. Fige trabalæ
 Propositum clauo: quævis oblata repente

Ne

Ne species discordem animum nouitatis inani
Abripiat lenocinio, & per plurima verſet.
Stultorum hæc exempla, nihil conſtanter amare,
Nulli hæreſe diu ſtudio, quæ nuper anhel
Quæſierant, rapido mutati pectoris æſtu
Iam fugere, &, ſubitæ quodcunque cupidinis aura
Impulerit, totis curſum reflectere velis.

14. Urbanos ſtrepitus en ille perofus in arua
Effugit. Hic etenim vitæ tranquillior ordo,
Hic ſecura quies: procul hic ciuilibus vndis,
Componam niueos iucunda per otia ſoles.
Iamque foro longum dixit, populoque valere:
Iam, quoscuque ſibi Lachæſis torquebit, opaci
Ruris in amplexu traducere deſtinat annos.
Vix tamen optatis nemorum ſe condidit umbris,
Primaque conſumpta eſt nouitatis gratia; iam ſc,
Iam ſua vota leuis damnare: abſentia quærit
Mœnia: deſertæ iucundior vrbis imago:
Et, Quid ego, ſocij generis commercia vitans,
Obscurum inſodio latebris nemoralibus ætatem?
Sint Voluerum loca ſola domus, ſint regna Ferarum;
Vrbs hominum ſedes. Pauce en abſumus horas;
Ignauoque ſitæ ruris mens torpet. An vltra
Exilium tam triſte feram? Stat protinus vrbi,
Cœtib; & ſocijs me reddere. Viuite ſyluæ.

15. Aspice & hunc, pelago mutâdas ducere merces
Cui labor. Inſanum perpeſſus Oriona, vixque,
Pallida poſt vota, & decies ſpem cardine ſummo
Depoſitam, laceris aduectus littora velis,
Pauperiem curis vacuam, exortemque pericli
Non ceſſat laudare, ſuo, parvoque futurus
Dein locuples. Vetito citius ſe tinxerit Arctos
Æquore, quàm dubij repetat discrimina ponti.
Credimus? Hand ego: tænarix licet ille paludis
Umbriferos (iuſiurandum inuiolabile) fontes
Teſtetur, totumque chaos. Vix lucida Phœbe
Æquatis vacuum reparant cornibus orbem.

Conti

Continuò grauis illa quies : sopita resurgit;
 Viuidiusque calet lucri fitis . Ocyùs alnum
 Aptari velis, rumpique à littore funem
 Imperat, Æthiopum spolijs, Arabumque beatis
 Diuitijs inhians . Nil saxa latentia terrent,
 Nil iubar Olenij graue syderis . Irruit audax
 Naufragijs, toto nec palmo à morte remotus,
 Veliuolos iterat quæcunque per æquora cursus .

16. Musarum quid cultor? Epos sublime Maronis,
 Smyrnæamque tubam gustauerit ; entheus ardor
 Carminis, & totus subito præcordia Phœbus
 Irruere . Æncan aliquem, mora nulla, nouumque
 Concipit Æaciden : præsto numerosa papyrus :
 Solus, apud socios, per compita, fana, tabernas,
 Ægrotet, valeat, celebret spectacula, ludat,
 Dormiat ; immanes distento pectore versus
 Vsque agitat : resonum vsque chaos, Phœbeaq; miscet,
 Crabronis ritu, aut grauius resonantis asili,
 Murmura . Castalios penitus deplere minatur
 Prima fitis latices . Nondum tamen altera fluxit
 Pagina ; cum, satur Aonidum, sublimia cœpta
 Deserit, extremo nascentis ab ordine Mundi
 Ad sua perpetuis deducere tempora fastis .
 Historiam meditans . Operis libamina prima
 Sumperit; extemplo Ciceronem, & rostra, forumque
 Plus probat : hæc pariter mox damnaturus eadem
 Ingenij leuitate, sibi constare negantis,
 Eque alio fine more aliud, sine fine sequentis .

17. Sic noua, continuis vicibus subeuntia, totam
 Inter se Amentis dirimunt fastidia vitam .
 It, redit, ædificat, subuertit, vota retexit,
 Alternat curas, nulli mage, quam sibi, discors :
 Et semper cœpisse piget, neque desinit vnquam
 Incipere . Haud aliam ob causam, nisi rebus in ipsis
 Quòd certam requiem, augurio delusus inani,
 Constituit : quam cum generi Prudentia nostro
 Sola ferat, nusquam inueniens, palantibus vsque
 Irritus

Irritus, heu, curis loca per diuersa requirit.
 Non secus ac, nimio febris cui torrida venas
 Igne coquit, toto fastidia cæca cubili,
 In faciem nunc ille iacens, mox deinde supinus,
 Perque vices iam læta tori, iam dextra fatigans,
 Circumagit : si quæ fessi in statione recumbant
 Mollius, & finem inueniant cruciatibus artus.
 Nequicquam : thalami non hac in parte, vel illa,
 Sed medijs hæret fixus Vitalibus angor :
 Quem non idcirco mutatis deserit Æger
 Sedibus, at verso pariter cum corpore desert
 In latus oppositum, nihilo moderatius illic
 Tristia sollicitis facturum tædia membris.

18. Ergo, velut, contra ventorum flamina, prensis
 Mellificas Volucres cursum librare lapillis (a)
 Cernimus ; ambiguos sic sustentanda per æstus
 Immoti valido libramine consilij mens :
 Ut, sibi quem Sophia legit semel auspice, callem
 Usque sub extremas decurrat sedula metas :
 Orsa nec ad trutinam toties reuocare, sed acri
 Ad calcem potius curet deducere nisu.
 Nam quis erit modus, aut operû quæ summa coronis,
 Instabilem quæcunque leuis si causa probatis
 A studijs animum subito in contraria vertat?
 Pensandis sua sunt, sua tempora rebus agendis.
 Quid fieri satins, dum res examine pendet
 Ambiguo, dum tu medius, Prudentia secum
 Exigat. Huc postquam lanks, aut deflexerit illuc ;
 Præstandum sibi, quod superest, Constantia poscit,
 Decreti iam tota sui. Quæ mobilis aer
 Vi subitâ impulerit, paleæ, frondesque iocosas
 Ludibrium volitent Zephyris. Conuellere cælum
 Iuratas Aquilonum hyemes, totumque repellit
 Hippotadem subnixa altis radicibus ilex.
 Haud aliter, curis animum variantibus anceps,
 Voluitur huc illuc sua per fastidia vulgus ;

Propo-

(a) Virg. 4 Georg.

Propositum retinet Sapiens, & mole sua stat.

19. Pondus ut hoc animo veniat; lex illa tenenda,
 Humanæ placidus vitæ qua nititur ordo :
 Nil adeo ut subitâ nimîaque cupidine præceps
 Instituas, neu te violens in rebus agendis
 Impetus abripiat, ratio sed provida ducat .
 Phœbeas hæc nempe rotas imitata quietos
 Continuat nunquam diuerso tramite cursus ;
 Ille sibi discors, Libycæque incertior undâ,
 Quò fluit, inde celer refluit, variosque per ætus
 Voluitur, in solâ constans leuitate, Suique
 Hoc tantum similis, nunquam quòd primus, & idem .

20. Et graue principio fuerit, per deuia suetum,
 Quà vagus errandi stimulat calor, æquora ferri,
 Exiguus genium spatijs includere : durum
 Læstamen, fateor, nihilòque remissius, ac dum
 Indomitus primis pullus parere lupatis
 Cogitur, imperiumque pati, nec feruida præter
 Descriptum volitans vestigia spargere gyrum .
 Durius at quantò, momenta in singula cæcis
 Æstibus huc, illuc, sine lege, sine ordine volui,
 Turbinis innati prædam ? Per Cæcula qualis
 Fluctuat Ionij sulcatrix cimba Profundi,
 Quam rationis inops, clauum rapiente procellâ,
 Depositam cessit victricibus arbiter undis .

21. Quadrupedem tenerum fræni si lege seuerâ,
 Nil parcens, moderere ; haud longo tempore singis
 Rectori facilem : sin duro, & fronte superbâ
 Iussa recusanti primas laxâris habenas ;
 Indomiti quâcunque ruet cerebrosa libido,
 Vel nolens, cogare sequi . Vix spes super vllâ
 Obsequij . Dextrum sit iter ; læuâ ille vagari .
 Cessantem porro impellas ; vestigia retrò
 Circumager . Tritâ horteris regione viarum ;
 In fossas, fluuiosque, importunasque paludes
 Perditus absiliet . Facili moderamine posses,
 Vixque adeo ostensâ domicum perducere virgâ :
Sponte

Sponte suâ ferri assuetum non vlla mouebunt
 Verbera, non stimuli, calcariaque addita costis :
 Irritare prius dabitur, quàm flectere . Surget
 Arduus, insanis lacerabit calcibus auras,
 Parietibus ferus impinget, fræna aspera rumpet,
 Sessorem excutiet . Tali scito indole prauos
 Quosque animi motus . Væ, si quis mollior illis
 Cedere . Permissio firmatis viribus vsu,
 Nequicquam frænis renocantem in Deuia secum
 Rectorem abripiunt : quos si compescere primò
 Cura sit ; immmodicos flatus, mora parua, remittent,
 Nec rigidâ ceruice iugum patientur herile,
 In quamcunque velis, dociles iam tendere, partem .

22. His adeo impletis, operâ non seciùs vnâ
 Id quoque contigerit, verborum pondere tanto
 Quod Sophiæ proceres vitæ inter prima beatæ
 Præcipiunt elementa, incauto pectore ne quid
 Attentare iuuat, seris quod deinde peractum
 Damnetur lacrymis . Nam quid furiosius, eque
 Brutorum magis ingenio, quàm sola tueri
 Obuia, venturisque nihil seponere curæ :
 Expleuisse Bonis genium præsentibus, & qui
 Mox ideo maneant, vltro nescire dolores ?

23. Suâserit ingluuius ; centum licet inde Calcei,
 Pzones hinc totidem Parcas, & cruda minentur
 Funera ; securæ famis Helluo sumina, rhombos,
 Pauonem, lepores, damas, conchylia, turdos,
 Quidquid ahint syluæ, tellus parit, educat aer,
 Equoraque, flumique, auidam demerget in aluum,
 Omnibus ille lupis, rabidisque voracior vrsus .
 Ambicio velit ; in seruos, præsepia, vestem
 Assyriam, Coasque manus, fusamque Corinthum
 Cæsareas alacer, nedum profundet equestres
 Nomentanus opes . Moneas, Heus optime, sumptus
 Hic loculis maior : modulo metire tuo te :
 Luxuriam grauis à tergo comitatur egestas ;
 Fabula narratur surdo : nil creditor instans,

Nil

Nil inopes terrent cani, quærendaque frustra
 Mors misero, cum nec laquei iam copia, nec, quæ
 Exoret stygiam, tenuis mercedula, cimbam.
 Turbinis igniuomi in morem, quo, Roma, beatam
 Irradias Petri noctem, dum splendida vulgi
 Luminibus de se exhibeat spectacula; ventis
 Ludibrium fastu iamiam crepuisse caduco,
 Inque leues solui haud renuat per Nubila fumos.
 Præcipiti sic bile iecur flammante, superbis,
 Fortunâque suâ maioribus irruet audax
 Regum inimicitijs Alius. Vox caldior una
 In feros quoties gemitus, longasque Malorum
 Exijt Iliadas? Permittere verba feroci
 Ingenio, libuitque auidum expleuisse furorem?
 En, quales brevis illa tulit vesania fructus.
 Exul, inops, vagus, assiduis terroribus ægram,
 Ac longo similem letho traducere vitam
 Cogaris. Hæc olim cautus, prudensque Futuri
 Spectasses; vacuus curæ, & discriminis expers,
 Inter amica Soli natalis gaudia, lætos
 Cum gnatis ageres, charisque sodalibus annos.

24. Haud igitur crudos Zenonas, & hispida nunc te
 Præcipiam torui responsa audire Cleanthis.
 Ipse, voluptatum patronus & arbiter, ipse
 Esto Neoclides viuendi hæc norma: futuros. (4)
 In dulci spectare iubet qui semine fructus:
 Anticyram procul ablegans, præsentia nullo
 Qui Bona delectu arripiunt, quæcunque, parati,
 Sensibus in votum veniat genioque voluptas,
 Protinus indulgere: licet mox illa dolorum
 Fœcundam gemino pariat cum fœnore messem.

25. Sed neque vitandus minùs est contrarius error,
 Aut minùs Anticyram plenis potare iubendi
 Hi quoque sunt cyathis, alios qui semper in annos,
 Iratum nacti Genium, sua gaudia mittunt,
 Et, similes porro victuris, viuere nunquam

Inci-

(a) *Apud Laert. in Vita Epicuri.*

Incipiunt . Nunc æquoreos, ait ille, per æflus,
 Memnonidum scrutator opum, Gangetica longè
 Ostia, teque petam, mersi quæ funera Solis
 Gentibus excusas, alioque, America, rependis.
 Sole, parens rutili, & felix Aurora metalli.
 Stat quidvis tentare operum, & subijsse laborum :
 (Hac emitur mercede quies) stat fortibus ausis
 Tranquillos placidæ portus aperire senectæ .
 Mox, vbi successu pleno, aspirantibus & Dijs,
 Fundarit patrios melior fortuna penates ;
 Dulcia tunc positis succedent gaudia curis :
 Inter & egregios census, famæque nitores,
 Iam latus peragam, quæ sedulus otia feci .
 Tunc, ais ? At cur non potiùs tam dulcia Diuum
 Anticipes iam nunc tibi munera ? Qui malus error
 Ingratas iubet actutum præsumere curas,
 Gaudiaque extremo vitæ iam debilis æuo,
 Et nunquam fors venturis seponere canis ?
 Vix satis expediam, quàm multis nescia fructus
 Optati sic lustra fluant . En, aspice tantum
 Hoc hominum quovis cæli sub cardine vulgus,
 Turbam infelicem, æternis quos vana cupido,
 Neptuni dubio, dubio vel in æquore Martis,
 Perque fori syrtes, infidæque limina regum,
 Attonitos curis, fessosque laboribus urget .
 Quò tam solliciti cursus ? Qui terminus ? Aut quæ,
 Spes alijs alias, ceu fila, intexere gaudens,
 Immensam hanc adeo miseris net callida telam
 Penelope ? Verum si respicis ; omnibus vnus
 Longorum hic operum finis proponitur : omnes
 Nescio quæ meliora sibi dein tempora spondent,
 Tot quibus emensi scopulos, & dura viarum,
 Fluctuagos tuto componant littore cursus .

26. Heu steriles Veri ! Tanquã non tẽpore quovis,
 Ambiguos citra errores, pelagique tumultus,
 Illi homini liceat statione quiescere : longo
 Nec nisi circuitu Euthymiam comprehendere detur,
 Quam

Quam (votis adeo occurrit) voluisse, tenere est :
 Sanius o quantò foret, anxietate, metuque
 Depositis, facili confestim nubere Diuz :
 Quique per incertum sinuosis flexibus æquor
 Optantur, placidos iam nunc inuadere portus .

17. Nec fugit hoc ipsos tandem, si dura repente
 Non expectati supra caput afflitit hora
 Funeris, & Parcæ iam deficientia nigro
 Pollice fila legunt . Retro tunc scilicet actæ
 Ætatis seriem, consumptaque tempora vanas
 Frustra inter curas supremo à fine remensi,
 Consilijs, heu, se nimium fallacibus vsos,
 Ignarosque Boni, cordisque fatentur inanes :
 Æthereâ quòd sorte frui, dum fata sinebant,
 Abnuerint : Parcasque adeo euasisse minantes
 Si liceat ; posthac non irrita munera Diuum,
 Nilque datæ iurant perituum e tempore vitæ .
 Quæ ne vicini supremo in cardine fati
 Ipse etiam doleas ; quam postera cunque recentem
 Addiderit penâs Clotho vitalibus horam,
 Protinus illam, æui confer præsentis in vsum,
 Dilato vacuum prohibens transcurrere fructu .

18. At quænam ista genus vecors sapientia, (clamet
 Hic aliquis) fœdam niuæ sub nomine pacis
 Segnitiei laudare, & natos rebus agendis
 Indecori, æternoque animos sopire veterno ?
 Fallitur . Haud quasvis, steriles deponere tantum
 Præcipimus, sortis quas importuna caducæ
 Spes glomerat, curas . Alacri nam cætera motu
 Quem lateat rêfci mentes ? Ceu lampade quassâ
 Viuidius micat ignis, &, inter confraga rumpens
 Saxa viam, similes vitro, electroque liquenti
 Riuis agit (credas tunc primùm erumpere) lymphas .
 Da rectis animum (Per me mora non erit : vitro
 En etiam præeo) studijs . Grassare per artes
 Ingenuas : dubij seu te penetralia Veri,
 Qbstrusosque iuuat naturæ attingere fontes ;

Seu

Seu magis, umbriferi lustrantem culmina Pindi,
Musarum celebrare choros, & Apolline dextro
Condere perpetuos victurum carmen in annos.
Latus ubique operum campus. Sint publica curæ
Munia, sint leges: neutri non æqua Mineræ
Seu calamum, seu belligeram manus occupet hastam.
Dummodo quisquis erit, quocunq; in pulvere cursum
Strenuus urgebit labor; haud incerta senectæ
Præmia respiciat, quin, sese lætus in ipso,
Præsentî iam nunc foueat dulcedine mentem,
Ingratum nec onus, sed opus videatur amicum.

29. Quæ facile in medijs contingent gaudia curis,
Sî non plura tibi, aut grauiora negotia, quàm quæ
Ferre pares humeri, imponas: neque nominis ampli,
Fortuitive fitis lucri tentare laborem,
Unicus at puri iubeat respectus Honesti.
Sic etenim liber sapienti lege modoque
Tempora dispones tecum, rebusque gerendis
Tantum operæ impendes, natium expromere quantæ
Ingenij valeat, non absumpsisse vigorem.
Rusticus exercet tellurem: exercuit & rex,
Vt memorant, Cyrus, curuâ nunc ille fluentem (a)
Falce premens umbram; nunc tecum, Bacche, maritans:
Vlmosque, platanosque: & iam plantaria sulcis,
Iam noua inutilibus committens germina ramis.
Rusticus ast opera hæc, sudans seruiliter, vsque
Sub noctem rosæ profert à limine lucis:
Nec tempestiuâ requie dispungere curas
Improbis, aut festis nouit cessare diebus:
Non nisi regales cum fallere Persicus heros
Quæreret hortensi curas, & tædia cultu.
Haud secus, instinctu assiduo cui pectora famæ,
Famæ, siue lucri spes irrequieta fatigat,
Vrgendis totum miserè se mancipat Orsis.
Ille & sollicito trepidus sua, seque tumultu
Impediet, nimioque licet sub fasce laborans,

Tem-

(a) Cic. de Senect. & Xenophon in Oeconom.

Tempora temporibus coniunget, pensaque pensis,
 Nunquam operum leuior, nullam sibi pace sequestrâ.
 Immunem assidui tribuens moliminis horam.
 Æmulus at Cyri Sapiens, rerumque, Suique
 Rite potens, medijs interseret otia cœptis :
 Iamque aliquid, ratio ceu visa monere, negoti
 Sumet ; iamque, eadem hortari ceu visa, remittet .
 Nulla cui pensum quippe est implere diurnum
 Cura, sed ingenuo mentem excoluisse labore .

30. Proderit huc aliud, sacri quod carminis instar,
 Gracia victuro Delphis signauerat auro, (a)
 Æbalij oraculum Sipientis, auariùs æquo
 Quidquam optare vetans . Nec inanis pabula tantùm
 Hic mihi luxuriæ, gemmas, atque æris aceruos,
 Supremosque magistratus, dominasque curules
 Concipias . Nihil humanæ inter præmia fortis
 Immodico Euthymix cupidis ardore vouendum ;
 Non dexter studiorum, ad quæ vel sedula virtus
 Impulerit, successus : opum non copia, simplex
 Quas sibi mortalis vitæ desiderat vñs :
 Non animi non ipsa quies . Quid talia namque
 Rettulerit iusto votorum limite claudi :
 Si nihilò secus, ac, vanis quæ cætera vulgus
 Prosequitur votis, inhiantia pectora turbent ?
 Gemmeus, an luteus crater nil distat ; vterque
 Noxia dum pariter labris aconita propinet .
 Qualit et anxietas descendat origine ; nunquam
 Non erit anxietas, nunquam non triste venenum .

31. Nec mihi mens ideo Sapientem fingere, duri
 Mnasiadæ qualem fingeat porticus, omnis
 Indocilem sensus : qui funera spectet eodem,
 Quo ludos, animo, nihil & discriminis inter
 Bella putet, pacemque . P. ocul tam tristia monstra,
 Deucalionci totum de semine primo
 Marmoris ingenium crudis retinentia fibris .
 Æmula non adeo anguicomæ fert oribus ora

Gorgo-

(a) *Plin. lib. 7. Hist. nat. cap. 32.*

Gorgonis ; ut rigido mutet Sapiaientia saxo,
Quos propius videt : ingenitos neque corde reuellit,
Sed cultu meliore iubet mitescere sensus .

Noſter, quidquid opum poſcit mortalis egeſtas,
Id ſibi cum reliquis Sapiens commune putabit,
Exquiret, cupiet, felicem frugibus annum,
Fœturam pecoris, cenſus ſine litibus, æui
Tranquillam ſeriem, ſynceros corporis artus,
Dulcis amicitia concordia fœdera, purum
Dedecoris nomen : placidè tamen omnia : ne, ſi
Feruidior careat quæſito ſine voluntas ;
Iſ ſeſe vim vertat, &, acri incenſa dolore,
Ipfam etiam perdat, poſt perdita vota, quietem,
Præcipuum quæ votum, omniſque eſt regula voti .

32. Et quia ſæpe etiã externis vehementiùs æquo
Afficimur, ceu parua domi ſit copia, curis ;
Edico, teneris præſertim mentibus, in ſe
Remque ſuam viſus deſigere : cætera, ſtulti
Quæ procereſ, ſtultum quæ miſcet plurima vulgus,
Et quibus in melius reuocandis nil ſibi promptum
Auxilij, ſurdis tranſcurrere ſenſibus . Hoc ſi
Præceptum docili ſeruauerat Heraclitus
Pectore ; non, largos adeo reſolutus in imbres,
Tabida perpetuo vexaſſet lumina fletu :
Nec Pandionius, pronam ſi vocibus aurem
His dederat, funeſta adeo meruiſſet iniquo
Communiſ naturæ odio ſibi nomina Timon .

33. Id metuens, auidas intra ſua limina curas
Claude, nec externos circum patiare penates,
Denſaque multiuago palari compita grefſu .
Sin aliquid vel nolenti ſe fortè videndum
Obtulerit, quod (ceu paſſim Mortalia) turpè
Indignumque putes ; dic tecum protinus : Iſta
Pluſ nihilo obſeruare meum, quàm, quæ glaciales
Thyrfagetæ peccant, vel areniuagi Naſamones .
Reſpicerem, populi ſi prætor, iudicis aut ſi

Funge.

(2) Vide Plut. in Antonio, & Laert. lib. 1. & 9.

Fringerer officio . Quid nunc aliena capeſſam
 Munera ? Fac ringar ; bilis tamen irrita . Summus
 Cælicolam iuſtis hæc aſpicit omnia Reſtor
 Luminibus . Tanti Priuatum iudicis iras
 Præripuiſſe nefas . Sua cuique negotia ſunto :
 Conandum mihi rite meas abſoluere partes .

34. Credere vix poſſis, quantâ irarumq; dolorumq;
 Hæc animo excindet ſapiens incuria ſyluam .
 Eheu, cur Noſtri immemores per proxima vano
 Huc, illuc rapimur viſu ? Ceu pyxide clauſos
 Tunc ſolùm rediuiuꝝ oculos inducere fronti
 Fertur, cum notis Lamia e penetralibus exit, (a)
 Cæca domi . Sic ergo parum in ſe quiſque negoti,
 Quo teneatur, habet : populo nec denius vlla
 Inuenit explendis animus ſpectacula curis ?
 Felix ! Qui cupidos rimandi plurima ſenſus,
 Fortiter ignarus, cohibet . Quàm dulcia ſecum,
 Otia lætus aget ? Rapidos vt neſciet imbrès,
 Ventorumque minas cæli per aperta furentes,
 Ipſe domi latitans, teſtoque incluſus amico ?

35. Ergo nocet, quid agant Alij, ſcrutariet: at non,
 Felices vt agant, pariter curare nocebit :
 Maiori quin nulla animum dulcedine complet,
 Ac pulſis Inopum quæ cladibus orta, voluptas .
 Hæc igitur primas inter ſit cura, virili
 Humani cauſam generis pro parte tueri,
 Quæ mala quiſque ſubit, communia ducere, flentùm
 Ærumnas lenire, ægro huic ſolatia ferre,
 Illius anguſtos cenſus laxare, ſalutis
 Ancipitem ſæuis alium ſubducere Parcis,
 Nullum non patrio complecti peſtore, nulli
 Non facilem, quæcunque premat vis, tendere dextrâ,

36. Anne Duces quæris ? Circuſer lumina: quantos
 Ilicet heroas, quantis reſonantia famæ
 Plauſibus obijciet mirari exempla Vetuſtas ?
 En tibi, deliciæ ſubiecti, Flauius, Orbis,

Viueret

(a) *Plat. de Garioſt.*

Vivere cui tantum, humanâ de gente mereri, (a)
 Nec suus, aut æui numerandus in ordine, si quis
 Fortè dies proprij fluxisset muneris expers .
 En, centum populis regnator maximus, at plùs
 Regnatore pater, Cyrus, non lætior, hoste (b)
 Cum domito spolijs diues remearet opimis ;
 Quàm, socios inter fausti cum præmia Martis,
 Largus opum victor, diuiserat, hæc sua fassus,
 Quæ daret, his auctum sese ornatumque videri,
 Auctior vnde aliquis comitum atque ornatior iret .
 Nec, qui Cecropijs Auroram terruit armis, (c)
 Miltiadis magni soboles certissima, quamvis
 Nil vltra ciuem, privato & limite clausus ;
 Munifico haud tantos æquauit pectore reges .
 Ecquis enim (testare fides antiqua) nouercam
 Expertus Sortem, haud sensit Cimona parentem ?
 Cui misero non ille salus ? Quem rebus in arctis
 Deseruit, trepidumque sinu haud excepit amico ?
 Nulli clausa domus : ieiuni huc vndique cœtus
 Confluere, hinc alio saturi discedere vultu .
 Quid loquar expositos sublati sepibus hortos,
 Diuitias faciles ? Properate ad publica, ciues,
 Gaudia . Quidquid alit tellus, fas omnibus æquè,
 Seu fruges, seu poma hilari decerpere dextrâ .
 Nocte, dieque patens aditus : custodia nusquam :
 Nil vetitum, & Domini proprium. Quin ipse, morari
 Impatiens, sua vulgus inops dum limina quærat,
 Ærumnisque ardens cessantibus obuius ire,
 Profuso quos ære leuet, per compita passim
 Vestigat ciues, passim sua munera lætis
 Lætior obtrudit . Qualis, cum Sole recepto
 Feruidus igniuomis vrit Leo faucibus annum,
 Longaque semianimes pallent ieiunia sulci ;
 Camporum fœcunda altrix, sitientia latè

K

Arus

(a) Suet. in vita Titi Cas. cap. 1. & 8.

(b) Xenophon de instit. Cyri lib. 3. 4. & 8.

(c) Vide Plut. in eius vita .

Arua super medio nubes volat æthere, iamque his,
 His modò vitales succos, animæque virentis
 Nutrimenta cauo diffundit ab vbere terris.
 Aut qualis, Phariæ terrenus Iuppiter oræ,
 Gurgite sæcundo siccos descendit in agros
 Nilus, & æliuo Pelusia rura Tonanti
 Succensere vetat. Pandit gauisa beato
 Diluuiò Ægyptus gremium: quæque aureus egit
 Amnis iter, sparsitque gradus, focia agmina iungunt
 Alma Ceres, micisque Pales, viridesque Napææ,
 Cumque opibus, Spes discinctæ, Cultusque, Decorq;
 Et resoni plausus populorum: iamque nouatas
 Hortatur falces: iam sedulus horrea laxat,
 Flauentemque tibi messor promittit, Osiri,
 Flauentem tibi, Nile, tuo de rure coronam.
 Haud secus Actææ totam se diuidit vrbi,
 Perque inopum gremium exuperante refunditur alued
 Nescia stare Viri pietas. Nil explet amantem:
 Nil animo satis: augetur, dum spargitur: &, quò
 Latior excursus; (dictu mirabile) maior
 Impetus est. Dandi semel explorata voluptas,
 Pulcher hydrops, alijs sitiens, noua pabula quærit,
 Nec donasse putat, geminet ni munera: iamque
 Plus debet, qui præstat opem, plus accipit ipse,
 Largiturque sibi. pleno cen gurgite tota
 Pectus in authoris redeat, quæ pluribus inde
 Per populum latè manarat didita riuis,
 Gaudiû eluuiæ. Cur non huic prodiga cunctos
 Lydorum, atque Arabum census, & quidquid vbique
 Flumina seu voluunt auri, seu ducitur alto
 Omniferæ matris gremio, Fortuna, dedisti?
 Crede mihi, humanum poterat, dum consulis Vni,
 Demeruisse genus. Communia nemo negaret,
 Communis spargenda patris quæ, dona, tulisset.
 37. O meritos gazis animos æqualibus vti,
 Quàmque velint, haud posse minùs! O pectora curis
 Regnorum, & vasti imperio dignissima Mundi!

Vt

Vt libet, infano Caij, tumidique Nerones
 Regia certatim vacuent æraria luxu :
 Vndantem terris pelagum, vndantique vicissim
 Inducant pelago terras : hinc surgere valles
 Montibus ; aerios plano subsidere montes
 Hinc iubeant : vnus iuga per septena refusam
 Urbem Cæsareis absumant ædibus : vnâ
 Imperij, Mundi que vorent patrimonia cœnâ .
 Maximus, & longè ante alios iucundior vnus
 Fortunæ præstantis honos, benefacta per Orbem
 Spargere, felices facere, instaurataque vitæ
 Auspicia, & melius miseris procudere fatum .
 Hæc cælo meritos heroas gloria tollit : (tas.
 Hæc regû est propria, hæc vel Numine digna volup-
 38. Omnibus atq; vtinâ hic sub pectore nobilis ar-
 Viueret . Vt subito venæ melioris in æuum (dor
 Aspera deterso remearent sæcula ferro ?
 Vt nouus annorum consurgeret, omine fausto
 Conditus, auspicijsque fluens melioribus ordo ?
 Bella, metusque procul : niueis Pax aurea bigis,
 Et lætæ Charites, & pleno Copia cornu
 Lustrarent agros, lustrarent oppida : nec tu,
 Iam genus infidum, terrasque exosa nocentes,
 Sydereos populis vultus, Astræa, negares .
 Nunc totâ licet armiferæ Sors nube pharetræ
 Ingruat, & sæui denso circum agmine casus,
 Omniaque in nostras iurent elementa ruinas ;
 Nulla hominem lædit, quàm quæ promanat ab ipso,
 Vis grauius . Duris possemus parcere fati,
 Duraque fòrs nobis didicissent parcere fata ;
 Ni furor humanus stimulis vrgeret, & hosti
 Adderet externo vires ciuilis Enyo .

39. Vltima lætitia, sed princeps, regula, parque
 Omnibus vna, Deo hære, illum mente tueri,
 Perpetuo illi nexu, & amoris fœdere iungi .
 Venimus ad summum:procul hinc cureque, metusque
 Intima quæsitæ dudum penetralia Patris

En tandem patuere : en ipsa in lumine sacros
 Expedit amplexus, Thaumantide cincta perenni,
 Cælicolam & qualis mentes beat. Aspice, quantus
 Frontis honos, placido quæ vernat gratia vultu :
 Vt nil syderibus concedunt lumina, blandæ
 Nectar vt hyblæum superat facundia linguæ .
 Penelopem agnoscas diuinam, cui prociis Orbis :
 Nec dispar dominæ sedes . Mitissimus aer,
 Sponte ferax tellus : procul imbres, fulmina, nimbi :
 Ignotum quid hyems, quid cæli flammeus ardor :
 Autumnus totos, totos ver occupat annos .
 Mille voluptatum species, mille obuia passim
 Lætitia argumenta : hic feruere lacteus amnis ;
 Melleus hic spumare latex . Circùm vndique festas
 Implexæ manibus Charites, blandique Lepores
 Exercent choreas : plaudentibus vndique circum
 Nectarei volitant Risus, & Gaudia pennis .
 Hæc nobis iam meta : huc remi, & carbasa toto
 Accelerent nisu : nil iam debere procellis,
 Nil pelago superest : tam dulci in littore proras
 Perpetuò religandum . O cordis plena voluptas !
 O vitæ sincera quies ! Libare Deorum
 Ambrosiam, puro satiari Numinis huius,
 Eternumque audis illud constringere votis,
 Vnum implet quod vota, exceditque omnia, Pulchrū,
 Quis dolor, aut quæ tam læto intercedat amor
 Anxietas ? Vllanne sitim, aut fastidia norit,
 Nectaris ætherei potor, conuiuia Tonantis ?

40. Finitis quicunque Bonis amor imminet, æstu
 Ambiguo nunc huc volitans, nunc spargitur illuc :
 Instar apīs, quæ per saltus gentilis Hymetti
 Iam thyma ; serpillum iam circuit, & modò glauco
 Rore maris ; niuei pendet iam flore ligustri,
 Singula delibans auidè, subitòque relinquens .
 Quid faciat ? Patulo quanquam aggeret vtraq; cornu
 Hinc natura suos, illinc fors æmula census ;
 Nil satis, immenso vacuum dum Numine pectus .

Nam

Nam neque plena quies votis, integra Bonorum
 Obtigerit ni Summa; nec, extra Numinis alveum,
 Hæc alibi iunctis fas confluere omnia riuus:
 Hostili cum se excludant infensa vicissim
 Diffidio: vix ut quodquam sit prendere, multis
 Interea ni posthabitis longèque relictis.
 Omnia sed socio, fac, demum fœdere iungas;
 Non tamen hic idem, varijs tot fructibus aptus,
 Perfectumque adeo immensis complexibus orbem
 Efficiens, fortis cumulus sat nectare largo
 Explerit sitientem animum. Vel scilicet vno
 Congeriem totam simul amplecteris amore:
 Totque idem distractus amor per dona, nec vsquam
 Integer, haud pleno libabit singula sensu;
 Vel proprios cuicunque Bono diuiseris actus,
 Et rerum numerum numero exæquabis amorum:
 Nec plenè tunc vllus amor satiabitur, vni
 Hærens quippe Bono: cum, quod minus omnibus, ille
 Sit pariter minus. Vni igitur iungenda voluntas,
 In quo non Bona conueniant modò cunctas; sed vnum
 Prorsus idè sint cuncta Bonû: quod, Numine dempto,
 Sollicitis nequicquâ animis circum omne quod vsquâ
 Terrasque, & maria, & superos rimaberis axes. (est,
 41. Adde, quod æterna seiunctû ab origine, præter
 Quàm mutilû, quodcunq; Bonum, neq; cordibus aptû
 Implendis; multâ hærentûm contagia Malorum.
 Inficitur: totum ut nequeat, totoque requiri
 Pectore: diuersis animos sed motibus vrgens
 Hinc cupidos trahat; hinc refugos auertat: amorque
 Illius haud leuiore odij sit pondere mistus.
 At tibi, inexhausta ò hominum, Diuinumque voluptas,
 Summe Pater, quæ mista Mali contagia? Toto
 Aut quid ibi non conatu & vi mentis amandum,
 Nil vbi non summum, ac solidè plenèque beatum?
 42. Præterea, certum nobis propriumq; perennet,
 Quidquid id est, felix quo vita impletur, oportet:
 Nec quidquam proprium magis immotumq; fruendi,

Ac Deus. Inuitis alios nam denique census
 Fortunæ, duræque rapit violentia mortis.
 Villane seu fortis, seu lethi iniuria possit
 Hunc rapere, occiduo cui nunquam est limite claudî,
 Quoque frui nobis haud tempore certiùs villo,
 Occidui quàm sub finem conceditur xui?

43. At metuas forsan, ne nil tibi iuris in ipsum.
 Parce metu: plùs ille tuus, quàm cætera, rerum
 In censu quæcunque putas numeranda tuarum,
 Fida licet domino, & nunquam peritura manerent.
 Omnis Amans in ius sortemque euadit Amati,
 Et tantùm iuris, quantùm vis crescit amoris.
 Atquæ nemo Tui, quàm Numen, amantior: haud sis
 Carior ipse tibi. Quid enim vel fingere tantum
 Noueris, aut optare Boni, quin plura Parentis
 Ætherei immensus dederit, det, spondeat ardor?
 Hoc, quodcunque vides, tam vastis vndique circum
 Diffusum spatijs, varijs tot partibus aptum,
 Ordine tam miro digestum, & fœdere iunctum,
 Hoc totum bonus ille tuos effinxit in vsus
 Naturæ communis opus. Tibi Cærula ponti,
 Æthereosque orbes, infixosque orbibus ignes,
 Regnaque terrarum, &, terris quæcunque, vel vndis
 Sparsa meant, volucris findunt vel Nubila gyro.
 Brutarum iussit famulari sæcla Ferarum.
 Hoc liquidum iubar, hic cæli spirabilis haustus,
 Tot variz rerum species, tot Commoda vitæ,
 Illius omnia se testantur munus. Amanti
 Quid deerat, nisi tantorum vt suprema coronis
 Ipse operum foret, atque suis se denique donis
 Adderet? Hoc etiam non enarrabile munus
 Apposuit: totumque homini, post omnia, sese
 (Nulla quod ausa forent, vtcunque capacia, vota
 Poscere) inexhausto præfudit amore. Nec illum,
 Nominibus tantis, perque hæc tibi pignora nexum,
 Pleniùs esse tuum, quàm sis tuus ipse, fateris?

44. Hinc adeo, nemo cum nos impensius illo

Alceæ

Alter amet ; noua se ratio, manifestaue prodit,
 Cur illo pariter iucundiùs alter amari
 Nemo queat . Nam nec dulcis, nisi mutuus, ardor ;
 Nec, nisi Amatozem æthereum quo pectus anhelat,
 Mutuus ex toto calor est . Da Thesea, da, quem
 Eurialus Niso, Pyladi præponat Orestes :
 Quisquis erit, cum plura simul cogatur amare,
 Iamque sibi hæc animi partem, iamque illa requirant;
 Haud vni, quantus demum est, se impendet Amico :
 Sic hominis mens, sic illam sua limite curto
 Includit natura . At non & maximus Author
 Finibus his cogi . Quamvis simul omnia curet ;
 Vsque tamen toto se curat singula . Plenum
 Ceu rutilus (si nostra illi componere fas est)
 Astorum genitor nullis non partibus ignem
 Commodat, in partes quamvis simul influat omnes :
 Aut animæ ceu vis pereuntibus indita membris
 Non secus extremos vngues, tenuesque capillos,
 Ac reliquam vegetat, solida indiuisaque, molem .
 Nusquam se minor est, nusquam non vndique plenus
 Immensi fons ille Boni : ceu Numine toto
 Omnia ; sic toto quoque singula Numine complet .
 Tu frueris, fruitur simul hic, simul ille, fiuntur
 Innumeri : nihil inde tibi, aut decerpitur vlli :
 Omnibus vnus amor par, omnes efficit vnum .
 Riualis non ergo metus, non inuida mentes
 Cura coquit: quin tam largo, immensoque, nec vllam
 Non hominum superante sitim dulcedinis haustu
 Iam saturis noua sit socios habuisse voluptas. (nim,
 45. Quid referâ? Sortê quod amor permiscet Amâ-
 Alterutri fuerint quæ vel Bona, vel Mala cunque,
 Ambobus faciens communia . Noscere promptum
 Vnde etiam, quanto reliquis discrimine præstet,
 Æternum primumque Bonum qui respicit, ardor .
 Nempe alibi, latis coeant cum tristitia, parsque
 Sæpius hæc illam præponderet ; amplius ægro,
 Quàm gaudi, mæroris adest vestigial Amanti .

Illicet infelix, cumulo crescente Malorum,
 Cum sua vix portet, damnatur & illa subire,
 Vnanimum lugenda premunt quæ, fata, sodalem !
 Haud ita, supremo, tedis melioribus ardens,
 Cælicolùm Regnatori qui iungitur . Ecquid
 Scilicet in tali lugendum occurrat Amico ?
 Ecquid non penitus felix, non vndique lætum ?
 Ipse sibi vita, & gaudî immortalis origo,
 Totius mensura Boni, immutabile Pulchrum,
 Externis nusquam causis obnoxius, vno
 Naturæ, sortisque vices, diuersaque nutu
 Fata regit, nullis per tot labentia sæcla
 Siue minor damnis ; siue auctior incrementis ?
 Penè Deum viues, diâ tibi lampade pectus
 Si caleat : tot tam miræ, quæis ille beatus
 Perpetuùm, dotes tua sors, tua gaudia fient .
 Talis Amans, qualis suus est amor : accipit omnis
 Hinc habitum formamque animus . Telluris opacæ
 Cur gremio cæli tam nobile pignus, honestum,
 Exinnumque adeo, & generosum pectoris ignem
 Defodis, ipse luto simul infodiendus eodem :
 Illius audaci cum uestus in ardua nisu
 Æternæ penetrare queas sacraria lucis,
 Cælicolùmque auram spirare, & Numinis æuum ?
 46. Nec labor huc nimius consurgere . Sponte suâ
 Illicet vt sacri excepit primordia flatûs, (mens,
 In Superos festinat, humum pertæsa, suoque,
 Vnde genus trahit, exultans se iungere fini .
 Quin etiam, vano quoties illusa decore
 Corporeis hæret formis, sub imagine fictâ
 Nescio quid magni vel tunc Genitoris anhelat .
 Omnibus hic vnus stat voris terminus : omnis,
 Deuius vtcunque, & varijs anfractibus errans,
 Huc tandem redit, huc animi conuertitur æstus .
 Singula quippe Boni tantùm ratione voluntas
 Cum petat, inque Bonum quovis se dirigat actu ;
 Haud pote, quin summi occultâ ratione Parentis
 Cupit

Cuncta petat, quin summum actu quocunq; Parentem
Respiciat. Nempe ille Boni forma integra, & omne
Illius est levis umbra Bonum, quo cætera quæque
Insignita placent. Sic Numen in omnibus vnum
Ignaros trahit: ignotum sic Numen amatur.

47. Impetus hic igitur mentis ratione iuuandus,
Ut norit, quid amet: riuisque, & inanibus umbris
Posthabitis, ipsum omnigeni apprehendisse decoris
Exemplar primum, immensæ dulcedinis ipsum
Iam quærat sitiisque æternum attingere fontem.
Nonne vides, ut, quæ sol sydera pinxerat absens,
Obscuret præsens? Vix cælum emensus, Ibero
Gurgite flammantem currum, igniuomosque Iugales
Condidit; en vacuo Mundi radiare theatro
Astrorum formosa cohors, Saturnius ignis,
Iamque nitens medio; iam pleno Cynthia vultu,
Er Venus, & Mauors, & cum Ioue lucidus Arcas.
Quàm rutili crines! Quàm viuida Solis imago!
Inscia miratur tellus: totidemque, creatos
Lucis in imperium, & redituri fræna diei,
Iam patrio credit temoni assuescere Phæbos.
Sed satis hac fulsisse tenus: iam subdite fasces,
Noctiuagi procul o soles iam cedite. Magnus
Ecce diem verum lucis pater aduehit: Orbem
Ecce suo coram manifestus lumine ditat,
Fulgida stellarum nox, occasusque nitoris,
Quem dederat. Simul umbriferæ caliginis horror
Deterso fugit axe; simul, vibrantia cæcum
Per chaos, obtusis vanescunt sydera flammis.
Vnum sat cælo spectari Hyperiona: tantas
Ætherei fulgoris opes, tot splendida lucis
Argumenta suæ ipse oriens obnubilat vnus.
Haud secus, æterni veniens ab imagine Solis,
Discolor hæc mundi species mirantia grato
Lumina suspendit visu, dum maximus author,
Et Pulchri fons omnis abest. Sese ille videndum
Præbeat, innatis quantus fulgoribus ardet;

K 5 Ocyus.

Ocyûs immensâ perfusis lampade totus
 Ex oculis, nebulæ, fumique volatilis instar,
 Nocturnus rerum decor effluit : obruta blandæ
 Fax Veneris : nusquam lucris Cyllenius ardor
 Dulcè micans : nusquam tua, Mauors, fulgura : nec tu
 Fascibus ambiris iam, Iuppiter : vna renidet,
 Vna animum summi præsentia Numinis implet.

48. Felix, cui medias terreni carceris inter
 Hæc tenebras exorta dies : qui lucis avaræ
 Occiduum iubar, & sublustri in nocte micantes
 Astrorum radios diuino sole rependit :
 Furatusque oculos scenis pereuntibus, vnum,
 Limite comprehensum nullò, miratur, amatque
 Immortale Bonum, se totius vnde propagat,
 Natiuo velut e, pelago tot didita riuis,
 Vena Boni: proprium nunquam tamen illa relinquens
 Principium, neque fontis opes tam perpete fluxu
 Imminuens, viuo sed gurgite plenior intus
 Stagnans, & cumulo in sese vberiore redundans.
 Ergo non humiles illum curæque, laboresque
 Exagitant. Alijs peregrino e littore merces
 Ducendas, licitandum Alijs per bella, supersit
 Quod cineri, nomen, rapiendaque scepra relinquit.
 Sat cælum sibi, sat regni immortalis honores.
 Votorum pax alta : suo mens pondere nixa,
 Blanditijs iuxta, ac terroribus innia : nusquam
 Ignavi gemitus, & frontis nubilus aer.
 Vt libet, horrendos moueat Dea cæca tumultus :
 Eripiat census, laribus detrudat auitis,
 Prostituat dominâ spoliū venale sub hastâ ;
 Nil quascunque minas, nil quævis damna moratur ;
 Turbinibus nullis vitæ, fortisque procellis
 Lædicitur : humanis sed casibus altior, instar
 Ventosque, pluuiasque superuadentis Olympi,
 Aeris hanc imi illuuiem, cælumque palustre,
 Et, quibus infelix crassæ vicinia terræ
 Concuritur, trepidos zui reuolubilis ætus

Sub

Sub pedibus linquens, telluris transfuga, cuius
Astrorum, maior mortali, Numine plenus,
Iam fruitur meliore polo, iam lætus anhelat
Syncerum iubar, atque auræ simplicis ignem.

49. Hanc olim in sylvis, inter deserta Ferarum,
In sylvis, Ægyptæ, tuis, quæ deuia cunque
Hospitium, dulcesque daret spelunca latebras,
Pene omni abiunctam perituri à corporis usu,
Corporeo quamvis inclusæ carcere, vitam
Illustres duxere animæ, gens nescia fraudum,
Reliquiæ infantis sæcli, veterisque metalli.
Longè illis studium lucri, famæque cupido:
Nulla Venus, thalamisque sedens genialibus Hymen:
Degeneres cælo sensus, hominemque caducum
Exuerant: neque seu victus, seu pigra soporis
Cura Deo fixas poterat diuellere mentes.
Durus vita labor, corpus graue pondus, amarum
Exilium tellus. Tu, cæli arcana voluptas,
Pascebas animos: tu, flammiger halitus, imis
Sensibus incideras: te votis omnibus vnum
Ardebant, toto te pectore suspirabant.
Sorte quid hac melius? Quæ fortunatior æui
Conditio? Anne alia occiduo iam lumine functos
Vita manet, Superûmque æternâ in sede receptos?
Nonne amor hic diæ cumulus, mensuraque fortis?
Nonne hoc, Cælicolûm satiat qui pectora, totus
Nectaris immensi gurgis de fonte redundat?

50. O Pater, ô magni maior mens, vnaq; Mundi,
Principium sine principio, sine limite finis,
Vnde omnis natura oritur, quòque orta recurrit,
Tu nostris requies, & meta nouissima curis,
Tu primus, tu solus amor: te, fluminis instar,
Per scopulos, obicesque, per æqua, & iniqua viarum
Acceptum pelago properantis reddere censum,
Antiqui memores ortus, ripæque minori
Indociles cohiberi, auido perquirimus æstu:
Nec modus, optatum donec iam prendere litus.

Permissosque tuo contingat in æquore mergi.
 Est suus, est certè cunctis decor, vndique circum
 Spectantur quæ fusa tuæ miracula dextræ.
 Pulchra maris facies, placidè stagnantibus vndis,
 Pulcher inextinctis radians fulgoribus æther:
 Nec tellus non pulchra satum tam diuite florum,
 Florumque, & segetum. Quantò at tu pulchrior ipse,
 Diuini cuius tellus, mare, lucidus æther
 Nil nisi sunt umbræ, nisi somnia vana decoris:
 Hòc tantùm formosa, tui quòd luminis instar
 Obijciunt, quòd tu, Pulcherrime, pictus in illis.
 Te mihi Sol radijs, vernis te prata colorant
 Muneribus, te noctis opacæ mysticus horror
 Umbrat, te Zephyri spirant, Volucresque loquuntur,
 Arguto vitrei referunt te murmure fontes.
 Quidquid vbique vident oculi, mens protinùs illic
 Te simul, & multò plùs te videt: omnia plena,
 Magne, Tui: tacitis clamoribus omnia latè
 Ingeminant. Quid spectra inhias euanida? Summum
 Artificem quære: Artificis metire perennes
 His umbris radios, & non imitabile lumen.
 Ille tuos, qui te, qui nos tibi finxit, amores
 Postulat: ille habeat, mundi primæua Venustas,
 Forma que formarum, Summarumque vltima Summa.
 Nil tamen externis opus est mihi vocibus. Ipse
 Sat monet hoc animus, tibi, Formosissime, factum
 Se penitus, neque lætitiæ vitæque beatæ
 Synceros latices alio sibi fonte petendum.
 Ipse meo conceptus amor sub pectore, cui par
 Nil alibi rerum, totius amabile Pulchri
 Te petit exemplar, puri te luminis orbem,
 (Quà licet è mediâ miseræ caligine terræ)
 Sublustrî procul in nebulâ clausumque, micantemque
 Vsq̃ue ardens miratur, & indefessus anhelat.
 Nil super optandum: sordent Mortalia, sordet
 Ipsa etiam, quanquam radiantibus intertexta
 Aethrorum formis, quanquã vndique, & vndiq̃ geminis
 Eugê-

Fusilibus conflata, alti domus ignea cæli,
 Ah quoties, gelidis cum rarefcentibus umbris
 Purpureo rediuiua dies confurgit Eoo,
 Sol ubi, vociferor, meus est? Quandoque licebit,
 Illum, illum pulsus tandem spectare tenebris,
 Cuius inoccidit roseus præ lampade Titan
 Vix hebetis radij, vel semiânimis scintillæ
 Instar habet? Quoties, Lethæis humida succis
 Incubuit fesso cum nox altissima Mundo,
 Suspirantem audit, quod adhuc æterna moreris,
 Sollicitas, animi requies, componere curas?
 Omnia te sine pro nihilo, plusque ipse vel vnus
 Omnibus es. Cupidas irritant cætera mentes;
 Tu solus satias, solus dulcedine verâ
 Persuasis, immensosque sinus immensior implet,
 Lætitiæ cumulus, cordis cor, vitaque vitæ.

51. Exorere o igitur nostræ, lux aurea, nocti;
 Disiectisque, quibus miseras inscitia mentes,
 Horrida primæuæ soboles, inscitia, culpæ,
 Excæcat, nebulis, radiorum gurgite viuo
 Attonitos sensus, inhiantia lumina comple.
 Noui ego, lætitiæ quantus Mortalibus ardor:
 Quàm dulci tormento, & quæis præcordia verset
 Illecebris agnata Boni Pulchrique cupido.
 Per freta, per scopulos auidi, per tela, per ignes,
 Illius vnde vnde inuitet leuis umbra, sequuntur.
 Quos capient motus, quantò maioribus ibunt
 In prædâ stimulis, synceri ubi cominus ipsa
 Obtulerit se forma Boni? Rimantur inerti
 Obscœnos margore, & pumicibus ieiunis
 Sudatos latices, melior quia fallit hiantem
 Vena sitim: qualis nimij sub sydere Cancrj,
 Puluerulentum iter, æstiferumque viator anhelans
 Æthera, perspicui longè si copia Cydni,
 Martiaque, aut Virgo; liuentibus arida stagnis
 Proluit impatiens, crassisque paludibus ora.
 Te liquidum, nulloque arctatum littore noscant

Ambro

Ambrosiæ pelagus ; tenues in puluere riuos,
 Protinus auersis meliora ad pabula votis,
 Incipient, putres & fastidire lacunas .

Tuque adeo fibras, & corda vacantia solus
 Implebis : solum flagrantibus vsque medullis
 Te sitient : quam quæsierant per plurima, in vno.
 Omnimodam nacti requiem, æternùmque fruendam.

§ 2. Cuius ego arcanos operosâ indagine fontes
 Vestigare orsus, quæ iam vagus æquora lustrem ?
 Quosque novos incam cursus ? Hic plena voluptas :
 Hic quodcunque alibi palantia vota requirunt :
 Omnibus hic animi ceu tenditur vltima curis
 Linea ; sic nostris quoque meta laboribus esto .
 Soluite (iam lætos tetigerunt carbasa portus)
 Soluite litoribus, Musæ, sua munera Diuis .

Finis.



S V M M A T O T I V S O P E R I S

Singulorum Librorum contextum
per distincta suis numeris
Capita exhibens.

L I B. I.

*In quo de Fortuitorum Bonorum
contemptu agitur.*

1. **O** P E R I S propositio, & in prae-
cipuas duas partes diuisio.
2. **O** Inuocatur Ratio caelesti lumine
adiuta.
3. Immo & ipsum Verbum Diuinum, totius
rationis, sapientiaeque integerrimus fons.
4. Honores ei persoluendi per allegoriam
describuntur.
5. Prima Tranquillitatis regula offertur,
nihil ex fortuitis atque externis Bonis mirari.
6. Qui enim talia magni faciat, miserâ hunc,
& fo-

& sollicità illorum acquirendorum cupidine
continenter vrgeri.

7. Alexander Macedo exemplum, irrequie-
rus ac mærens, quòd nimis angustè intra vnius
Mundi fines se imperare arbitretur.

8. Reprehenditur insani Regis ambitio.

9. Eadem reprehensio ad cæteros quoslibet
Fortuitorum amatores extenditur.

10. Nec quisquam ab eâ immunis, etiamsi
moderata, & facilè parabilia se dicat optare.

11. Nam omnis eiusmodi rerum cupido in-
explebilis, &, licet initio modica, per votorum
successus augetur.

12. Probatur id ex vanitate talium. Bono-
rum, vtpote nihil solidi habentium, quo ani-
mum satient.

13. Vnde necessariò consequitur, vt ille,
adhuc vacuus & esuriens, ex alijs ad alia qua-
renda se porrigat.

14. Adde, quòd Bona fortuita non solum,
vt vana, insatiabili cupiditate plura acquirendi;
verum etiam, vt caduca & fragilia, continenti
solicitudine acquisita seruandi admiratores suos
torquent. Quæ illorum fragilitas huc fusè ex-
plicatur.

15. Tum ex eâ possidentium anxietas & for-
mido colligitur.

16. Postremò lætitia, & satietas, cuius gratiã
Fortunæ Bona exquiruntur, potiùs pauca appe-
tentibus, quàm multa possidentibus solet con-
tingere.

17. Quanta igitur eorum stultitia, qui multis
egere perpetuò malint, talia sine fine appetendo;
quàm paucis statim expleri, superuacua eorum
vota abscindendo.

De-

18. Describitur Sapientis felicitas, qui externa contemnat, nihil ideo sollicitus de Magistratibus & imperijs, cum longè præclarius, & verius, inani absque pompâ, in seipso regnum obtineat.

19. Eiusdem magnanimitas in diuitiarum neglectu, deridendisque Mortalium circa gemmas, metalla, & id genus crepundia puerilibus studijs.

20. Securitas demum, qua cætera omnia, Fortunæ Bona susque deque habet, ceu superuacua, nulloque pacto comparanda cum animi Bonis, quæ sola homini ad lætitiâ & quietem sufficiant.

21. Aliquod huius sapientiæ specimen in Diogene Cynico.

22. Eadem sapientia in Socratis exemplo adumbrata.

23. Inducitur per Prosopopœiam Socrates, iustâ, & ad libri vsque finem productâ Oratione demonstrans, synceram felicitatem, animique lætitiâ nemini ex quantâcunque Fortuitorum copiâ sperandam.

24. Admiratur igitur primò vulgi vecordiam, extra se suam emendicantis quietem: cum tamen pax solida in externis consistere, & donari à Fortunâ minimè possit.

25. Affert huius Propositionis argumentum certissimum, & totâ Oratione confirmandum: quia nemo felix, integræque compos lætitiæ, nisi eximijs, & certis, suisque fruatur Bonis: quæ vtraque conditio Fortunæ muneribus, tum per se se exiguis, tum extra vtentis arbitrium positis, abest.

26. Abesse primam probatur, ostenso, quàm
vilia

vilia paruique pretij illa sint, per comparationem cum præstantioribus multò diuitijs, quas Natura nemini Mortalium non frundas exposuit.

27. Affertur Aduersariorum responsio, contententium Bona Fortune, esto inferiora cõmunibus Naturæ diuitijs; pretio tamen ijs antestare, vtpote ad proprium vnius domini fructum spectantia. Cui responsioni dupliciter obuiamitur: primò, quia nihil inde amplificatur possessæ rei fructus, immo clariùs elucet, quàm sit angustus & tenuis, cum ad plures simul nequeat pertingere.

28. Secundò, quia falsò iactatur, fortuitarum Bonorum fructum à dominis solummodò percipi: cum magna illius pars ad populum, etiam pertineat: vt liquidò apparet in vestium, villarumque magnificentia, & cæteris de hoc genere quibuslibet Bonis, externam solummodò in speciem paratis.

29. Neque rursus respondeant, præter huiusmodi pompam, ac speciem, qua populus ex æquo fruatur, superesse alios in Fortunæ opulentia pulcherrimos, & proprios Diuitum fructus, honorem nimirum, & voluptatum cuiusquemodi copiam.

30. Nam, ad voluptates quòd attinet, si de naturalibus, puta cibi, atque somni, loquamur; negatur ampliores eas fortunatis hominibus, quàm pauperrimo cuique suppètere.

31. Patet id in cibo, atque potu, quorum suauitas ex vtentium potius naturali indigentia, & sincera habituine; quàm ex saporum delectu, sumptuosisque apparatusibus profluit.

32. Nec minùs in somno, quem non stragularum

lorum opulencia, & mollicies, sed corporis lassitudo, & securitas mentis conciliat.

33. Si verò de alijs voluptatibus superuacuis, aut etiam inhonestis, turpibusque sit sermo; esto, illis diuites largiùs circumfluant. Nihil id certè ad commendandas diuitias; ad infamandas plurimùm valet.

34. At, qui Fortunæ copijs excellunt, vulgi pariter admiratione, atque honore præminent.

35. Quid tum? Nihil hoc honore inanius, & sapienti expetendum minùs: cum nullo accipientis merito nixus, ex solâ deferentium stultitiâ originem trahat.

36. Additur ex abundanti, Fortunæ munera non modò non ingentium Bonorum; sed neque Bonorum nomen mereri: quin veriùs Malis esse accensenda: vtpote quæ plus noceant, quàm profint. Operæ igitur pretium fore, damnorum ex ijs profluentium grauitatem perpendere, cum fructuum tenuitas iam ex dictis abundè constiterit.

37. Morbi primò se obijciunt, ab immoderato voluptatum vsu, qui opum copiam plerumque comitatur, manantes.

38. Sequuntur insidiæ, nunquam ijs non timendæ, qui magna penes se necis suæ præmia habent: adeo ut ne coniunctissimis quidem tuto ausint se credere, quin eos sæpe infestissimos omnium experiantur.

39. Nec eòdem non pertinent luctuosa tot urbium excidia, quas infelix opulencia luxu eneruatas facilem hosti prædam obiecit: cum contra Scythas inopia sua ab hostium incurfionibus tutissimos seruet.

40. Declarantur yberius modò dicta exemplo,

plo, siue fabulâ Nucis, quæ fertilitatem, quæ olim gloriabatur, serò tandem, vt noxiam, deuour.

41. Succedunt postremò eâdem ab radice, pullulantes animorum teterrimæ pestes, arrogantia, vecordia, crudelitas, communisque iuris impatiens, & nihil sibi vetitum ferens libido.

42. Hæc autem omnis Fortunæ indulgentis malignitas à contrario luculentius ostenditur: compositâ cum infelicibus præsentis æui diuitijs, innocentia & securitate, quæ veteris aureæ ætatis pauperiem beauit.

43. Quâ occasione indignatus Socrates, rem adeo noxiam tantâ in admiratione, & honore apud homines esse, obiurgat eorum stultitiam, qui, in ferendo de rerum bonitate, vel malitiâ iudicio, multitudinis potius opinionem, quàm rationis ductum sequuntur.

44. Neque verò sola pretij magnitudo, vt hætenus euictum est; sed altera quoque Bonorum felicitatem constituentium nota, certa nimirum dominij proprietas, in fortuitis possessionibus deest: vt ex eo planissimè euincitur, quòd illas retinere pro arbitrato minimè possumus, sed, vel inuiti, toties amittimus.

45. Hinc adeo, ceu ritè probatum, colligitur, fortunatos homines, quantâcunque in externarum opum affluentia, maximâ laborare domesticæ pacis inopiâ, vtpote quæ nonnisi præstantissimis, maximèque certis innititur Bonis.

46. Hæc igitur Bona, contemptis fortuitis, Euthymia studioso quærenda, immo, vt verius loquamur, siuenda, cum vtrò se ingerant, intraque animum ipsum nascantur, nec alio, quàm nostræ voluntatis, emenda sint pretio.

LIB.

LIB. II.

In quo aduersus prauisâ Fortuna Mala animus communitur.

1. **F**elicitas hominis, ex eo potissimum nomine, quod Animi tranquillitatem, latitiamque, extra Fortunæ vel fauentis, vel aduersantis arbitrium, in Sapientiâ, Virtuteque suâ positam habeat.

2. Cuius primam effati partem cum in superiori libro perspicuè ostenderimus; reliquum est, vt secundam in hoc, & consecuturis duobus pari perspicuitate ostendamus: ac, quemadmodum ibi nullam fortuitorum affluentiam Bonorum fundandæ Sapiientis latitiæ vel necessariam, vel idoneam euicimus; sic nullam deinceps fortuitorum violentiam Malorum eidem labefactandæ parem esse euincamus.

3. Neque tamen propterea opus ducimus, ad splendida de huiusmodi Malorum ingenio fragmenta confugere: quasi nullam nocendi per se vim habeant, sed tota hæc ipsis, cæteroqui insontibus, ab inani hominum opinione affingatur.

4. Illud potiùs, tanquam propositionis alatae fundamentum, statuimus, magnam humanæ menti vim esse ad externos sibi casus tristiores asperioresque reddendos: quod in ipsis nimirum malignitatem seu falsam effingat; seu veram amplifcet; seu, quæ admittis (vt semper contingit) Bonis mitigatur, puram, & à meliori parte seiunctam concipiat: adeoque,
L qui

qui hæc mentis vitia sapienter correxerit, posse illum ita externorum Malorum acerbicatem lenire, ut nihil tranquillitati suæ obsint.

5. Id porro perspicuè comprobari videtur dissimillimo animi habitu, quo diuersi eisdem sæpe casus excipiunt, alij ad extremum maerorem deiecti; alij suâ nihil è quiete dimoti.

6. Cum enim res utrobique eadem sint; non aliunde protectio, quàm ex dissimili circa ipsas iudicio ea oriri animorum, atque affectuum, diuersitas potest.

7. Propositæ modò rationi noua lux additur tum illius exemplo picturæ, quæ diuersas diuerso è latere spectantibus imagines reddit; tum prægnantium sceminarum, quæ, quas animo species concipiunt, eas teneris sæpe foetibus solent imprimere.

8. Iam uero hæc mentis peruersitas, fortuitos aduersum se casus opinione suâ roborantis, nusquam manifestius elucet, quàm in sollicito eorundem absentium timore. Quid enim tunc externi vim infert? Quidue animum, nisi ipsemet animus, fodit?

9. Reprehensio eorum stultitiæ, qui vano, & inutili futurorum, immo & nunquam fortasse futurorum discriminum metu, omnem sibi præsentium Bonorum læticiam, atque fructum corrumpunt, perpetuisque seipsos, ac penè tartareis cruciatibus torquent.

10. & seqq. usque ad 26. Quos ideo cruciatus in fabulosâ Mycenæi Andremonis imagine expressos proponimus.

26. Quanquam parum poeticis, ad eos adumbrandos, commentis sit opus: cum plurimorum in vitâ perpetuis agitâtâ inanium formidi-

midinum laruis , citra fabulam , passim occurrant .

27. Atqui nihil hisce terroribus stultius , & rationi oppositum magis : primò , quia nullum afferunt euitandis Malis præsidium : quin ea potius anticipant , atque longius producunt .

28. Deinde , quia plurima nobis obijciunt ficta , & nunquam euentura infortunia , non alium propterea relaturis improvidæ formidinis fructum , nisi , vt inanium sollicitâ expectatione , Malorum verè tristes , ac miseri simus .

29. Postremò , quia plus sæpe cruciatus ex Mali prouisi metu , quàm ex ipso Malo præsentem percipimus : cum eo ingenio sit timor , vt & maiora veris concipiat , quæ procul intuetur , Mala ; & quouis temporis puncto totam eorum longitudinem colligat , collectâque adeo vehementius animos torqueat .

30. Quæ ultimo loco proposita ratio vt planior ad intelligendum sit ; statuitur quauis in re aliud esse amplitudinem spatij , aliud vim , & vehementiam naturæ , nec , qui dolor sit longior , eum esse propterea acriorem censendum . Nam , cum nullo temporis puncto præteriti , futurique cruciatus , utpote absentes , sensu percipi valeant ; nullo etiam temporis puncto plus doloris re ipsâ percipitur , quàm , si vnicum intra temporis punctum ille totus desineret .

31. En igitur quo pacto Timor sibi Mala congeminet . Nimirum , cum quouis momento totam ille sibi præsentem efficiat , & simul intra animum colligat futurorum seriem dolorum ; totâ illâ coniunctim , multòque propterea vehementius , quàm eorum innata vis ferat , quouis tempore animum cruciat .

32. Vnde colligitur, nullum esse intestino hoc tortore funestiorum tyrannum: utpote qui barbaram, nec ab ullis vnquam Tyrannis inuentam, grauissimè simul, diutissimèque torquendi artem & vnusinuenerit, & in eos, quos sibi obnoxios habet, continenter exerceat.

33. Perpensâ iam illius immanitate, facilis, & nulli non obuia ad eam retundendam praxis proponitur: si nimirum, cum anxia futurorum cura pulsare animum cœperit; hæc nobiscum ritè agitemus: primò, nihil Mali adesse in præsentiâ, quod vel corpus, vel animum preinat. Cur igitur angamur potius Malis, quæ absunt; quàm fruamur Bonis, quæ suppetunt?

34. Secundò, licet multa possint aduersa euenire; incertum tamen esse, an sint euentura. Cur igitur certum incertis de Malis præsumamus dolorem?

35. Tertiò, etiamsi, quod metuimus, ineuitabili lege subeundum sit; non defuturum, tamen mox tempus dolendi. Cur igitur anticipare, & producere illam vitro tristitiam velimus? Cum è contrario, quantò illa grauior mox erit; tantò par sit nunc solertiùs prospicere, ut præsenti compensetur securitate, & lætitiâ.

36. Importunis timoribus per hanc praxim resectis, plusquàm dimidium recidi ex humanæ miseriæ cumulo ostenditur: cum illius longè maior pars in futurorum curâ, quàm in præsentium Malorum sensu sit posita.

37. Falso igitur de Naturæ, Fortunæquæ scruitiâ homines queri, iustius sui accusaturos timoris dementiam, qua vtriusque tum Bona corrumpant; tum Mala congeminant.

38. Non tamen propterea omnem futurorum casuum

casuum præmeditationem, cum Epicuro, Sapienti interdicimus.

39. Quin illam prudentiæ consentaneam, instruendisque aduersus ventura Mala animis apprimè opportunam censemus.

40. Falsò quippe Epicurus docebat, ex eiusmodi prouisu nihil aliud, quàm vanas formidines, & ægritudinis incrementum, referri: cum veriùs Malorum inde sensus, atque terror soleat imminui.

41. Id verò multis, apertisque rationibus confici potest. Nam Infortia, ceu nox, semper trepida: prospectisque multò leuiss, quàm ignotis percellimur: eodem planè pacto, quo minùs in luce, quàm nocturnas per vmbas, trepidi sumus.

42. Exemplo esse potest securus Alexandri Macedonis, sub ipsam horam ineundi cum Dario certaminis, somnus, quem vigil de futurâ pugnâ meditatio præcesserat.

43. Atque hinc prima ratio nostræ aduersus Epicurum propositionis eruitur. Qui enim casus impendentes prospexit, illorum iam vim, naturam, & magnitudinem cognitam habet, minùs idcirco ad subitam aggressionem trepidaturus, quàm qui, nihil eiusmodi antea meditatus, vel leuissimâ, & sæpe inani consternatur, ignota pro maioribus ducens, occurrentis discriminis specie.

44. Afferuntur nonnulla exempla inanium terrorum, qui ex rerum obiectarum ignoratione oriuntur. Qualis ille, quo suos Heliogabalus conuiuas affecit, exarmatis leonibus in triclinium immissis.

45. Nec non Panicus, apud Tacitam, Romanis

nis in castris tumultus, quem perturbatus, trepidèque ruens equus conciuerat.

46. Altera ratio, cur Mala præuisa leuiùs afficiant, ex eo deriuatur, quia minùs violens est transitus à prouisu doloris ad eiusdem experimentum, quàm ab omnimodâ securitate ad subitum, & totum simul ingruentem oppositæ sensum mæstitiæ.

47. Cui rationi affinis est Tertia, nimirum assuetudo, & quoddam veluticallû, quo animus, crebrò secum Mala pertractans, ad eorum horrorem, ac sensum paulatim obdurescit.

48. Postremum argumentum, quo rerum aduersarum præmeditatio non solum suadetur; verùm etiam, qualis debeat esse, explicatur, in eo positum est, quòd per ipsam locum, & opportunitatem nanciscimur, idonea aduersus prospectos casus comparantia præsidia: quo in apparatu vel tota, vel præcipua vtilitatis est ratio. Si enim ita quis futura Mala præuideat; vt nihil de infringendâ opportunis armis illorum vi cogitet, quin potiùs ea cæco timore aduersum se augeat, ac roboret; optimo sanè iure huiuscemodi curam, tanquam supervacuam, & noxiam, Epicurus potuit reprehendere: nec nos minùs in priore libri parte eam prorsus euellere pro virili contendimus. At si non solum de Malis, quæ possunt accidere; sed simul etiam de rationibus animus cogitet, quibus illa possit tutiùs excipere; huiusmodi præmeditationem animorum tranquillitati nequaquam officere, quinimmo rationi maximè congruam, & ad moderandos timores accommodatissimam esse nemo Sapiens negauerit.

49. Et talem profectò expertus est Acheorum for-

fortissimus Imperator Philopœmen, cuius in hoc genere solertia describitur.

50. Neque nos utilem experiemur minùs, si, illius exemplo, quidquid in gerendis negotijs, vitæque in usu aduersi potest contingere, sedulo cogitatu assuescamus prospicere: tum statim, quæ cuique casui leniùs ferendo aptissima sunt, conquiramus Sapientiæ præcepta, ijsque velut armis mentem tegamus.

51. Horum verò præceptorum copiosa in duobus, qui sequuntur, libris supellex promittitur.

L I B. I I I.

Vbi generalia fortuitis quibusque casibus leniendis afferuntur remedia.

1. **P**œsim ab otiosis, & futilibus nugis, quæ natiuam illius nobilitatem nimium quintum infamant, ad sublimiora reuocandam, humanæque felicitati profutura argumenta: idque adeo in præsentibus libellis nos agere, Socratis exemplum sequentes, qui Philosophiam primus à curiosâ rerum physicarum indagine ad utiliorum morum, vitæque disciplinam traduxit.

2. Cum igitur in superiori libro aduersus impendentium Malorum formidinem opportuna remedia attulerimus; ea iam tradituros, quibus Sapiens instructus vel præsentium Malorum tristitiam lenire, & in quâvis Fortunæ acerbitate tranquillum animi statum valeat tueri: quæ multò tum excellentior, tum operosior sit fortitudo, quàm absentes, & remotos tantummo-

dò casus citra perturbationem prospicere.

3. Cauendum igitur ante omnia esse plurimorum stultissimum morem, qui, peruerso quodam miseræ veluti ambitu, suis calamitatibus fauent, easque tum assiduè respiciunt; tum in atrociorē sibi speciem conantur effingere.

4. Immo contra pro virili enitendum, ab infortunijs suis, quàm longissimè liceat, mentem auertere, deque ijs potiùs cogitare, quæ inflicti vulneris dolorem imminuant.

5. Afferuntur iam communia solatia, quibus cuiuslibet Mali mitigari acerbitas possit: primumque adeo illud, vt cogitemus, quæcunque nos premunt Aduersa, perpetuas vitæ leges, & naturalia humanæ conditionis onera esse.

6. Quocirca præter rationem de iacturis siue rei, siue sobolis homines queri: perinde quasi non vtramque hac acceperint lege, vt scirent, posse sibi aliquando sub luci: aut quasi mirum censi vlli debeat, & a Naturæ consuetudine, abhorrens, mutabilia, atque incerta deficere.

7. Quin eodem hoc ex fonte alterum solatij genus emanat, nempe societas dolentium: cum similibus fatis, vtpote ordinarijs vitæ vectigalibus, vniuersum latè prematur hominum genus.

8. Neque inferioris solum ordinis, atque loci Mortales, sed vel ij, quos benignior Fortuna in summo humanarum rerum fastigio constituit, sceptris, & imperijs superbos: quorum conditio adeo communes mortalitatis ærumnas non exit; vt alijs etiam proprijs, & grauioribus pateat.

9. Afferuntur recentia exempla, primumque Mahometti Turcarum Imperatoris, ciuili Suorum seditione in custodiam è folio detrusi.

Nec

10. Necnon alterum Serenissimi Britanniae Regis Iacobi, rebellibus Populi furijs paterno nuper ex imperio emigrare compulsi. Licet tantum Heroem sua potius ornet calamitas, magnanimæ pretium Virtutis: interque singularia recenseri mereatur diuinæ Prouidentiae exempla, Fortunam illi obijicientis vincendam, ut vel in ipsam, quæ regnorum arbitra vulgò appellatur, suos porrigat fascis, perque aduersorum experimenta, secundis digniorem se probet.

11. Cum igitur nemo vnus Mortalium ab ærumnis intactus occurrat; quàm superbum, iniustumque, & pudoris expertem censeas, qui communem omnium fortem se queritur subire?

12. Memorabilis Dacæ Rægi, amissam uxorem impotentius dolenti, proposuit.

13. Neque quisquam obijciat, nonnullos reperiri, aduersus quos casus ignaros. Nam, ut verum id esse admittamus; & tam pauci huiusmodi occurrunt; ut inter prodigia potius, quàm exempla, mercantur referri; & nisi mors naturalis prope exierit; corruptam ipsi quoque, non in non paratis in longiori curriculo offerensionibus, quæ in præsentia superbiunt, felicitatem colebunt.

14. Probatur id plurium exemplis, quos, prosperino diu cursu prouectos, longior vita, in extremum miserationum præceps deduxit.

15. Quid, quòd, si ritè perspicimus, non nostras duntaxat, sed longè etiam nostris grauiores ærumnas in plurimis passim Mortalium intueri licebit?

16. Ut profectò gratulandum sit iustius, quòd

quòd à peculiari plurimorum sarcinâ nos immunes Sors fecerit; quàm expostulandum, quòd communia omnium onera subire compulerit.

17. Declaratur vis huiusce consecutionis Leporum Æsopicorum fabellâ.

18. Quanquam plus etiam leuaminis alienæ sortis contemplatio nostris casibus feret, si securitatem insuper animaduverterimus, quam plurimi passim vel vulgares homunculi in affiduis, & grauissimis calamitatibus præferunt.

19. Hanc enim spectantes indecoræ in leuioribus tolerandis ærumnis molitiz, erulitos præsertim homines, & sapientiam professos, pudebit.

20. Sed quamuis ex alienis infortunijs deessent solatia; adhuc ex nostris a'ia facultatibus suppetunt: neque enim quisquam adeo calamitosus; vt nihil siue externi, siue interioris Boni possideat, quo suum oblectare animum in doloribus possit.

21. Cur igitur Mali amarities huiusce possessionis suauitatem corrumpat: nec potius illius hæc ægritudinem iucunditate suâ temperet, ac mitiorem efficiat?

22. Adde, quòd non in Bonis duntaxat, quæ possidemus; sed in ipsis Malis; quæ patimur, fomenti, & solaminis plurimum ad ea æquiùs toleranda reperire fas est: cum præsentis æui Bona, atque Mala ita Deus temperauerit; vt nulla tam immanis calamitas sit, quæ nihil admisti secum fructus, atque commodi ferat.

23. Quam rerum diuersam temperationem non absurdè Epictetus per duas dissimiles ansas vtrinque ijs adiunctas expressit, asperam vnâ, quæque citra noxam nequeant apprehendi; com-
mo-

modiorem verò alteram, & quæ arripientes nil lædat.

24. Debere igitur Sapientem ad omnia, quæ sibi à Fortunâ porriguntur, ita se aptare, ut dextrâ potius ansâ, leniore, & innoxia, quàm oppositâ res oblatas apprehendat: nimirum ut in ijs, quæ Bona duntaxat occurrunt, respiciat; ab alijs verò, quæ lædunt, mentem profus auertat.

25. Exemplum eiusmodi sapientiæ in Iulio Cæsare, & Leonidâ Spartano proponitur.

26. Eadem suadetur exemplo Naturæ, cuius discors in elementis concordia non alio, quàm huiusce artis, ingenio tam immota, atque stabilis permanet.

27. Ex omnibus porrò tristioris Fortunæ fructibus illum longè præclarissimum esse, quòd materiem illa Virtutis, gloriæque occasionem suppeditet.

28. Varia proinde argumenta ex honestate, atque gloriâ eruantur, quibus ad inuictam, & hilarem Aduersorum tolerantiam excitare se animus possit.

29. Proderit etiam quamplurimum, meminisse, ac pro certo statuere, nihil in rebus humanis sine Dei nutu euenire: cuius prouidentissimo, amantissimoque regimini Mortales omnes deceat se penitus tradere.

30. Si enim adeo plenum ille obtinet in rerum conditarum vniuersitatem dominium, ut, quamuis, nullâ Boni nostri ratione habitâ, Mundum gubernaret; æquissimo tamen animo illius ferri deceret imperia; quantò æquius subeunda nunc sint, cum non ad suum commodum, sed ad subiectorum utilitatem, pro parentis potius, quàm domini more, colliment?

31. Neque obstat, quòd seuerius aliquando de hominibus consulat: cum patris erga filios amor non in blanditijs solummodo; sed sæpe, ac plùs etiam in durioribus imperijs eluceat.

32. Neque item, quòd utilitas sæpe nulla cernatur, cuius gratiâ hæc, aut illa de nobis decernat. Satis quippe ad omnia pacatissimè excipienda esse potest, illius benignitatem, ac sapientiam exploratam habere, quæ, Medici peritissimi instar, opem ferre vel remedij rationem ignorantibus nouit.

33. Quanquam neque nos ipsos omnis Adversorum ratio, & utilitas latet. Cur enim meritum, virtutisque incrementa, quæ inde animus capit, non & nobis amplissima tam gloriosos labores perferendi merces; & iustissima Deo eosdem imponendi sint ratio?

34. Sacramoris iustissimi ardor, quo voluntas impulsæ supremo Regnatori, & Parenti se omnino moderandam, quæque libeat ducendam permittit.

35. Et quidem hæc diuinæ voluntatis nota, quibuslibet in euentis ritè obseruata, nedum Mala vt moderatè feramus; sed vt nihil etiam, quod subire compellimur, malum, atque noxium ducamus, persuadet. Si quæ tamen adhuc mentis infirmior vel ea, quæ summi Parentis arbitratu acciderint, tristitia pergit, & lugenda censere; at aliâ certè ratione solari se facillè potest, perpendens nimirum, quàm citò humana quæuis tum Bona, tum Mala soleant deficere, & oppositis locum concedere.

36. Cuius rei testimonio esse possunt cum Fortunæ vicissitudines, quibus C. Mariam per prospera, atque aduersa iactatum accepimus;

tum

tum aliz haud prorsus dissimiles, quarum varietatem & in plurimis passim videmus, & in nobis sæpe experimur.

37. Immo, quamuis per vniuersam hominis vitam se dolor porrigeret; adhuc parui faciens esset, vt brevis: cum, omnium confessione breuissima humani æui sint spatia: quin etiam quiduis finitum, quantumcunque pateat, si cum æternitate conferatur; vix puncto possit longius videri. Vt sanè manifestò sibi homines contradicant, dum hinc de vitæ breuitate; illinc verò de longitudine doloris queruntur.

38. Debere igitur quemlibet spe finis iam iam adfuturi præsentium cuiusquemodi ærumnarum sensum lenire, immensumque, & æternum, quod propediem inchoaturus est, æuum iam nunc mente præsumere: ad cuius aspectum, quicquid vilo fine concluditur, vix nihilo maius videbitur, indignumque adeo, quod vel tenui nos curâ sollicitet.

39. Vltima æquanimitatis ratio ex iracundiæ inutilitate desumitur, vt quæ nullum prorsus vulneribus ferat leuamen.

40. Quin è contrario natiuam illorum acerbitem, quam animi fortitudo, & patientia solet minuire, agitando, premendoque vehementius irritet.

41. Hæc itaque in promptu habenda solatia: his quasi armis cum Fortunâ pugnantium: quæ scâ illius lætus reudent; vt tranquillè iam pacatèque, & citra animi perturbationem excipi possint.

42. Innuuntur & alia doloris fomenta, vt literaræ occupationes, amœni secessus, Amicorum colloquia, & Musica in primis dulcedo,

ad

ad sedandos tum animi , tum corporis morbos aptissima .

43. Sed omnibus tamen externis id genus auxilijs præferendam esse Rationem statuitur: quæ , tanquam præsentissimum non sopiendis tantum , sed & abolendis quibusque doloribus pharmacum , ex Prouidentia dono Mortalibus contigit .

LIB. IV.

Vbi propria , & singulis accommodata infortunijs præbentur solatia .

1. **Q**uemadmodum Hippocrates è fano Æsculapij peculiarium morborum medelas olim descripserit; sic è Rationis sacratio deprompta singulorum nos animi morborum remedia hoc in libro exhibere .

2. Inuitantur Mortales, suas vt quisque ægritudines proferant , certam , & præsentissimam singulis recepturi medelam .

3. Paupertatis solatia , primò , quia nulli non integrum è pauperrimo statim opulentissimum fieri , modò rebus desideria adæquauerit .

4. Secundò , quia interioribus alijs Sapientia diuitijs externorum fas est inopiam Bonorum rependere .

5. Tertiò , quia Paupertas curarum , & nequitia fomenta subducit : adeo ut , non modò æquanimiter ferri possit ; sed vltro etiam deligi , & quouis pretio mereatur parari .

6. Quartò , quia præstantium Virorum
exem,

exemplis euincitur, nihil ipsam Sapienti ad felicitatem, & gloriam obesse.

7. Solatia Alijs, qui indignè ferunt se ampliori ex Fortunâ ad inopiam delapsos.

8. Iniustum esse illorum dolorem probatur. Cur enim lugendum sit, diuitias post vsum amittere, quas lugendum non esset, nunquam accepisse? Cum è contrario præteritus Bonorum vsus, illorum priuationem, vtcunque dolenda esset, suæ iucunditatis memoriâ solari, & rependere potius debeat, quàm acerbiozem efficere. Qua occasione ostenditur, Sapientis esse, non ex præsentibus solum, sed ex præteritis quoque Bonis lætitiæ fructum haurire: alioqui breues plùs nimio voluptates, immo & dolorem perpetuum fore, si præterita Bona memoris potius, quàm lætitiæ inter causasponantur.

9. Pari ratione, iniustas eorundem esse, aduersus Fortunam querelas, ostenditur. Quo enim pacto accusari mereatur, quia munerum suorum vsum non perpetuum concesserit, quæ, vel si nullum concessisset, accusari iure non posset? Aut cur illius crimen potius ducamus, sua tandem resumere; quàm meritum, tandiu vtenda annuisse?

10. Quanquam, etiamsi Fortuna nos iniuste læsisset, repetendo, quæ dederat; stultum tamen foret aduersus ipsam irasci: cum per hanc iracundiam multò maiora nobis ipsi eripiamus Bona, quàm Fortuna vel rapuerit, vel possit attingere: Pacem nimirum, Sapientiam, Virtutem. Hanc esse propriam hominis possessionem: hâc retentâ nihil solidi, sui que Boni illi decedere. Relinquenda igitur magno animo Sorti sua munera, & in nostris acquiescen-

secundum, Stilponis Megarensis, ac Diogenis Cynici exemplo.

11. Solatia Natorum mortem lugentibus. Neque enim ipsi vel suâ causâ deffendi, vel nostrâ.

12. Non suâ, ut qui, moriendo, vitæ Mala, ac pericula omnia semel evaserint: quæ tanta sunt; ut nos ipsis potius miserandos efficiant.

13. Neque itidem nostrâ, ob rationes cum alijs Bonis externis communes, quorum supra iacturam solati sumus.

14. At, simul cum illis, tota posteritatis familiæque propagandæ spes occidit.

15. Quid tu? Næpe is nobis post interitum, labor erit: ea cura in æternitatem iam transferat, ut vos urgebit, neminem in terris superesse nostri nominis, atque stirpis heredem?

16. Placuit quid? etiam si posteritatis spes in sobole superesset; quandiu tandem ea incolumis foret? Paulò quidem ferius, sed tamen aliquando deficeret: cum non modò tot illustres olim familiæ, primariæque Vibes occiderint, sed ipsummet Mundum, in quo minores reliquas mutabilium rerum decessiones, successionesque petagi cernimus, suus tandem interitus maneat. Ut planè ridiculum sit, tantas inter ruinas, vnius familiæ excidium lugere.

17. Solatia indignantibus, abesse sibi nominis, sumæque claritudinem, qua alios fulgere incitantur.

18. Neque enim solida felicitas ullius indiget semine præsidio: nisi fortè minus plenam Dei beatitatem fuisse arbitramur æterno illo tempore, quo, ante rerum procreationem, vnus ipse suorum sibi decorum testis, externâ omni gloriâ penitus caruit.

Quam.

19. Quanquam nec opus exempla tam sublimia conquirere : cum plurimos intueri passim homines liceat , qui , procul ab omni famæ pompâ , atque strepitu , tranquillam in obscuro vitam , alijs opibus lætissimi , degunt .

20. Parum tamen foret ad gloriam spernendam , quòd abesse citra pacis , lætitiæque possit iacturam . Plus est , quòd adesse citra illius perturbationem vix possit , assiduis nimirum , molestissimisque æmulationis , invidiæ , timoris , idque genus curarum aculeis animum fodiens , ac vetans quiescere .

21. Adeo ut non modò absens , tanquam superuacuum munus , desideranda minimè sit ; sed vel vltro se offerens declinanda , tanquam grauissimum onus .

22. Solatia ijs , qui non solùm se gloriâ carere ; sed ludibrio insuper esse , atque irrisui queruntur . Vel enim id genus ludibria suâ culpâ ; vel immeriti subeunt . Si primum ; nulla est causa irascendi , pro suo merito acceptis , quin potiùs gaudendi , quòd ex aliorum censurâ suorum fœditatem vitiorum , cautius ea deinde vitaturi , cognouerint .

23. Sin nullum ob suum meritum , sed fortuiti cuiuspiam , externique causâ petulanti à vulgo irridentur ; vanissima eiusmodi ludibria , vtpote à stultis profecta , faciliè Sapienti erit , citra molestiam , transmittere . Quis enim aut insanire vulgum nesciat ; aut insanorum conuicijs , nisi amens & ipse , commoueatur ?

24. Despiciendam igitur in ijs fatuitatem animi esse , qui nos ob corporis speciem despicunt : cauendumque , ne , vanas stultorum irrisiones iniquius ferentes , iustam Sapientibus

No.

Nostri irridendi causam praebeamus.

25. Nihil quippe fatuo hoc dolore deformius, & ridiculum magis.

26. Neque indignandum, quòd vel Sapientum quispiam, ob externa nostri corporis vitia, interdum subrideat: cum eiusmodi risus naturæ potius spontè in oris superficie nascatur; quàm ex altiore iudicio, animique contemptu ascendant.

27. Quin & operæ pretium fore, si nos ipsi in nostra id genus vitia iocari assuescamus, tum hilaritatis gratiâ; tum locum, & ansam alienæ in ea dicacitati erepturi.

28. Denique imbecilli nimium animi esse, leuissimo risu, & futilibus verbis percelli, atque deiici.

29. Cum vir Fortis, & Sapiens adeo nihil inde commouetur: ut neque in gloriâ sibi ponere tam exigua, spernendæque rei victoriam dignetur.

30. Solatia grauiorum contumeliarum, quæ ad ictus, & plagas processerint. Nam neque hic iracundiæ causam adesse, quasi à vulgo affecti ignominiâ fuerimus: cum ille, ex furore magis, quàm ex iudicio sæuiens, non verius iniuriâ afficere quemquam possit, ac mulus calce percutiens.

+ 31. Quocirca par esse, ut citra iracundiæ sensum id genus offensas feramus, non secus, ac lapsum è scalis, vel fortuitum aliud vulnus ferremus: gnari ex alienâ stultitiâ nec maiorem ictui grauitatem, nec vllam icto ignominiam accedere. Immo tunc solum nos deprimi, & infra ludentem constitui, cum iniuriâ, & dedecore nos affectos, irascendo, profitemur:
contra

contra verò superiores hosti esse, quandiu illius ausus despiciamus.

32. Ostenditur hac occasione Sapientem nunquam affici iniuriâ.

33. Debere illum proinde, cum extra iactum iniuriæ sit; extra iram quoque esse, ac studium vindictæ.

34. Præterquamquòd, etiamsi veram accepisset iniuriam; non aliâ eam ratione vlcisci aptius posset, quàm illius authorem, tanquam irâ indignum, spernendo: cui contra, si irascitur, honoris plurimum defert, talem nimirum suâ confessione declarans, ut vel Sapientem afficere contumeliâ possit.

35. Alia ratio, cur vindictam Sapiens non querat: quia iniustè lædens multò est, quàm læsus, miserior, adeoque nunquam inultus, utpote quem suum scelus externo quouis supplicio gravius afficiat.

36. Denique, quia ultio de hoste sumpta, nullum affert vulneribus ab eo inflictis remedium.

37. Colligitur itaque, non de ijs, qui exterius lædere conati nos fuerint, hostibus ultionem querendam, sed in nostram iracundiam, & vlciscendi auiditatem, tanquam in capitalissimum animi hostem, pugnandum, deque huius intimi potius, ac gravissimi vulneris cogitandum medelâ, quàm de leuioris, externique alterius vindictâ.

38. Exilij solatia.

39. Primò, quia, quandiu in terris agimus, ubicunque tandem locorum, extra veram hominis Patriam sumus, adeoque exilij locum potius mutare, quàm in exilium eijci, possumus.

Se-

40. Secundo, quia, si nihil demum est exulare, nisi à natali solo abesse; magna pars hominum sponte sibi exilium consciscit: cum, non modò plurimi à suis procul cunabulis vitæ sibi deligant sedem; verum & populi ipsi, natiuis valere sedibus iussis, in externas procul emigrarint colonias.

41. Tertiò, quia indecorum videtur, in Orbis terrarum vniuersi possessionem creatos vnius certæ regionis angustiis Patriam suam definire, reliqua verò spatia omnia pro alienis & ad se se nihili pertinentibus ducere.

42. Neque obijciatur, asperum naturâ exilij locum, & inamabilem esse. Nam & veteres ibidem indigenæ libentissimè viuunt; nec vlla est tam infelix Regio, quæ non aliquâ peculiari dote cæterarum inopiam rependat.

43. Solatia carcere inclusis, molestèque ferentibus tum loci foeditatem, & libertatis iacturam; tum, quòd insontes id pœnæ sustineant.

44. Nam primò innocentia ad leuandum potius valet, quàm ad aggrauandum marorem supplicij.

45. Ad squalorem verò loci quòd attinet, adeo hic Sapientis dignitatem non maculat; vt ipsius magis splendore illustretur.

46. Mentis demum libertas non modò nullis cohibetur custodijs; sed secreto in recessu p'us etiam facultatis, ad sibi, honestisque artibus vacandum, nanciscitur. Cuius rei nobile documentum Seuerinus Boethius in Ticinensi carcere exhibuit.

47. Hunc igitur ex custodia suâ fructum qui referat, nã ille tum pœnæ sibi sensum leniorem efficiet; tum gratias etiam agere iudicibus

cibus poterit, quòd, defidiæ remotis illecebris, felici se quâdam necessitate ad meliora compulerint.

48. Naturalium damnorum, & pinguioris primum ingenij solatia.

49. Esto quippe egregium sit munus ingenij præstantia; non exigua tamen Tranquillitatis, lætitiæque impedimenta secum ferre consuevit: tum quòd mordacibus animos stimulis ad æmulationem, & laudis certamina impellat, queis nihil Quietis inimicius:

50. Tum quòd infinitâ, nec vnquam explebili vltioris doctrinæ siti, qua nihil molestum, & anxium magis, mentes discruciet.

51. Adde, quòd, etsi nihil tranquillitati animorum per hosce sibi innatos affectus obesset; minimum tamen ad eandem suis quibuslibet fructibus confert. Quid enim multiplici, & & variâ tot artium, ac rerum, maximam partem inanum, notitiâ ad securè pacatèque viuendum sit opus?

52. Humanæ igitur curiositatis plùs nimio sollicitus in superuacuis addiscendis labor reprehenditur.

53. Mærentibus ob corporis deformitatem solatia.

54. Nèmini enim, quàm ipsis, magis vitandum mærorem: cum illius tetricitate turpitudò augeatur.

55. Vitari porrò eum facilè posse, si intueantur tot illustres Viros, quorum gloriæ deterior forma nil obfuit.

56. Præterea si cogitent, oris speciem, quæcunque illa sit, ad spectatores duntaxat pertinere: suamque adeo deformitatem alijs solum tri-

tristitiæ occasionem præbere, à quibus cernatur, non ipsismet, quorum oculos fugiat.

57. Neque commoueri eos debere vulgi contemptu, & fastidio: quin potius gaudere, quòd nullos habituri eâ de causâ sint, nisi sapientes Amicos, quique se potius, quàm externam Sui diligant speciem.

58. Solatia Alijs, quos valetudinis imbecillitas angit.

59. Si enim hoc vitium externis obeundis muneribus ineptiores facit; at nobiliora mentis ministeria non præpedit: quæ satis esse cuique possunt, etiamsi ad alia inferiora minùs idoneo.

60. Deinde, quia virium infirmitas præstantiorem sæpe indolem arguit: cum in naturâ videamus, quæ pretio excellant, fragiliora plerunque esse vulgaribus.

61. Postremò, quia nimix vires ad temeritatem, & praua consilia incitamento esse solent.

62. Cæcorum solatia, & primum, quia, si non oblectantur iucundis; neque tristibus etiam terrentur spectaculis.

63. Secundum, quia plurima ijs absunt incitamenta peccandi.

64. Tertium, quia multorum criminum etiam facultas, cum oculis, tollitur.

65. Quartum, quia expeditiorem ad sublimia contemplanda mentis vim habent, nobilioribusque adeo spectaculis, quàm videntes, fruuntur.

66. Aequo igitur animo ferendam cæcitatem esse ex dictis colligitur, & Democriti exemplo affirmatur.

67. Inter corporis cruciatus, & dolores solatia.

Quam-

68. Quanquam non ea hic spondemus remedia, quæ omnem ab animo, & vultu ægritudinis sensum, ac speciem excludant. Nam id fortitudinis insolitæ genus, à Christianis Martyribus pluries exhibitum, ex gratuito Dei dono potest contingere, non humanæ artis præsidio parari.

69. Hoc igitur solum conamur euincere, ut dolor quicumque, si minus hilariter, & citra gemitus; at viriliter saltem, & citra imbelles querelas, animique deiectionem, feratur.

70. Cuius constantiæ ratio in promptu est. Nam vel mediocris urget dolor; vel summus: Si mediocris; pudeat Virum fortem ab eo superari: cum in tali certamine querendum potius sit, parum esse gloriæ, quàm multum laboris.

71. Sin verò summis idem viribus premit; ipsamet illius magnitudo erigere animum debet: ut dignum aduersarium, capacemque nactus exprobandæ campum virtutis, non grandibus solummodo verbis, sed paribus etiam exemplis Sapientem se probet.

72. Nec minimum ea quoque cogitatio valebit, ijs nos cruciatibus à Deo Parente amantissimo ad meritorum, gloriæque incrementum exerceri, æterna breuissimæ perpeffionis præmia iam iam relatuos.

73. Vicinæ mortis solatia: & primum quidem ex plurimis, assiduisque mortalis æui laboribus, quos qui grauitè fert, eorum finem in remedijs potius, quàm Malis numeret, necesse est.

74. Thracum, & Saguntini pueri exempla in hanc rem afferuntur,

Quo-

75 Quocirca sibi met contradicere, qui de vitæ tum ærumnis, tum breuitate queruntur: cum è contrario, si vita est optabilis, illâ frui; si misera, illius breui fine solari se liceat.

76. Alterum mortis solamen, quòd vitam non tollit Sipienti, sed in melius commutat. Nam animus immortalis est, nihilque ardentius exoptat, quàm, terrenis effractis compedibus, ad authorem suum ferri: vt hinc conijcere futuram illius liceat lætitiã, tam flagrantidemum voto per mortem potiti.

77. Votum animi terrena pertæsi, & à mortali hoc exilio immortalem ad Patriam quamprimùm transire anhelantis.

78. Parænesis ad mortem, vt ne nobis tantimuneris sortem longiùs inuideat.

79. Colligitur ex dictis, mortis necessitatem adeo non debere nobis esse causam mæstitiæ; vt vel vna omnes vitæ mortalis ærumnas sat possit lenire.



L I B. V.

*De interioribus, quæ à Stultitiâ
proficiscuntur, malis, deque
illorum remedijs.*

1. **A** Fortunæ Malis, quibus opem tulimus, non quidem ea depellendo, sed opportunis duntaxat fomentis leuando, ad stultitiâ iam Mala progredimur, longè grauiora, & quibus, vnica sit salus, carere: vt propterea oppositam penitus medicinæ rationem requirant: nec, vt priora, extenuari verbis debeant, quò lenius ferantur, sed grauissima potius ostendi, quò studiosius vitentur.

2. Eorum itaque, vbi frænis soluantur, immanis perniciēs, Phaetontis sub exemplo, generatim proponitur.

3. Tum singulorum nominatim vis, atque furor describitur: initio ab Irâ desumpto, eiusque violento, ac præcipiti ingenio palàm ostendo.

4. Vnde pronum colligere, quàm tristis, & miserandus sit animi habitus, qui tam impotenti se Furîæ permiserit.

5. Confirmatur hæc animi perturbatio horrendis, & insanissimis motibus, quibus ipsummet Iratorum corpus agitari consuevit.

6. Adduntur barbaræ cædes, prouinciarum excidia, suppliciorum ingeniosa, & plusquàm ferina crudelitas, idque genus teterrimi effectus, in priuatam, publicamque perniciem ex Irâ manantes.

M

Quo-

7. Quorum rabidam vim ne ipsis quidem Iratis semper licuit euadere : alijs dementiâ , præcipiti Alijs morte correptis : vt Aiacis , Syl- laque exempla testantur.

8. Diffimillimum Iræ Amoris improbi vi- tium , externam si speciem intuearis : quæ huic ridibunda , illecebrosa , & ad omnem amœni- tatem composita.

9. Sed nihilo tetrum , ac ferale minùs inue- nies , si penitus introspicere arcanos cruciatus libeat , quibus deditas sibi mentes miserrimè absumit.

10. Neque putandum , marcidi , & somnicu- losi veneni genus hoc esse . Nihil illo trucu- lentius , nihil in furias , in sanguinem , in cædes proiectius , vbi quidquam suæ libidini obsistat.

11. Documento sit furor , quo Brutarum Animantium corda succendit.

12. Detestatio tam pestiferæ luis , per enume- rationem Malorum , quæ humano generi plu- rima , & grauissima infert.

13. Ambitio post Amorem se obijcit , splen- dido & ipsa cultu oculos rapiens .

14. Cum tamen nullus Tyrannorum grauio- ri , quàm illa , seruitutis iugo subiectos oppresse- rit , facultatibus violentius exuerit , durioribus imperijs vexauerit , in plura , & sæuiora discer- mina præcipites egerit.

15. Quam Ambitiosorum miserrimam ser- uitutem multò etiam intolerabiliorem facit sti- pendij tenuitas : cum non modò nihil solidi fructus ex tot laboribus capiant ; sed neque ipsam famam , leuissimum cæteroqui , & inane præmium , synceram , atque plenam obtineant.

16. Testantur id duo cum primis famosa

Am:

Ambitionis mancipia, Annibal nimirum Italiae terror.

17. Et Macedo plusquam unius Orbis prefator : integram neuter quantocunque conatu famam adeptus.

18. Quis igitur manifestò non videt, quam sollicitus, æger, ac quietis ignarus huiusmodi hominum animus sit : dum famam per tot expectat labores, & in qua omnem vitæ fructum constituunt, adeo sibi curtam contingere ; contra verò iniquis hominum iudicijs, quæ, tanquam extrema suppliciorum, formidant, assidue notari se sentiunt : nec ullam aut hæc prorsus vitandi, aut illam plenè assequendi, vel si rumpantur, rationem aspiciunt ?

19. Præsertim verò cum eum scopum à suâ sibi Ambitione propositum habeant, ut non, quamcunque solum referant gloriam ; sed neminem vel summorum hominum in eâ parem, atque æmulum habeant : cuius certaminis & summa difficultas, & nulli sperabilis victoria.

20. Querela de Ambitione, deque publicis, & funestissimis cladibus, ab eâ Orbi terrarum per summum toties nefas illatis.

21. Quorum luculentum specimen ex civili bello, à Iulij Cæsaris Ambitione excitato, defumitur.

22. Omissis postremo intestinis alijs animi morbis, Euthymiaque hostibus, habendi nimirum cupiditate, tristitiaque, & inconsulto timore, quorum vim iam antea in superioribus libris retudimus ; grauissimi cruciatus, terroresque explicantur, quibus admissi criminis conscientia assidue improbos vexat, & de potestate mentis quodammodo dimouet.

23. Adeo ut nulla deliciarum, & fortuitorum Bonorum copia, exhilarandis tam dira inter tormenta miserorum animis, profit.

24. Qua de re Dionysius Tyrannus, & Tiberius Cæsar dubitare neminem sinunt.

25. Explicatâ iam huiuscemodi Pestium terribilâ indole, quæ omnibus incitamento sit, ut eas velint ab animo excludere; afferenda deinceps supersunt præcepta, quibus quilibet instruat, ut id norit præstare. Si enim ad firmam voluntatem certa etiam disciplinæ accesserit ratio; non minor hic referetur de Stultitiâ, quàm relatus in superioribus libris fuerit de Fortunâ triumphus; omnibusque adeo tum externis, tum interioribus perturbationum causis sublatis, nihil iam supererit, quod animi quietem sollicitet.

26. Reuocato itaque ad Iram disputationis cursu, cauenda primò præcipimus, quæ illi fomitem, atque ansam suppeditant.

27. Non tamen sollicitâ usque adeo diligentia, ut in superstitionem degeneret, cæcoque timore, vel ab necessarijs, & honestis muneribus obeundis nos auocet.

28. Sat erit vniuersè in occupationibus modum tenere; ne vel ipsæ nimia multitudo, & assiduitate animum; vel animus nimia in ijs contentione se premat.

29. Accedat huc circumspectio in deligendis sodalibus, quorum mores ad mutuam concordiam sint apti.

30. Et quia neque ab occupationibus, neque à sodalibus plus præberi occasionis iracundiæ solet, quàm ab animi ipsius, delicato nimis cultu instituti, mollitiæ; illud curæ potissimum sit,

fit, ut genio interdum contradicere, durique aliquid, & cum nativâ illius propensione pugnantis ultro ferre assuescamus.

31. Non tamen existimandum ita hæc à nobis præcipi, quasi vel nostrâ, vel humanâ quavis arte omnes omnino iracundiæ occasiones amoveri posse arbitremur. Artis quidem, prudentiæque opus est, quoad fieri possit, illas minuire; fortitudinis verò, & constantiæ, quæ præcidi nequeunt, viriliter sustinere. Quod ut fiat, magno erit adiumento, quidquid bilem in rebus gerendis concire possit, animo ante prospicere, meditatoque, & ad omnia ritè instructos in arenam prodire.

32. His adeo, ad pugnam vel cautè submovendam, vel fortiter excipiendam, comparatis in antecessum præsidij; reliquum est eas artes depromere, quibus Ira iam cominus Rationem aggrediens, & in præcordijs excitata vincatur. Proderit primò meminisse, quàm scæda, & indecora sit irati hominis facies, quàm stultæ voces, quàm turbulenti, & ridiculi motus: ut illius saltem sceditatis nos pudor contineat, ne, præter Decorum furiosè bacchantes, irrui spectantibus timus.

33. Tum hæc pugnæ ratio tenenda, vllone dicto, factoque iræ indulgeamus. Nam illam sustinere, vicisse est: cum nihil aliud quàm impetus sit, adeoque, nisi statim deiecerit hominem; brevi morâ languescat, per se seque deficiat.

34. Neque solùm conandum, ne aliquid ex Irâ, sed etiam ne aliquid, ad quod Ira quoque incitare potest, tunc decernamus: cum vix hoc ab illo soleat distingui, licet secus in

eâ mentis perturbatione videatur. Consultissimum igitur erit, dare rationi spatium, & ea, ad quæ tum animus ardens impellit, aliud in tempus, sedatâ mente, perque otium retractanda, differre.

35. Postremò maximè ad victoriam momenti tunc erit, animi perturbationem ita penitus tegere; ut non modò nulla ipsius signa foris emineant; sed contra vox, vultus, motusque omnis hilaritatis, & pacis speciem præferant. Breuissimè enim scenica illa simulatio in rei veritatem, & in animi habitum exterior facies transibit.

36. Sed parùm efficacitatis in allatis huc usque præceptionibus fuerit, si vitio carere iracundiam, quin & multùm prodesse opinemur. Contrarium hic ergo statuitur: & primò nec iustam, nec utilem eam esse in puniendis delictis probatur: cum præceptus ac turbida non faciliè iustum ultionis modum, atque ordinem teneat, qui tunc optimè seruatur, cum, vacuo à perturbationibus animo, ad solius rationis præscriptum puniuntur delicta.

37. Præterea, cum nemo sit prorsus criminis purus; id ius, atque ratio videtur exigere, ut quales quisque aduersus sua crimina iudices, misericordes scilicet potius, quàm iratos desiderat; talem aduersus aliena se & ipse iudicem præbeat.

38. Immo, vel si nullius quis foret criminis conscius; adhuc minùs iustè irasceretur peccantibus: cum eos miserari potius hoc nomine, tanquam infelicissimos, debeat, Medici exemplo, qui Ægrorum putria membra non irascens, at inuitus, & miserans secat.

Deni-

39. Denique, licet vultus, vocisque iracundia improborum contumaciam terrore compe-
scat; non tamen propterea conficitur, consen-
taneam esse rationi iracundiam: cum illius ficta
in vultu, atque voce simulatio ad salutarem
hunc incutiendum terrorem, citra ullam animi
perturbationem, sufficiat.

40. Secundò, neque expeti, laudarique posse
Iram, ostenditur, tanquam ad difficultates forti-
ter superandas sit Virtutis, atque animi calcar.
Nam nihilo secius ad ardua quæque inuaden-
da, & strenuè superanda nudæ honestatis res-
pectu incitari animus potest.

41. Immo vel hinc Iræ pernicies colligitur,
quod immodico ardore, ultra legitimos forti-
tudinis limites, vel aperta in exitia, quos cor-
ripuit, impellat: cum Ratio validos quidem,
sed prudentiâ temperatos, adeoque salutare,
habeat impulsus: confirmaturque id Fabij Ma-
ximi exemplo, qui, cunctando, iræque obsisten-
do, rem Romanam restituit.

42. Succedunt iam pravi Amoris, seu Libi-
dinis veriùs remedia. Hoc enim aduersus foe-
dissimam luem in primis profuerit, splendidum,
quod iniquissimè vsurpauit, quoque veluti fuco
innatam turpitudinem velat, Amoris illi nomen
detrahere.

43. Quin oppositam adeo de illius foeditate
speciem imbibere; vt vel mentio, vel recordatio
nauseam, atque horrorem commoueat.

44. Quanquam neque huic odio nimis fi-
dendum: cum nihil eâ peste fraudulentum, &
illecebrosum sit magis, nihil, quod mutare ce-
leriùs, suamque in ditionem redigere vel Vi-
storum, Heroumque animos soleat.

45. Cuius rei documenta , Sampson , Dauides , & Iacobus Eremita afferuntur .

46. Superesse igitur , vt , qui tutus in hac pugna esse velit , omnes hosti fallacissimo aditus diligentissimè obstruat : oculis primò solerti custodiâ vallatis , ne venefico fascinentur aspectu .

47. Auribus secundò ad Sirenias quaslibet incantationes oclusis .

48. Tertiò librorum Cupidinea tractantium sibi penitus lectione interdictâ .

49. Omnibus tandem declinatis eorum , qui mortiferâ huiusmodi scabie inficiuntur , commercijs .

50. Nihil tamen magis cauendum , quàm , vt ne animus , sub Venereâ titillationis exortum , sui morbi initijs conniueat : sed prima illa contagionis veneniferæ semina eâdem , atque adeo promptiori , quàm illapsum gremio ignem , celeritate excutere , atque opprimere studeat .

51. Ad quod ritè præstandum plurimùm conferet , honestis se curis aliò auocare , otiumque , quo maximè Cupidinis nequitia fouetur , effugere .

52. Vltimum , sed præcipui vsûs , monitum sit , Diuina crebro auxilia implorare , illisque solummodo in ancipiti adeo certamine , tantâque humanæ conditionis imbecillitate confidere .

53. Iamuerò ad Ambitionis remedia quòd pertinet ; faciliè ab illius se tyrannide animus vindicabit ; si primò , quæ de laboriosâ huiusce vitij seruitute , vanâque , & exiguâ mercede , supra memorauimus , in animum altè demittat , assiduèque ante oculos habeat .

54. Secundò , si fictæ illi generositatis laruam detra-

detraherit : cum reuerâ nihil esse ambitiosi hominis indole abiectius pluribus ex argumentis liquidissimè pateat : tum quòd non vni, sed innumeris Dominis se ille vltro submittit, eorum nutus obseruans, gratiam captans, reprehensionem formidans, eque arbitrio suspensam felicitatem suam habens.

55. Tum quòd veræ magnanimitatis ignarus leuissimo pretio sudores suos licitatur, minimâ popularis auræ mercede & illos satis repensos, & se assatim beatum existimans.

56. Tum quia suum gloriæ studium omnî arte dissimulat, ne in risus nimirum, & fabulam abeat, si deprehendatur, formidans : ipsemet adeo Ambitionem indecoram, ac luce indignam confessus.

57. Tertiò multum etiam ad sedandum famæ ardorem conducet, si ille error discutiatur, qui Ambitosorum plerisque solet imponere, omnium oculos in se esse conuersos, omnium per ora suum nomen volare, omnium mentes Sui admiratione occupari, per voluntarij cuiusdam somnij speciem, fingentibus.

58. Quo errore nihil inanius : cum hominum sibi quilibet vacet, de alijs securus, & parcissimè cogitans : vt Cicero suomet experimento intellexit.

59. Idque adeo duplici etiam argumento probatur : primò, quia nihil est causæ, cur speremus maiori Alijs curæ nos fore, quàm nobis ijs sint. Iamuerò quisque sibi est optimè conscius, quàm rarò, & remissè de Alijs seu loquatur, seu cogitet : quàm paucos ex tot præstantibus per Orbem Viris vel tenui ex famâ cognitos habeat : quàm multa in ijs etiam, quos

M 5

nouit,

nouit, desideret, ac reprehendat.

60. Alterum argumentum est, quia non multum seu obseruare, seu mirari solemus, nisi eos, qui nostrâ in professione videntur excellere: his verò æmulatio iniquiores nos iudices facit. Vt profectò vix vlli Mortalium, eximiam apud homines, partim iucuriosos, si alieni sint; partim obtrectatores, si socij, laudis, atque famæ celebritatem liceat referre: stultumque adeo videatur, pro re tam incertâ, atque tenui, tot laboribus, & curis vitam absumere.

61. Statuitur postremò, non magni operis esse inexpertam, atque absentem gloriam negligere: difficillimum verò eiusdem, vbi acquisita semel fuerit, seu conseruandæ, seu amplificandæ curam prorsus exuere.

62. Idque adeo petitis è communi vitâ experimentis probatur.

63. Vnde prouum cuius colligere, quàm solerti studio ab ijs cauendum compedibus sit, quibus semel obstricto vix vlla recuperandæ in posterum libertatis spes superest.

64. Hortatio ad strenuè pugnandum cum huiusmodi vitijs, quorum victoria à criminum pariter stimulis quietem conscientia præstabit, nullumque adeo intestinum hostem, à quo tranquillius animi status evertatur, relinquet.

65. Huius porrò interioris belli, palmarumque, quas in eo colligit virtus, exemplum proponuntur recentes, inuictissimi Cæsaris LEO-POLDI Othomano de hoste victoriæ.

L I B. VI.

*De Interioribus, ac solidis Bonis,
quæ animi Tranquillitatem
absoluunt.*

1. **C**um vera, & solida animi Bona in Sapientia, & Virtute sint posita; nonnulla Virtutis, sapientiæque præcepta, ad animi Tranquillitatem stabiliendam, & absoluendam utilia, tanquam operis instituti coronis, hoc in libro adiunguntur.

2. Primum Præceptum, In vitæ curriculo multitudinis cæcæ, perque devia, & abrupta, sine consilio vagantis, auspicia non persequi.

3. Neque enim errorem ideo minus prauum, & noxium esse, quia erretur cum multis.

4. Sapientem igitur, Solis exemplo, contra Mundi cursum, proprio sibi motu, atque tramite eniti -

5. Secundum, In Diuina, atque æterna mentem attollere, &, quantum fieri potest, defigere.

6. Illorum enim occupatus magnitudine, animus, quidquid ex mortalibus Bonis maiorum ignoratione eximium putatur, nullo iam negotio despiciet.

7. Nec secus præsentis vitæ aspera omnia, beatissimam, & iam iam adfuturam immortalis zui sortem prospiciens, facillimè perferet.

8. Tertium, Conditioni, quam Deus, & Natura assignauit, omisâ alienæ sortis inuidiâ, acquiescere.

9. Quod factu procliue erit, si, contra Stul-

M 6

torum

torum morem, nostræ fortis fructus, alienæ verò onera contemplari discamus.

10. Nullum quippe Vitæ genus occurrere, quod omni fructu, omni incommodo careat, & vnde Sapiens lætitiæ argumenta; stultus mæroris causas non ducat.

11. Neque indignandum proprio statui, quòd naturâ obscurus, atque ignobilis sit: cum vbi-
vis Sapienti gloriæ campus pateat, vt Epaminon-
dæ, aliorumque præstantium virorum exempla
testantur.

12. Vitam quippe hominum dramati similem
est, in quo non plus laudis refert, qui præstan-
tiores partes accepit, sed qui suas, quæcunque
illæ sint, concinnius gerit.

13. Quartum, In propositis constanter hæ-
rere: cum alienum prorsus à Sapientiâ sit, no-
uitatis illecebrâ, vel cœptorum tadio à suscep-
tis ritè consilijs in diuersum traduci.

14. Quæ leuitas pluribus in exemplis descri-
bitur, primò Hominis loca mutantis.

15. Tum mercatoris ad lucra, quæ in peri-
culo damnarat, statim redeuntis.

16. Philologi demum iam hæc, iam illa,
studia amplectentis.

17. Huius porrò mutabilitatis origo ea posse
videtur afferri, quòd homines in rebus, quas
tractant, non verò in ratione eas tractandi suam
quietem constituunt.

18. Quocirca corrigendum eiusmodi er-
rorem, pensandumque initio maturè, quid
facto opus sit: vbi Ratio hoc, vel illud per-
suaserit; ab eo nihil mox deflectendum, quæ-
cunque se in operis progressu molestiæ, & dif-
ficultates obijciant.

Quin-

19. Quintum, Non impetu subito, sed prudenti iudicio ad agendum moueri.

20. Licet enim graue initio sit, genij ardorem compescere; durius tamen multò esse, per quauis præcipitia, & abrupta impotenti illius libidine auferri.

21. Præsertim verò cum animus seuerè aliquandiu habitus paulatim contumaciam immittat, & tandem Rationis imperium pati condiscat: equini instar pulli, qui domitus Rectori se facilem præbet: contra verò indulgenter diu habitus vix vllâ deinde vi ad parendum potest induci.

22. Sextum, Nihil admittere, cuius nos perfecti serò deinde pœniteat. Stultorum enim esse, quidquid animo in præsens arrideat, sine vllò Malorum indidem profluentium respectu, statim inuadere.

23. Quæ Stultitia in voluptarijs, ambitiosis, & iracundis hominibus luculentiùs intuenda proponitur.

24. Quin ipsius etiam Epicuri testimonio damnatur.

25. Septimum, Vitam, animique quietem non differre.

26. Nihil enim hac dilatione esse stultius: cum nulla tempora animi otio idonea non sint.

27. Idque serò à multis animaduerti sub exitum vitæ, suum errorem damnantibus, quòd, vanà futuræ quietis spe, irritum, assiduas intercuras, & occupationes, æuum perdiderint, & fruenda dum parant, se omni vitæ fructu priuauerint.

28. Octauum, Animi otium cum honestis
occu-

occupationibus, vitæque ministerijs coniungere.

29. Id verò facilè præstaturum, qui neque plus iusto sibi occupationum, & laborum assummat, neque illis ob spem lucri, vel gloriæ, sed vnius honestatis gratiâ mentem, atque corpus exerceat. Sic enim liber, Suique, & rerum potens sapienti ratione omnia temperabit: neque se negotijs seruili anxietate subijciet, properans opus absoluerè, veluti tum demum illius fructum collecturus: sed, quæ ager, sibi, ac suæ tranquillitati coget seruire, ex ipsomet rerum actu lætitiâ percipiens.

30. Nonum, Nihil vel honestarum, quæ extra hominis arbitrium sunt, rerum iusto vehementiùs optare.

31. Non quidem vt omni affectiōe animus careat, sed vt tranquilla sint vota, neque nimio anxioque ardore quietem perturbent.

32. Decimum, Superuacuas aliena obseruandi curas compefcere, vt quæ mæroris, iracundiæ, aliarumque perturbationum materiem soleant suggerere.

33. Quod si aliquid vltro in alienis se moribus, atque factis indignum obiecerit, cui mæderi nostrum minimè sit; Diuino id iudicio relinquere, & à cogitatione, ac memoriâ quamprimum expungere.

34. Non minimam siquidem nostrarum molestiarum partem ex Alijs oriri, magnumque proinde earum compendium ab eo fieri, qui, in utili externarum rerum cogitatione dimissâ, sibi norit vacare.

35. Vndecimum, Humanum omne genus fraterno amore complecti, eiusque felicitatem,
non

non fecus, ac propriam, pro virili curare.

36. Præclara benefici huiusce animi documenta à Tito Cæsare, Cyro Persarum Rege, & Cimone Atheniensi exhibita.

37. Quibus ritè laudatis, nullum hac Boni communisprocurazione, seu iucundiozem, seu nobiliorem esse opum vsum, atque fructum statuimus.

38. Idque studium si, pro eo, ac par est, in omnium animis vigeat; auream proculdubio, & beatam homines ætatem acturos.

39. Duodecimum, vltimumque, & par omnibus cæteris vnum felicitis vitæ præceptum, Deo Opt. Max. per intimam contemplationem, amoremque coniungi. Nusquam enim, præterquam in ipso, perfectam animi requiem, satietatemque inueniri à Mortalibus posse.

40. Nam creatarum quidquid est rerum, vt plurimum Boni in sese fruendum obijciat; plus tamen desiderandum relinquit. Ipse verò, cum omnium cumulatissimam Bonorum Summam in se complectatur, immo Bona, quæ concipi possunt, omnia in vnum prorsus individuum, atque simplex colligat Bonum; nil Amantis in animo inexpletum, atque vacuum relinquit.

41. Adde, quòd alibi Bona semper Malis miscentur, adeo ut syncerè, & contrario sine animi motu, diligere nequeant. At summo in Bono nihil non bonum, nihil non vsquequaque, & toto pectore amandum.

42. Præterea cæterorum Bonorum, quemadmodum incerta, fragilisque est possessio; sic & amor sollicitus. At Deum nemo rapit nolentibus: quin ipsa mors, quæ Bonis alijs dispo-
ducit:

ducit : vt proinde illius amor, quemadmodum odio, sic & metu sit vacuus.

43. Deum porrò paratam homini possessionem esse, ex maximo illius erga nos amore manifestè colligitur. Omnis enim Amans Amati res est. Cum igitur effusissimam supremi erga nos Authoris charitatem maxima ab eo nobis collata beneficia planissimè ostendant; quidni, nostrum itidem, dummodo velimus, eum esse, pari perspicuitate demonstrent?

44. Immo ex hoc eius maximo erga nos amore alia item ratio colligitur maximæ, quæ in ipso amando reperitur, iucunditatis. Nam amor tunc iucundissimus, cum perfectè reciprocus. Nemo autem reciprocam se amantibus vicem liberalius refert, quàm Deus. Nam mortales Amici non totum Amicò suum amorem impendunt; sed eius sibi retinent partem, partem etiam in alia deriuant. At ipsius amor totus, atque integer & indiuisus singulos se amantium complectitur, nihilo minor ad quemlibet eorum perueniens, ac si ipsi tantum vacaret: adeo ut certo certius persuadere sibi quilibet possit, nihil sibi quantuncunque fruendum eadem sorte Sociorum turbam obitare, quin plenis simè, integerrimèque à Deo ametur.

45. Denique, cum amor omnia faciat communia; qui mortalibus Amicis coniungitur, eorum aduersos casus, non secus, ac suos, lugeat necesse est. Quantò igitur illius lætior amicitia, qui plenè beatus nullam ex seipso lugendi materiem suis amatoribus præbeat, sed in suæ illos potius syncerissime immensissimeque beatitudinis communionem asciscat?

46. Neque quisquam excelsum adeo foedus,
can.

tanquam aliquid forte suâ maius, desperet. Nam & supremus Author ad hanc secum necessitudinem ineundam ultro nos stimulat; & hominis animus ad eandem, suum velut ad finem, suauissimè rapitur. Quinetiam adeo necessarium quodammodò habet summi Boni amorem, ut illud, vel nesciens, in alijs quibuslibet rebus videatur appetere: cum nihil, nisi ratione Boni, appetat: Bonum verò quoduis, vnde creatæ res appeti possunt, nihil sit aliud, quàm leuissima quædam summi Boni adumbratio.

47. Si igitur à rudibus ijs simulacris ad perfectissimum, æternumque intuendum exemplar mens transeat; nihil iam negotij supererit, ut totus quoque amor ad eandem illam omnis Boni, Pulchrique inimitabilem formam suas curas conuertat: qua nimirum præsentè finitarum omnis rerum Venustas, multò magis, quàm ad Solis exortum nocturnus syderum fulgor, ex oculis deficit.

48. Tranquillus, & felix animi, Deo vni adherentis, status generatim describitur.

49. Eius aliqua effigies in sanctissimis Ægyptiarum solitudinum accolis intuenda exhibetur.

50. Impetus animi, spectabilia, & creata omnia, præ immensâ supremi Conditoris pulchritudine, fastidientis, intimamque cum eo coniunctionem ardentissimè suspirantis.

51. Eiusdem imploratio, suum cæcis ut Mortalibus detegat iubar, omnium amores, ubi plenè agnoscatur, in se vnum versurus, utpote qui omnimoda, & perfecta votorum sit quies, atque cordis tranquillitas.

52. Cuius suauissimi nectaris venas omnes, ac riuos cum, quacunque fas erat, noster hactenus

nus indagauerit labor; nihil est, cur tendendum
sibi putet vlteriùs, ad inexhaustum, purissimum-
que iam fontem deuectus, ex quo vno plena
sperari, hauriri que tanti muneris possit satietas.

LAVS DEO.

**Ad corrigenda , quæ irrepperunt , errata ,
sic leges :**

Pag.	Versu.	
5	6	exiguo
5	31	fors
6	31	oris
13	25	importuna
18	20	O vocem
23	16	Cræsi
24	27	face
38	9	tuendæ <i>sine puncto</i> .
47	22	solers
48	9	malefani
48	10	trepidans
51	7	claudunt
52	25	semperque
58	4	nocendi
59	16	pauendo
59	20	subibunt <i>sine puncto</i> .
81	27	cœperat
83	25	Hunc
105	23	breuibus
110	1	priores,
110	vlt.	<i>Quintil. lib. 11</i>
113	6	paratu <i>sine puncto</i> .
125	10	ausu
144	23	extrinsecus
158	33	scelerum
194	9	cædis
205	20	infodio
209	34	sumptus
227	36	Indociles

